




54972/B

















*Ex libris*

PHARMACEUTICE RATIONALIS.

*Tho: Howell.*SIVE  
DIATRIBA~~DE~~ <sup>820</sup> MEDICAMENTORUM

Operationibus in humano Corpore.

A U T H O R E

*Tho. Willis M. D. in Univ. Oxon Prof. Sedleiano,  
Nec non Coll. Med. Lond. & Societ. Reg. Socio.*

E THEATRO SHELDONIANO. M. DC. LXXIV.



2123

*Journal of the*  
*Wellcome Institute*  
*1881*



CELEBERRIMO  
MEDICORUM LONDINENSIIUM  
COLLEGIO;

Et Singulatim

VIRO INSIGNISSIMO

DOCTISSIMOQUE

D<sup>no</sup> GEORGIO ENT

EQUITI AURATO

Præfidi Illustrissimo,

Nec non

CENSORIBUS DIGNISSIMIS,

Cæterisque omnibus, amplissimæ hujus  
Societatis Membris.

DIATRIBAM HANC PHARMACEUTICAM

Observantiæ & Honoris ergo  
Dicat, Dedicatque,

THO. WILLIS.



**L**IBRUM hunc, Authore suo, sagacif-  
fimo Physiologo, Medico peritissimo,  
dignum; olim Symmista, semper A-  
micus, libentissime Typis mando.


Oxon.  
Octob. 31.  
1673.

**RAD. BATHURST.**  
*Vice-Cancel.*





CANDIDO LECTORI  
PRÆFATIO.



Quod in plerisque aliis scientiis, ac artibus, cum maximo semper emolumento contigisse advertimus, nimirum ut experimentis, & observationibus, aut casu, aut consilio repertis, statim Ætiologiæ quantum fieri potest aptæ subderentur; quæ dein sedulo perpensæ ad inventa subinde altiora deducerent: hoc in Medicina, quæ inter scientiarum nobilissimas jure censetur, nimis desideramus. In Mathematicis & Mechanicis experientia & Praxis, Theorice primò suggestere; dein Hæc rerum causas, & efficiendi rationes proferens, Praxin haud tantum excoluit, sed auxit plurimum, ac illustravit. Ars tamen medendi licet primò ab Empiricis



## Præfatio.

*piricis tradita, & ab Agyrtis quibusque & mulierculis passim arrepta, usque tamen quasi mysterii ritu, in cuius rationes minime inquirere fas esset, inexplicata permansit: idcirco indocti, quinimo interdum doctique, nunc temere ac pene fortuito (tanquam funditores jacula in aerem mittentes) pharmaca propinant; incerti quo tendant quosque fines aut effectus habitura sint. Hinc non modo è literatis Cynicis quidam, sed vilissimi quique plebis fæce, in Fatricen oblatrant, & opprobria passim impingunt. Et quidem nescio quomodo illa in totum excusari possit ne mendax, vana, aut præstigiiosa dicatur; quousque Pharmaceuticæ, à qua vita salusque humana multum dependent, & sæpe non minus periclitantur, rationes adhuc in abstruso latent. Enimvero hæc sive neglecta, sive ignorata, Operationum medicinalium doctrina; magnum velut Chasma pandens, unice aut saltem potissime impediit ne hætenus Fatrice quoad systema ejus integrum tandem rite compacta, omnibusque numeris absoluta prodierit. Quippe cum materies medica ex singulis tum vegetabilium, tum mineralium, tum insuper animalium familiis conquisita, satis digesta, & completa*



## Præfatio.

completa videatur; cumque morborum omnium Typi, & naturæ, per observationes accuratissimas collecti ab innumeris Authoribus explicentur; cum insuper corpus humanum, in quo velut campo Martio, inter pugiles istos decernitur, quoad omnes suas partes ab Anatomicis exactissime describatur: attamen quod maximi interest, & sine quo prædicta ista haud bene conveniunt, nondum satis clare detegitur, quæ sint pugilum istorum tela, quis apparatus, quis demum impetus, ac resistentia; qualis porro inter medicamento particulas, atque spiritus, humores, aut solidas partes, actio, passio, & reactio fuerint. Enimvero Dramatis hujus pharmaceutici res fere tota sub velo peragitur, quapropter varii particularum congressus, fermentationes, impulsus, alii-que motus diversimodi, qui intus peracti sensus latent, altiori intellectus scrutinio indaganda fuerant. Quod si felici tandem invento perfici queat, nihil amplius desiderabitur, quo minus Matrice secundum omnes sui partes consummatissima, in scientiam vere, & majori cum certitudine practicam, imo Matthesi haud inferiorem accresceret. Ita namque remedia empirica ab Antiquis



## Præfatio.

tiquis tradita non promiscue ac perperam (uti nunc à Medicastrois assolet) in quolibet morbi statu, aut Ægrotantis casu, sed opportune semper, & secundum aptissimas sanandi intentiones exhiberentur. Porro medicamenta nova, & magis efficacia (quoties ad magnos, & insolitos quosdam affectus talia indicantur) & facile, & tuto, cum nullo aut medici errore, aut patientis discrimine inveniri queant. Quippe dum manifesto liquet, cujusmodi particulæ in patiente aut alterandæ, aut in motum concitandæ fuerint, & quales in agente ad opus illud requiruntur, non difficile erit hoc satis apte designare, ac ad alterum illud rite accommodare. Verum longe aliter, cumque insigni corporis humani periculo, & abusu à Pseudochymicis res agitur; qui remediis usu receptis, & probatis haud contenti, nihil minus quam magnum Elixir, aut Panacæam quandam, sive medicinam Universalem, se in fornacibus suis moliri jactitant. Dumque interea mineralia inscite tractant, eventum quendam incertum expectantes, potius quam aliquid serio designantes; si forsan productum insolitum apparuerit, cum novo hoc pharmaco, (cujus virtutes prorsus ignotæ, sæpe aut



## Præfatio.

aut nullæ, aut maleficæ existunt) sese morbos statim omnes sanatu-  
ros pollicentur, ipsumque in quovis casu ad magnam egrotantis noxam, & non raro perniciem audacter exhibent: adeo secure, & temerarie solent carnifices isti, de corio humano ludere, dum ad medicamenta ista (in quibus aculeus semper latet venenosus) aut paranda, aut exhibenda, nullo consilio, nulliusque methodi filo, sed mero casu, & cæco quodam impetu ducuntur.

Itaque summe optandum esset, tum pro Medicinæ dignitate, & augmento, tum pro salutis humanæ cura ac incolumitate, medicamentorum in corpore nostro energias, & operandi modos quoad singulorum indolem, & rationes quasi mechanicas patefieri. Nam si plane innotesceret, & quo ritu pharmaca assumpta vires suas statim in primis viis exerunt, indeque eas mox per totum corpus diffundunt, & quas alterationes illa in singulis regionibus suscipiunt, quas item in spiritus aut sanguinem, & humores aut partes solidas faciunt, tunc equidem tutius multo ac certius, cumque majori egrotantis commodo pharmacia exerceri queat.

Spartam hanc, sc. operationis pharmaceuticæ Ætiologiam, prius fere intactam, si nunc temere



## Præfatio.

aggressus, non digne satis absolvero, veniam utcunque merebor, quia terram non modo incognitam, sed, & valde salebrosam, & quasi labyrintheam peragrare incumbebat; et si forsan in pertractatione hac secretiores quosque recessus, & sinus omnes intimiores, quidque in illis agitur, nondum satis investigaverim, attamen existimo, me filum pro iis quibusque olim accuratius adinveniendis appendisse.

Enimvero si hæc duo, quæ in tota hac disquisitione prosequutus sum, exacte cognoscerentur, Viz. quo ritu pharmaca, sive eorum particulæ, spiritus Animales in quibusque locis afficiunt, quibus item, & quot modis, illæ sanguinem, & humores fermentant; inde ad pharmaciæ cujusque rationes explicandas semita perduceret. Quo melius istorum, & totius pharmaceuticæ rationes patefiant, Ventrículum ac Intestina quoad eorum membranas, & fibras ( in quibus nempe spiritus Animales hospitantur, & ubi primo à particulis medicamenti afficiuntur ) accuratissime describenda curavimus. Quamvis enim horum substantiæ, figuræ, cavitates, situs, & connexiones jamdudum ab aliis satis exacte delineabantur; attamen singulorum



## Præfatio.

gulorum membranas & nerveas, & musculares, & glandulosas, atque fibras quasdam mere sensiles, aliasque motrices, quinetiam vasorum sanguiferorum plexus densissimos, & glandulas numerosissimas, ab ore usque ad Anum tunicæ interioris tergum consitissime incrustantes, (Hæc inquam ad doctrinam pharmaceuticam illustrandam adprime facientia) nullo exemplo, aut aliorum Authorum ductu, clare deteximus: circa quæ tamen inventa Anatomica, sicut olim in quibusdam prioribus, me rursus operæ sedulæ, ac industriæ, Med. Doctiss. D. D. Edmundi King plurimum debere agnosco. Porro mihi in hoc penso absolvendo Amicus meus D. D. Master manus adjutrices sæpe exporrexerit.

A principio incepti pharmaciam hic totam pertractare, ejusque operationum omnium aut saltem præcipuarum rationes expendere designaram: verum hoc opus sub manibus dum fuit, præ subiecti fecunditate in tantam molem accrevit, ut necesse habuerim, longe ante metam abrumpere, eique medio nondum superato, finem imponere. Nam præter medicamenta universalia, quorum ἐνεργείας, & operandi modos jam descripsimus, ad specula-



Præfatio.

tionem hanc remedia alia (specifica, & appropriata vulgo dicta) pertinent; quæ nempe aut peculiarem morbum sanare, aut privatam quandam corporis regionem aut partem respicere perhibentur. De nonnullis horum, & præsertim de medicamentis Thoracicis, meditationes quasdam congefferam. Sed cum perpendo, in mari periculoso, censuris ac convitiis tanquam Scopulis ubique pleno, navigandum esse, haud æquum duxi, fragili huic rati, merces simul omnes, aut nimias una vice committere, sed primo cum his paucis fata experiri; quæ si benigna fuerint, postea forsân cætera hujus generis exponere minus verebor.

ELEN



# ELENCHUS RERUM.

## SECT. I. CAP. I.

### Designatio totius Operis.

**M**edicinae initia quae fuerunt, p. 1. Qualis progressus. p. 2. Operationum Medicinalium Aetiologia desideratur, & considerationem meretur, ibid. Illarum loca notantur. p. 3. Subiecta earum sunt Spiritus, tum qui primas vias, tum qui cerebrum, & nervos incolunt: ibid. & Humores, sc. sanguis, ejusque recrementa, atque liquor nervus. p. 4. In unoquoque pharmaciae genere, tria sunt considerata. Primo Medicamenti virtus, & operandi modus. Secundo ejus species, & formulae selectae. Tertio preparationis ejus ratio. p. 5.

## SECT. I. CAP. II.

### Primarum viarum descriptio.

**P**rimae viae dicuntur Oesophagus, Ventriculus, & Intestina. p. 6. In quibus pharmaciae subiecta immediata sunt spiritus, & humores; mediata fibrae, & membrana. ibid. Oesophagi tunica describuntur. p. 7. Interior nervea: ibid. quam intus, praeter crustam villosam, etiam tunica glandulosa, cum vasorum plexu retiformi, quemadmodum in ventriculo ac intestinis, obducit. Tunica istius usus ostenditur ibid. Oesophagi tunica media. Carneae sive muscularis motui inservit. ibid. Fibrarum istarum duo sunt ordines. p. 8. Oesophagi Tunica extima describitur; & singularum



## E L E N C H U S   R E R U M .

gularum usus inquiruntur. Ibid. Tunica intima ad sensationem facit, inquiritur annon etiam ad motum. p. 9. Contractiones fiunt tantum à fibris carneis; extensiones, & intumescenciae proprie à fibris nerveis. p. 10. Illarum instantia in Oscitatione, pandiculatione, & viscerum inflationibus; quæ omnes cum spirituum explosione quadam fiunt. p. 11. Tunica Oesophagi media, & extrema usus. ibid. Ventriculi descriptio. p. 12. Tres habet Tunicas ibid. Interior crusta villosa obducitur, etiam glandulis, & vasorum plexibus. p. 13. Tunica hujus usus, & munia designantur. p. 14. Affectiones ejus quoad inflationis, & distentionis motum. Ibid. Tympanitidis ratio innuitur. p. 15. Ventriculi plicæ, & rugæ; & unde fiunt, & quibus usibus inserviunt. ibid. Ventriculi tunica media, carnea sive muscularis est; in qua duo fibrarum motricium ordines sunt. Ibid. Quomodo illa notari, & describi possint. p. 16. Tunica carnea fibrarum ordo exterior. ibid. Fibrarum carnearum, quæ ordinis interioris sunt, investigatio, & descriptio. p. 17. Fibrarum utriusque generis munia, ac usus. p. 18. Quomodo eadem contractiones oppositas perficiunt. Ibid. Undenam & per quos ductus illarum instinctus traduntur. p. 19. Tunica exterioris, quæ prorsus nervea, & forsan tendinosa est, descriptio. ibid. Ventriculi bina orificia. p. 20. Nervi, & plexus nervei, ad os ejus pertinentes. Ibid. Pylori descriptio, & usus. p. 21. Vasa ad ventriculum pertinentia sunt Nervi, Arteriæ, & Venæ. p. 22. Harum plexus, & ramificationes densissima. Ibid. Usus tum arteriarum, tum venarum explicatur. p. 23. Intestina duplicia sunt, sc. tenuia, & crassa. p. 24. Priorum situs, & dimensiones. ibid. Intestina mesenterio affixa tres habent tunicas. p. 25. Harum intima duas alias includit, sc. villosam sive glandulosam, & vasculosam sive illam quæ vasorum sanguiferorum



## ELENCHUS RERUM.

guiferorum plexibus constat. p. 26. Hoc in Tabula planius, quam in descriptione exprimitur. Tunica media carnea est, in qua duo fibrarum ordines, sc. rectarum, & circularium. p. 27. Earum usus inquiritur. ibid. Intestinorum motus per fibras carneas, una cum illarum instinctu, & irritatione. p. 28. Tunica intestinorum extima describitur. p. 29. Vasa & ductus ad intestina pertinentia. ibid. Arteria, & venae innumerae cum plexibus confitissimis ad has partes spectant. p. 30. Illarum usus explicatur. p. 31. De Intestinis crassis, in quibus Iliacae passionis plerumque sedes habetur. Ibid. Figurarum, in quibus membrana, & fibrae, cum vasis, & glandulis ad praedicta viscera pertinentibus exprimuntur, explicationes. p. 32. ad 36.

---

### SECT. II. CAP. I.

#### De Vomitione.

**Q**uomodo Ventriculus, & Oesophagus in vomitione afficiuntur. p. 37. Quibus fibris carneis hic spasmus Emeticus perficitur. p. 38. Vomitio est motus convulsivus. ibid. Quomodo ab aliis spasmodis differt, & praesertim à Catharsi per inferiora. p. 39. Causa ejus proxima est Spirituum in fibris Tunicae carnea vehemens explosio. p. 40. Spiritus explosiones tales ineunt, quatenus valde irritantur. Ibid. Irritatio Emetica in ventriculo fit propter incongrua ore ingesta aut in stomacho genita, aut illuc aliunde suffusa; & vomitio ob tales  $\pi\epsilon\phi\acute{\alpha}\sigma\epsilon\iota\varsigma$  producta dicitur idiopathica. p. 41. & 42. Vel irritatio vomitum ciens aliis in locis infligitur, & nervorum com meatu ventriculum afficit. p. 43. Loca ista, vel sunt propinquiora, sc. utraque stomachi orificia;



## ELENCHUS RERUM.

cia; vel remotiora, & vel infra, vel supra hoc viscus, nempe ἐντέφαλος, item renes, uterus, & alia Abdominis contenta. p. 44. Horum omnium rationes singulatim explicantur. p. 45. 46. 47. His præmissis inquiritur quo ritu Pharmata Emetica operantur: & primo qua ratione à Catharticis differunt. p. 48. Dein cur hæc mitius, illa fortius operantur. p. 49. Qualem affectionem utraque ventriculo imprimunt. 50. Cujusmodi, & quotuplex materia per vomitum ejici solet. Ibid. Operationis emeticæ modus, ratio, & accidentia describuntur. p. 51. Quare vomitio in quibusdam citius, in aliis tardius accietur, quinetiam modo facile modo difficillime sedatur. p. 52. Vomitoria in forma solida quomodo agunt. p. 53. Haud perinde est, in qua dosi sumuntur. Ibid. Non virtute specifica agunt, nec in peculiare humores operantur. p. 54. Opinio ista vulgaris unde prognata fuit. p. 55. Pharmacia emetica magis efficax, sed periculosa est. p. 56. Vomitorium Indicantia ibid. permittentia, & prohibentia. p. 57. Emetica aut mitia aut fortiora sunt. p. 58.

---

### SECT. II. CAP. II.

Vomitoriorum formulæ, præparationes, & quarundum ex iis Ætiologiæ.

**V**omitoriorum formulæ tum in liquore, tum in pulvere. p. 59. Emetica chymica parantur ex vitriolo, Antimonio, & Mercurio. ibid. Salis vitrioli præparatio, & usus. p. 60. Antimonium crudum minime Emeticum. Ibid. Hujus ratio explicatur. Ibid. Crocus metallorum, & Ætiologia ejus. p. 63. Sulphur Antimonii, cum Analyfi ejus. p. 64. Antimonii, & sulphuris communis, syntheses. Ibid.

Mercurius



## ELENCHUS RERUM.

*Mercurius vitæ, cum Ætiologia ejus. p. 65. Ejusdem correctio. 66. Qua ratione hic, & alia stybeata operantur. Ibid. Quomodo Mercurialia in corpore nostro operantur. p. 67. Mercurius præcipitatus per se. Ibid. Processus ratio. 68. Mercurius præcipitatus solaris. Ibid. Ætiologia ejus. 69. Mercurius præcipitatus communis, cum Ætiologia ejus. Ibid. Mercurialia quomodo in ventriculum operantur. p. 70. Turbith minerale. ibid. Processus ejus ratio, & compendium. p. 71. Aurum vitæ. Ibid. Hercules Bovii. p. 72. Processus utriusque rationes. p. 73. 74.*

---

### SECT. II. CAP. III.

#### De Vomitionis nimix Remedio.

**V**omitio nimia interdum à Pharmaco, quandoque ab aliis causis accietur. p. 75. Prioris ratio, & remedium. p. 76. Posterior aut critica, aut symptomatica. p. 77. Hæc rursus vel sympathica, vel idiopathica. Ibid. Quando stomachus primario afficitur, quid agendum. Ibid. & p. 78. Remedia contra stomachi fermentum vitiatum. 79. Quando hoc vel acidum, vel acre nimis est. Ibid. Quæ conveniunt contra fermentum ejus nimis amarum. p. 80. Vomitio à ventriculi debilitate procedens ut curanda est. p. 81. Hujus duo sunt casus, sc. fibrarum tonus labefactus, & nervorum obstructio ibid. Prioris curatio. Ibid. Ventriculi Paralysis ut curanda est. p. 82.



# ELENCHUS RERUM.

## SECT. III. CAP. I.

### De Medicamentis purgantibus.

**P**urgatio est affectio vomitioni contraria, seu potius inversa. p. 83. Descriptio ejus. p. 84. Quae, & quatuorplex materia per catharsin educitur. Ibid. Sc. primo massa chilacea, faeces, mucus, lymphæ, & serum, glandulis & Arteriis exundantia. Ibid. Secundo flatus. p. 85. Quomodo flatus in visceribus gignitur. Ibid. Flatus extensionum splanchnicarum modo causa, modo effectus sunt. p. 86. Quomodo in affectibus spasmodicis producuntur. Ibid. Intestinorum motus excretorius quomodo secundum naturam habet, & per quas fibras perficitur. p. 87. Quibus stimulis urgetur. p. 88. Viz. faecum pondere, & molestia. Ibid. Cui accedunt alia accidentia, sc. primo Alimenta incongrua, aut depravata; item bilis, & succus pancreaticus. p. 89. Humores è sanguine, succo nerveo, & habitu corporis. p. 90. Hujusmodi materies etiam per pharmaca expurgantur. Ibid. Hæc autem operantur tum irritatione, intra primas vias; tum fermentatione intra sanguinem, & humores. Ibid. Prior harum quomodo intra ventriculum peragitur. p. 91. Fibris nerveis molestia sensus imprimitur, & proinde motrices in spasmos excretorios acciuntur. p. 92. Cathartici operatio qualis intra Duodenum, & tenuia intestina. p. 93. Actio ejus in porum bilarium, & pancreaticum; in glandulas, & Arteriarum oscula. p. 94. Qualis in sanguinem. p. 95. Fit partim fermentatione, partim irritatione, ibid. utriusque modus, & rationes explicantur. Ibid. Operationis cathartice tres gradus. p. 96. Purgantia non per attractionem, aut electionem operantur. p. 97. Cathartorum



## ELENCHUS RERUM.

ricorum differentia, & rationes. Ibid. Quatenus diversimode in visceribus irritant, & quatenus varie cum sanguine & humoribus fermentescunt. p. 98. Purgationis Elateriae mala. p. 99. Hujus notabilis instantia. ibid. Purgationis Electivæ error unde subortus est. p. 100. Humorum præparatio ad catharsin non necessaria. ibid. Qualis apparatus tum respectu stomachi, tum sanguinis requiritur. p. 101. Cathartici facultas tum irritativa, tum fermentativa à cujusmodi particulis dependeat. p. 102. Prior non à spiritu, aqua, aut terra, nec à sale, aut sulphure solitariis; sed ab utrisque combinatis. Ibid. Virtus fermentativa fere tantum à salibus procedit. p. 103. Medicamenti vis septica à quibus particulis procedit. Ibid. Per sedem, quemadmodum Cantharides per urinam, operatur. p. 104.

---

### SECT. III. CAP. II.

Cathartorum species, formulæ, & quarundam Ætiologiæ.

**C**athartica vix ulla à mineralibus parantur, licet inde vomitoria, & Diaphoretica præcipua. p. 105. Discriminis hujus ratio inquiritur. Ibid. E vegetabilibus cathartica quamplurima. p. 106. Ad hæc præparatio chymica baud multum requisita est. p. 107. Sal Tartari ad Tincturæ catharticæ extractionem quid confert. Ibid. Purgantium formulæ præcipuæ notantur. p. 108. Potiones, & pilule tum lenes, tum fortiores. p. 109. Pulveres cathartici, item Boli, & Electuaria. p. 110. Morsuli & Tabule, item Vina, & Cervisie medicatæ. p. 111. Mercurius sublimatus, tum dulcis, tum corrosivus. p. 112. Utriusque



## ELENCHUS RERUM.

que *Ætiologia*. p. 113. *Resina Jalapii*, & *processus ratio*.  
*Ibid.* *Resina Scammonii*. *Extractum Hellebori nigri*. p.  
114. *Eorum rationes*. *Ibid.* & p. 115.

---

### SECT. III. CAP. III.

De *Hypercatharseos* remedio, item de  
*Dysenteria Londinensi*.

**H**ypercatharseos medicamentosa ratio. p. 116. Ejus præ-  
cautio, & curatio. p. 117. *Diarrhæa* symptomatice  
quomodo tractande sunt. p. 118. *Dysenteria Londinensis*.  
*Ibid.* Ejus duæ species; *Aquosa*, & *Cruenta*. p. 119.  
*Prioris descriptio*. *Ibid.* *Curatio ejus* quibus medicamentis  
perficitur. p. 120. *Medicamentorum formula*. *Ibid.* *Mor-  
bi Ætiologia*. p. 121. *Oritur imprimis* à liquoris nervi  
vitio. p. 122. *Causæ ejus remotiores*; & *quare in Au-  
tumno deservit*. *Ibid.* *Quare in hac urbe Endemia est*. p.  
123. *Causæ ejus πονυρπείαι*. *Ibid.* *Causæ evidentes*. p.  
125. *Dysenteria cruenta describitur*. p. 125. *Huic febris*  
*Anomala in aliis locis contemporanea*. *Ibid.* *Morbi sympto-  
mata, & modus*. p. 126. *Medendi methodus*. *Ibid.* *Re-  
mediorum formula*. p. 127. 128. *Morbi Ætiologia*. *Ibid.*  
*Tria ad hunc concurrunt*, primo *sanguinis dyscrasia* propter  
*Anni intemperiem orta*. *Secunda ejusdem effervescentis*  
*compages nimis constricta*, & *particularum confusio*. *Tertio*  
*pororum constipatio*. p. 129. *Morbi hujus differentia*. p.  
130. *Indicationes curatoria* duæ respectu *sanguinis*, & *to-  
tidem respectu viscerum*. p. 131. *Curationis exemplum*,  
*cum remediorum formulis, & methodo*. p. 132. & 133. *Ex-  
emplum aliud*. p. 134.

SECT.



# ELENCHUS RERUM.

## SECT. IV. CAP. I.

### De Diuresi, & medicamentis diureticis.

**D**iuresis, & Diaphoresis inter se affines. p. 136. Urinae materies quibus liquoribus constat. p. 137. Quomodo serum à sanguine intra renes separatur. Ibid. Ad hos non attrahitur. p. 138. Renum structura, & usus explicantur. Ibid. serum à sanguine per renum ductus percolatione separatur; sed non sine fermenti cujusdam opera. p. 139. Succus nutritii pars quaedam illac etiam effluit. Ibid. Urinae materies potissimum à sanguine, à quo modo agere, modo facile nimis secernitur. p. 140. Seri à sanguine secretio, per lactis fusionem, coagulationem, & reductionem optime illustratur. p. 141. Lactis coagulatio quibus modis fieri, inhiberi, aut tolli solet. p. 142. Singulorum rationes traduntur. Ibid. & p. 143. Ad sanguinem quantum Analogos habet. 144. Experimenta de liquoribus chymicis sanguini calenti affusis. Ibid. Ut serum sanguis rite deponatur, tum à fusionem, tum incrassatione nimia preservari debet. Ibid. & p. 145. Seri excretio quomodo in excessu, aut defectu peccat. Ibid. Diureticorum distributio quoad fines, quoad materiam, & formam. p. 146. Primo Diuretica salina sale volatili vel acido praedita, quae in sanguinis compage nimis stricta conveniunt. Ibid. Secundo sale fixo praedita quibus usibus inserviunt. p. 151. Diureticorum formulae, & primo quibus sal fixus pro basi est. Ibid. Diuretica sale volatili praedita quomodo juvant. p. 152. Diureticorum formulae quibus sal volatilis pro basi est. p. 153. Medicamentorum ejusmodi formulae. ibid. Diureticorum sale alchalisato praeditorum operandi modus, eorumque formulae.



## ELENCHUS RERUM.

mula. p. 156. Diureticorum, quibus pro basi particula spiritus, aut sulphurea sunt, operandi modus, eorumque formula. p. 157. Salis prunellæ sive chrystalli mineralis præparatio, ejusque Aetiologia. p. 158. Spiritus nitri destillatio, & processus ratio. p. 159. Spiritus salis nitri; ejus Aetiologia & modus compendiosior. p. 160. Spiritus urinae, ejusque explicatio. p. 161. Tinctura salis Tartari, & Aetiologia ejus. p. 162. Sulphur, sive oleum vini parandi modus, & ratio. p. 163. Sal succini, & ratio ejus.

### SECT. IV. CAP. II.

De Diuresi nimia ejusque remedio; & speciatim de Diabete.

**D**iabetes morbus olim rarus. p. 164. Descriptio ejus. ibid. Causa ejus proxima non renum obstructio, sed potius sanguinis deliquium. p. 165. Causa conjuncta & immediata in sanguine subsistit, quam aliquando mala renum affectio promovet. p. 166. Causa ista ut plurimum est sanguinis compages nimis dissoluta, quemadmodum & urinae suppressio, nonnunquam à compage ejus nimis stricta oritur. p. 167. Quod Autoritate, & observationibus Anatomicis confirmatur. Ibid. Diabetis causæ remotiores sunt humores acidi in sanguinem suffusi. p. 168. Et præsertim è liquore nerveo degeneri. ibid. Hinc affectus spasmodici Diabetem plerumque præcedunt, atque illis urinae profluvium sæpissime accedunt. p. 169. Diabetes, quamvis hydrops ad maturam dicatur, ab eo morbo plurimum differt. p. 170. Diabetis causæ evidentes. p. 171. Symptomatum rationes. ibid. Unde mictio copiosa, & crebra cum siti, ac febre. ibid.

Quare



## ELENCHUS RERUM.

*Quare agrotantium urinae instar mellis dulcescunt. p. 172. Viz. non à succo nutritio, sed ob salium ac sulphuris combinationes. ibid. Morbi prognosis. ibid. Methodus medendi, cum indicationibus Therapeuticis. p. 173. Curatio cum salinis potissime perficitur. p. 174. Indicatio vitalis ibid. Curationis Historia, cum remedium formularum. p. 175. & 176. Postquam pathologia hac Typis excusa fuerat, alium Diabete laborantem, & pro deplorato habitum, cum eadem methodo, & præcipue cum aqua Calcis vivæ curavi.*

---

### SECT. IV. CAP. III.

*Medicaminum Ischureticorum species, & formulæ.*

**A** Stringentia in Diabete minime juvant. p. 177. Tres medendi intentiones; salium combinationes impedire, factas tollere, sanguinis fusiones & effervescentias per hypnotica impedire. Ibid. Prima intentio à sanguinem incrassantibus perficitur; quorum medicamentorum formulæ subduntur. p. 178. Secunda intentio salina indicat, quorum formulæ item traduntur; juxta quod pro basi habent aut sallem fixum, aut Alchalisatum, aut volatilem. p. 180. & 181. Hypnoticorum (quæ per intentionem tertiam indicantur) formulæ. p. 182.

---

### SECT. V. CAP. I.

*De Sudatione, & medicamentis hydroticis.*

**E**gestionum plures viæ patent, licet ingestionis sit unica. p. 183. Hujus ratio innuitur. ibid. Diaphoresis quomodo



## ELENCHUS RERUM.

modo à catharsi differt. p. 184. Sudoris materies est vel elementaris, vel humoralis; utriusque particula notantur. p. 185. Ad sudationem copiosam tria requiruntur. Primo ut sanguis rapidius circuletur. Secundo ut compages ejus sit soluta. Tertia ut cutis pori sint aperti. p. 186. Conditiones hæ singulatim explicantur. p. 187. & 188. Epidæmias ob multas occasiones, & causas evidentes contingit. Primo ob sanguinis dyscrasiam, uti post febres diuturnas. Secundo quia serum per renes aut lymphæ-ductus non satis amandatur. Tertia ob poros nimis apertos. p. 189. Sudoris ratio formalis, & causæ conjunctæ, & procatarctica. ibid. Ejus causæ evidentes. p. 190. Quæ sunt primo nimia corporis, & mentis agitatio. ibid. Secundo calor ambiens. p. 191. Transpiratio prohibita. ibid. Calidiora assumpta. ibid. Sudoris differentia. p. 192. Medicamenta Diaphoretica cujusmodi debent esse. ibid. Eorundem ratio generalis innuitur. p. 193. Cardiacis nonnihil affinia sunt. p. 194. Eorum materies aut mixti partes integrales, aut Elementares sunt. p. 195. Quæ prioris generis sunt recensentur, & operandi ratio ostenditur. ibid. Hydrotica, quorum materies sunt partes elementares, aut sunt spirituosæ. p. 196. Aut Salina; quæ item in multiplici sunt statu. p. 197. Ad Diaphoretica rite exhibenda quo apparatu, & quibus circumstantiis opus est. p. 198.

### SECT. V. CAP. II.

Diaphoreticorum species, ac formulæ, & quorundam Ætiologiæ.

**D**iaphoreticorum census, & formulæ. p. 199. Quæ præbasi habent mixti partes integrales. ibid. Prescribuntur



ELENCHUS RERUM.

tur in forma pulveris, boli, potionis; *ibid.* Eorum formula singulatim notantur. p. 200. ad 203. Vel pro basi habent partes elementares; & sic vel spirituosas. p. 204. Vel Salinas, fixas, aut volatiles. p. 205. Aut salem nitrosum, aut acidum. p. 206. Vel particulas sulphureas. p. 207. Bezoarticum minerale. *ibid.* Aetiologia ejus, & via compendiosior. p. 208. Antimonium Diaphoreticum, & Cerussa ejus. 209. Utriusque ratio. *ibid.* Flores salis Armoniaci, & processus ratio. p. 210. Spiritus salis Armoniaci. *ibid.* Aetiologia ejus, & quomodo à spiritu C. C. & aliis consimilibus differt. p. 211. Spiritus Fuliginis, C. C. & c. p. 212. Spiritus Guiaci, Buxi, & similium, cum processus ratione. p. 213. Resina Guiaci, & explicatio ejus. p. 214. Spiritus Tartari. *ibid.* Hujus Aetiologia. p. 215.

SECT. V. CAP. III.

De Diaphoresi nimia, aut depravata, & utriusque remedio.

**A**fectio hac, satis crebra, interdum morbi alterius  
 symptoma est. p. 216. Quandoque item effectus est;  
 cujus exemplum notabile profertur. p. 217. Casus istius  
 Aetiologia. p. 218. Diaphoreseos nimiae causa, partim à  
 sanguinis dyscrasia, partimque ab accensione ejus diminuta.  
 ibid. Curatio ejus. p. 219. Indicatio prima, humorum dy-  
 scrasias tollere. ibid. Quibus remediis perficitur. p. 220.  
 Intentio secunda, pororum debita constitutio procuranda est.  
 Ibid. De affectu, qui vulgo dicitur Aptitudo ad frigus ca-  
 ptandum. p. 221. Exemplum ejus notabile, una cum morbi  
 Aetiologia. p. 222. ad 223. Ratio formalis, & causa ejus  
 d conjuncta.



## E L I E N C H U S J R E R U M

conjuncta. *ibid.* Morbi procatarxis partim in spiritibus. p. 224. Partim in sanguine, partimque in mala pororum constitutione. p. 225. Curatio ejus designatur. p. 226. Intentio prima, & precipua est spirituum Animalium corroboratio. *ibid.* Remedia in hunc finem propria, eorumque formulae. p. 227. Intentio secunda. p. 228. Intentio tertia, sc. pororum alteratio optime perficitur. Caeli mutatione. *ibid.* Sudationis species tertia, quae sc. per se morbus est; ejus Historia notabilis. p. 229. Aetiologia casus. p. 230. De sudore Anglico. *ibid.* Morbi, & Curationis ejus Historia ex variis Authoribus. p. 231. 232. Aetiologia ejus inquiritur. *ibid.* Causa primaria in liquore nerveo. p. 233. Symptomatum rationes explicantur. *ibid.* A simili huic causa Diabetes, & Dysenteria incruenta oriuntur. p. 234. Liquor nerveus degener, & in sanguinem redundans communis omnium istarum causa est. p. 235. 236. III. 1110 V. 1032

---

### S E C T. VI. C A P. I.

A

De Medicamentis Cardiaca & Alexiteriis. *A* Hujusmodi remedia communissima sunt, & semper fuerunt usus. p. 237. Cordi succurrere vulgo dicitur. *ibid.* sed omnia improprie. p. 238. Quia in sanguinem, & spiritus Animales potius, quam in cor agunt. *ibid.* Sanguinem emendant, & quoad crasin, & quoad accensionem ejus. p. 239. Quando sanguis minus debito accenditur quae remedia conveniunt. p. 240. Quae item in accensione ejus nimia. *ibid.* In febribus, sanguis quoad crasin peccans, aut compagem habet nimis strictam, aut nimis laxam.



## ELENCHUS RERUM.

*laxam. p. 241. Posterioris hujus vitii remedia sunt Alexiteria ita dicta. p. 242. Sanguinis compages nimis stricta qualia remedia requirit. p. 243. Hæc potissimum salina sunt. p. 244. Et pro basi habent vel salem volatilem ibid. Vel salem alchalisatum. Vel acetosum. p. 245. Vel salem fixum. Vel salem nitrosum. p. 246. Hujusmodi remedia Vitalia magis proprie dicuntur, quam Cardiacæ. p. 247. Quomodo in ventriculo operantur, & quomodo in sanguine. ibid. & p. 248. Secundum Cardiacorum genus, quæ spiritus Animales respiciunt. ibid. Hæc duplicis sunt generis: prima Lenia, & spiritus demulcentia, quæ affectum hunc cient in visceribus, aut sensoriis. p. 249. Vel Aspera, & incitantia, quæ spiritus in ordinem quasi flagellant. p. 250. ad 252.*

### SECT. VI. CAP. II.

#### Cardiacorum species & formulæ.

**C**ardiacæ sanguinis accensionem arguentia. p. 252. Eorum abusus notatur. ibid. Propter quas occasiones hic invalescere solet. p. 253. Medicamenta sanguinis accensionem nimiam reprimentia. p. 254. Compagem ejus nimis strictam aperientia. ibid. Eorum formulæ, quorum basis sal volatile est, etiam sal Alchalisatus. p. 255. Hæc in pleuritidis valde conveniunt. ibid. Cardiacorum formulæ, quorum basis sal nitrosus, item sal acidus, atque sal fixus est. p. 256. Alexiteriorum tum præparationis, tum curationis gratia adhibitorum formulæ. p. 257. ad 259.



# ELENCHUS RERUM.

## SECT. VI. CAP. III.

### De Passionibus Cardiacis, earumque Remediis.

**C**ordis Passiones sunt Tremor, & Palpitatio ejus. p. 260. Posterioris descriptio; Aetiologia ejus. ibid. Et 261. Non à totius Cordis motu convulsivo procedit; sed à sanguinis circa vasorum appensorum radices, remora, & regurgitatione. ibid. Insuper ob alias causas interdum oritur. p. 262. Quandoque ab ipsius sanguinis in corde stagnantis vitio dependet; quandoque item à vasis obstructis, aut spasmodice affectis. p. 263. Horum instantia, & casus varii notantur. p. 264. In quos usus plures nervi Arteriarum tunicis inseruntur. p. 265. Viz. ad fibras Earum motrices, & velut musculares, spiritus deferunt. Ibid. Arteria sicut cor movetur, & quandoque spasmis afficitur. p. 266. Ab hac causa Cordis Palpitatio saepe oritur, præcipue in hypochondriacis. ibid. Affectus istius curatio. p. 267. 268. De Cordis Tremore. p. 269. Morbi hujus Aetiologia. p. 270. Hujus uti aliorum musculorum subsultus à quibus causis oriatur. ibid. Quot species ejus. p. 271. 272. Passio sive Tremor Cordis, cujusmodi affectus sit. p. 273. Ejus ratio formalis, & causa conjuncta. ibid. Hæc perperam Eieni, aut vaporibus ascribitur. p. 274. Curatio ejus per tria remediorum genera perfici solet. p. 275. Singulorum formula quedam describuntur. Ibid. De pulsu intermittente. p. 276. Ejus due species, quarum una propter Aortæ culpam, altera ab ipsius cordis vitio procedit. p. 277. Hujus varii Typi. ibid. Affectus, Causa, Prognosis, & curatio describuntur. p. 278. Arteria descriptio Anatomica. p. 279. Galenus quatuor ejus tunicas notabat.



## ELENCHUS RERUM.

tabat. *ibid.* Et totidem revera habet quæ singulatim describuntur. p. 280. & 281. Tunicarum harum usus. *ibid.* Vasorum sanguiferorum plexus, & glandulae notantur. p. 282. Hæc omnia similia sunt in ventriculo ac intestinis, at sub discrimine quodam observanda. p. 283. & 284.

### SECT. VII. CAP. I.

#### De Medicamentis Opiatis.

**S**omni, & vigiliæ vicissitudo sicuti ad sanitatem tuendam necessaria ita cum circa eam delinquitur, Medicina opus est. p. 285. Opiologia contenta quæ, & quot sint. p. 285. Primo ostendendum erit quo ritu Opiata spiritus Animales afficiunt. *ibid.* In cujusmodi particulis eorum virtus consistat. p. 286. In quibus locis primo operari incipiunt. p. 288. *Viz.* potissimum in cerebri cortice ubi spiritus extimos perimunt, aut repellunt; interiores ab effluxu in partes nerveas inhibent. p. 289. Opiata etiam aliquatenus, dum in ventriculo sunt virtutes suas exerunt. *ibid.* Hujus ratio explicatur. p. 290. Opiatarum virtus quousque extenditur; & in quas partes. *ibid.* Illæ non sanguinem, uti spiritus Animales venenant. p. 221. Primario in spiritus cerebri incolas agunt. *ibid.* Quandoque illarum vis etiam ad cerebellum, ejusque spiritus incolas pertingit. p. 292. Opiatarum effectus notantur, qui sunt vel boni, vel mali. *ibid.* Bona illorum vel spiritus, vel sanguinem, vel humores respiciunt. *ibid.* Quot & quibus modis spiritus juvare solent. p. 293. Respectu motus horum, juvant in vigilia, ac delirio, respectu sensus in dolore. p. 294. Quæ ratione opiata dolorem sedant, absque somno, vel post eum finitum.



## ELENCHUS REPERIUM.

finitum. *ibid.* & p. 195. 196. Ubi ἀναλυστικὰς hujus rationes fuse explicantur. *ibid.* Quo ritu Opiata spasmos sedant. p. 297. In calculo, & podagra juvant. *ibid.* Inordinationes circa pulsum, & respirationem opiata saepe tollunt. p. 298. Viscerum spasmos excretorios sedant. p. 299. Quomodo opiata in sanguinem operantur. p. 300. Sanguinem illibatum & brevi (Alexiteriorum more) pertranseunt, proindeque urinam & sudores movent. *ibid.* Hujusmodi effectus illarum, Historiis tribus comprobatur. p. 301. 302. 303.

### SECT. VII. CAP. II.

De Opii nocumentis, item Cautiones circa usum ejus.

**Q**uot & quibus modis Opium ledere solet. p. 304. Malignitas ejus interdum cerebro, quandoque etiam cerebello prius ac potius infertur. p. 305. Narcotica mala produciunt vel in capite, pectore, aut ventre. p. 306. Quomodo Turca, aliique Opii devoratores, ab eo affici solent. *ibid.* Effectuum istorum rationes. p. 307. Cujusmodi Pectoris mala opium producit. p. 308. Et quae imi ventris. *ibid.* Cautiones circa Opii usum. p. 309. Primo respectu constitutionis Aegroti. *ibid.* Secundo respectu morbi. p. 310. Tertio respectu Spirituum Animalium. *ibid.* Ultimo respectu sanguinis, & humorum. p. 311. 312.

SECT.



# ELENCHUS RERUM.

## SECT. VII. CAP. III.

Opiatarum species, præparationes, & formulæ.

**M**edicamentorum Anodynōr distinctio. p. 313. Narcoticorum recensio. ibid. Primo, Papaver album, è quo parantur Opium, & Diacodium. p. 314. Opii natura, & partes in quibus vis narcotica consistit. p. 315. In omnibus haud parimodo operatur, & præsertim non in cane, uti in felle ac homine. ibid. Experimenta circa Opium canibus exhibitum. p. 316. Opii præparatio. p. 317. Veterum Opiata recensentur. p. 318. Neotericorum Opiata Laudana unde dicta, item Nepenthes. ibid. Laudanistarum mala. p. 319. Laudana vel in forma extracti. ibid. vel in forma liquida. p. 320. Pro laudanis conficiendis menstruum maxime idoneum est Tinctura salis Tartari. ibid. Laudanum Helmontii dictum. p. 321. Papaver erraticum ejusque præparata. ibid. Cynoglossus, ejusque præparata. p. 322. Nicotiana, ejusque fumisuctionis mos; effectus, eorumque rationes describuntur. p. 323. 324. Compositionum narcoticorum bases, & formulæ. p. 325. 326. Medicamenta Anthypnotica, & speciatim de potu Coffee. Cujus mos, effectus, & eorum rationes exponuntur. p. 327. 328. Ejus commoda, & incommoda, notantur. p. 329. 330.




RECHENKUNST

Section VII. Cap. III.

Operationen der Potenzen und Radices

**M**ultiplication der Potenzen. Wenn eine Potenz mit einer Potenz multiplicirt wird, so addirt man die Exponenten. Beispielsweise:  $10^3 \times 10^4 = 10^{3+4} = 10^7$ .  
Division der Potenzen. Wenn eine Potenz durch eine Potenz dividirt wird, so subtrahirt man die Exponenten. Beispielsweise:  $10^5 : 10^2 = 10^{5-2} = 10^3$ .  
Potenzen von Potenzen. Wenn eine Potenz einer Potenz zur Potenz genommen wird, so multiplicirt man die Exponenten. Beispielsweise:  $(10^2)^3 = 10^{2 \times 3} = 10^6$ .  
Radices. Die Radices sind die Umkehroperationen der Potenzen. Wenn eine Potenz durch eine Radix gezogen wird, so dividirt man die Exponenten. Beispielsweise:  $\sqrt[3]{10^6} = 10^{6:3} = 10^2$ .  
Die Radices sind in ungerade und gerade eingetheilt. Die ungeraden Radices haben eine ungerade Anzahl von Wurzeln, die geraden Radices eine gerade Anzahl von Wurzeln.





DE  
MEDICAMENTORUM

OPERATIONIBUS

IN  
Corpore Humano.

SECTIO. I.

CAPUT. I.

*Designatio totius operis.*

**A**rtem medicinalem à primâ inventionē,  
ac usque ad Hippocratis secula merè empiri-  
cam fuisse, ejusdem annales consulen-  
tibus compertum est. Quippè cum varii  
homines variâ tentarent remedia, si  
quidpiam in aliquo affectu juvisse experientia compro-  
baverat, postea idem in simili casu etiam aliis adhiberi  
solebat. Quare, uti refert Herodotus, antiquiores Ægy-  
ptii ægrotos suos non ad medicos, sed in compitis, &  
publicas vias deferébant; populū prætereuntem pro  
morbi curatione consulturi. Porro & horum, & Græ-  
corum Sacerdotes, quò quisquam remedio sanatus esset,  
scriptis mandantes, observationes suas in Templorum  
Adytis,

*Artis medica-  
lis quale initi-  
um.*



*Cujusmodi pro-  
gressus & au-  
gmenta ejus.*

*Desideratur ad-  
huc operatio-  
num medicinali-  
um Etiologia.*

*Harum ratio  
quasi mechanica  
inquiritur.*

Adytis, etiam aliis subinde ægrotis communicandas re-  
ponebant. Postquam vero, accrescente indies observa-  
tionum cumulo, *ταρτην* in præcepta & methodum re-  
digi coepisset, in duplici hoc cardine res penè tota ver-  
fabatur; nempe ut materia medica cum toto ejus appa-  
ratu; & selectis præscriptorum formulis apte dispensa-  
retur, ac insuper ut Indicationes Therapeuticæ, circa  
supellectilis medicamentalis usum rite designarentur.  
Si quispiam hæc utraque satis calluisset, in re pharma-  
ceutica *omne punctum tulisse* putabatur. Verum enim-  
verò in hoc negotio, inque medicinae praxi inter de-  
siderata meritò collocamus; quòd a nemine adhuc ex-  
plicetur, quo ritu & quali partium corporis humani  
affectione, medicamenta intus sumta, aut exterius ad-  
hibita, operationes suas perficiant; viz. quomodo, &  
quare hæc vomitum, illa purgationem, alia diaphoresin,  
aut alterationem, aut quandam alterius generis operatio-  
nem moveant; quæ sit partium & particularum in agente  
& patiente affinitas, aut dissimilitudo, impulsio, pulsio,  
& reactio: dein quali illæ invicem commistæ luctâ aut  
fermentatione agitentur, & quâ mechanîâ aut *ερεσσεα*  
effectus suos producant. Super his solutio vulgaris solet  
esse; pharmaca quæque per virtutes quasdam específicas  
operari; & *διωκεις* suas peculiâres exercere. Quod e-  
quidem nihil amplius sonat, quàm idem per idem ex-  
plicare; quemadmodum si dicatur vomitoria quædam  
esse, quia facultate vomitum in nobis ciendi prædita  
sunt. Quandoquidem igitur speculatio hæc Thera-  
peutica hætenus à medicis fere intacta relinquitur,  
operæ pretium videtur inquirere de ratione quasi me-  
chanicâ, quâ medicamina cujusque generis in corpori-  
bus nostris vires suas exercent; scilicet ut; pro libitu  
nostro; illa in visceribus excretionum motus cierent; aut  
sistere, sanguinis & humorum effervescentias excitare;  
vel compescere, cujusque insuper partis aut mem-  
bri



bri indigentis, aut anomaliis peculiari quodam respectu, ac velut tributo subvenire valeant. Hic etsi parum refert quo ordine pharmacorum species recensentur, tamen methodi gratia, eorum rationes quasdam generales imprimis designare visum est, dein juxta has eadem in classes redigere. Itaque circa medicamentorum operationes primò distinguere oportebit loca in quibus virtutes, sive energias suas primò, aut potissimum exerunt; quæ nimirum vulgo dividi solent in tres regiones, scil. 1<sup>o</sup>, primas vias, quibus præcipuè comprehenduntur Ventrículus, Intestina, ductus Felleus, & Pancreaticus, nec non vasorum Meseraicorum oscula; 2<sup>o</sup>, Massam sanguineam cum appendicibus ejus sanguineis, scil. Præcordiis, Hepate, Liene, &c. 3<sup>io</sup>, Cerebrum & systema Nervosum, cum membris & habitu corporis. Præter has distinctas activitatis sphæras, quarum modò hæc, vel illa seorsim à cæteris, modò plures, aut omnes simul à pharmaco attinguntur; insuper secundo in loco considerare debemus subjecta immediata in quæ medicamenta operantur, quæ nimirum non solidæ partes, sed vel Spiritus animales, vel Humores sunt; tametsi his mediantibus etiam illæ interdum afficiantur. Pharmaca intus sumta vel immediate agunt in Spiritus animales, eos nempe qui Oesophagi, Ventrículi, Intestinorum, aliorumque in primis viis ductuum fibris insident; vel mediante sanguine in eos qui Cerebrum & partium longius distantium fibras nerveas aut membranaceas incolunt. Sive hos, sive illos cum illorum virtus attingit, eosdem vel irritando in motus excretorios cient; aut erigendo amplius expandi & velut ovare faciunt; vel demulcendo ipsorum inordinationes sedant, & molestias tollunt; vel denique confternendo eorum furores consopunt. Humores, quibus pharmaca intus sumta vires suas imprimunt, sunt Ventrículi, & Intestinorum tum fermenta, tum oblinimenta, San-

*Operationum  
medicinalium  
imprimis loca  
notantur.*

*Eorum subje-  
cta, spiritus &  
humores.*

*Quibus modis  
pharmaca ope-  
rantur in spiri-  
tus.*

*Humorum speci-  
es recensentur.*



*Quibus modis  
medicamina in  
eos agunt.*

*Tractatus hujus  
methodus desi-  
gnatur.*

*In unoquoque  
pharmaciae ge-  
nere tria sunt  
consideranda.*

guis, cum succo nutritio, & recrementis, sc. Sero, Bile utraque, & succo Pancreatico, & humore Lymphico, atque liquor Nervosus; in quos modò singulares, modò plures simul medicamina diversimode operantur, in quantum eos aut fundunt & præcipitant, aut ab eo statu reducunt; quandoque segnes exagitant, vel nimium effervescentes leniunt ac demulcent, vel denique eos qualitate, consistentia, temperamento, aliisque accidentibus enormes alterant, & sensim crasi genuinæ restitunt. Cum itaque circa pharmacorum operationes, totidem & tam variae sint considerationes, methodi nostræ filum juxta loca, in quibus vires suas primò aut potissimum exerunt, ducatur; eoque respectu à Catharticis tum Vomitoriis, tum Purgantibus incipiemus: dein proximè medicamenta Diuretica, Diaphoretica & Cardiacæ tractabimus: ac ultimo de Opiatis, & Specificis vulgo dictis, hoc est, de medicamentis cujusque particularis membri aut visceris anomalias, aut defectus respicientibus, dicemus. In singulis hisce tractandis hæc tria observabimus; sc. Primò in unoquoque pharmacie genere medicamenta in corporis humani sive Spiritus, sive Humores, sive in utrosq; simul & partes solidas operandi, & afficiendi modos designabimus. Secundo cujusque medicamentorum classis species omnes, aut saltem præcipuas, unà & selectiores præscribendorum formulas notabimus. Tertio quæ ad singulas spectant remedia Chymica primæ notæ describemus, eorumque Ætiologias, hoc est, mutationum & accidentium, quæ in eorum præparationibus contingunt, variationes, nec non virtutum, & effectuum quæ in præparatis eminent rationes subdemus. Quarto his superaddi possit, in re pharmaceuticâ exercitatio adhuc alia, nimirum ut præparationum Chymicarum Ætiologiis rite perpensis, ejusmodi medicamentorum apparatus alii, tum elegantiores, tum utiliores investigari queant. Verùm hanc nos in-



institutionem, quia Arcana, temerariis Agyrtis medicinas hodie quasvis verbo tenus perceptas, non sine Ægrotantium periculo, passim impune factitantibus facile violanda, continet, in aliud tempus reservabimus: quod proximè incumbit, in corpore humano primas vias vulgo dictas, viz. in quibus medicamenta operari incipiunt, & actionis cujusque pharmaceuticæ quasi proscenium sunt, breviter & accurate describemus.

## SECTIO



## SECTIO II. CAP. III. De partibus in quibus

Partium intra quas medicamenta operari incipiunt.

Descriptio, Usus &amp; Affectiones.

**Q**UANDO QUIDEM medicamenta sicut alimenta iisdem in corpore humano ingeruntur viis, & per eosdem ubique feruntur ductus; idcirco velut ad Chyloseos, ita ad Pharmaciae rationes, & fiendi modos ritè intelligendos, partium ac viscerum, in quibus dramata utraque ista peraguntur, schenographiam quandam delineare ex usu foret. Attamen hoc opus plenum, & omnibus numeris absolutum tradere, esset totius corporis humani Anatomiam exhibere. Quapropter illas solummodo partes, in quas pharmaca recipiuntur, & ubi operari incipiunt, breviter delineabimus. Sunt autem hæc, Oesophagus, Ventriculus & Intestina, cum appendicibus eorum; in quibus non tantum Vomitoria & Purgantia, sed & Cardiaca, Opiata, Diaphoretica, imo & alia cujuscunque generis medicamina virtutes suas primo exerunt, & ad ievpyias quascunque edendas determinantur. Horum itaque non perfectam descriptionem (quæ jam jam ab aliis Anatomicis accuratè satis traditur) at breves solummodo Commentarios, qui Pharmaciae illustrandæ inservire possint, adjiciemus. Cumque insuper medicamenta quæque immediatius agant in Spiritus, aut Humores, aut simul in utroque; atque illorum subjecta sint fibræ, membranæ, vasa, & ductus, quomodo hæc in prædictis visceribus habent, & affici solent, particulariter exponemus.

Prima via, sc.  
Oesophagus,  
Ventriculus &  
Intestina opera-  
tionis cujuscunque  
pharmaceuticæ  
proscenium sunt.

Medicamento-  
rum subjecta im-  
mediata, Spiritus  
& Humores  
sunt;

Mediata, fibræ,  
membranæ, va-  
sa & ductus.

Oesophagus tri-  
bus constat tu-  
nicis.

Oesophagus, juxta omnium sententias, & communem observationem, tres habet tunicas. Harum interior in intima superficie quoddam quasi velum habet, fibris seu villis tenuissimis constans, quod totam ejus cavita-  
tem



tem velut lanugine quadam investit: reliqua hujus tuni-  
cæ substantia tota nervea est; fibris varii generis & di-  
versimodè contextis donata, pariter ac Ventriculi & In-  
testinorum tunica interior. Porro hæc membrana illi,  
quæ palatum, os, fauces, & labia tegit; continuatur: insu-  
per illa usque ad Ventriculum descendens, os ejus cir-  
cumcirca, & inferius spatium trium digitorum latorum  
oris latera intus obducit. Hæc tunica istius nerveæ  
extremitas intra Stomachi orificium crassa admodum &  
villosa; & à Ventriculi tunica interiore, quam obtegit,  
valde distincta apparet; quod post levem elixationem  
plenius cernitur; tunc enim tunica ista à Gulâ prove-  
niens, secus ac interior illa Stomachi, mirè candicat. Pars  
ea procul dubio ad sensationem maximè exquisitam fa-  
cit. Hinc enim grata comesta & deglutita, grata jucundi-  
tatis affectio usque ad Ventriculi ingressum comitatur:  
quin & ab ingratis comestis aut commemoratis,  
irritatione hinc facta, nausea sæpe ac vomitus succedunt.  
Porro hujus tunicæ altior in Ventriculum insertio, in-  
tinum ac citissimum illud inter Stomachum & Gulam  
commercium facit; ita ut, si pars alterutra in vomitio-  
nem eieatur, mox altera in *os* adducatur: cum-  
que eadem tunica Palatum aliasq; Oris partes investiat,  
etiam hæc cum illis circa vomitionem mutuo consensu  
afficiuntur. Proxima Gulæ tunica carnea admodum & crassa  
est, veluti si esset musculus perforatus. Hofmannus re-  
vera hanc musculum esse; & Paralyfi & Convulsionibus  
obnoxiam fieri asserit. Hujus Tunicæ fibræ carneæ vulgo  
rotundæ & transversæ habentur; sed Clar. Stenon. obser-  
vavit eas spirales atque duplicis ordinis esse; quæ nimi-  
rum se mutuo intercussant, & binas velut cochleas oppo-  
sitas constituunt. Super his, quantum observatione pro-  
pria colligere potui, ut dicam, videtur totus Oesopha-  
gus duobus musculis compositis constare; qui quatuor  
para-

*Tunica interior  
prorsus nervea,  
crassa villosa  
obducitur.*

*Os ventriculi  
ingreditur, &  
aliquanto spatio  
obducit.*

*Sensum gustus in  
totâ gulâ & in  
ore ventriculi  
facit.*

*Oesophagi Tunica  
secunda sive  
media prorsus  
carnea, motui  
inservit.*

*Quatuor  
musculi  
compositi  
constitunt.*



*Fibrarum motri-  
cium duo ordines  
oppositi.*

parallelogrammos cum fibris oppositis, & se invicem decussantibus efficiunt. Hoc plane conspicietur, si hæc Gulæ tunica media cæteris exuta, & in extremis ligata insufflatione distendatur, simulque aquæ ebullienti, ut fibræ contrahantur & intumescant, aliquoties immergatur; ita namque duæ series fibrarum descendantium cum tendinibus cernentur. Dein si hæc tunica inversa pariter insuffletur, fibrarum ascendantium ordines oppositi in conspectum venient. Ultimo si tunica in medio tendinum per longum secetur, & in planum explicetur, duo Parallelogrammi in unâ superficie, & totidem oppositi in alterâ apparebunt.

*Oesophagi Tu-  
nica tertia sive  
extima.*

3. Tertia & extima Oesophagi tunica, quæ huic & Ventriculo communis, atque à Diaphragmate (cui, dum foramen ejus pertransit, unitur) oriunda, tenuissima, & fibris tantum membranaceis & perquam exilibus prædita existit.

*Inquiritur in  
tunicarum usus.*

Quod ad usus & officia harum partium spectat, dicimus in genere tunicam interiorem potissimum ad sensus, mediam ad motus munia præstanda, atque tertiam, ut totius integumentum sit, componi: super his verò, quia primi Pharmacis aditus sive propylæa sunt, operæ pretium videtur ut particularius, & paulo fusius disquiramus.

*Crusta villosæ  
quid sit munus.*

Primò igitur quod Oesophagi tunica interior crustâ villosâ seu velut lanugine quadam obducatur, (quæ item Palato & Linguae communis est) hoc ita fieri videtur ad comestationem, quæ pro vita tuenda necessaria est, magis invitandam; nempe ut, dum alimenta grata deglutiuntur, in toto Oesophagi transitu, à villis istis arripi, iisdemque diutius adhærere, & jucunditatis sensum imprimere queant. Quod autem tunica ipsa fibris tantum nerveis varie intertextis constet, imprimis ad sensationem facit; dein ad robur & firmitatem, uti cum sportula pluribus viminibus intexitur; & 3<sup>io</sup> ut pars

*Tunica nervea  
imprimis ad  
sensationem  
facit.*



ea melius distendi queat. Præcipuum verò illarum munus est sensibilem appulsus suscipere, eosque mox τὸ πρῶτον αὐτῶν τὴν ἐλπίδα tradere, proinde ut, juxta complacentiæ aut displicentiæ affectus ibidem excitatos, deglutitionis aut rejectionis motus continuentur, aut de novo excitentur.

Hic autem merito inquiritur, an non hæc Tunica prorsus nervea, siquidem fibris ita numerosis & variis intexitur, etiam motui cuiuspiam inserviat? Quippe cum Oesophagum ejusq; partes inter deglutiendum, expuendum, evomendum, oscitandum, aliasque affectiones diversimode moveri constet; porro cum alia viscera membranacea, & imprimis Ventriculus & Intestina, in varios spasmos, inflationes & distensiones, passim agantur: explicare oportet, à quibus fibris, & quo ritu affectis, istiusmodi variae sive actiones sive passionis obeantur.

Fallopîus præstantissimus sui seculi Anatomicus: cum observasset in musculo ( qui præcipuum aut unicuique motus localis instrumentum est ) *partes geminas, alteram quidem, quæ musculi corpus carnosum continens, fibris carneis; & alteram, quæ chordam, fibris nerveis constat: atque ex his duabus, corpus tantum musculi seipsum movere, & contrahere, chordam verò tantum trahi, neque seipsam movere; tandem concludit, nullam particulam in Animali seipsam movere, nisi fibrosa sit, ac carnem veram habeat.* Observ. Anatom. p. 412.

*Inquiritur an  
etiam ad motum.*

*Fallopîi de membranarum motu sententia.*

Congruenter ad hæc in peculiari tractatu nuper ostendimus, quod & quomodo omnis contractionis motus à fibris tantum carneis perficiatur: viz. Hæ spirituum ( qui à fibris tendinosi profiliunt ) incursibus subito inflatæ ac intumescentiæ mox abbreviantur, proindeque partes appensas versùs se corripunt. Cæterum verò cum & planè constet quasdam partes nerveas, ac imprimis viscera concava, non solum contrahi, sed

*Contractiones à fibris tantum carneis perfici.*



*Expansiones à  
fibris nerveis  
obiri;*

*reti in pandicu-  
latione, oscitati-  
one, & viscerum  
inflationibus.*

*Oscitatio quo-  
modo peragitur.*

expandi, multum inflari, inque majorem capacitatem ampliari, quod certè per contractionis motum fieri nequit; cumque insuper liquido pateat spiritus animales intra fibras nerveas; haud minus quam intra carneas moveri, inque iis non tantum blandè scatere, sed interdum valdè irritatos, aut explosos impetuosius exilire. His, inquam, præmissis, non dubitamus statuere, spiritus animales intra fibras nerveas sive membranaceas scatentes, non modo sensiones, quæ proprium illorum munus sunt, sed & motus quosdam locales, scilicet expansiones sive inflationes efficere. Quippe dum spiritus animales in explosiones acti, & insigniter rarefacti, has fibras (quæ secus ac carneæ non certis ordinibus, sed quaquaversus dispositæ, plurimum attenuari, inque majores expansiones distendi, & dilatari possunt) impetuosius subeunt, necesse est viscus ex iis constans ubique inflari, nejusque latera quaquaversus explicata, summeque attenuata in majorem capacitatem ampliari. Profectò ex instituto naturæ, quandoque ad hunc modum fieri convenit, nimirum ut, dum partes quas membranæ constituunt, subtendunt, aut investiunt, hoc ritu expanduntur, humores superflui, aut molesti iisdem infixi, aut adherentes, excuti & ablegari possint. In hunc finem, & hac ratione, pandiculationes, oscitationes, & quosdam alios inflationis aut distensionis motus excitari putamus. Quapropter siquidem in oscitatione, Oesophagi ductum nobis vel invitis ampliari, & quasi à vento quodam inflari, & expandi sentimus; concludere licebit, exinde hunc affectum oriri, quatenus Gulæ tunica interior, propter humiditatem nimiam (quæ aggravatur) discutiendam, à spirituum explosione quadam expanditur, & ampliatur. Porro hunc oscitationis motum (quia molestus semper & indecorus videtur) dum inhibere nitimur, mox Tunicæ exterioris fibræ



fibræ carneæ in contractionem cientur: quo fit ut inter oppositos hosce expansionis & contractionis nixus in Oesophagi tunicis quædam quasi colluctatio (quam facile percipimus) oriatur. Quo ritu spiritus Animales in Affectibus convulsivis viscera membranacea valde inflent, ac attollant, ac, ut vivi animalis exilitiones mentiantur, intumefaciant, alibi a nobis ostensum est. Porro cum à Pharmaco incongruo, aut veneno, Ventriculi aut Intestinorum distensiones & inflationes horrendæ, & non raro totius Abdominis intumescentiæ subitanæ, & immanes contingant, ita fieri solet, in quantum spiritus animales summè irritati, inque impetus explosivos adacti, fibras membranaceas simul omnes incurrunt, & quoad ultimum extendunt; proinde ut viscus ab iis contextum, mox totum infletur, & quantum fieri potest ampliatur. Verùm è diverticulo hóc de motu membranaceo regressi Oesophagi tunicæ alterius usum consideremus.

*Membrarum extensiones a spirituum explosione.*

2. Exterior Gulæ tunica, carnosæ admodum & crassæ, siquidem duobus fibrarum carnearum ordinibus, qui obliquè ascendunt & descendunt, seque mutuò decussant, constat, duplex quasi musculus censi debet; cumque unus fibrarum duplicatarum ordo sic descendens degluttoni inserviat, alter procul dubio ascendens expuitionis & vomitionis opera perficit. Novi quosdam ob Paralyfin in hac Oesophagi tunicâ carneâ excitatam, degluttonis magnâ difficultate laborasse, aliosque ob fibras penitus resolutas, fame interiisse. Porro suspicari fas sit, ob fibras nerveas tunicæ interioris, dum spiritus in iis exploduntur, inflatas nimis & distentas, præfocationis sensum, & velut globi cuiusdam ascensum in Hystericis evenire. 3<sup>o</sup> de Tunica Oesophagi extimâ & communi non est ut multa dicamus; hæc enim fibris tenuissimis & membranaceis constans, ferè tantum pro visceris hujus integumento esse videtur.

*Oesophagi tunica media carnosæ binis constat fibrarum motricium ordinibus.*

*Tunica ejus extima.*



*Ventriculi de-  
scriptio.*

II. Ventriculus ( in quem Oesophagus definit, ejusque Orificio sinistro Tunicam suam nerveam inducit ) instar manticæ oblongus est, cum fundo ampliori & orbiculariter expanso, cumque summitate planâ, & breviori, in quâ duo extant orificia, ad quam distantiam è regione confita ; per sinistrum alimenta ductu recto & perpendiculari in stomachi cavitatem descendunt, quæ ibidem dissoluta, & in chylum mutata, per ostium dextrum, cujus ductus obliquus est, rursus ascendunt, exinde ad Intestina transeunt ; adeo, quicquid alterutro stomachi ostio egreditur, fit per acclivem ascensum : atque, ut ventriculus contenta sua à levâ per vomitum, aut à dextrâ per sedem amandanda excernat, necesse erit simul fundum & latera ejus unâ contracta, & sursum lata, ad Orificium hoc, vel illud tota inclinari.

*Tres habet tuni-  
cas.*

*Interior nervea  
crustâ villosâ  
obducitur.*

Hæc de Stomachi exteriori : ampliùs in hoc viscere ( quod ad Pharmaciam attinet ) considerare oportet ejus Tunicas, cum fibrarum texturis ; Orificia, atque vasa, & ductus, simulque eorum omnium actiones, & usus. Ventriculus pariter ac Oesophagus tribus constat Tunicis ; unâ communi à Diaphragmate ortâ, & duabus propriis, externâ, internâque.

Hæc Interior tota nervosa est, ac ( prout de Gula observavimus ) in superficie interna, substantia villosa, seu filamentis rectis, Tunicæ ipsi perpendiculariter insertis ( prout in panno serico qui dicitur velutus ) ubique obducitur. Hæc crusta Ventriculum intus obtegens, post levem elixationem manifestissimè apparet, distincta tamen ab ea quæ Gulam investit, ( utpote levidensis & minùs candida ) similis videtur illi, quæ linguam obtegit. Quippe tum hujus, tum Ventriculi superficies aspera & crustata esse debet, ut alimenti tum libati, tum deglutiti particule parùm in eâ detineantur, & dein paulatim tunicæ nervosæ tra-



dantur, quæ ab eorum nudo & immediato contactu, nimis irritari & postea indurari periclitaretur. Porro hæc ventriculi crusta villosa, aliis etiam usibus *Crustæ villosæ usus.* infer-  
vit; Chyli enim reliquiæ inibi aggestæ, & ad acorem servatæ, in fermentum quoddam, & pro appetitu, & pro digestionem requisitum, evadunt. Cæterum hæc lanugo vasorum, quæ tunicæ nerveæ densissimè in-  
feruntur, ora ubique obtegit, ac tutatur, nec non hu- mores ab arteriis & nervis exudantes suscipit; dum interim venæ Chylum aliosve succos in hac parte sca-  
tentes, exugunt. Crusta hæc villosa in postica sive convexa ejus superficie, quâ tunicæ nerveæ cohæret, glandulis annulatis numero *vis* ubique confita  
est, quæ procul dubio vasorum in tunica nervea de- hiscentium ora contegunt, ac, uti videtur, humorem illis destinatum, aut ab iis depositum immediatius excipiunt & percolant.

Velum hoc, sive crusta villosa, post immersionem *Hæc glandulis referta tunica per se ab aliis distincta vide- tur.* stomachi in aqua fervida facilè separatur, & per se tu-  
nica satis firma, & ab aliis distincta apparet, atque ob rationem modo dictam, haud improprie tunica glandulosa dicatur. Hæc igitur amotâ, occurrit ipsa  
tunica nervea fibris varii generis, & diversimode in- textis constans; per cujus Telam A. A. raram, vasa  
sanguifera innumera, & ramificatione densissima pro- ducuntur; inque superficie ejus interiori, ubi tunicæ  
glandulosæ cohærent, terminantur. Utriusque harum membranarum, scil. nerveæ & glandulosæ portiones, per Iconas, in Tabula quarta elegantissimè repræsen-  
tantur.

Tunica ista nervea interiorem Ventriculi cavitatem, quasi vas Chymicum sive Matrarium, in quo alimen-  
ta dissolvuntur, & in Chylum digeruntur, constituit. *Tunica nervea vasis sanguife- ris innata obducitur.* Fibre ejus potissimè ad sensationem, & forsan qua-  
dantenus etiam ad motum faciunt. Quoad prius, hæc  
inanitæ



*Tunica hujus  
munia quoad  
sensum.*

inanitæ famem excitant, atque præ ficcitate aut falsedine corrugatæ, ab Aromaticis aut potulentis vinosis ingestis excalefactæ, sitim inducunt: si quando humores acres, aut acidi has stimulant, aut vellicant, Cardialgia accietur. Denique in has fibras medicamina quæque imprimis agunt, & juxta impressionem sensibilem iis inflictam, operatio hujus aut istius modi ( prout inferiùs speciatim declarabitur ) succedit. Quamprimum ab alimentis idoneis Ventriculo ingestis, hæ fibræ implentur, illico spiritibus harum incolis complacentia quædam & satietas, dein horum consensu toti ipsorum systasi, sive Animæ sensitivæ, refectio & velut ovatio quædam inducitur: Interim, quatenus venæ mox subtilissimam Chyli portionem arripiunt, etiam flammæ vitali pabulum ditius exporrigitur.

*Affectiones quo-  
ad motum.*

*Quomodo visce-  
rum inflationes  
& distensiones  
fiunt à fibris ner-  
veis affectis.*

Quoad Tunicæ hujus motum, etsi contractiones spontaneas ei prorsus denegemus, attamen satis manifestò liquet, eam frequenter distendi, inflari, intumescere, inque majorem capacitatem ampliari: quod ita fieri contingit, non solum à flatibus intra stomachi cavitatem genitis, sed longè sæpius à spiritibus fibrarum ipsarum incolis; qui, si valdè irritati, inque impetum explosivum adacti, istas simul omnes, dum tumultuosè, & ad præcipitum incurrunt, summè inflant, & distendunt, proindeque totam membranam quasi vesicam inflatam intumesciunt. Nam si fibræ illæ nervæ omnes essent cavæ & tubulatæ, iisque ventus subito insufflaretur, necesse foret vas quod contextunt, illico distendi & dilatari. Pariter habet quando spiritus, velut Oestro perciti, in eas impetuosius irruunt. Propter hujusmodi causam conjunctam, & afficiendi rationem Ventriculus in Paroxysmis Hystericis, & Colicis, & non rarò in affectione Hypochondriaca intumescere solet. Hinc etiam singultus oritur, ejusque recipro-



reciprocationes, propter Ventriculum per has fibras modò inflatum; & per Diaphragmatis systolen modò depulsum, contingunt. Denique Pharmaca deleteria & venena, quatenus spiritus valde stimulant, inque has fibras furiosè concitant, Ventriculi aliorumque viscerum distensiones, & inflationes sæpe horrendas inducunt; atque ob similem ferè rationem Tympaniten oriri statuimus.

*Tympanitis ratio formalis innuitur.*

Interior hæc tunica in corporibus sanis multas habet rugas sive plicas, in Ventriculi superficie concava eminentes, quæ videntur esse quasi totidem sepimenta, sive sulci, quibus chyli portiones hic illic tenuiter dispersæ, melius coctionis ergo ab invicem detineantur, ne simul in massam spissiore confluere. Plicæ istæ formantur, quatenus hæc tunica exteriori carnæ multò amplior est; quare ut ab eâ contineatur, necesse habet in plicas, sive rugas istas colligi. In Bibonibus verò & Gulosis, quibus à crebra & nimia ventriculi impletione tunica carnæ plurimum extenditur, etiam interior illi coextensa, rugas suas omnes amittens, plana & tenuis inflat vesicæ inflatæ evadit. Prædictæ rugæ ac plicæ in Tabula 4. Figur. 1. exprimuntur.

*Ventriculi plicæ & rugæ unde fiunt, & quibus usibus inserviunt.*

2. Proxima Ventriculi tunica, quæ & propria & per totum carnosa, fibris omnino carneis constat, tantum motibus, hisque solum contractivis obeundis inservire videtur. Reverà totum Ventriculi corpus membranâ, sive panniculo hoc carnoso, qui ipsum diversimodè pro variis, quæ occurrunt usibus & officiis contrahat & componat, integitur. Quandoquidem enim stomachus circa Chylificationis opus, & medicamentorum operationes, in varios gestus alterari, & modificari debet, id propter hæc tunica multiplices fibrarum motricium ordines, nunquam satis admirandos, continet. Quamvis non facile sit eos utpote valdè intricatos describere, quia tamen hoc ad Pharmaciam

*Ventriculi tunica carnæ.*

*In tunica carnæ plures fibrarum motricium ordines sunt.*



maciæ rationes plurimum facit, idcirco pro virili nostro, Anatomen hanc particularem hætenus ferè intactam tradere conabor.

*Quo stomachi  
apparatu notari  
possint.*

*Viz. immargatur  
iste in aqua fer-  
vidâ.*

*Dein tunica ex-  
tima observetur,  
& separata a-  
moveatur.*

*Tunc tunica car-  
neæ fibrarum  
exteriorum ordo  
apparebit.*

Propter hujus apparatus, Ventriculus hominis, aut Quadrupedis bidentis, inanitus, & ligatura circa utrumque orificium facta inflatus, aquæ ferventi, ut fibræ paulatim contractæ intumescant, aliquoties immargatur, usque dum totus semicoctus appareat; dein Tunica extima, sive membrana totum ventriculum obtegens, notetur. Hujus fibræ, ab uno Orificio ad alterum excurrentes, Stomachi fundum ac latera in tota earum longitudine circumdant, & juxta varium protensionis ambitum, breviores aut longiores, nec non magis rectæ, vel obliquæ existunt. Porro in quibusdam locis, viz. propè orificia & circa stomachi fundum & fines, multo crassiores sunt quàm in medio, revera ut ibidem quadantenus carneæ & motrices videantur. Membranæ hujus fibræ nervæ (pariter ac in plerisque musculis observare licet,) fibras carneas immediatè substratas, ad rectos angulos secant; utpote quas non tantum obtegere, sed viere, ac intrâ ordines suos singulatim, ne dissiliant, continere debent. Hujus Figuram Tabula secunda aptè repræsentat.

Itaque hac Tunica separata & amota, subtus ad rectos angulos jacet fibrarum carnearum series, quæ Ventriculi fundum & latera quoad profunditatem cingentes in plano superiori, quod orificiorum interstitium est, inque ipsis orificiis terminantur. Procul dubio harum munus est, dum contrahuntur, Ventriculi fundum & latera sursum ducere, & proindè cavitatem ejus plurimum arctare, adeo ut contenta superius lata per hoc aut illud orificium eliminari possint. Tunicæ hujus carneæ superficies exterior sive convexa, cum fibrarum motricium ordine in Tab. Tertia exactè delineatur.

Ut



Ut verò istius motus excretorius, versùs hoc, vel illud orificium determinatè fiat, & materies stomacho inclusa, per vomitum aut sedem amandanda foràs convehatur, alterâ fibrarum seriè opus est, quæ respectu priorum transversæ, stomachi extremitatum unam, scilicet lævam vel dextram, versùs alteram ducant, adeò, ut, dum utriusque generis fibræ coagunt, stomachus quoad omnes dimensiones suas contractus, & sursum latus, contenta sua per orificium, ad quod pro data occasione inclinatur, ejiciat. Et quidem tales fibras adesse, & prioribus subjacere, Tunicæ istius superficiem alteram interiorem sive concavam intuitu planissimè constabit. Itaque Venterculus compage ejus per Pylori Orificium paulo resectum tracta, invertatur adeo, ut superficies interior & concava, exterior & convexa evadat, & tunc membranae interioris crusta villosa cum rugis, & plicis, prout superius describitur, & in Tab. 4. Figura prima elegantissime exprimitur, & apparebit. Dein post levem immersionem in aqua ferventi, crusta Villosa separatur, & amoveatur, ipsamque ita Tunicam nerveam vasorum ramificatione densissima obductam videbimus: utriusque harum portiones, ut superficies ipsarum cum glandulis, & vasis quibus cohærent conspiciantur, in ejusdem Tabulae Fig. secunda, & tertia exactè describendas curavimus. Denique tunica nervea penitus ablata, carneæ sive mediæ superficies interior fibrosa, qualis in Tabula quinta ad vivum delineatur, in conspectum veniet. Itaque in hac fibrarum carneæ <sup>ramificatione</sup> ordo notabilis est, quæ pone os Venterculi oriri, & sinistram ejus oram cingere visæ, antrorsum versus stomachi regionem dextram feruntur. Harum manipulus insignis in Venterculi jugo, sive summitate utrinque lineis rectis procedens, Pylori Antrum ingreditur, ejusque cavitatis longitudinem spar-

*Fibrarum interiorum ordo quomodo investigetur.*

*Ejusdem descriptio.*



*Fibrarum ejus  
os.*

*Eadem fibra  
carneæ, contra-  
ctiones oppositas  
efficiunt.*

sim obducens, in ipso orificio terminatur, prout in Fig. quinta repræsentatur. Reliquæ autem hujus ordinis fibræ, utrinque per stomachi latera oblique, & prorsum versus fundum ejus tendunt, ibidemque conveniunt. Priorum munus videtur, Orificium alterutrum, versus alterum pro Egestionem per inferiora, & superiora respective faciendam adducere; nam eadem fibræ, juxta quod spasmus ab hoc, vel illo ipsarum fine incipit, ad dextram vel laevam trahunt. Prout in tractatu nostro de motu musculorum nuper edito ostendimus. Siquando contractio juxta Pylorum incipit; dum illic Ventriculi fundus, & latera per fibras alias, tum interiores tum exteriores colliguntur, etiam os ejus per has rectas versus Pylorum inclinatur; propterea ut stomachi contenta quæque ad intestina transmittantur. Sin vero contractio ab alteris fibrarum istarum finibus juxta os Ventriculi inchoetur, dum illuc fundus, & latera ejus, per fibras alias contrahuntur, etiam Pylorus pro vomitu acciando versus ipsum simul adducitur. Quod ad reliquas hujus ordinis fibras obliquas spectat, dum spasmus à dextris ipsarum finibus incipiente, deorsum illæ, & oblique contrahuntur, motu suo, Ventriculi cameram sinistram, versus fundum & Pylorum pro cibis dum coquuntur, strictius comprimendis atque illuc devolvendis inclinant: è contrario item, spasmus à finibus sinistris inchoato, illæ sursum, & oblique contractæ Ventriculi fundum, & cameram dextram versus os ejus pro vomitu excitando corripere faciunt. Juxta utrasque harum contractiones, fibræ carneæ exteriores, Tunicæ mediæ superficiem convexam constituentes in Actione conspirant, adeoque Ventriculi cavitatem plus coarctant, & pro evacuatione superne vel inferne molienda, aptius componunt. Quapropter secundum quod irritatione hic aut illic facta, contractio



contractio juxta Pylorum vel os Ventriculi incipit, tota Ventriculi capacitas simul collecta, sursum lata, atque huc vel illuc inclinata egestionem supernam vel infernam molitur. Utrasque hujus tunicae superficies, in iisque distinctas fibrarum motricium series in Tabul. tertia & quinta per Iconas exactissime describendas curavimus. Motuum contractivorum, quos haec Ventriculi tunica carnosa peragit, species singulas recensere & explicare, hujus loci non est; cujusmodi in affectibus spasmodicis excitari solent, alibi ostendimus; & quales à medicamentorum operationibus acciuntur, cum de singulis speciatim agemus, declarabitur. Interim verò annotamus, motuum, quos haec tunica carnosa obire solet, instinctus sive impulsus diversimodè communicari: viz. Imprimis ac potissime à tunica nervea substrata, quæ prout à Ventriculi contentis variè afficitur, mox illam, retentionis, aut expulsionis gratiâ, in hujus aut istiusmodi contractiones ciet. Cæterum nervi huic tunicae carnosæ inserti, ei varios motuum instinctus ab *ἐγκεφάλῳ* partibus vicinis, aut remotis, supernis, aut infernis deferunt. Hinc à Phantasia, Appetitu, immo à plerisque sive Animæ sive quarumlibet corporis partium affectibus, Ventriculus sæpe perturbatur, & diversimodè commovetur.

*Contractionum  
quas tunica car-  
nea obit instin-  
ctus unde.*

3. Tunica Ventriculi extima, ei cum Oesophago communis, cujusmodi substantiæ ac texturæ fuerit, modò innuimus: quod ad usum spectat, hæc totius Ventriculi integumentum existens, Tunicae substratæ fibras carneas investit, easque fibris suis viat, ac velut viminibus simul colligat. Membranæ hujus fibræ in quibusdam locis (prout supra observavimus) crassiores sunt, ut, quando Ventriculus supra modum saginatur, plurimum distendi possint. Hæ parùm motui, sensationi tamen quadantenus inservire videntur; quan-

*Tunica Ventri-  
culi extima  
prorsus nervea:*



quam & hujus perexiguus tantum usus fuerit; utpote quia nihil exterius objectum, aut ore assumptum huic occurrere potest. Quod si ferofus humor, aut abscessus, aut bilis constans suffusio in partibus vicinis aut contiguas accidat, in quantum hæc tunica propterea multum ac crebro irritatur, in stomacho nausea ferè continua, inappetentia, & frequens vomitio excitatur, prout in pluribus post obitum dissectis observavi. Tunicæ hujus præcipuus usus est, quod totius Ventriculi integumentum existens, membranæ substratæ carneas fibras investit, vasorum ramificationes sustentat, quinimò ad Ventriculi robur, ejusque calorem conservandum, inservit. Porro non improbabile est, in quibusdam locis hujus fibras nerveas, respectu fibrarum carnearum subjacentium loco Tendinum esse.

*Forſan & tendi-  
noſa.*

*Ventriculi bina  
orificia.*

Ventriculus ad hunc modum instar manticæ à tribus istis tunicis tanquam à panno triplicato conflatus, bina habet Ostia sive Orificia, in summitate ejus è regione consita. Unum à parte finistrâ, ex Oesophagi in os Ventriculi insertionem consistit, ac simili ritu habet, ac si infundibuli tubus in vesicæ implendæ foramen inderetur: ductus hujus rectus & perpendicularis, ingesta quæque ac deglutita in stomachum admittit. Orificium alterum à parte dextra, longo & obliquo ascensu in Duodenum continuatur, inque ipsum, Chylum in Ventriculo elaboratum, sensim deponit.

*Nervi & plexus  
nervei ad os  
Ventriculi perti-  
nentes.*

Nervi Paris vagi ad Ventriculum quasi ultimam suam metam delati, juxta hoc Orificium plexus insignes, immo & quoddam quasi reticulum, quo totus ejus ambitus obducitur, constituunt: insuper & Oesophagi tunica villosa & nervea hujus cavitatem altius investit; hinc ut os Ventriculi maximè sensile, cum aliis partibus nobilibus, ac imprimis cum Cerebro



bro & Præcordiis mire communicet, ut non prorsus de nihilo sit quod Helmontius hic animæ sedem collocaverit.

Orificium alterum vulgò Pylorus dictus, à dextro stomachi latere cum antro capaci & longo sensim angustato, in foramen parvum definit, indeque re-tortum in Duodenum continuatur. Tunica hic multo crassiores, quam in alio quovis Ventriculi loco existunt. Intima nervosa multis rugis ac fulcis asperatur, inque ipso foramine in molem oblongam, quæ instar Epistomii est, attollitur; in eum certè finem, ut chylus, sensim egressus, haud denuo in stomachum regurgitet. Tunica carnosæ, prout ubivis præ-terea, binas habet fibrarum series; aliæ namque an-trum hoc circumdantes constringunt, ac pro data oc-casione occludunt, aliæque per latera ejus in longum productæ, cæteras stomachi partes sursum colligentes, versùs hoc ostium ducunt. Quinetiam vice versa, hæ fibræ ob contractionem ab alteris earum finibus incipientem, Pylorum versùs orificium sinistrum sæ-pe trahunt, uti in Vomitione: cumque adeò spaf-mus ulterius continuatur, Duodenum sursum trahi-tur, & propterea bilis & humor Pancreaticus in Ven-triculum exantlantur.

Pylori munus est, non tantum Ventriculi contenta affatim, & simul in magna copia ad intestina trans-mittere, (quod quidem in Catharsi, & Diarrhæa fre-quenter facit) sed potius chylum satis confectum, in sinum suum excipere, aliquamdiu continere, & dein paulatim, & per minutas portiones excernere. Enim-vero hujus antrum longum & capax, quidam in Ventriculo recessus & diverticulum esse videtur; in quod massæ chylacæ portio magis elaborata & per-fecta secedere, & inibi manere queat, donec pars alia crudior, ut nuperius ingesta, in Ventriculi fundo plus



plus digeratur. Hinc est, quod è comestis sæpe quod ingratum est brevi evomitur, cibis interim gratioribus in stomacho restantibus; viz. quatenus in Ventriculo plures quasi distinctæ cellæ sunt, in quas ingestorum alia ab aliis divertere, & permanere possint. Porro observare est medicamenta vomitoria cum mitius operantur, tantum Ventriculi partes orificio sinistro proximas lacerare, sed cum fortius irritant, insuper ipsum Pylorum cum Duodeno appenso intus & fursum trahere, adeoque bilis in Ventriculum raptæ evacuationem facere.

*Vasa ad Ventriculum pertinentia.*

Vasa ad Ventriculum pertinentia sunt nervi, arteriæ, & venæ; priorum descriptio satis exactè in Neurologia nostrâ traditur, sc. quod nervi paris vagi utriusque lateris in stomacho desinentes, ramos insignes, plexus, & propagines multiplices eidem impertiunt; insuper paris intercostalis plexus nervei, in hypochondriis, & abdomine hic illic confiti, furculos plures, & insignes ad Ventriculum mittunt. Quæ ratio est, quod in affectibus Hystericis, Colicis, & Hypochondriacis vomitio ita passim succedat.

*Nervi.*

*Vasa sanguifera innumera ad Ventriculum spectant.*

Vasa sanguifera quamplurima ad Ventriculum pertingunt; quod plane cernitur si hominis, canis, aut porci stomachus, vasis coeliacis primò ligatis & resectis, eximatur, & orificiis constrictis infletur; tunc enim jucundissimo spectaculo videbis minores Venarum & Arteriarum truncos partim Ventriculi summitati, & partim fundo ejus insertos, qui mox in ramos minores, & deinde in ramusculos & propagines minimas divisi, sibi invicem occurrunt, mutuò inosculantur, & quaquaversus expansi totum stomachi ambitum perreptant, & velut coma fruticosa obducunt. Hæc vasa sanguinea introrsum tendentia, & demum in propagines innumeras discerpta, in tunica intima nervosa terminantur; cujus interiorem super-



C A P. II. *Primarum Viarum Descriptio.* 23

superficiem præ densitate punctorum, in quæ vasa desinunt, rubore inficiunt, & quasi cruentant. Hoc manifesto liquet, si quando post stomachi immersionem in aqua ferventi, tunica villosa separetur; tunc enim tunica nervea ob densissimas vasorum terminationes, quodam quasi reticulo sanguineo obtecta videbitur.

Si usus horum inquiratur, qui calorem præcipuum coctionis & digestionis in Ventriculo peragenda instrumentum esse statuunt, hinc focum & fomitem fati uberem deducant; viz. in quantum circumcirca Ventriculi quasi lebetis fundum & latera omnia sanguis effervescens, quasi ignis accensus perpetuo detineatur; & quidem aliquatenus in hunc finem, stagnum illud sanguineum ibi consitum esse videatur. Attamen præterea vasa hæc sanguifera munus quoddam aliud, haud minus necessarium præstare censemus; viz. Arterias humorem aliquem in Ventriculo deponere, & venas alium quendam illinc perpetuo auferre, adeoque chyli cum sanguine, & e contra, commercium immediatum ac constans intercedere.

Enimvero ut Alimenta ingesta non solum coctione, sed multo magis fermentatione in Ventriculo dissolvantur, inque chylum homogeneum digerantur, illa ibidem liquore quodam spirituofo, qui instar fermenti sit, (uti cum flos cervisiæ cervisiam aliam fermentat) imbui debent: Hujusmodi humorem, (siquidem copia ejus requiritur) tantummodo Arteriæ supeditare possunt; atque hic chyli reliquiis in crusta villosa hærentibus conjunctus, proculdubio succum istum, qui vulgò stomachi fermentum dicitur, constituit. Porro à comestis cum sæpenumero refectio citissima postuletur, siquidem ea per longas intestinorum, & vasorum chyliferorum ambages fieri nequit, quid verisimilius est quam venas intra Ventri-

*Quæ in tunica nerveæ superficie interiori terminantur.*

*Eorum usus inquiratur.*

*Arteriæ humorem fermentalem adducunt.*

*Venæ succum nutritium excipiunt.*

culi



culi cavitatem confitissime dehiscentes, subtiliorem quandam chyli portionem excipere, & protenus cruori infundere? Quo ritu vasa sanguifera stomachi fundo, & summitati inserta totam ejus superficiem, cum densa & multiplici ramificatione obducunt, in figura primâ verissimè, & ad vivum exprimitur.

*Intestina duplicia, sc. tenuia & crassa.*

III. A Ventriculo ad Intestina descendimus, quæ cum duplicia fuerint, tenuia sc. & crassa, non opus erit eorum omnium hic historiam describere, utpote quorum numerus, & conformatio jamjam non modò Anatomicis sed & laniis quibusvis sunt notissima. In prioribus, quantum ad rem Pharmaceuticam spectat, considerare oportet primò eorum situs, & fabricam, secundò Tunicas, atque tertio vasa, & ductus. Horum munus est, chylum in Ventriculo elaboratum suscipere, amplius fermentare, ab eoque magis elaborato & perfecto, succum nutritium in vasa chyliifera exprimere. Intra hæc potissimum Intestina, medicamenta cathartica operationes suas peragunt.

*Tenuium situs & dimensiones.*

Intestinorum tenuium licet unus continuus sit ductus, tamen, propter distincta quæ obeuntur munera, hujus tria velut stadia designantur, & quasi tot visceribus, distincta imponuntur nomina. In Primo horum chylus à Pyloro descendens, mox novis fermentis, Bile sc. & succo Pancreatico inficitur; quibus cum tota ejus massa paulatim, & per partes imbui debet, idcirco unaquæque portio celeri transitu hanc regionem, sc. Duodenum trajicit. In Circo proximo sc. Intestino jejuno, chylus fermentescens plus subigitur, ab acore vindicatur, & majorem volatilitatem acquirit; cumque hic etiam moram trahere non debeat, mox fermentatus, & ulterius proventus ductum hunc plerumque vacuum relinquit. Intra specum dein tertium, chylus volatilifatus, & perfectus copiosè aggeritur, & aliquamdiu sistitur, dumque Intestinum Ileon



Ileon ità Chylo plenum à fibris carneis paulò constringitur, pars purior & subtilior sanguini transmittenda in vasa lactea (simulque, ut nostra fert sententia, in venas mesaraicas) exprimitur, & tandem fæces residuæ & pæne effluuæ ad crassa intestina promoventur.

Cuncta hæc tenuia intestina, sive totus eorum ductus, easdem tunicas simili etiam ritu conformatas obtinent; quæ item à ventriculi membranis haud multum differunt, nisi quòd paulo tenuiores existant. Intestina omnia, tum tenuia, tum crassa (exceptis eorum principio, & fine, & quadam Coli parte quæ Omento affigitur) Mesenterii tanquam planè circularis margini connectuntur: de quibus interim mirari subit, quomodo illa quorum longitudo 6 circiter ulnarum est, à peripheria ista, quæ à centro spithamam tantum distat, comprehendi possint. Attamen super his observare est, Mesenterii planum in plicas multas & magnas collectum, in circumferentia sua trium circiter ulnarum longitudinem habere; Porro Mesenterii circumferentiam, ut longitudinem intestinorum coarctet, in singulis palmis, duodecim circiter palmos intestinorum complecti. Ad hunc modum cum ob multas rationes fieri debuit, ità præcipuè tum ut intestina in parvo, & angusto spatio distinctim, & sine confusione subsisterent; tum insuper ut motulento, & successivo, & quasi proreptim ab uno termino ad alterum moveri possint. Quippe Fibellarum motricium, quibus intestinorum ductus, sive cavitates contrahuntur, Tendines in Mesenterii fimbriâ, sive margine collocantur, & ab hoc viscere motus cujusque intestinalis instinctus procedit, uti mox clariùs ostendetur: interim de Tunicis intestinorum gracilium differere pergamus.

Harum intima plurimas rugas transversas quasi jugæ eminentia habet, quæ etiam mobiles quasi totidem Chyli remoræ sunt, atque ad moderatam ejus retentionem

*Intestinorum  
tres sunt tunicæ.*

*Quomodo Mesen-  
terio alligantur.*

*Tunica intima  
plures habet ru-  
gas transversas.*



nem faciunt, ne sc. debito citius, & priusquam satis perfici, & exprimi queat, ad crassum intestinum ipsaque ad feces efflueret. Adsunt rugæ istæ, prout optimè observavit Fallopius, in quantum hæc tunica interna multo longior sit quàm externa, & ideo crispatur, rugaturque. Nam si illa ab hac excoriatur, sinibus istis expansis, hujus longitudinem triplo excedet.

*Tunica ista nervea crustâ villosâ etiam obducitur.*

Porro tunica hæc interior penitus nervosa, atque vasorum tum lacteorum, tum sanguineorum oscula in se continens, ejnsmodi crustâ villosâ quâ ventriculus intus obducitur, & propter eosdem, uti videtur, usus; viz. hæc vasorum ora obtegit, ac tutatur, insuper & Chyli aliorumque contentorum primos appulsus sustinet, eosque dein tunicæ nerveæ paulatim tradit. Hæc autem tunica omni fibrarum genere constans, & ductus intestinalis cameram intimam constituens, ad sensationem imprimis facit, atque juxta impressiones ipsimet inflictas, tunicam carneam superstratam ad motus excretorios tardos, aut celeres, deorsum vel sursum (licet rarius) obeundos ciet. Siquando vel hujus interna superficies à contentis acrioribus stimuletur, vel fibris ejus humores incongrui impingantur, proinde ob sensiones molestas dolores ac tormina excitantur. Insuper hæc tunica nervea tum distentionibus à flatibus inclusis, tum expansionibus, & intumescentiis ob spiritus intra fibras ejus explosos plurimum obnoxia reperitur. Cæterum illa præter fibras nerveas, quibus diversimodè intextis constat, insuper vasorum sanguiferorum in ea terminatorum, ramificatione densissima (pariter ac in stomacho habere advertimus) ubique obducitur: Hinc ut suspicari liceat, Arterias humorem quendam forsan recrementitium in cavitates intestinorum passim deponere, atque venas mesaraicas haud minùs quàm vasa lactea Chyli portionem illic excipere, & sanguini immediatius inferre.

*Vasa sanguifera innumera in ea terminantur.*



2. Secunda sive media intestinorum gracilium tunica paulo crassior, & penitus carnosae est. Fibrarum hujus motricium duo sunt ordines, alter alteri substratus; primus, & interior est Annularis, qui totos intestinorum omnium ductus, sive cavitates integras, ubique serie densa cingens, Mesenterii fimbriae tanquam tendini inferitur. Alter fibrarum ordo est rectarum, sive longitudinalium, quae prioribus superstratae, easque ad rectos angulos secantes, per totas intestinorum longitudines protenduntur; iisque tendinum loco esse videtur tunica extima, quae prorsus nervea seu velut tendinosa, universae istarum fibrarum seriei obvolvitur.

2. Tunica car-  
nea sive media.

In qua duo fi-  
brarum motri-  
cium ordines,

Sc. rectarum &  
circularium.

Quod ad usus earum spectat, cum intestinorum munus sit, chylum & faeces à parte in partem promoveri, adeoque prorsum urgendo, demum per totos ipsorum ductus trajicere; insuper dum ipsa contracta & abbreviata quoad cavitates coarctantur, subtiliorem chyli partem in vasa lactea & venas Mesaraicas exprimere; obvium est concipere, quomodo praedictae fibrae utrumque hoc pensum exequantur: Quippe dum fibrae circulares successivè sive seriatim contractae, intestini profunditatem coarctant, eodemque tempore longitudinales inflatae, & intumefactae ipsum amplius angustant, simulque decurtant; necesse erit viscerum horum contenta ponè compressa, usque prorsum urgeri.

Earum usus in-  
quiritur.

Interim haud putandum erit, fibrarum utriusque generis contractiones ita magnas, & continuas fieri, ut intestinorum contenta simul omnia à parte in partem propellantur, (quanquam & hoc in Catharsi & Diarriae interdum accidere censemus) verum ordinarie, spasmi isti leviores, & intercisi, sed tamen seriatim facti, & crebrò repetiti, intestina quasi succutiunt, adeoque chylum & faeces de loco in locum leniter promoveri faciunt. Cæterum ob tales intestinorum succussus, & contractiones repetitas, chylus perpetim agitatus, plus

Cujusmodi mo-  
tus intestina ha-  
bent.



*Eorum instinctus  
potissimum à Tu-  
nicæ nervæ ir-  
ritatione.*

elaboratur, inque vasa pro receptione ejus dehiscencia facile exprimitur. Quod si inquiratur quo instinctu prædictæ utriusque generis fibræ in motum accicantur, atque ad partes modò has, modò illas seriatim contrahendas determinentur; dico circa intestina perinde ac ventriculum habere; viz. in utrisque Tunica carneæ motus à nervæ sensu pendere, ita ut juxta hujus irritationes illius contractiones sequantur. Quoties incongruum aliquod fibræ nervæ sensationem tristem imprimit, mox propter istud excutiendum, fibræ motrices intestini partem affectam contrahunt, ut quicquid molestum est depellant.

*Quibus de causis  
fibræ nervæ  
irritari solent.*

Fibras nerveas ordinariè ac blandè irritant, 1<sup>mò</sup> Chyli reliquæ, quæ, postquam succus purior satis exprimitur, effoetæ ac molestæ evadunt; donec enim Chyli distributio peragitur, fibræ motrices à fronte contractæ, eum, ne citò nimis elabatur, sistunt, postea verò spasmis à tergo excitatis, eum utpote inutilem eliminant. 2<sup>dò</sup> Fibræ nervæ paulo acrius irritantur à bile & succo Pancreatico è ductibus suis, item ab humoribus acribus, & infestis ab Arteriis intrò suffusis, quibus ibidem contractiones crebriores & fortiores succedunt. 3<sup>tiò</sup>, Irritatio adhuc vehementior, & præternaturalis ab Alimentis incongruis aut impropotionatis, item à Pharmacis & Venenis inferri solet; de quibus penultimis inferius speciatim dicetur.

Porro Intestinorum fibræ carneæ & motrices nonnunquam ob causas alias remotiores in contractiones Alvi solutivas accientur. Quippe violentæ Animi aut corporis passionēs Diarrhæam frequenter inducunt; viz. in quantum spiritus, intra ἐγκέφαλον aut principes quasdam appendicis nervosæ partes consiti, insigniùs perturbati, protinus per nervorum aut propaginum nervæarum ductus, inordinationem suam spiritibus Intestinorum incolis tradentes, eos in spasmos ἐκχωρωπικῶς accient



cient. Irritationi quocunque modo factæ contractiones succedunt, quatenus spiritus animales tum è tendinosa mesenterii fimbriâ in fibras carneas annulares, tum è tunicæ extimæ fibris tendinosi in carneas longitudinales profiliunt, quas utrasque dum adeò inflant, & intumefaciunt, proinde breviores & contractiores reddunt. Nimis à proposito hîc esset, insuper exponere quas partes in peragendo hîc Intestinorum motu peristaltico mesenterium obeat; præterquam enim quòd fibrarum circularium tendines in hujus fimbria radican-  
cantur, porrò advertere est in ejus plano fibras motrices recta à centro ad circumferentiam tendere; quarum munus aliud vix excogitari potest, quàm ut illæ pro dato instinctu hîc, illic variè contractæ, in his, aut illis intestinorum partibus, pares contractiones cieant.

*Quaratione irritationibus contractiones succedant.*

De Tunica intestinorum extimâ non est ut multum differamus; hæc à peritonæo orta & prioribus obvoluta, cum nervosa prorsus & tenuissima fuerit, vulgò ferè tantum pro cæterarum integumento esse perhibetur: verum insuper, cum fibrarum longitudinalium series huic tunicæ immediatè substernantur, nullique tendines illarum alibi reperiantur, revera hanc tunicam tendinosam esse, & ex hujus fibris nerveis pro carnearum istarum contractionibus spiritus animales profilire, & in has spasmus cessante reverti meritò suspicamur.

*Tunica intestinorum extima.*

Vasa & ductus, quæ ad tenuia intestina pertinent, vel sunt spirituum, vel humorum vehicula. Prioris generis habentur nervi eorumque plexus, & propagines, quos omnes in Neurologiâ nostrâ satis fusè explicavimus. Quod ad ductus alios spectat, vel humores ad intestina deferunt, uti meatus Cholidochus & Pancreaticus, atque Arteriæ; quadantenus item nervi (prout alibi de morbo Colico differentes ostendimus:) vel humores è visceribus istis exportant, uti vasa lactea, & venæ Mesaraicæ. Singuli hi ductus atque spiritus & humores

*Vasa & ductus ad intestina pertinentia.*



mores qui in illis scatent, quique insuper aut in viscerum cavitatibus continentur, vel eorum fibris nerveis aut carnosissimis insident, Pharmacis subjecta sunt vel objecta, & à Medicamentis quibuscunque primò ac immediatius affici solent; quibus verò modis, in particulari cujusque Pharmacis generis Theoria designabitur.

De meatu Biliario, & ductu Pancreatico cum jamjam ita plurima ab Autoribus dicta sint, atque nihilominus veritas adhuc lateat, aut in ambiguo maneat, haud opportunum erit disquisitionem, (quam valde prolixam & intricatam fore necesse est) hoc loco instituere. Quid Vomitoria & Purgantia in has partes agant, inferius declarabitur.

*Vasa sanguifera  
innumera ad in-  
testina per-  
tinent.*

Ad vasa sanguifera quod attinet, communis observatio est, Arterias & Venas quamplurimas per totum Mesenterium ramificari, indeque furculos innumeros ad intestina omnia distribui. De quibus insuper advertimus, cum tunicæ extimæ inserantur, earum paucos tantum furculos huic impendi, majores vero ramos fere omnes mox intus immersos ad tunicam interiorem remeare, in quo terminantur, propagines infinitas ac minutissimas, quæ superficiem ejus densissimam obducunt, ubiq; mittere.

*Illorum opus in-  
quiritur.*

Hic igitur mirari subit, quamobrem in hæc viscera ex se ferè exanguia tam ingens sanguinis affluxus destinetur. Haud verisimile est hoc solummodo pro calore ac nutritu dispensandis fieri, cum musculi & intestinorum tunicæ exteriores, quibus his in copia magis uberi opus est, vasis paucioribus sunt contenti. *Clar. Mæbius* ut hunc nodum solveret, *asserit naturam Arterias in tanta copia intestinis addidisse, ut in Embryone excrementa sanguinis materni quo nutritur eo tempore ad intestina deponerentur.* Cujus rationem subdit, eò nempe, quòd *intestina Embryonis aut infantis recens nati excrementum nigricans contineant.* Verum enimvero hoc argu-



argumentū facile concidit, si cum Harveo & Neotericis Embryonem in utero materno fugere & liquore nutritivum ore suscipere (utī par est) concedimus. Quin potius dicendum erit, Arterias istas in adultis animalibus sanguinis recrementa, per diaphoresin aliasque vias amandari inhabilia, sæpenumero per intestina velut eloacā expurgare: Porro interim venas quandam chyli portionem excipere, eamque sanguini reducendo protinus immiscere.

Circa intestina crassa, quod ad Pharmaciam attinet, non opus erit hīc multa dicere; quia Medicamentorum ore assumptorum virtus ferē tota exhauritur, priusquam ad hæc viscera deveniatur, adeo ut horum irritatio partim per consensum à superioribus intestinis, partimque ab illorum contentis violenter exturbatis, potius quā ab ipso Pharmaco oriatur. Tunicas easdem ac gracilia obtinent; cumque in Colo fæces rectā ascendant, fibris carnosius robustioribus, quæ contractionis motum fortiorem efficiant, opus est. Hinc, si inflammatio aut sphacelus (utī sæpius novi) circa Coli initium contigerit, adeo ut fibræ carnosæ læsæ, contractiones pro fæcibus sursum elevandis obire nequeant, illæ versus Ileon restagnantes Passionem Iliacā incurabilē inducunt. Porro in hoc intestino involucra ista concamerata five cavernæ adduntur, ut fæcibus alvi diutius detentis, crebrius desidendi molestia tollatur. Pharmacīa ad hanc regionem pertinens in clysteribus præcipuē consistit. In quibusdam verò Coli tunica interior adeo valde tenera & sensilis est, ut ab Enemate, licet Anodyno, injecto, spiritus statim excandescētes, ac intra fibras nerveas explosi, membranas summē inflent, ac distendant, adeoque in toto abdomine maximas molestias excitent. Quæ circa viscerum motus excretorios, à fibrarum carnearum contractionibus dependentes, modò tradita sunt, melius elucescent, si Hypothesis

*De intestinis  
crassis.*

*Iliaca passio se-  
pissime à Coli  
inflammatione.*



sis nostra de muscoli fabricâ, & motu, non ita pridem edita consulatur. Quod superest, pro partium istarum Anatome clarius illustrandâ singularum figuras, exactissimè ac ad vivum à peritissimo Artifice delineatas, hic subjiciendas curavimus; & quamvis in descriptione Ventriculi, cum Oesophago, & Intestinis, Fallopium aliosque tum veteres, tum recentiores sequuti, cujusque illorum tres tantum tunicas assignavimus; attamen separatione harum (post immersionem in aqua ferventi) paulo accuratius facta quatuor distinctæ apparebunt. Crusta etenim villosa, quæ tunicæ nerveæ tantum epiphysis quædam habetur, membrana per se satis crassa & peculiaris existit, atque propter innumeras quibus superficies ejus exterior scatet glandulis, propriè tunica Glandulosa dicatur, prout ex Iconibus satis liquet.

### *Figurarum explicationes.*

**T**Abula prima repræsentat Hominis Ventriculum, cum vasis sanguine turgidis exemptum, & inflatum, ut Arteriæ & Venæ omnes cum ramificationibus earum, (quæ verè & exactissime delineantur) conspici possint.

A. Oesophagus.

B. Os ventriculi, juxta quod Oesophagi fibræ motrices superius obliquæ, ob subitam illius occlusionem ac apertionem rectæ evadunt.

C. Pylori orificium cum Duodeno appenso.


DD. Duodeni portio, cujus fibræ carneæ illic loci crassi-  
ores sub tunica extima apparent.

FF. ad C. Pylori Antrum.


GG. Ven-



Tab. I.












Tab. II.












Tab. III.







Tab. IV.

Fig. 2.



Fig. 3.







Fig. 1.













Tab.V.
















GG. *Ventriculi summitas, ubi vasa sanguifera inserta descendunt, & quaquaversus surculos & propagines spargunt.*

HHH. *Ventriculi fundus, cui vasa sanguifera inserta, in ascensu suo ramulos & propagines quaquaversus densissime spargunt.*

III. *Vasorum utriusque insertionis mutuae inosculationes, & mirae communicationes.*

K. L. *Stomachi finis dexter, ac sinister.*

TABULA II. exprimit Ventriculi Humani Tunicam extimam prorsus nerveam, cujus fibrae nerveae per longitudinem ejus ductae, carneas exteriores substratas ad rectos fere angulos secant.

A. *Oesophagus, in cujus Tunica exteriori fibrae omnes nerveae recta descendunt, carneas substratas oblique decussantes.*

B. *Os Ventriculi.*

C. *Pylorus cum Antro ejus* D. *& Duodeni appensi portione* E.

F. *Ventriculi summitas, ubi vasa sanguifera densissime confita apparent.*

GGG. *Fibrae nerveae & tenues per Stomachi longitudinem ab orificio uno ad alterum, & utrinque ulterius protensae.*

TABULA III. exhibet Ventriculū Humanum Tunicā extima nervea nudatum, ut Tunicæ mediæ cum fibris ejus carneis superficies exterior sive convexa appareat.

A. *Os ventriculi cui Oesophagus a. a. a. inseritur, & quem*  
E



quem fibræ circulares carneæ b. b. b. cingunt, ac pro data occasione contractæ, occludunt.

B. Pylorus cum Duodeno appenso.

C. Pylori orificium & Antrum; quæ utraque fibræ circulares dum contrahuntur coarctant, ac (uti videtur) occludunt.

DDD. Fibræ circulares ventriculum in toto ambitu ejus quoad profunditatem cingentes.

EEE. Ventriculi summitas, sive jugum, ubi fibræ istæ oriundæ, versus ipsum dum contrahuntur, totam stomachi compagem valde coarctatam ducunt.

TABULA IV. Cujus figura I. ostendit Ventriculum inversum, cum superficie interiore & concava in exteriorem & convexam mutata, ut crusta villosa cum rugis & plicis stomachum obducentibus conspiciatur.

A. Orificium sinistrum, sive os ventriculi.

B. Pylori Antrum, in quo Tunica crassiores existunt.

C. Orificium ejus, cui Duodenum annectitur.

DD. Ventriculi summitas sive jugum orificiis interjectum.

EEEE. Latera, finis, & fundus ejus, in quibus Tunica interioris crusta villosa, in eaque rugæ ac sulci, ad vivum exprimuntur.

Figura II. representat portionem Tunicæ nervæ, in qua, crustâ villosâ exemptâ, superficies interior sive concava, cum vasorum ramificatione densissima apparet.

Figura



Figura III. exhibet portionem Tunicæ villosæ, si-  
ve glandulosæ, in qua superficies ejus exterior, quâ Tu-  
nicæ nerveæ cohæret, glandulis, & vasorum osculis, re-  
fertissima, conspicitur.

TABULA V. exhibet Tunicæ carneæ superficiem  
interiorem, & concavam exterius inversam, ut fibra-  
rum motricium series altera conspiciatur.

A. Os ventriculi, juxta quod fibrarum series exoriri  
visa antrorsum lineis partim rectis, partimque ob-  
liquis deferitur.

BBB. Fibrarum manipulus insignis, quæ os ventriculi  
cingentes supra jugum ejus, ad Pylorum tendunt, &  
Antri ejus longitudinem obducentes, in orificio ter-  
minantur.

D. Pylori orificium.

E. Pylori Antrum.

FFFF. Fibre carneæ aliæ, quæ à stomachi parte læva  
versus dextram oblique tendentes, ad fundum ejus  
descendunt.

TABULA VI. repræsentat intestinorum gracilium  
Tunicas omnes ab invicem separatas, ut fibræ nerveæ  
cum glandulis & vasorum ramificationibus, nec non fi-  
brarum motricium ordines, clare & distincte observari  
possint.

AA. Exhibet intestini integri superficiem extimam, cu-  
jus Tunica nervea tenuissima cum fibris nerveis te-  
nuissimis in *Orbem*, uti videtur, protensis apparet.

BB. Tunicæ carneæ sive mediæ superficies exterior, quæ,  
altera exempta, cum fibrarum motricium longitudi-  
narium serie, sive ordine suo, plane conspicitur.



CCC. *Ejusdem Tunicae fibrae circulares sive annulares, quae, priori serie sive ordine exempto, manifeste apparent.*

DDD. *Tunica interior nervea, cujus superficies interior, crusta villosa sublatâ, cum vasorum ramificatione densissima in conspectum prodit.*

EEE. *Tunica villosa sive glandulosa superficies exterior sive convexa, qua tunica nervea cohaeret, glandulis, & vasorum osculis confitissimis referta.*

---

SECT. II.



## SECTIO II.

## CAP. I.

## De Vomitione, &amp; Medicamentis Vomitoriis.

**D**ESIGNATA ad hunc modum Actionis Pharmaceuticæ palæstrâ, aut saltem primo ejus circo breviter adumbrato, jam proxime incumbit singula Operationum Medicamentaliū genera, eorumque rationes, & afficiendi vias describere. Itaque ab initio, quid in primo stadio, scil. Ventriculo peragatur, & quomodo Vomitoria operentur, disquiramus. Ubi imprimis explicare oportet, qualis affectio vomitio sit, quibus item de causis, & propter quas occasiones, secundum aut præter naturam excitari soleat. Dein secundo ostendetur in quas partes, earumque aut spiritus incolas, aut humores irriguos, & quo ritu Medicamenta, dum Vomitum cient, operantur.

Quoad prius, siquando quispiam Vomitu afficiatur, in se persentit fundum Ventriculi sursum contrahi, atque orificium superius aperiri, Pyloro interim (uti videtur) occluso, aut introrsum deducto, simulque totum Oesophagi ductum motu inverso, sc. ab imo ad summum, velut cochleatione quadam conniti, ut contenta quæque usque superius protrusa, demum per os egerantur. Hujusmodi partium istarum motus, proculdubio perficiuntur per fibras carneas mediam ventriculi tunicam contexentes. Nam advertimus in hac binos distinctos fibrarum carnearum sive motricium ordines, quæ stomachum quoad omnes dimensiones suas cingunt, atque simul contractæ, fundum & latera ejus unâ colligunt, sursum ducunt, & versus hoc, vel illud orificium inclinant; propterea ut contenta quæque per ostium, modo hoc, modo illud ejiciantur. Quoad fibras interiores, quæ cæterarū omnium contractiones ad hanc, vel istam

eva-



evacuationem determinant, si irritatione leviori circa stomachi fundum aut latera alicubi facta, spasmus juxta Pylorum incipiat, atque fibræ motrices internæ in finibus suis dextris prius ac potius contrahantur, tota ventriculi compages illuc contracta, saburram suam ad intestina suffundit: sin vero irritatio vehemens, & valde laceffens in quavis stomachi parte excitata, facile compesci, aut versus intestina transferri nequeat, spasmus juxta fibrarum interiorum fines sinistros incipiens, & versus os ventriculi ducens, illuc totam stomachi capacitatem, summe coarctatam, & simul contractam, corripit facit; adeo ut Pyloro intus deducto, vel occluso, atque ventriculi aperto, contenta quæque superius ejectionantur. Eadem fibræ carneæ, prout spiritus animales varie proritati, ex his vel illis tendinibus prius in illarum fines dextros aut sinistros profiliunt, ibidemque spasmos inchoant, respective ad secessum aut vomitum moliendum determinantur. Porro dum ad egestionem supernam Ventriculus prædicto modo disponitur, etiam Oesophagus propter eadem contenta ejus sursum efferranda in actione conspirat. Quippe cum in tunica hujus carnea fibrarum motricium binos ordines duplicatos, quarum aliæ oblique ascendentes, aliæque descendentes sese omnes mutuo decussant, notaverimus; priorum munus esse videtur, ut illæ in nixu Vomitivo feriatim contractæ, gulam pone saburram egerendam usque occludant, eamque adeo in oris hiatum propelli faciant.

*Quibus fibræ  
carneis spasmus  
emeticus per-  
ficitur.*

Vomitio igitur, siquidem stomachi motus violentus & sæpissime involuntarius fuerit, haud immerito convulsivus dicitur; quem insuper à spirituum animalium, qui istas fibras carneas possident, explosione, sive magna quadam expansione, (juxta spasmologiam nostram alibi traditam) procedere statuimus. Enimvero spiritus isti summe irritati, & proinde statim elastici, primo è ten-

*Vomitio, vel mo-  
tus convulsivus.*



è tendinibus prope orificium sinistrum confitis, & deinde mox ex aliis, in fibras carneas impetuose irruunt, easque summe inflant, ac abbreviant; adeo ut Tunicæ istius partibus omnibus ad se invicem propius adductis, tota stomachi cavitas coarctata, & simul complicata, adeoque sursum versus sinistrum orificium contracta, contenta quæque velut emboli impulsu, superius per Vomitum excernenda propellat.

In plerisque aliis spasmodorum generibus motus convulsivus versus eundem terminum ac naturalis peragi solet: Vomitus autem videtur affectio, stomachi actioni ordinariæ & naturali contraria, aut saltem opposita. Hujus enim solennis & fere constans gestus est, quoad totum aut partes ejus deorsum, aut versus Pylorum contrahi: tali namque motu, & tendentiâ ejus opus est, quo alimenta deglutiri, in ventriculi fundum descendere, ibidemque arctius comprimi, de latere in latus devolvi, in chylum digeri, ac demum ad intestina transmitti queant. Itaque propter hos usus fibræ motrices utriusque ordinis, blandis spirituum incurfibus inflatæ, Ventriculum ad eum modum, quem naturæ instinctus suggerit, facile componunt.

*Quomodo Vomitus ab aliis spasmus differt.*

Quinimo si irritatio quæpiam, stomachi fibræ nervis acciderit, donec noxa levior, & facile mobilis fuerit, contractio expulsiua versus Pylorum potius quam gulam instituetur: In Vomitu autem fibrarum motricium spasmus ab alteris eorum finibus, viz. sinistris incipiens, & statim violentus, & impetuosior factus, totam stomachi cavitatem simul collectam, & valde coarctatam, versus sinistrum orificium corripit, & illac evacuari cogit. Cujus ratio est, quoniam siquid valde incongruum, ac naturæ infestum stomacho infederit, illud non ordinaria via per longas intestinorum ambages, ut tandem per anum expellatur, circumferri, verum exitu propiore rejici, & è vestigio, ne mora sua labem



bem incurabilem afferat, excerni debet. Porro cum aliis partibus à Ventriculo disitis molestia magna inferatur, ne, dum natura circa eas occupatur, stomachus (ubi primus vitæ fomes est) noxium aliquod suscipiat, in maiorem ejus tutelam sæpenumero Vomitus per consensum excitatur. Adeo summa Divini Conditoris providentia cautum est, ut pro certiore corporis humani tanquam Arcis custodia, quoties hostis externus ingruet, aut inter proprias Accolas seditio exorietur, illico extra primos aditus, scil. ventriculi porticum, hospites quicunque tanquam personæ suspectæ ejiciantur.

*Vomitionis  
causa conjuncta.*

Itaque Vomitionis causa proxima sive conjuncta est, spirituum Animalium ventriculi Tunicæ carneæ insitorum subita & vehemens explosio, qua quidem illi plurimum irritati, proindeque expansi, & rarefacti, cum è fibris tendinosis omnibus, tum prius & præcipue ex illis quæ prope os ventriculi confitæ sunt, in fibras carneas impetuose prosiliunt, easque adeo repente inflant, ac abbreviant, propterea ut stomachi latera & fundus ad se invicem propius adducta, simulque versus orificium sinistrum sursum correpta, contenta quæque in Oesophagi ductum ejiciant; unde (cum & hujus contractio ab imo ad summum è vestigio succedat) per oris hiatum egeruntur.

*Qua ratione  
spiritus in spas-  
mos emeticos ci-  
entur.*

Spiritus isti ejusmodi explosiones emeticas ineunt, quia summe irritantur: quâ ratione id fiat, in tractatu de Affectibus convulsivis ostendimus; nimirum illi, cum natura valde Elasticâ præditi sint, à quolibet ὀρμητικῷ, immo interdum sua sponte ob copulam heterogeneam exiliunt, & se quaquaversus impetuose proripiunt. At tamen quibus de causis, & quibus afficiendi modis, eos ita irritari contingit, mox inquiremus. Interim observare licet, spiritus fibrarum stomachicarum incolas in quibusdam aut crassiores aut firmiores existere, ut non,



non, nisi ab irritamento fortiori, in explosiones Emeticæ agantur; in aliis vero eos aut subtiliores, aut nimis elasticos esse, ut à levi occasione in spasmos Vomitivos incitentur. Porro cum noxa aut molestia stomachi fibræ carneis infligitur, spasmus excitatus in his versus pylorum, in aliis versus os Ventriculi promptius fertur; proindeque aut Vomitio, aut Purgatio succedit.

Quod itaque ad Vomitionis causas remotiores spectat, hujus censûs erunt, quæcunque spiritus, stomachi fibræ carneis insitos, multum aut graviter irritant. Quod siquidem pluribus modis fieri contingit, eos ad certa quædam capita reducemus. Atque imprimis huc referri debent objecta improporcionata ventriculi tunicæ alteri interiori ac nerveæ, seu potius spiritibus ejus incolis, admota; hæc enim vellicata, sæpe alteram superstratam in spasmos Emeticos ciet. Irritamenta ista sunt vel ore ingesta; scil. Alimenta incongrua, Pharmaca, aut Toxica, vel Materies in ventriculo genita, vel denique è longinquo per arterias & nervos illuc delata; aut secundo Spiritus fibrarum stomachi carnearum incolæ irritantur propter molestiam quandam spiritibus aliis, hic illic procul dissitis inflictam, & inde per fibrarum, aut nervorum ductus ventriculo communicatam. Vomitio priori modo excitata, dicitur propria ventriculi affectio; atque hæc posterior per consensum fieri. Horum omnium instantias quasdam notabimus.

Primo igitur irritatio ventriculi tunicæ interiori facta, præ alia quacunque causa Vomitionem ciet. Etenim hæc pars nervea, & valde sensilis ab omnibus stomachi contentis, impressiones suscipit; & juxta quod hæc jucundæ, aut molestæ fuerint, tunica carnea superstrata, ad complexionis vel excretionis motus stimulat; & quoad posteriores hosce, prout objectum improporcionatum plus, aut minus naturæ infestum est, aut Vomiti-

*Vomitionis causas remotiores.*

*Irritamenta*

*Alimenta incongrua*

*Pharmaca*

*Toxica*

*Materies in ventriculo genita*

*Vomitio respectu*

*ventriculi vel*

*Idiopathica, vel*

*Sympathica.*

*Prior ab irrita-*

*tione Tunicae e-*

*jus nerveæ pro-*

*cedit.*



*Irritamenta Emetica.*

*Materies Emetica,*

1. *Vel ore ingeritur;*

2. *Vel in ventriculo gignitur:*

3. *Vel aliunde illuc suffunditur.*

tio aut Purgatio accietur. Porro in hac stomachi tunica, peculiare quoddam sensorium sive tactus sive gustus, à quovis alio in toto corpore distinctum collocari videtur: Quippe cum Pharmaca, aut alimenta quædam, uti Stibium, Mercurius vitæ, Flores Antimonii, ova Piscis Barbi, cum multis aliis ore masticata, nullam exhibent sensui molestiam, illa stomacho immerfa tunicam hanc quam immaniter irritant, & brevi spasmos gravissimos cient. Porro si quis Alimenti per Antipathiam incongrui portiunculam, vel inscius deglutiverit, illud quam minimum licet, aliisque cibis obvolutum, & velut larvâ obtectum, à stomacho dignoscitur, & tanquam esset hostis clandestino ingressus, impetu protinus concitato foras ejicitur: Irritamenta Emetica ore ingesta, sunt vel Pharmaca, quorum agendi rationes mox subdentur; vel Venena, quæ effectum istum producant, quatenus naturæ plurimum infestæ spiritus stomachicos primo contactu percellunt, & velut in furorem adigunt; vel tertio Alimenta, de quibus satis vulgo notum est, ea si in qualitate manifesta aut occulta, vel quantitate, vel assumendi modo delinquant, stomacho improporcionata evadere, proindeque non raro Vomitu cieri.

Secundo, Materies Emetica nonnunquam in ventriculo generatur; nempe cum assumtorum nulla sit culpa; quandoque chylus, aut ventriculi succus fermentativus in humorem acidum, austerum, aut amarum, aut alias infestum, proindeque irritativum degenerat; prout in Cholericis, & Hypochondriacis passim evenire solet.

Tertio, Nec minus frequenter humor irritativus in ventriculum aliunde suffunditur: præterquam enim quod Bilis (acuti nonnulli opinantur) succus Pancreaticus, modo singulatim, modo simul congressa & mutuo effervescentia in stomachum exantlata, fibras ejus

in



in spasmos Vomitivos cient; Insuper materies heterogenea per Arterias huc translata, Vomitus sæpe immanes concitat; ita in Paroxyfmis, & crisibus febrium, & præsertim in peste, & variolis sæpissime contingit. Interdum massa sanguinea turgescens recrementa sua, siquidem per διαπνοήν expellere nequit, per Arteriæ Cæliacæ ramos, ventriculi & intestinorum cavitatibus ingerit; adeò ut horum tunicæ, insigniter vellicatæ, Vomitiones horrendas, simulque affectus dysentericos patiantur; Nec tantum per Arterias sed quandoque etiam per nervos materies Vomitiva descendere videtur. Hinc Colicam sæpissime oriri satis clare ostendimus: Quinimo in multis (qui Pathematis spasmodicis obnoxii fuerunt) observavi, post Cephalalgiam cum torpore, & vertigine diathesin Vomitivam successisse: ut absque notabili stomachi impuritate, quotidie ingesta vomitu redderent. Materia ita per Arterias vel nervos stomachi tunicæ suffusa, modo laxa & facile dissipabilis, brevi rursus excutitur, adeo ut affectio cito pertranseat; modo fixior iisque pertinacius adhærescens, immo nonnunquam in Tumores varii generis concrescens, diathesin Vomitivam diuturnam & non facile curabilem inducit.

Hæc de Vomitu, cujus causa materialis sive irritativa alicubi circa stomachi superficiem internam confita, & nudo contactu fibras nervas afficiens, spiritus fibrarum carnearum incolas, in Explosiones Emeticas ciet. Restant plures aliæ vomitionum species, in quibus irritatio fit in aliis locis, & mox stomachus per consensum in spasmos concitatur. Quippe inter hoc viscus, & plerasque alias partes, cum tanta sit necessitudo, & mutua dependentia, frequenter accidit, ob spiritus quosdam animales alicubi valde perturbatos, mox spiritus alios ventriculi hospites, aut fibrarum continuitate, aut nervorum commeatu, pariter affici, inque explosiones Vomitivas adigi.

*Vomitio sympathica, sive per consensum.*



Quarum parti-  
um consensu  
excitatur.

Hujusmodi Vomitionis sympathicæ loca, sunt vel propinquiora, scil. utraque stomachi orificia, cum duodeno, & Oesophago; vel remotiora, scil. ἐγκέφαλος & Meninges, nec non Lien, Renes, Ureteres, Mesenterium, Uterus, & alia forsan abdominis viscera; in quorum uno, vel simul pluribus, spasmus excitatus, & exinde per nervorum ductus stomacho communicatus, fibras ejus carneas in contractiones Emeticas ciet. Pariter in Capite, cum spiritus Animales valde perturbentur, horum inordinatio mox alios Ventriculi hospites per consensum afficit, inque similes ἀταξίας concitat. Singularum ex his instantias cum earundem Ætiologiis notabimus.

i. Ab orificio  
utrovis affecto.

Primò utraque stomachi orificia sive ostia, cum ob multiplices nervorum insertiones valde sensilia sint, facile irritantur; proindeque modo introrsum, modo extrorsum deducta, varieque expansa, vel occlusa, spasmos excretorios in toto ventriculo, aut sursum aut deorsum tendentes excitant. Nullus fere in seipso quin persentiat, humores acidos aut amaros in stomacho fluctuantes, & orificium sinistrum mordicantes, nauseam & vomitionem ciere. Nec minus à bile in Pylorum regurgitante idem effectus producit.

Vomitio à Py-  
loro affecto.

Nimis à proposito esset, Helmontii de partium harum dignitate, ac Dominio insomnia referre: Orificium sinistrum animæ sedem statuit, atque dextrum scil. Pylorum appetitus, aliorumque Pathematum inere naturalium officinam esse; Porro ab hujus indignatione & obstinatâ occlusionem, Vomitiones horrendas procedere. Quamquam his minime assentiamus, attamen propter hæc ostia nimis obserata, Vomitus, aliasque stomachi affectiones malas oriri, Historiæ sequentes declarabunt.

Alius observa-  
tio Anatomica.

Juvenis illustris, diu Cachecticus, ac Vomitu crebro & dein per plures menses quotidiano, & fere continuo laborans,



laborans, demum viribus summe attritis mortem obiit: Cadavere aperto deprehendi Pylorum tuberculis scirrhosis valde teneris, & sensibilibus circumcirca obstitum, quæ hiatum ejus pænè occludebant; adeò, ut Chylus nodorum interstitiis impactus, summè putresceret, Totumque proinde viscus sensu molestissimo, & spasmo ferè continuo afficeretur. Nec minùs à sinistri orificii occlusionè vomitum ferè perpetuum excitari, Oxoniensis cujusdam casus oppidò rarus indicabit: Vir robustus, & aliter satis sanus, à longo tempore vomitu crebro laborans, comesta quæque sæpius, etsi non semper, mox rejicere solebat: Tandem victis omnibus remediis morbus in eum statum devenit ut valde esuriens comederet ille, donec Oesophagus ad Gulam usque impleretur, dein nihilo in ventriculum illabente, ingesta quæque cruda regereret; Cum Pharmacis minimè juvantibus, præ fame summè elanguesceret, & propediem interire periclitaretur, instrumentum ei instar virgulæ, è pinna cetaceâ, cum spongiæ fibula apici ejus affixa parabam; hoc ægrotans statim à cibo & potu assumptis, gutturi, unaque Oesophago immittens, Alimenta secus restagnatura in Ventriculum, orificio ejus reserato, detrudebat; atque hujus ope per sedecim annos pabulum quotidie sumsit; eâdemque adhuc machinâ utitur, & etiamnum vivit valetque, secus inedia periturus. Procul dubio in hoc casu Os stomachi sive à tumore sive à paralyfi semper occlusum, nihil, nisi violenter referetur, in Ventriculum admittit.

2. Nec minus frequenter propter irritamenta supra hoc orificium sinistrum, ac infra Pylorum in vicinâ habita, spasmus excitatus, & fibrarum continuitate in Ventriculum propagatus, contractiones ibidem Emeticæ ciet. Cum inter deglutiendum Alimenta in Oesophagi duâ, ob Paralyfin vel obstructionem hærent,

*Vomitio ab ore  
Ventriculi affe-  
cto.*

*Casus hujus no-  
tabilis.*

*De vomitione.*

*Vomitionis sym-  
pathicæ causâ in  
Oesophago.*



*Etiam infra  
ventriculum in  
visceribus.*

rent, & fibras nerveas stimulant, mox carneæ sursum contractæ, etiam ventriculum in spasmi consensum rapiunt. Similis effectus à palato aut uvula irritatis passim succedit. Hinc à cibo, potuve ingratis, ferè tantum ore libatis, etiam à pluma gutturi indita, sæpissime vomendi nixus, aut vomitio cietur. Propter eandem rationem etiam in Pthisi, tussim vehementem quandoque vomitus comitatur, aut sequitur; scil: ob vellicationem, sive concussionem ejusdem tunicæ, quæ pariter Gulam & summitatem Trachæ obducit: Pariter in Ventriculi appendice inferiore scil: intestinis si molestia cum spasmo alicubi contingat, sæpe affectus iste, fibrarum continuitate sursum obrepens, vomitum ciet. Propter hanc rationem in morbo Cholera, Iliaca passione, aliisque Intestinorum torminibus, vomitio excitatur. Hinc etiam nonnulli, quibus viscera teneriora sunt, ab Enemate admisso constanter vomunt. Facile esset hujusmodi instantias plurimas hic congerere, verum ad alias vomitionis causas transeamus.

*Vomitum causa  
interdum in ca-  
pite.*

3. Præter has modò citatas, in quibus irritatio in ipso ventriculo, aut in appendice ejus habetur, quandoque accidit stomachum, ex se satis sanum & inson-tem, partium aliarum longe distitarum culpas luere; quod non fibrarum continuitate, sed nervorum com-  
meatu sive commercio peragitur. Quippe horum ductu, cum spiritus animales in uno loco perturbantur, alii procul degentes similem ἀταξίαν concipiunt, atque spasmos ineunt: hinc à vulnere aut plaga graviore capiti inflictâ, quatenus spiritus intra ἐγκέφαλον perturbati, nervorum paris octavi commeatu, alios ventriculi hospites in pares ἀταξίας concitant, vomitio frequenter succedit: propter eandem rationem, nonnulli in navigio aut curru vecti, vomitu immani tentantur: Cujus symptomatis causa, haudquaquam est (uti



( uti quidam asserunt ) humorum agitatio; at verò spiritus animales cerebrum incolentes, in motus inordinatos coacti, nervorum principia tumultuosè subeunt, eorumque ductu viscerum contractiones, emeticas cient. Interim materia vomitu rejecta, mera est bilis, quæ à vasis choledochis, propter spasmus prius inductum, exantlatur; tantum abest, ut causa vomitionis primaria fuerit. Porro ex ejusdem octavi paris nervi trunco si quando propagines, & rami inferiores, ac in abdominis peculiaria viscera distributi, in spasmos irritantur, aliæ had infrequenter propagines quantumlibet intactæ, pariles concipiunt Anomalias, & aliis ipsæ visceribus, ac imprimis Ventriculo motus convulsivos impertiunt. Hoc manifestum est de vomitu, qui in Paroxyfms Nephriticis, item in affectibus Colicis, & Hystericis ità dictis, passim excitatur.

Haftenus de vomitione in genere, ejusque subiecto, ratione formali, causis, variisque fiendi modis; ubi ostensum est affectionem hanc omnino à spiritibus Ventriculi tunicam carneam incolentibus summè irritatis, inque explosiones spasmodicas actis produci, eos verò plerumque ac potissimùm in ejusmodi motus contractivos incitari, propter tensionem molestant tunicæ interiori nerveæ impressam; præterea tamen spiritus istos ἐμετοπολητικὸς affici, ob spiritus aliis in locis perturbatos, & inordinationem suam aut fibrarum continuitate, aut nervorum ductu, ventriculo communicantes. His istà præmissis, restat proximè ut ( quod secundo in loco erat propositum ) de Pharmacis vomitivis agentes, quo ritu & quali discrimine illa in ventriculum, aliasque corporis nostri partes operentur, ostendamus.

Circa hæc obvium erit concipere, vomitiva ore ingesta, & in ventriculum suscepta, primò tunicam  
ejus

*In Abdominis  
partibus remo-  
tis.*

*Pharmaca Eme-  
tica quomodo o-  
perantur.*



ejus interiorē prorsus nerveam irritare, eique molestiæ sensum affigere; dein hujus instigatione tunicam carneam superstratam affici, & ad molestum hoc ejiciendum in contractiones excretorias concitari. At vero in hoc opere, tum quoad irritationis modos, tum & excretionis vias, discrimina quædam subsunt, eorumque rationes non facile patent.

Primo enim cum Pharmaca Cathartica, stomacho immersa, fibras ejus carneas in contractiones excretorias stimulent, undenam contingit, ab his sæpius ac potius vomitum, & ab illis purgationem, & non indifferenter alterutrum concitari?

2. Porro ex iis quæ vomitionem plerumque & ferè constanter movent, observare est, quædam *ἐνεργείας* sive operandi ratione manifestâ, effectum istum producere; uti cum assumta, sapore, odore, aliave qualitate sensibili prorsus ingrata sunt; aut quantitate peccant; insuper & alia dari Pharmaca, propriè magis, & specificè pro Vomitoriis habita, quorum virtus Emetica, sensibus nostris prorsus abscondita, tantum per effectus in stomacho editos se prodit. Horum solutiones pro Emetologiâ rite condenda plurimum faciunt.

*Vomitoria à Catharticis vel differunt,*

1. Quoad prius, ut medicamen quodpiam per vomitum potius, quàm per secessum operetur, ejusmodi illud particulis constare debet, quæ, cum naturæ infestæ, aut saltem incongruæ sint, insuper quoad qualitatem vel quantitatem ità habeant, ut neque à stomacho prorsus subigi; neque tam diu ab eo tolerari possint, donec fibris, sive villis ejus paulatim detersæ, una cum aliis succis sensim & per partes à Pyloro eliminentur: Quinverò siquidem illæ, aut Ventriculi fibras atrociùs vellicant, aut pertinaciùs adhærent, aut motu suo ipsum aggravant, ac distendunt, statim carneæ fibræ ad spasmus excretorios accinguntur,



cinguntur, & dein naturæ instinctu illæ potius in eum modum contrahuntur, quo molestum hoc cum majore impetu, & breviori exitu foras amandent. Quomodo fibræ carneæ moveantur pro purgatione molienda, ordine infra dicemus.

2. Quod ad Emeticorum distinctionem, & diversas operandi rationes spectat, cum vulgò duplicia *Emetica vel mitiora vel fortiora.* audiant, scil: mitiora, & fortiora; quorum priora vim suam emeticam in aperto gerunt, & per manifesta indicia vim irritativam produnt; uti cum decoctum Hyssopi aut Cardui, infusio radicum Scyllæ, aut Raphani; solutio vitrioli, aqua tepida vel mulsa plenius epota, & similia; quæ primo aspectu, vel libamine stomachum movent, ad vomitionem ciendam exhibentur: hisque exhibitis, ut vomitus succedat, sæpe palati aut gulæ irritatio succenturiari debet. 2. Emetica fortiora (quæ & propriè magis ad hunc censum pertinent) ejusmodi sunt Pharmaca, ut, si in debita quantitate assumantur, vomitionem ferè in omnibus concitent; qualia imprimis sunt Helleborus albus, Nux vomica, Vitriolum, eorumque, uti & Mercurii varia præparata; quæ certè licet usui Medico satis commoda, immo perquam necessaria existant; tamen quoad eorum naturam, & vires, in quibus potentia Emetica consistit, parum à venenis differre videntur: quare si in dosi nimia exhibeantur, non rarò mortem accersunt. *Fortiora parum à venenis differunt.* Quo ritu & quibus afficiendi modis, hæc in Ventriculum aliasque corporis humani partes operentur, quandoquidem nunc disquirendum restat; imprimis Phænomena, quæ in hoc Pharmaciæ genere præcipuè notabilia occurrunt, subdemus.

Emetica stibiata, aliaque fortiora stomacho ingesta, haud statim (nisi in prius nauseabundis) irritare, aut molestiæ sensum inferre solent; postea vero, *Qua ratione in Ventriculo operantur;* modo



modo citius, modo tardius nausea & perturbatio quædam sentitur, dein stomachi contractio, & ascensus, cum orificii ejus aperturâ, & Oesophagi versus guttur exilitione succedunt, vomitu mox subsequente; dein hoc finito, viscera hæc subsidunt, & paululum quiescunt: brevi tamen postea stomachi inquietudo, & nausea, atque hujus, simulque gulæ ascensus cum vomitione redeunt; adeoque per plures interdum vices vomendi impetus, & cessatio repetunt, donec, viribus Pharmaci penitus attritis, operatio hæc desinat.

*Et quo ritu cum  
afficiunt.*

A Vomitionis initio Ventriculus tantum sursum contrahi, & non immaniter lacerari videtur. Postea hujus spasmus vehementiores fiunt, & se latius explicant, adeo ut duodenum motu inverso, contractiones suas sursum dirigat, & contenta quæque in stomachum (quibus irritatio Emetica intenditur) suffundat: Si irritatio adhuc amplius intendatur, non tantum spasmus, at sæpe distensiones, & intumescentiæ, ac imprimis periculosior Ventriculi convulsio, scilicet: singultus, succedit: quinimo ob spiritus animales in tota systasi perturbatos, & quandoque dissipatos nimis, vel excitatos, Lipothymia crebra, sudores frigidi, & non raro membrorum aut totius corporis spasmus lethales eveniunt.

*Cujusmodi materies & quotuplex à vomitorio ejicitur.*

Ab Emetico fortiori exhibito, quando stomachus evomere incipit, primo ejicitur illud quod in cavitate ejus fluctuat; dein quicquid viscosi phlegmatis villis ejus adhæret, aut in plicis reconditur: Si velliatio perseveret, serosi humores Arteriolarum, & nervorum osculis exprimuntur; dein spasmus Duodeno ejusque ductibus communicato, bilis & succus Pancreaticus, è meatibus extorti, inque Ventriculum suffusi, egeruntur: Hinc biliosa plerumque ultimo rejiciuntur, & tunc non raro mera bilis copiose evomitur:



tur: quod si ita contingat, qualibet excretionis vice, tormina paulò infra Ventriculum, in latere dextro excitata, sursum perreptant; quæ procul dubio sunt à bile in duodenum expulsâ, & istinc ob motum intestini convulsivum, ac inversum intra Pylorum suffusa. Si irritatio nec dum cessat, Arteriæ (osculis ipsarum summe irritatis) humores è totâ massa sanguineâ vomitu excernendos profundunt.

Ex hac Vomitionis historia conjicere licebit, quomodo & qua ratione Pharmacum Emeticum operetur: viz. hoc ventriculo immersum, cumque humore istic contento sese immiscens, sui que tincturam imprimens, à crusta villosa superficiem internam obducente paulatim fuscipitur: inde fibræ nervæ, tunicam interiorem contexentes, & hanc crustam sustinentes, tincturam istam virulentam sensim imbibunt; qua cum aliquatenus saturantur, propter succi incongruitatem, corrugari, & multum inquietari incipiunt; hinc fibræ carneæ superstratæ, propter molestiam à nerveis conceptam irritatæ, spasmos primò leviores hic illic sparsim ineunt; unde nausea & stomachi perturbatio; mox verò, earum ordinis utriusque interioris omnium, spiritus incolæ summè excandescunt; & simul explosi contractiones validissimas & Emeticas, quò molestum illud fibris nerveis excussum vomitu ejiciatur, peragunt: Cumque hoc ritu fibræ istæ succo medicamentofo, quem imbiberant, liberantur, paululum cessat vomendi nixus; donec tincturæ virulentæ, quam subindè à crustâ villosâ hauriunt, novo penu rursus imbutæ, in parem molestiam & irritationem Emeticam urgeantur: Atque ita aliquoties repetit vomendi impetus, usque dum tincturæ venenatæ materies, etiam à crusta villosa abstergetur, & demum tota foras ejiciatur, proinde ut tunicæ interioris fibræ nervæ, virus illius non amplius imbibant.

*Vomitorii ratio,  
& operandi modus describitur.*

*Quare Emetica  
ex intervallis  
& per vices egerantur.*



*Quare vomitio  
non facile seda-  
tur.*

At verò non ideo semper Vomitionem finiri contingit, quin Pharmaco licet penitus rejecto, nulloque ejus contagio superstite, sæpe tamen spiritus isti stomachici, nimis lacessiti, furorem suum ægrè dimitunt; adeò, ut à succo quocunque alio (quem fibræ nervæ imbibierint) irritentur, inque spasmos Emeticos agantur, quin & crebra interdum vice eos repetant: Quare tunc, ut vomitio cesset, nihil omnino potus sive alimentosi, sive Cardiaci ventriculo ingeratur; atqui, fotu calido externè adhibito, somno indulgeatur.

*Humores in ven-  
triculum ex-  
pressi pharmaci  
operationem sæpe  
augent.*

Porro nonnunquam humores alii è vasis expressi, ac præsertim bilis è meatu choledochi in ventriculum suffusa, non tantum vomitorio vires addunt, sed operatione ejus finitâ, stomachum ultra laceßere & in contractiones excretorias urgere perstant: quinimo fibræ hujus nervæ flavum istud virus, tincturâ Emeticâ haud minus molestum imbibentes, spasmos excitant, & supra Pharmaci vires, crebros vomendi impetus propter molesti istius exclusionem continuant. Ob hanc rationem, quando bilis exundat, siquidem à levi occasione illa in stomachum accersitur, sæpissimè à pharmaco mitiori, vomitio immanis cum horrendis symptomatibus excitatur; cujus interdum sedandæ gratiâ, Enema leniens, quo bilis turgescens versus inferiora sollicitetur, exhibere convenit.

*Quare vomito-  
ria in quibus-  
dam citius aut  
statim operan-  
tur.*

Quod verò interdum ab Emetico assumpto vomitio immediatè consequatur, cum scilicet: Pharmacum vix fundum ventriculi attigit nec dum fibras ejus altius subierit; in causa est, vel quòd crusta villosa ex parte detrita (uti in gulosis & bibonibus assolet) fibræ nervæ nudatæ citò ac faciliè irritantur; vel quia phantasia, Medicinam averfata, nauseam prius intulerat; vel denique quia stomachus materiæ excrementitiæ putrilagine pergravatus, sponte prius sua fuerat in vomitum



mitum proclivis. Quod ad fibras nerveas spectat : quæ tincturam Emeticam imbibentes, molestiæ sensum, à quo fibræ carneæ in spasmos convulsivos irritantur, concipiunt; prorsus eadem illæ sunt, quæ plurimum inanitæ famem sive stomachi latratum, exsiccata sitim efficiunt; ab alimentosis succo grato saturatæ ventriculo complacentiam, & toti prætereà corpori refectionem impertiunt.

Cum Pharmaca Emetica in forma liquida vel solida exhiberi soleant, satis obvium erit intelligere, quomodo priora ventriculi fibras nerveas subeant, easque ad plenitudinem irritativam saturent: Attamen de posterioribus merito à nonnullis ambigitur, quonempe ritu, pulvere perexiguo, prout stibii aut florum Antimonii, in trium aut quatuor granorum pondere exhibitò, vomitio perquam immanis inferatur; cum à Pharmaco tantillo & non facile penetrante, videatur fibras illas vix ulla ex parte, saltem haud quantum pro irritatione Emetica sufficiat, imbui posse. Super his dicendum erit, Medicamentum istud in substantia sicca exhibitum, illico dissolui, & humorem satis multum in ventriculo imprægnare; adeò, ut facta velut Croci Metallorum infusione sulphuris Antimonialis particulas solutas, fibræ stomachicæ imbibant, inque spasmos proinde Emeticos irritentur.

Quod à nonnullis asseritur vomitorium in dosi quantumcunque magna exhibitum, non fortius operari, quàm si in modica solum quantitate fumeretur; à veritate omnino alienum est, ejusque rei experimentum non sinè periculo tentandum; quippe si plures adsint Medicaminis particulae, fibras etiam plures imbuent, easque altius subeuntes, gravius lacerassent; adeo ut spasmi immaniores & crebriores necessario consequantur.

Quod ad vulgi opinionem spectat, Pharmaca vomitoria

*Vomitoria in  
forma solida  
operantur.*

*Vomitoria in  
quacunque dosi  
haud pariter ope-  
rantur.*



*Vomitória non  
virtute Specifica  
prædita sunt.*

mitória proprietate quadam specifica, humores sursum agere, & per superiora excernere, merè frivolum videtur; nam cujusmodi illa virtus fuerit, nullus explicare; nec, quòd talis revera existat, probare potest. Interim pro Emetologiâ intelligenda satis erit concipere medicaminis particulas naturæ plurimùm infestas, à tunicæ stomachi interioris fibris nerveis imbibere, ipsisque molestiam magnam inducere; dein ad succum istum subito & viciniore via rursus expellendum, tunicæ alterius fibras carneas irritari, inque spasmos Emeticos instigari: Quod verò à nonnullis urgetur Helleborum album umbilico admotum, & infusionem Croci Metallorum Clysteris forma exhibitum, vomitum movere; exprimento sæpius factò, minimè verum esse deprehendi: Quod si interdum ita fiat, quidni irritatio violenta intestinis inflicta ibidem Spasmos & Contractiones inversas, & dein, secundario & per consensum, in ventriculo Vomitiones concitet? (pari quidem ritu, ac cum hæc ventriculi affectio, sæpissime Colicæ ac Iliacæ passioni supervenit.) Olim vinum stibii infusione imprægnatum in canis robusti venam Jugularem ad  $\text{zvj}$  injiciendum curavi; post 5 vel 6 circiter horæ minuta iste cespitare, inter progrediendum titubare, & dein immaniter vomere cæpit. Attamen arbitrari fas sit, effectum istum à Pharmaco, cerebrum potius quam stomachum impetente, excitatum fuisse; cum par vomitio post linimentum aut fotum è succo aut decocto Nicotianæ capiti adhibitum passim succedat.

*Non in peculiaribus  
humores operantur.*

Nec minus sententiam istam, quæ statuit quædam vomitória in Bilem, alia in Pituitam, aliaque in Melancholiam agere, & humorem hunc, vel illum à cæteris discretum & quasi sincerum educere, à veritate alienam, & fundamentis prorsus nugatoriis nixam judicamus. Circa delectum verò in Emeticis habendum,



dum, præcipua discriminis ratio eatenus observari debet, ut in affectibus nonnullis mitiora exhibeantur, *Error iste vulgaris unde suboritur.* quæ ultra ventriculum nihil perturbent; & sola ea quæ in cavitate ejus fluctuant, aut tunicis adhærescunt, leniter educantur: In aliis fortiora conveniunt; ut spasmus etiam visceribus aliis impertito, quodcunque excrementitium in iis stagnat, aut alicubi congeritur, è minera commoveatur, & protinus sursum aut deorsum foras eliminetur. Quod vero interdum materia viscosa & velut Phlegmatica potissimum excernatur, in causa est, quoniam ventriculi saburra, inconcussis biliosi humoris receptaculis fere tantum expurgatur; veruntamen quando emulgentur vasa choledocha, excretio maxima ex parte evadit biliosa: Humoris atrii vomitio à medicamento tinctura ut plurimum dependet; egestam enim materiam vitriolica, nigredine inficiunt.

Evacuatio per vomitum uti violentior, quam per secessum; ita, si cum virium tolerantia peragatur, in nonnullis affectibus plus quam purgatio decies repetita prodesse solet: Hoc enim modo Phlegma ponderosum stomachi plicis coalescens, quod cathartica cætera quævis præterlaberentur, veluti scopis purgatur; insuper partes vicinæ, Pancreas, Mesenterium, Lien, ipsumque Jecur, concussione valida commoventur; adeo, ut obstructions in iis factæ, etiam sanguinis & humorum stagnationes quæcunque hoc remedii genere facillime amoveantur. Fermenta extranea, ubivis in corpore genita, atque altiora morborum seminia, absque Vomitoriis adhibitis raro extirpantur; præcipue autem in Cerebri & nervosi generis affectibus Emeticorum usus valde proficius deprehenditur: Etenim hoc pharmacie genere non tantum stomachi, & viscerum sordes, quæ chylum, & sanguinem inquinant uberius abstreguntur, sed etiam

*Pharmacia Emetica si conveniat, alia quæcunque efficacior est.*

Glandulæ,



Glandulæ, quæ sanguinis & succi nervosi emunctoria sunt, in visceribus confitæ emulgentur, vasa choledocha, aliaque excrementorum receptacula copiosius evacuantur, proinde ut eadem inanita, serum, & alia utriusque humoris purgamenta, & superfluitates, secus in caput restagnare apta, promptius suscipiant: Insuper his, cum innumera Arteriarum oscula, sub crusta villosa in Ventriculum dehiscant, hæc à vomitorio insigniter vellicata, humores quosque vitiosos aut malignos in sanguine scatentes, ibi per vomitum excernendos profundunt; atque ob hanc potissime rationem est, quod morbi Herculei ab Emeticis optime, & vix sine iis curantur. Hæc enim pharmaca siquidem naturæ activæ ac indomitæ fuerint, non tantum Arterias vellicando, humores superfluos è massa sanguinea exprimunt, sed & Venarum quæ illic innumera dehiscunt ductus subeundo, Sanguinem fundunt, ejusque serositates, aliaque recementa præcipitant ac secerni faciunt. Interim vero pharmacia emetica haud indiscriminatim ab omnibus usurpari debet. Quippe in nonnullis Ventriculi tonus nimis laxus, & debilis est, & constitutio adeo tenera ut à Vomitoriis statim spiritus fatiscant, & vires exolvantur; nonnulli etiam viscera sensationis immodice pertinacis obtinent, quæ licet difficulter evomant, Vomitio tamen semel incæpta haud facile sedatur; quin & creberrimo vomendi nixu, usque ad magna viri-um dispendia, & non raro animi deliquia tentantur.

*Sed magis periculosa.*

*Vomitorium Indicantia.*

Quare ut Vomitorium rite exhibeatur, perpendere oportet, quæ sint ejus indicantia, permittentia, & prohibentia. Emetica indicari videntur, quando in Ventriculo humor biliosus, & amaricans fluctuat, ut exinde nausea, sapor ingratus, aut cephalalgia inducantur; item si stomachus Pituita viscida aggravetur, ut in virginum Pica, in viris post crapulam & victum



victum inordinatum. In plerisque casibus, ubi cum respiratione difficili, Ventriculus oppletus Anorexiâ, vel Nauseâ afficitur, Anacatharsis usui esse solet. Porro dum stomachus fermento extraneo obsidetur, ut ingesta quæque statim vomitu rejiciat; etiam ratione partium dissilarum, non raro Vomitio cum fructu adhibetur: namque hoc pacto vasa choledocha quàm maximè inaniuntur, ut propterea bile è sanguine uberius elutriatâ, dyscrasiæ ejus febriles eximantur. Dein quatenus humoris nervosi superfluitates, aut stagnationes, hujusmodi excretionis methodo facillimè curantur; in Arthritide, Asthmate, Epilepsiâ, Maniâ, & plerisque aliis morbis, qui magni & Herculei habentur, Emeticorum usus haud minimam medendi rationem succenturiabit. Secundò hujus remedii exhibitionem permittunt viscerum robur,<sup>2. Permittentia.</sup> & corporis firma constitutio, ac imprimis quibus collo & pectore curtior præditis Ventriculus & os spatio minore distant; huc etiam faciunt Vomitionis facilitas & *δυσφορία*, materiæ excernendæ laxitas, & prompta secretio, item naturæ sedatio, & huic operi insistendi velut otium. Tertiò Emeticum prohibent,<sup>3. Prohibentia.</sup> vomendi difficultas, sive ineptitudo priore experientiâ inventa, corporis tenera & mollis constitutio, statura gracilis, & procera, viscera infirma; & præcipuè si adsit diathesis tabida, cum ulcere Pulmonum, aut sputo sanguineo: item nimia Cachexia, in quâ periculum existit, ne humores à toto corpore *ἀδεύως* in Ventriculum exprimantur; Insolita etiam sanguinis effervescentia, febrium paroxysmi, & Criseos expectatio hujusmodi Pharmaciam omnino excludunt.

Medicamenta quæ Vomitoria perhibentur, distinguuntur quoad operandi vim, in lenia, mediocria, & fortia; quoad materiam è qua desumuntur, in Mineralium,



*Emeticorum  
divisio.*

neralium, vegetabilium, & Animalium partes, aut præparata; quoad saporem, aut palato valde ingrata sunt, uti Vitriolum, Nicotiana, Radix Bryoniæ, &c. vel sapore pollent satis grato, uti fructus Mezerei, Nux Indica, ova piscis Mulli sive Barbi; aut sunt ferè insipida, uti flores Antimonii, Crocus Metallo-  
rum, Mercurius vitæ, &c.

SECT. II.



## SECTIO II. CAP. II.

*Vomitoriorum formulæ, & quorundam ex iis  
quoad præparationes, & Analyses  
chymicas, Ætiologiæ.*

℞ Oximelitis scillitici ℥iss. vini scillitici ℥ij. misc.  
f. vomitorium.

℞ Folior. Asari recentium numero 6 ad 9. contu-  
sis affunde vini albi ℥iij. f. expressio, quæ sumatur cum  
regimine.

℞ pul. rad. Asari ℥j. ad ℥iiij. oxymelitis scilli-  
tici ℥iss. misc, sumatur in haustu liquoris possetici.

℞ Salis vitrioli ℔j. ad ℔ij. vel ℥i. sumatur in hau-  
stu liquoris possetici.

℞ Infusionis croci metallor. ℥ss. ad ℥j. vel ℥iss. su-  
matur in haustu liquoris possetici cum regimine.

℞ Infusionis croci metallor. ℥vi. vini scillitici ℥iss.  
syrup. acetosi simp. ℥ss. misc: f. vomitorium.

℞ Sulphuris Antimonii gr. vj. ad viij. cremoris  
tartari ℔j. misc, detur in pulpa pomi aut pruni co-  
cti, vel in cochl. j. panatellæ.

℞ Mercurii vitæ gr. iij. ad vj. sumatur eodem  
modo. Flores Antimonii, Aurum vitæ, sive Præcipita-  
tum solare, & Turbith minerale sumantur similiter.

Emetica, quæ præcipuæ notæ sunt, chymica parari  
solent primo ex Vitriolo, secundo ex Antimonio, ter-  
tio ex Mercurio.

*Sal Vitrioli.*

I. Emetica  
Vitriolica.

Sal vitrioli variis modis præscribitur, sc. ex colco-  
thare elixiviato, ex vitriolo cæruleo calcinato & elixi-



*Gilla Theophrasti.*

viato, juxta Angelum Salam, & ex Vitriolo albo crebris solutionibus, & coagulationibus purificato; quod medicamentum Gilla Theophrasti vulgò appellatur, estque omnium tutissimum & paratu facillimum; attamen duo pharmaca priora insigniter styptica, & quatenus ignem passa, nonnihil corrosiva existunt: posterius autem satis benignum, stomachi fibras leniter convellit, & nonnihil corrugari facit, proinde ut, quod molesti est excutiendi gratia, illæ demum spasmos & vomendi nixus ineant; qui tamen citò pertranseunt, & Ventriculi perturbatio statim compescitur.

*Usus ejus.*

Sal vitrioli ideo pluris æstimatur, quòd rarò ultra stomachum commoveat, nec uti stibiata viscerum spasmos & sanguinis inordinationes, aut spirituum deliquia inducit; illi tamen vitio vertitur, quòd seignius, & interdum vix omnino operatur; quare à vitriolo assumpto, & liquore possetico copiosè epoto sæpe opus est Vomitionem penna gutturi indita provocare, aut possetum carduatum, vel oximel scilliticum propinare.

2 Emetica Antimonialia.

*Antimonium crudum minime Emeticum.*

*Antimonii virtus emetica in quibus consistit.*

2. Antimonium crudum, mixtione integra manente neque per Vomitum, nec sedem operatur; cujus ratio est quòd particulæ sulphureæ, & salinæ, à quibus virtus emetica procedit, in eo ligatæ, aliisque obvolutæ sese exerere nequeant; attamen concreto hoc præparatione quadam referato, & nonnihil soluto, particulæ istæ satis liberæ & ad agendum promptæ redduntur. Quod si inquiratur utrum facultas Vomitiva à corpusculis sulphureis, an à salinis dependeat? videtur quòd à neutris singulatim, sed ab utrisque simul combinatis fiat: Quippe cum illæ seorsim ab his, prout in tinctura Antimonii, aut hæ ab illis, prout in cerussa ejus exhibentur, Vomitio minime succedit. Alibi notavimus particulas merè sulphureas aut salinas



salinas gustum & olfactum vix movere, sed utraque simul conjunctas sensoria ista valde afficere: Pariter habere putamus, circa peculiarem Ventriculi sensum; eum nempe potissimum à sulphureo-salinis jucunditatem, & molestiam accipere, & ejusmodi compositionibus gratis aut infestis tum Cardiacæ tum Vomitoria constare. Stibium, quo in medicamentum satis activum cedat, parari solet vel per se, quomodo vitrum, & flores Antimonii efficiuntur; vel cum salibus, adeoque vel cum sale nitroso, uti crocus ejus; vel cum sale fixo, uti sulphur ejus; vel cum sale acido, uti butyrum ejus, & qui ex eo efficitur Mercurius vitæ. Extant plures aliæ Stibii præparationes emeticæ, prædictæ autem maximè notæ, & communissimi sunt usus. Quo medicamina tum ista tum alia quæque rite præparentur, imprimis danda erit opera, ut Antimonium purum, & plumbo impermixtum eligatur. Circa hoc præter splendorem, & striarum elegantiam, certissima probationis via est, ut frustulum massæ emendæ cum æquali nitri parte calcinetur; bonitatis signum est, si totum in hepar, & scorias abibit; nam secus portio ejus in merum plumbum interdum liquefit. Hoc ritu quondam ex Antimonii lib. j. Saturni ℥ij. elicui.

*Particulæ ejus  
quâ ratione E-  
meticæ fiant.*

### I. Vitrum Antimonii.

*℞ Antimonii electi pul. q. s. calcinetur in vase terreo, agitando donec fumare desinens, colorem cinereum sive griseum acquirat; materies exenta & in crucibulo satis fusa, in tabulam aut pelvim effundatur; frigescens in vitrum pellucidum, & hyacinthinum abibit. Dosis hujus pulveris gr. iiij. ad vj. infusionis in vino factæ dosiς ℥vj. ad ℥ fortiter operari solet.*

*Vitrum Anti-  
monii.*

Prædicti



Præparationis  
Ætiologia.

Prædicti apparatus ratio ( ut opinor ) hæc est. Antimonium inter calcinandum diu agitur, ut, dum particulæ sulphureæ copiosè evaporant, salinæ ad vitrificandum aptæ densius agglomerentur; quæ postea, dum massa ab igne intenso funditur, terrestres etiam attenuatas prehendentes, facilè in vitrum concrescunt: quod insuper ob particulas quasdam sulphureas adhuc relictas rubescit, & emeticum existit. Enimvero Stibium sulphure suo magnâ ex parte aut omnino spoliatum in vitrum disponi, hac instantia manifesto liquet, in quantum scilicet calx sive caput mortuum à destillatione Butyri Antimonii relictum fusione in vitrum liquefcit; quod tamen album & virtutis emeticæ expers est, in quantum particulæ omnes sulphureæ ascendentes, massam istam penitus destituerant.

Flores Antimonii.

2. Flores Antimonii. R. Antimonii selecti & pulv. q. v. in cucurbita cum alembico aut in vasis terreis in hoc opus adaptatis sublimetur igne moderato, aut per se, aut cum arena, vel pulvere laterum, vel tartaro calcinato admixtis: flores ascendunt flavi, citrini, & albi, quorum qui albissimi sunt colligantur, & usui reserventur.

Præparationis  
Ætiologia.

In hac præparatione Antimonii particulæ salinæ & sulphureæ, aquosis & terrestribus excussis ascendunt, ac unâ combinantur; quapropter, cum & corpus minerale plurimum referetur, & corpuscula maximè activa ( hebetioribus, quæ hæc obtundunt, depositis ) simul conjungantur, medicamentum hoc atrociter Vomitivum, & non facilè tutum evadit. Dosis gr. ij. iij. iiij.

3. Crocus



## 3. Crocus Metallorum.

℞ *Antimonii electi, & nitri purissimi ana ℥iiij.* Crocus metal-  
lorum præpa-  
singulatim trita, & probè mista, mortario aeneo in-  
dantur, & carbone vivo injecto igniantur; cum in-  
tonatione quadam efflagrabit: residua demum mas-  
sa, subrubra (quæ ob colorem hepar *Antimonii* vul-  
go dicitur) à scoriis partim nigris partim albidis cir-  
cumcirca jacentibus separetur, & usui servetur: he-  
par in substantia exhibetur ad gr. iij. iiij. vel v.  
vinum infusionis ejus, ab ℥ss. ad ℥i. vel ℥iiss. Hoc sa-  
tis benigne operatur, & emeticum maximè usitatum  
est.

Processus hujus ratio est, quod Nitrum cum Anti- Ætiologia ejus.  
monio pariter ac cum sulphure communi tritum ac  
commistum habet; utraque sc. mixtura à levissimo  
incendiculo ignitur, in quantum utræque particulæ,  
sc. nitrosæ ac sulphuræ ad quamcunque accensionem  
requisitæ copiose ac intime convenerunt. A deflagra-  
tione hac corpus minerale satis aperitur, ejusque par-  
ticulæ ab invicem laxantur, & quamvis sulphuris por-  
tio quædam avolavit, sat tamen relinquitur, quod  
sale combinatum & colorem croceum, & virtutem  
emeticam producat. In præparatione hac, si nitro in  
majore proportionem admisso Antimonium plus solito  
calcinetur, massa ab efflagratione residua, pauciori  
nunc sulphure imbuta, non amplius rubra, sed flava sive  
citrina, atque minùs Vomitiva evadit.

## 4. Sulphur Antimonii.

℞ *Salis Tartari, vel Absynthii ℥viiij.* Sulphuris Anti-  
inditum in fornace Anemii fundatur, & dein cochlea- monii præpara-  
tim tio.



*tim injice Antimonii crudi pulverisati ℥vj. fluere sinatur per horæ quadrantem, dein effundatur in vas argenteum aut æneum, massa crocei coloris edulcoretur crebris ablutionibus. Dosis gr. v ad x longe mitius ac benignius operatur, quam quodvis præterea Antimonii præparatum.*

*Ætiologia ejus.*

In hoc præparato sal fixus & ab igne fusus Antimonii corpus ex sulphure potissimum (& sale acido compositum referat; dum enim sales adeo combinantur, particulæ sulphureæ magis solutæ, atque spiculis salinis minus aculeatæ evadunt; quapropter summè licèt rubescat, stomachum haud valde, aut violenter irritat. Porro ob sulphur plus solutum, & sale magis liberum, hujus pulvis spiritui vini tincturam facillè impertit; quæ, cum particulis salinis prorsus destituatur, vi emeticâ privata, insigne confortativum evadit.

*Antimonii & Sulphuris communis synthesis.*

Quod verò Antimonium, & sulphur commune, forsan & multa alia ejusdem farinæ, ex sale acido & sulphure unâ combinatis constant, pluribus experimentis facillè evincitur: Præterquam enim quod ejusmodi concreta à sale fixo facillimè referantur, insuper si quando à menstruo sulphureo, uti oleo Terebinthinæ, Juniperi, aut Lini, dissolvuntur, particulis sulphureis, à solvente imbibitis, salinæ relictæ in crystallos (quæ destillatæ in stigma acidum abeunt) facillè concrescunt: Hoc in præparatione balsami sulphuris evidentissimè liquet. Cæterum si stigma acidum, scilicet Aqua fortis, aut Regia, pulverato Antimonio affundatur, & destillatio igne forti urgeatur, sulphur citrinum à vulgari haud discernendum in magna copia sublimabitur; indicio certe manifesto sulphur commune potissimum constare ex corpusculis sulphureis cum sale acido compactis. Ex sulphure

*Eorundem Analysis.*



phure Antimonii, prout suprà describitur, parato, liquorem oleiformem conficio, qui, purum putum Antimonii sulphur, argentum primo illitu deaurabit, atque in medicina egregii usus est.

### 5. Mercurius vitæ.

*Re Antimonii electi, & Mercurii sublimati ana. ʒvj. simul trita; & probe mista destillentur in retorta vitrea calore arenæ; ascendet liquor gummosus glaciei instar valde corrosivus, qui collo retortæ adharens, carbone vivo admoto liquecet, inque vas recipiens decidet. Hic rectificatione depuratus, aqua fontana desuper infusa mox in pulverem albiſſimum præcipitabitur; lymphæ interim saporem acidum instar Vitrioli spiritus acquirente; pulvis iste edulcoratus, & exsiccatus vulgo dicitur Mercurius vitæ, sed minus recte, cum nihil omnino Mercurii in se contineat, & ni caute exhibeatur, sæpius mortis, quàm vitæ autor esse solet. Dosis gr. iij. ad. vj.*

In hac operatione spiritus acidi vitrioli, & nitri, prius cum Mercurio inter sublimandum combinati, cum de novo ab igne laxantur, hospitem istum primum deferentes, Antimonii corpuscula magis amica amplectuntur, cumque ipsis vi caloris elevati, in substantiam glacieiformem concreſcunt; quæ nimirum constat ex Sulphure toto Antimonii, cum aliquanto ejus sale, nec non ex nitri, & vitrioli ſtagmate acido; ob particulas salinas instar glaciei obrigescit, & propter sulphureas ab igne liquatur. Materies hæc aqua infusa præcipitatur in pulverem album, qui sc. corpusculis mere ſtibiatis constat, floribus Antimonii analogis; interim sales acidi in menſtruo soluti, eum quasi vitrioli spiritum accrescere faciunt. Attamen pulverem istum nihil Mercurii

*Preparationis  
Ætiologia.*



in se continere, inde constat, quoniam hic salibus congelativis privatus, pristinam Argenti vivi speciem resumit, inque retorta totus colligitur. Revera sales isti à Mercurio facile avocantur, ipsumque, quoties corpus aliud magis amicum reperiunt, sponte deferunt: hinc si Sublimatum cum laminis ferreis in aqua communi coxeris, salibus mox ferrum amplectentibus, Mercurius reviviscet. Pulvis iste nimis atrociter Vomitivus, si cum sale marino calcinato teratur, & crebra ablutione edulcoretur, longè mitior, & satis tutus evadit; in quantum sc. medicaminis aculei salini à salibus alterius indolis atteruntur, aut subiguntur. Porro si iste nitro in crucibulo fuso indatur, particulis sulphureis in totum ablatis, vim emeticam prorsus amittit, atque Antimonium diaphoreticum purum putum evadit.

*Correctio istius  
pharmaci.*

*Vomitioria Stibiata quomodo  
in corpore nostro  
operantur.*

Hæc de Vomitioris Antimonialibus, quorum particulæ in Stomacho dissolutæ, tincturam sulphureo-salinam constituunt, quam fibræ ejus imbibentes insigniter adeo vellicantur, ut spasmus ibidem excitatus quaquaversus in totam ejus cavitatem, nec non viscera juxta consita, nempe duodenum, porum choledochum, ductum pancreatis protensus, eorum omnium contenta exprimi, ac in Ventriculum exantlari, quinimo ex articularum osculis humores serosos emulgeri faciat; adeo ut vomitus atroces, & diu infestantes succedant. Cæterum probabile est, tincturæ istius emeticæ aliquantulum à venis etiam excipi, quæ in massam sanguineam delata ob salium occursum, & colluctationes ac combinationes, materiæ cujusdam præcipitationes, & excretiones inducat: quapropter affectus partium longè dissitarum, sc. morbi cutanei, leprosi, ac arthritici à medicamentis stibiatis nonnunquam sanantur.

*Et quomodo  
Mercurialia.*

Attamen hoc multo efficacius medicamenta Mercurialia (de quibus jam proxime dicemus) efficiunt; utpote quæ non tantum in stomacho vellicationes, & excre-



excretiones vomitivas cieant, at insuper per particulas suas magis activas sanguini communicatas, diversimodas ejus fluxiones, atque feri aliorumque humorum fusiones, præcipitationes, & secretiones faciunt; unde præter vomitum & purgationem, diuresis, aut diaphoresis, ac interdum salivatio inducantur: Quapropter in morbis inveteratis, & contumacibus ad horum usum quasi ultimum refugium recurritur.

Mercurius sive Argentum vivum si per se & simplex assumitur, pariter ac Antimonium, nec per vomitum nec secessum operatur, nullamque ferè in corpore humano perturbationem ciet. Sin verò mitione soluta, ejusque particulis activis in libertatem solutis, in pulverem redigatur, medicamentum summè elaterium evadit. Cum plures sint modi versatilem & fugitivum hunc Protea figendi, ac in usum medicinale præparandi, potissimùm his duobus insistitur; nempe vel sublimatur, vel in Præcipitatum reducitur. Prioris generis præparata ejus, Emeticorum classi haud propriè accensentur; posterioris vero ferè singula huc referri debent. Attamen in rem nostram satis erit, illorum pauca, quæ præcipuæ notæ sunt, hic breviter perstringere. Itaque imprimis advertimus Mercurium præcipitari vel per se, vel cum metallis solis, vel cum salibus solis, vel cum metallis & salibus simul.

*Mercurius sive Argentum vivum per se non catharticum.*

*Qua ratione operativum fiat.*

### 1. Mercurius præcipitatus per se.

*1. Præcipitatus per se.*

*℞ Mercurii optimè purificati ℥iij. indatur vitro ad hoc opus adaptato (quod sc. nonnihil ad clepsydre formam accedens duplici constet fundo turbinato, sitque in utroque latum, & planum, ac in medio angustum, habeatque rostrum angustissimi orificii, à fundo uno in ventrem usque productum: ) huic vasi in furno arenæ ad Equilibrium collocato subdatur ignis primo lentus,*



dein fortior, donec pars Mercurii in pulverem griseum, atque altera in fundum superiorem elevata sub forma argenti vivi hereat; dein vase inverso fundus superior arene immergatur, ac ita vitrum aliquoties invertatur donec Mercurius omnis in pulverem abeat, qui vitro effracto colligendus, & aquâ dulci abluendus: dosis gr. iij. ad v. vel vi. Vomitus fere semper movet, ac minime per salivationem operatur.

Processus Etio-  
logia.

Processus hujus ratio videtur esse, quod ignis perrennis effluvia, Mercurii concretionem primo laxant, ejusque particulas paulatim dissolvunt, & deinde ab invicem distrahunt, ita ut aliæ ab aliis secedant, & quasi in minutias fractæ, distinctæ permaneant; hinc corpuscula maximè activa, salina potissimum ac sulphurea, sui juris facta, in corpore humano, & fibras vellicando, & cum salibus effervescendo, perturbationes ingentes cient: attamen Præcipitatum hoc in sales sanguini infusos minus operatur quam Mercurius cum salibus tantum præcipitatus, quoniam salivatio ab hoc facillime, & nequaquam ab isto concitatur. Quemadmodum Mercurius, ita quædam alia corpora mineralia, sc. plumbum, stannum, Antimonium, & ferrum, constanti ignis obsidione, in pulverem sive crocum calcinari solent.

2. Mercurius  
præcipitatus  
cum metallis so-  
lis.

## 2. Mercurius præcipitatus Solaris.

R̄ Auri cum Antimonio purgati, & subtiliter limati ℥j. argenti vivi optimè depurati, sive ex cinnabare & sublimato elicit ℥viij. f. amalgama in crucibulo, Aurum candefactum in Mercurium actum calidum projiciendo; hoc sale & aceto probe lotum, & per linteam expressum, in tali vitro, ac simili apparatu ac Mercurius præcipitatus per se, in arena digeratur, donec in pulverem rubrum redigatur; cum aquis cordialibus edul-



edulcoretur. Dosis gr. iij. ad vj. per vomitum ferè tantum operatur, nec uti præcipitata salina salivationem movet. Eodem planè ritu Lunare Præcipitatum, item Joviale parari possint.

Hujus processus ratio eadem est ac superioris, nimirum ignis corpuscula, quasi totidem pistilla corpus minerale in particulas minutas contundunt, easque ad tempus ita frangunt, ut non faciliè cohæreant & unà concrecant. Porro amalgama hoc, ob Mercurii & Solis corpora prius à se invicem reserata, multo facilius quam Mercurius per se in præcipitatum abibit.

Preparationis  
Ætiologia.

### 3. Mercurius Præcipitatus communis.

℞ Mercurii optime purgati ℥ij. Aq. fortis ℥iiij. fiat solutio, quæ vasi terreo vitreato indita primo leni calore evaporet, ad humiditatis absorptionem, inde igne aucto usque ad vasis incandescentiam calcinetur, agitando cum stylo ferreo, donec colorem rubicundum acquirat: Materies exempta, & pulverata primo crebris ablutionibus cum aqua dulci, deinde iterata accensione spiritus vini eidem affusi edulcoretur, ac usui servetur. Dosis gr. iij. ad v. vel vj. operatur per vomitum sat violenter, & certius quam aliud quodvis Mercurii præparatum, salivationem ciet.

Mercurius præcipitatus cum liquoribus corrosivis.

10 Cum Aquâ forti.

Ἐμμεπίστωσις hujusce chymicæ si ratio inquiratur, dicimus Mercurium ab aqua forti dissolvi, quatenus particulae salinae menstrui, salibus metalli occurrentes, eos sibi statim arripiunt, proindeque mixture vinculo soluto cæteræ omnes particulae manumissæ, & quaqua-  
versus expansæ intra poros menstrui delitescunt, dein postea humiditate absorptæ, particulae salinae relictæ, &  
in

Preparationis  
Ætiologia.



*Præcipitatio e-  
jus cum oleo sul-  
phuris aut spiri-  
tu vitrioli.*

in conspectum datæ, Mercuriales inclusas, & ubique permistas prorsus obtundunt. Quod autem Mercurius hoc modo cum aqua forti, aut Regia, præcipitatus rubescat, secus ac cum oleo sulphuris aut spiritu vitrioli paratus; ratio est partim ex nitro colorem flammeum semper præbente, quod menstruum illud, & non hæc ingreditur; partimque ex ipso Mercurio, cujus soluti particulæ, dummodo liberæ & non ab aliis occultatæ, ex sua natura rubescunt, prout cernitur in Mercurio præcipitato per se, & in solutione ejus, quæ ab oleo Tartari infuso pulverem rubicundum, sc. mercurialem deponit.

*Mercurialia quo-  
modo in Venti-  
culum operantur.*

Medicamentum hoc salibus valde corrosivis, æquè ac particulis Mercurialibus solutis constans, in quantum Ventriculi fibras summè irritat, Vomitionem atrocissimam ciet, ita ut in hunc usum, solitarium raro exhibeatur. Siquando autem assumitur, atque Ventriculo & primis viis demum superatis, in massam sanguineam defertur, quatenus hujus sales insiti exinde plurimum fermentantur, cumque ipsis particulæ Mercuriales ubertim infusæ, ac intimè commistæ, inviscantur adeo, ut nulla via commodius quàm per ductus salivales ( prout alibi ostendimus ) rursus eliminari possint; id propter hoc pharmacum præ aliis plerisque sputationem movet.

*Turbith mine-  
rale.*

#### 4. Turbith Minerale.

*R. Argenti vivi purificati, olei Vitrioli ( vel sulphuris per campanam ) dephlegmati ana partes æquales; retorta vitrea indita destillantur, igne per gradus aucto, donec humiditas omnis abstrahatur, restante in fundo massa alba, quæ ab aqua fontana affusa illico flavescit, hæc crebra ablutione & spiritus vini accensione edulcorata, & exsiccata detur à gr. iiii. ad vj. vel vij. Per vomitum operatur*



*operatur paulo mitius quàm Præcipitatum commune, quandoque item salivationem inducit.*

Processus hujus quoad Mercurii præcipitationem ratio eadem est ac prioris; calx autem residua non uti prior rubescit, partim ob nitri absentiam, & partim quia Mercurius minus subactus, calcinationem non adeo intensam patitur, ut salibus magna ex parte diffatis ipse proprium, nempe coccineum, colorem ostendet; quippe si hujus gratia igne violento urgebitur, prorsus avolabit; itaque à salibus qui Mercurii particulis adhærent, easque occultant, color albidus procedit; quibus postea aliquatenus ablatis flavedo succedit. Porro in quantum particulæ mercuriales salibus non strictè adeo combinantur, proindeque haud tam uberi copiâ ab iis in massam sanguineam introducuntur, salivatio non ità promptè ac certè, ab hoc pharmaco excitatur.

*Præparationis  
Ætiologia.*

Medicamentum hoc compendio quodam, & non minùs efficax ad hunc modum parari potest.

*Rx Argenti vivi depurati, olei vitrioli, vel sulphuris ana ℥ij. crucibulo indita igne primum lento humiditas omnis evaporet, dein fortiori urgeantur, ut materia calcinata melius figatur.*

##### 5. Aurum vitæ.

*Rx Mercurii purificati ℥v. Solis optime purgati ℥ss. singulatim solvantur propriis menstribus, solutiones conjungantur, & destillatione in retorta humiditas omnis avocetur; calx residua calcinetur super laminam ferream ignitam, ut sales magna ex parte abigantur, materia reliqua edulcoretur, ablutione cum aq. dulci, & accensione spiritus vini.*

*Aurum vitæ.*

##### 6. Her-



*Hercules Bovii.*

## 6. Hercules Bovii.

Medicamentum hoc melius parabitur, si utrumque corpus metallicum eodem menstruo solvatur, quod ex præscriptione Thomasi Bovii ad hunc modum conficitur.

℞ Vitrioli calcinati, & nitri ana lib. j. destillentur in furno reverberii, liquor exstillatus affundatur salis marini calcinati lib. j. in retorta vitrea, & avocetur leni calore arenæ; nam facillime ascendit: Hujus portio una Mercurium, & alia dissolvat Aurum; dein utraque solutiones conjunctæ avocentur, & crebris cohobiis addendo singulâ vice ejusdem menstrui partem subtripulam destillatio repetatur donec materies satis figatur, quæ edulcorata prædicto modo usui servetur. Dosis gr. iij. ad vj. vel vij. (vel)

℞ Mercurii purgati ℥iv. Auri limati ℥ss. f. amalgama ut supra ostenditur; cui loto, & retorto indito affunde prædictum menstruum Bovii, avocetur in furno arenæ, & cum crebris cohobiis, addendo ejusdem menstrui quaque vice partem subtripulam, destillatio repetatur, donec materia satis figatur; quæ super lamina ferrea candente calcinetur, & crebris ablutionibus & accensione spiritus vini edulcoretur. Dosis gr. iij. ad vj. Per vomitum operatur non admodum violenter; & quatenus ultra viscera in massam sanguineam operatur, in magnis sæpe morbis juvamen confert.

Utriusque præ-  
parationis Æ-  
tiologia.

Quod verò ad processus istius chymici Ætiologiam spectat, dicimus, dum bini hi pugiles simul litigantes se mutuò comprehendunt, ac invicem conterunt, tertius



tius ( ac interdum quartus ) superveniens iis vincula, quibus paulo arctius complicantur, & minutius confringantur, injicit. Enimvero tum Aurum à Mercurio, tum utrumque à menstuis dissolvuntur, inque minutias dirimuntur; dein humiditate abstractâ Metallorum particulæ salinæ cum menstui salibus combinantur, reliquis interea corpusculis metallicis interjectis, ac intra salium poros occlusis. Attamen hæc combinatio non adeo stricta est, ac cum metalla inter se, aut alterutrum cum proprio menstuo solutione & coagulatione in Præcipitatum redigitur. Quippe in Præcipitato isto composito, cum particulæ tum metallicæ, tum salinæ menstruales, totidem, ac tam diversæ fuerint, istæ omnes penitus aduniri non possunt: quapropter materies ista ( prout sæpius observavi ) non nisi ægrè admodum figi, inque calcem medicinæ idoneam reduci solet; nam si pro menstuo avocando calor nimis intensus adhibetur, Mercurius ascendet, Aurumque relictum propriam speciem resumet; sin ignis debito remissior fuerit, salium cum particulis metallicis combinatio non satis arcta succedet, quin merâ ablutione tollatur; ita, ut aqua communis Præcipitato affusa ipsum penitus dissolvat, totamque materiam in se absorbeat, hinc ut pro medicamento conficiendo labor ferè totus reiterari debeat.

Pharmaci hujus basis Mercurius est, cujus gratiâ expectatur, particulas ejus corporis humani succos omnes fermentare, & heterogenei cujusque tum in visceribus, tum in vasis aggesti secretiones promovere. Aurum videtur addi, propter Mercurium cicurandum, ejusque particulas nimis efferas, ac indomitas nonnihil refringendas. Porro menstui sales utrumque corpus in minutias frangunt, easque in massam sanguineam & penitiores quosque recessus promptiùs manuducunt.

In destillatione istius menstui Epicæni à Bovio descripti ( à quo sc. utrumque metallum dissolvitur, ) sa-

*Herculis Bovii  
Ætiologia.*

*Menstui Epicæni ratio.*

K

lium



lium congressus, & quasi pro aris focisque decertationes notabiles occurrunt: quippe cum Aqua fortis salis marino præparato affunditur, terram ejus occupat, & proprii velut soli possessionem capit, exinde spiritum salis velut emancipatum abigens. Hoc clarius liquet, si quando spiritus vitrioli, salis marino calcinato affusus, ad destillandum committitur; quippe à levissimo Balnei Arenæ calore spiritus salis purus putus quasi exul ascendet, flagmate vitriolico domicilium ejus invadente. Revera hi sales nimis congeneres sunt, quàm uti simul combinentur; quare intra habitaculum nimis angustum commissi, cum nec uniri, nec cohabitare possint, potentior, dominium usurpans, imbecilliores foras expellit.

## SECT. II.



## SECTIO II. CAP. III.

*De Vomitionis nimiae Remedio, item de Medicamentis antemetictis, siue vomitum sistentibus.*

**N**atura ad motum violentum incitata, sæpe fines transgreditur, ac ultra metam excurrit, hinc interdum ut sufflamine siue remorâ opus sit, quo impetus ejus sistatur. Hoc in vomitu, si quando per medicamenti operationem, aut propter alias occasiones immodicus fuerit, planissimè cernitur: quapropter medicinæ, haud minus hunc stomachi furorē compescere, quàm ciere, negotium incumbit. Quot modis, & quibus de causis vomitio, absque Emetico assumpto evenire solet, superius declaravimus; insuper observationi communi obvium est, evacuationem hanc à medicamine proritatam, quandoque adeo violentam, ac diuturnam evadere, ut, ni artis ope sistatur, exinde manifestum vitæ periculum incurratur. Quemadmodum igitur in Praxi medicâ Pharmaca Emetica necessarij sunt usus; ita interdum excretionis istius (quoties nimia aut præternaturalis fuerit) sistendæ gratiâ, remedia prioribus contraria, siue Vomitionis Antidota indicantur. Primo igitur quæ *ὑπερβολὴ φαρμάκου* ab Emetico inductam medentur, dein secundo qua ratione, & quibus remediis vomitioni præternaturali, ob alias causas inductæ, succurratur, proponemus.

Quoad prius, Vomitio à Pharmaco illata vehementior evadit, ac diutius persistit, quia spiritus Animales supra modum irritati, & excandescetes, inordinationes suas haud facilè, aut statim remittunt, quin illi crebrâ vice explosi spasmos Emeticos violentos cient, & sæpius repetunt. Porro impetus iste explosivus,

*Vomitio immodica aut à pharmaco emetico aut ab aliis causis procedit.*



in Ventriculo inceptus, non raro in spiritus partium vicinarum incolas, & exinde in alios, & demum aliquando in totam eorum systasin propagatur, in tantum, ut vomitioni tormina & spasmi in visceribus, postea in præcordiis, & denique in toto corpore cum manifesto vitæ discrimine succedant.

*Prioris rationes  
explicantur.*

Spiritus supra modum irritantur, vel à solo Pharmaco ob quantitatem vel qualitatem iis improporcionado; vel insuper ab aliis humoribus, ut bile, sero acriori, aliisque inter vomendum in ventriculum suffusis. Porro in nonnullis spiritus animales adeo teneri, & elastici existunt, ut ab irritatione quavis emetica ut ut leviori, tum ventriculi hospites, tum vicini quique in explosiones spasmodicas concieantur. Hinc plures à Vomitorio, de Liene, utero, aliisque visceribus perturbatis & non facile sedandis quærentes, rem totam Vaporibus à pharmaci operatione suscitatis imputant; cum revera illud omnino ob spiritus animales promptè nimis commotos, & ægre compescendos accidat.

*Curatio ejus.*

In hypercatharsi à Vomitorio inducta, patiens mox lecto commissus, remediis tum externis, tum internis sedulò tractetur; & primò, ut ventriculi hospites quietentur, aut fons calidus è decocto Absynthii Pontici, Menthae, & Aromatum in vino rubro adhibeatur; aut placenta è mica panis tosti, & clareto calfacto immersi applicetur. Enema ex lacte cum Theriaca dissoluti injiciatur: membrorum frictiones calidæ, & supra genu ligaturæ fortes, quæ spasmos ab iis partibus arcent, adhibeantur. Ventriculus interim, nisi lipothymia urgebit, vacuus servetur: quamprimum verò iste quidpiam alimenti aut medicamenti recipere potest, Aqua cordialis, aut vinum ustum calidum assumatur. In perturbatione ingenti, si pulsus admittit, Theriaca Andromaci, aut Diascordium, quandoque item Laudani solutio, aut Tinctura opiatICA conveniunt.

*In*



In vomitu præternaturali, ab aliis causis excitato, <sup>Vomitus ab aliis causis, aut criticus est, aut symptomaticus.</sup> considerare oportet, an criticus iste, vel Symptomaticus fuerit. In priori nihil subito aut temere agendum est: excretio istæc, dummodo vires ferunt, minimè sistatur; quin materiæ expellendæ exitus, aut facilitetur, aut festinetur, aut alio ducatur. Hinc nausea, aut nixu vomitivo urgente, cervisiam lacteam, aut simplicem, aut cum foliis cardui incoctis alteratam, quandoque item oxymel, aut vinum scilliticum, aut stibiutum exhibere conveniat. Enemata interdum exusu erunt; quandoque item lenis purgatio materiam in stomacho turgentem faciliore exclusionis via per intestina perducit.

In Vomitione symptomatica causa conjuncta ( prout <sup>Posterior aut Idiopathicus, aut sympathicus.</sup> supra innuimus ) aut in ventriculo subsistens affectum istum idiopathicum producit, aut in aliis partibus defixa earum spasmos, & communicatione per nervos facta, in ventriculo perturbationes emeticas ciet; uti in paroxysmis Nephriticis, Colicis, Hystericis, Vertigine, & multis aliis contingere solet; cujusmodi vomitionis sympathicæ medela à morbi primarii curatione dependet.

Quando Stomachus primario afficitur, in causa est, <sup>Quando Stomachus primario afficitur, quâ methodo utendum.</sup> quod fibræ nerveæ supra modum irritatæ, alteras motrices in spasmos excretorios cieant. Irritantur autem istæ ab objecto improporcionado: viz. in quantum materies quædam iis incumbit, quam rite concoquere, aut subigere, aut ad intestina detrudere nequeunt; quin necesse habent vomitu excitato eam ocissime foras ejicere. Materies ista adeò incongrua aut indomita evadit, vel ex proprio ipsius vitio, quatenus qualitate, vel quantitate peccans, fibras nerveas laceffit; vel ipsius stomachi culpa, utpote cum tonus ejus laxus, & fibræ adeò debiles fiant, ut ne chylum ipsum, multo minus humores excrementitios subigere, aut tolerare queant,



queant, quin, sarcinæ cujusque impatientes, contenta quæque per vomitum excernant. Utriusque horum cum varii sint casus, & afficiendi modi, ex iis præcipuos quosdam, unâ cum remediis, & medendi rationibus, hic breviter subjiciemus.

Materies emetica in Ventriculo subsistens, vel in ipsum aliunde suffunditur, vel ob coctionis defectum, aut depravationem illic progignitur: utroque respectu præsens saburra imprimis eliminari; dein ejusdem uberior proventus præcaveri, aut præscindi debet.

Itaque ut impura materiæ viscosæ colluvies è ventriculo abstergeatur, vomitio lenis cum sero lactis carduato, vel oxymelite aut vino scillitico, vel cum decocto florum camomeli, aut radicum eupatorii, solutione salis vitrioli, aliisque similibus instituatur; dein reliquæ per Enemata, aut catharsin, assumtis pilul. Mastich. Stomach. cum gum. vel Tinct. sacra, aut infusione rhabarb. blandè subducantur. Porro cum sanguis impurus aut rancidus materiæ incongruæ penum subinde novum, aut per arterias, aut per vasa choledocha sæpe exundantia ventriculo suggerens, diathesin Emeticam infert, Phlebotomia non rarò juvamen præstat; & propterea gravidarum vomitiones hoc remedii genere crebro sanantur. Insuper ea conveniunt, quæ sanguinem attemperant, quo minus recrementa adusta in eo generentur. Hinc serum lactis, acidularum potus, herbarum succi, sal prunellæ, & similia, quatenus sanguinem fundunt, ejusque recrementa aliò perducunt, dispositionem vomitivam non rarò tollunt. Hujusmodi remedia etiam in usu erunt, si vomitio crebra, ac quotidiana ab humoris Biliarii, & Pancreatici (uti quorundum fert sententia) congressu, & luctâ, inque ventriculum regurgitatione procedat.

Vomitio crebrior, & curatu difficilior ea est, quæ à materia incongrua proindeque emetica intra ventriculum



lum genita provenit; quatenus nimirum ob visceris hujus fermentum vitiatum comesta quæque in putrilaginem irritativam degenerant. Quamobrem in hoc casu, post stomachi sordes per evacuantia lenia detersas, remedia vulgò Digestiva appellata, ex usu esse solent; quæ juxta quod ventriculi succus fermentalis, indolis ut plurimum salinæ, quandoque etiam sulphuræ existens, in vario fixitatis, fluoris, aut adustionis statu fuerit, diversimoda existunt, & modo hæc, modo illa potius juvant.

Vomitio à ventriculi vitio procedens, ut curanda.

In ructu, & vomitione acidâ, Medicamina sequentia tententur, & à juvantibus methodi insistendæ ratio desumatur.

℞ Pul. Ari compos. ℥i ss. salis Absynt. ℥ij. sacchari rosacei ℥iij. f. pul. detur ℥j. mane & horâ quintâ pomerid. in haustulo cervisiæ cum macere, & crusta panis coctæ, vel in aq. destillata, aut Tinctura absynthii Pontici.

Contra fermentum ejus nimis Acidum remedia.

℞ Pul. eboris, oculor. cancri, corallii rubr. ana ℥ij. corallii calcinati ℥j. santali rub. Cinnamomi ana ℥ss. f. pulvis. Dosis ℥ss. eodem modo.

℞ Pul. ligni Aloes, santali citrini, corticis Wint. ana ℥ij. Cretæ albiss. ℥vj. sacchari candi ℥ss. solutionis Tragacant. aq. Menthæ factæ q. s. f. pasta, formetur in trochisc. pond. ℥ss. comedat iij. vel iiij. ter vel sæpius in die.

℞ Tinct. salis Tart. ℥j. Dosis ℥j. ad ℥ss. bis in die in aq. destillata appropriata.

2. In vomitione acri, & calidâ medicamenta sale acetoso & vitriolico prædita magis conveniunt.

2. Contra fermentum ejus nimis acre.

Celebre istud Riverii in hoc casu locum habet.

℞ Salis absynthii ℥j. detur in cochl. j. succi limonii.

℞ Coral-



℞ Corallii præp. ʒij. salis absynthii ʒiſſ. succi limonii ʒiiij. stent in vitro capaci, adde aq. Cinnamomi fortis ʒij. Dosis coch. j. vel ij. bis in die, vase prius agitato.

℞ Pul. eboris, corallii, ana ʒij. vitrioli Martis ʒj. sacchari candi ʒj. misce, divide in 6 vel 8 partes, pars j. sumatur bis in die cum conveniente vehiculo.

In hoc casu aq. minerales purgantes, quæ plurimum nitri in se habent, etiam acidulæ ferratæ, quinimo & nostræ artificiales chalybeatæ, juvamen egregium conferre solent.

3. Contra fermentum stomachi nimis amarum.

3. Siquando stomachus, pleraque ingesta in putrilaginem biliosam, & amaricantem (uti crebro assolet) pervertens, propterea in vomitiones crebras sit proclivis, remedia tum acida, tum amara convenient:

℞ Elixir. proprietatis ʒj. Dosis ʒj. bis in die in vehiculo idoneo.

℞ Rhabarb. pul. g. xxv. salis absynt. ʒj. Aq. Cinnam. ʒſſ. succi limonii ʒj. misce, sumatur aut per se, vel cum alio liquore.

℞ Pul. Ari compos. ʒiſſ. Tart. albi chrySTALLINI ʒiiij, vitrioli Martis ʒj. sacchari ʒſſ. f. pul. dosis ʒſſ. vel ʒij. omni mane superbibendo haustum tincturæ absynt. Pontici, vel Coffee.

℞ Pul. oculorum can. ʒſſ. Tartari chalybeati ʒij. sacchari candi ʒj. f. pul. Dosis ʒſſ. cum vehiculo idoneo bis in die.

Vomitio à ventriculi debilitate.

Vomitionis crebræ, & habitualis sæpenumero causa est non tam materies ventriculum irritans, quam fibrarum ejus nervearum debilitas, & nimia in irritationes propensio; in quantum sc. illæ teneræ admodum, aut infirmæ, neque ingesta concoquere, nec eorum onus sive gravamen sufferre valent; quin à quolibet iis incumbente



cumbente mox irritantur, & proinde quod molestum est expellendi gratiâ fibras carneas in spasmos emeticos cient.

Hujusmodi affectionis duo sunt præcipui casus: viz. aut stomachi debilitas fibris ipsis insita à passionibus inordinatis, uti crapulâ, potationibus assiduâ, ac immodicis, vinorum aut aquarum ardentium ingestione crebra, aliisque in victu erroribus contrahitur; quatenus nempe fibræ istæ supra modum distentæ, aut nimis ex-calfactæ, ac velut assatæ, spiritus animales, in uberi satis copia admittere, aut continere nequeant: vel secundo fibræ istæ, quanquam per se recte satis habentes, tamen propter nervos alicubi obstructos, debito spirituum affluxu destituuntur, proindeq; languidæ & flaccescentes, ingesta quæque haud tolerant, quin statim aggravatæ per vomitum rejici cogunt: ita novi plures sine ulla ventriculi impuritate, aut languore ab inordinationibus contracto, visceris istius quadam quasi Paralyfi affectos appetitu caruisse, atque vomitioni assiduæ obnoxios fuisse.

Cuius duo sunt casus.

Aut fibrarum tenus labefactus,

2. Aut spirituum ob nervos obstructos defectus.

In priori affectu ejusmodi remedia indicantur quæ fibras nimis distentas, & tenues stypticitate suâ corrugari ac in spatium brevius contrahi faciant, nec non quæ mulcimine suo pergrato, spiritus illuc copiosius alle-

Affectionis prioris Curatio.

℞ Elix. vitrioli Mynsichti ℥j. Dosis gt. 10. ad 15. bis vel ter in die in coch. aq. destill. sequentis, superbibendo ejusdem coch. 7 vel 8.

℞ Summitatum Cupressi m. vj. foliorum Esclareæ M. iiij. cort. exteriores 12. Aurant. Cinnam. Maceris, ana ℥j. rad. Cyperi, Galangæ minoris, an. ℥ss. incisis, & contusis affunde cervisia Brunswicensis lib. viij. destill. organis communibus.

L

℞ Tinct.



℞ Tinct. balsami Tolutani, cum tinct. salis Tart. extracta ʒj. Dosis gt. 20 cum eodem vehiculo Tinct. Absynt. cum eodem menstruo parata, etiam tentari potest.

℞ Pul. folior. Absynt. Myrti æstivo sole exsiccat. ana ʒij. cinnam. flor. ros. rubr. ana ʒj. cubeb. rad. galang. minoris, ana ʒss. corallii rub. præ. ʒj. f. omnium pul. subtilis, inde sacchari albiss. in aq. Cinnam. solut. & ad tabulat. coct. ʒvj. s. a. f. Tabula pond. ʒss. comedat I vel 2 sæpius in die ad libitum.

℞ Conser. Ros. rub. vitriol. ʒiiij. Myrobalan. condit. ʒvj. zinziberis in India condit. ʒss. spec. de Hyacynth. ʒij. croci Martis rubicundiss. ʒj. syrupi è coralliis q. s. f. Electuar. Dosis ʒj. bis in die superbibendo haustulum aq. destill.

2. Ventriculi  
paralysis ut  
curanda.

2. In ventriculi debilitate sive resolutione propter nervos alicubi obstructos excitatâ, remedia Antiparalytica cum stomachicis adjunctis præcipui erunt usus.

℞ Elix. Proprietatis Tart. ʒj. Dosis ʒi. bis in die cum aq. superius præscripta. Tinct. salis Tart. corallii, Antimonii, eodem modo usurpari possunt. In hoc casu sp. salis dulcis, item sp. salis Armoniaci, aut flores ejus juvamen egregium præstant. Porro vomitoria, & purgantia, quin & diaphoretica sæpe cum fructu adhibentur. Novi hunc Affectum per balneationem in Thermis nostris Bathoniensibus aliquoties feliciter curatum.



## SECTIO III. CAP. I.

De Purgatione, & medicamentis  
purgantibus.

**P**urgatio videtur affectio vomitioni contraria, seu potius inversa; siquidem in hac, & illâ ab iisdem ventriculi carceribus, ad diversam tenditur metam. Quemadmodum enim à vomitu fibræ carneæ stomachi interiores, à sinistris ipsarum finibus per subitos spirituum incursus inflatæ, & proinde contractæ fundum, & latera ejus simul colligi, & sursum versus orificium sinistrum adduci faciunt, propterea ut contenta quæque superius egerantur: ita in Catharsi eadem fibræ carneæ, à dextris ipsarum finibus pariter inflatæ, & contractæ, totum stomachi ambitum simul colligi, & versus Pylorum inclinari cogunt, ut excretio per inferiora succedat. Sicut motus excretorius à ventriculo inceptus, in Vomitu per Oesophagum; ita in Purgatione per intestina continuatur, & utrinque per fibras carneas, à parte ad partem usque ad exitum propagatur. In utroque affectu, stomachi motus est violentus, & quodammodo convulsivus; quinimo nonnunquam alteruter in alterum commutatur. Nam Purgatio, à stimulo acriori nimis confertim citata, sæpe Vomitus infert; pariter à Pharmaco Emetico alvi excretionēs frequenter succedunt: cujus ratio est, quia spiritus Animales vehementer irritati, & explosi, in fibrarum carnearum fines modo hos, modo illos diversim insiliunt; simili ferè ritu, ac si equum generosum calcaribus nimium urgebis, eum modo prorsum excurrere, modo resilire coges.

Itaque Purgatio est motus excretorius in Ventriculo, & in Intestinis ob fibras eorum carneas celeriter, ac se-

*Purgatio est affectio vomitioni contraria sive inversa.*

*Ejus descriptio.*



riatim contractas crebrior & citatior; quo tum chylus, & fæces ejus, tum humorum recrementa, & corruptelæ, illic genita, aut aliunde suffusa à parte in partem protruduntur, donec per sedem velut cloacam foras ejiciuntur. A Cathartici enim stimulis Ventriculus irritatus citius & strictius se versus pylorum contrahens, quicquid intra sinum suum fovet, in Duodenum effundit; simulque intestina vellicata, crebriores & majores spasmos excretorios iterant, quibus plurima contenta eorum cavitatibus prius aggesta, aut isto tempore attracta, sive expressa, excluduntur. Est autem Purgatio tantum ejusmodi excretio violenta, & coacta, qualem natura sedata cunctanter, & ex intervallis instituit; qualem insuper natura laceffita, non sine tumultu & perturbatione quadam peragit. Idcirco ad perfectiorem Catharseos notitiam requiri videtur, ut primo ostendatur, quæ sint ventriculi, & intestinorum contenta tum propria, tum illic aliunde suggesta, quæ per sedem excerni solent. Dein his ita præmissis, facile erit explicare, quo ritu, & quali discrimine Medicamenta Purgantia operationes suas perficiunt.

*Ventriculi &  
Intestinorum  
contenta quæ  
catharsi edu-  
centur.*

*1. Massa chylacea fæces residuæ, mucus, lymphæ, & serum glandulis & Arteriis exudantia.*

1. Quoad primum, Ventriculi & Intestinorum contenta præcipua sunt massa chylacea, ejusque post succi nutritii distributionem fæces residuæ, mucus horum viscerum crustam villosam oblinens, atque lymphæ glandulis ejus inhærens; quibus accedunt latex ferrosus arteriarum osculis exudans, nec non sanguinis, & humorum recrementa, quæ per vasa choledochia, pancreaticis ductum, Arteriarum oscula, nec non per fibrarum nervearum extremitates, aliasque forsan vias in cavitates illorum interiores suffunduntur. Per ductus enim intestinales veluti per sentinam, non raro totius corporis impuritates expurgari solent; quæ siquidem intus restagnantes vel copia turgent, vel acrimonia præditæ sunt, alvum lubricando, aut stimulando,



mulando, dejectiones crebriores, ac uberiores cient.

Præter huiusmodi contenta superest aliud quoddam <sup>2. Flatus.</sup> ex his resultans, sc. Flatus, qui cum intra ventriculum,

& intestinorum cavitates plusquam in alia totius corporis parte quavis aggeri solent, ad hunc modum produci videntur: dum Alimenta in visceribus subacta, & digesta, à fermentis & calore ipsorum dissolvuntur, effluvia quamplurima decedunt, quæ si spatium liberum & apertum obtinerent, in auras migratura evanescerent;

verum ea membranâ conclusa, & simul aggesta vaporum congeriem quasi ventum constituunt; qui intestina sæpe inflat, ac distendit, & qua data via ruens, secum excretionem promovet; conclusus verò tormina,

*Quomodo flatus intra viscerum cavitates gignuntur.*

& non raro ventris inflationem creat. Flatus in visceribus ab alimentorum dissolutione emergentes, similiter gignuntur, ac cum Margaritæ, Corallia, aut alia concreta matraccio imposita à menstruis suis dissolvuntur: à solutionibus enim factis vapores quamplurimi dimanant, qui si strictius coerceantur, vas continens diffindi, aut dissilire cogunt: pariter ab alimenti intra primas vias sive dissolutione, sive coctione, aut fermentatione, effluvia copiosa decedunt, quæ simul aggesta, ac intra membranas conclusa flatum efficiunt; cuius insuper proventui uberiori causæ quædam aliæ contribuunt. Hoc etenim insigniter præstat, succorum non rite miscibilium colluctatio, & effervescentia. Quippe dum humores adventitii, aut ingesta heterogenea, ac imprimis medicamenta cum aliis intestinorum contentis fermentescunt, à mutua particularum refractione, corpuscula quamplurima decedentia in vaporem aggeruntur. Porro ab ipso sanguine ebulliente cum halitus copiosi ubique decedunt, eorum pars quædam ex arteriis in viscerum cavitates erumpens, flatuum aggeriem ibi productam auget. Cæterum ad uberiores flatuum proventus amplius adhuc faciunt,



*Flatus Extensio-  
num in visceri-  
bus modo causa  
sunt, modo ef-  
fectus.*

*Quo ritu flatus  
in Affectibus  
spasmodicis pro-  
gigni solent.*

unt, viscerum extensiones, & intumescentiæ convul-  
sivæ. Quippe dum membranæ, ob majores spirituum  
explosiones, & excursus inordinatos plurimum disten-  
duntur, cavitas interna sicut vesica inflata multum  
ampliatur, proinde ut humoris inclusi portio, intra va-  
cuum istud spatium, velut cucurbitam post flammam  
extinctam, in flatum rarefiat; qui postea, quando  
membranæ tetanus remittit, cum impetu erumpit, aut  
proximos subinde intestinorum anfractus tumultuose  
pervadit. Propter hanc rationem, quando intestini  
pars aliqua ex phlogosi, aut humorum acrimie decu-  
bitu, extensionibus convulsivis fuerit obnoxia, etiam fla-  
tus continuo producti molesti admodum evadunt.  
Cum plurimum à Coli inflammatione defunctorum Ca-  
davera aperui, reperi in omnibus cuncta intestina ad  
summum distenta, & quasi à vento inflata: quod pro-  
culdubio accidit, non quia flatus primo genitus viscera  
ista distenderat, sed cum membranæ à spiritibus valde  
irritatis, ac intra fibras ipsorum explosis plurimum di-  
stenderentur; iccirco ad vacuum implendum Flatus isti  
secundario, & per consequens progignebantur. Pro-  
pter hanc causam, Tympaniti oriri supra innuimus, &  
alibi forsitan aliquandò fusius declarabimus. Quod ita-  
que in Nephritide, passionibus Colica, Hyponchon-  
driaca, & Hysterica flatuum proventus uberrimus esse  
solet, hi non, uti vulgò fertur, morborum istorum  
causæ, sed tantum effectus sunt: nempe dum istorum  
paroxysmis membranarum affectiones *τετανώδεις* super-  
veniunt, atque viscera cava à spiritibus violenter ex-  
plosis intumescunt, hinc statim ut spatium inane occu-  
petur, humiditas quædam inclusa in vapores, à qui-  
bus flatus emergunt, resolvitur. Quamobrem cum  
partis affectæ distentio relaxatur, flatus ita extempore  
productus à membranis concidentibus alio propellitur.  
Hæc de ventriculi, & intestinorum contentis, quæ  
Pharma-



Pharmaciae Catharticae Objecta sunt; jam proxime quod ad ejusdem Subjecta spectat, inquiremus qualis sit viscerum istorum motus, quo sc. contenta istaec aut sensim producta, ex debitis intervallis egeruntur, aut confestim deturbata, *αἰσχρογαστρί* ejiciuntur.

Quoniam ob vitae conservationem, Animalia crebro & copioso pastu refici debent, idcirco necesse incumbit alimenti, in succum nutritium jugiter fatiscen-  
tis, reliquias tempestive amandari, adeoque chymi veteris exuvias penu ejus novo subinde locum cedere. Nam postquam chyli (in quo elementa perfecte dissoluta à mixtionis vinculo liberantur) portio magis pura & elaborata in ductus chylicos exprimitur, quod residuum est, Sulphuris crassioris cum Sale aculeato particeps, foetorem gravissimum contrahit; quapropter è massæ chylaceæ recentis vicinia, in crassiora intestina dimoveri, & demum è corpore penitus eliminari debet. Quo melius hæc fiant; natura motum intestinis excretorium, ferè constantem, & quasi solennem indidit, quo quidem alimenti faeces usque sensim promoventur, atque motus istius stimulos sive incitamenta varia constituit.

*Intestinorum  
motus excreto-  
rius naturalis  
quomodo habet.*

I. Quoad prius, Intestinorum uti Ventriculi motus excretorius omnino à fibris carneis utriusque visceris tunicam mediam contexentibus perficitur; atque illarum in toto chyli transitu, viz. ab Oesophago usque ad intestinum rectum binos ordines sive series notavimus. Fibrarum Intestinalium ordo quidam Exterior, per Viscerum istorum omnium longitudines, in tota superficie rectà protenditur; uti in Tabulæ sextæ Figura secundâ exprimitur: Series autem sive ordo Interior, fibris circularibus, intestinorum ductus velut annulis consitissimis ubique cingentibus constat; uti in Tabulæ ejusdem Figura tertiâ repræsentatur: utriusque generis fibræ simul contractæ, visce-  
rum

*Per quas fibras  
perficitur.*



*Intestinorum  
motus excretorius  
naturalis  
quibus stimulis  
urgetur.*

*1. Fæcum onere  
& molestia.*

rum istorum cavitates, quoad omnes dimensiones coarctant: quod dum successive & seriatim, ac velut per subfultus fit, necesse erit quæque intus contenta lente, & proreptim usque provehi, parte anteriore usque à subsequente protrusa. Hujusmodi Intestinorum motus vulgo dicitur Vermicularis, quoniam, velut in lumbrico repente, ab una parte in aliam continuatur; atque juxta naturæ usus, & indigentias plus aut minus, etiam nobis minimè consciis continuè peragitur; quia nimirum viscera ista sarcinam suam paulatim usque promovere debent; atque, ne interdum otiosa ab hoc penso desistant, pro data occasione diversis stimulis urgentur.

Namque imprimis ipsa Chyli & fæcum moles pondere suo tunicæ interioris fibras nerveas, quibus incumbit, aggravans, & proinde irritans, iis molestiæ sensum quendam imprimit; proinde statim ut illæ succo nutritio jam jam saturæ, & cæteri cujusque oneris pertæfæ, fibras carneas ad contractiones vermiculares, pro contentis ulterius promovendis instigent. Quando hoc ritu alvi contenta, de parte in partem usque sensim protrusa, prope finem Coli descenderint, quia tunc pressio ab Intestini Recti parte musculosa sentitur, iccirco motui naturali, voluntarius succenturiatur; quonempe recluso Ani sphinctere, & musculis abdominis compressis excrementa foras ejeciantur. Porro huic motui intestinorum excretorio, Respirationis organa nonnihil contribuunt; quatenus nimirum illa ventrem inferiorem huc illuc perpetim deducunt, contenta ejus dum ita conquassant, lente promoveri faciunt.

Præter Irritationem prædictam, qua fibræ carneæ naturæ instinctu, & solenni ritu in vermiculationes crebras, & fere continuas acciuntur, insuper accedunt stimuli quidam alii, & varia incitamenta, quæ pro data occasione contractiones istas excretorias intendunt, aut accelerent, & non raro in convulsivas adigant; ita,  
ut



ut Alvus contenta sua confertim, & impetuose, & quasi à cathartico proritata ejicere cogatur. Sunt autem intrinseca hæc alvi irritamenta, imprimis Alimenta incongrua aut immodica, chyli degeneris corruptelæ, sanguinis & succi nervei recrementa copiosa, vel acria è glandulis, aliisque viscerum emunctoriis, & præcipue è cysti fellea, atque ductu pancreatis exudantia; quinimo serositates, aut humores superflui, vel incongrui è Cruore, & Nervoso genere, vel habitu corporis intus restagnantes. De præcipuis horum, quoniam in catharsi sæpe emergunt, & pharmaci operationem intendunt, speciatim ac breviter dicemus.

*Cui accedunt  
multa aliarum  
rerum Acci-  
dentia.*

Itaque imprimis Alimenta, si quando inter coquendum pervertuntur, aut subigi nequeunt, non raro De-  
arrhæam excitant; uti in crapula, victu inordinato, ab incongruis comestis, aliisque in Diæta erroribus, aut fermenti Stomachici depravationibus, frequenter acci-  
dit. Quinimo propter Apepsiam, quandoque item propter obstructions in mesenterio, aut ductu intestinali, à viscositate nimia Tunicæ glandulosæ aut vatorum osculis impacta, succi nutritii distributio impeditur, proindeque ingestorum materies ferè tota in primis viis cohibita, dejectiones crebriores & uberiores producit.

*Alimenta in-  
congrua aut in-  
ter coquendum  
depravata.*

2. Recrementa sanguinis & succi nervosi in viscerum glandulis, cysti fellea, ductu Pancreatis, aliisque forsan receptaculis congesta, si quando ob plenitudinem aut irritationem exundantia, in cavitates intestinorum affatim deponuntur, in quantum fibras ibidem nerveas vellicant, aut cum aliis succis effervescent, sæpenumero Diarrhæam producant. Videtur flava bilis quoddam quasi Catharticum naturale, quod è vasis choledochis ubertim effluens, purgationem spontaneam movet.

*2. Bilis & suc-  
cus pancreati-  
cus.*

3. Materies *οὐκ ἐκπεσμένη* à regione adhuc remotiore,  
M nempe



3. Humores à  
sanguine, succo  
nerveo, à quibus-  
que visceribus  
& habitu corpo-  
ris, ad intestina  
translati per se-  
dem amandan-  
tis.

nempe aut à massa sanguinea, aut è liquore nerveo e-  
jusque emunctoriis, vel à toto corporis habitu, inter-  
dum ad intestina transmissa, fibras eorum nerveas irri-  
tat, proindeque carneas in spasmos excretorios ciet.  
In prædictis enim partibus ac locis, ac imprimis in mas-  
sa sanguinea, humores degeneres aut superflui turge-  
scentes, cum per diaphoresin aut diuresin nec facile,  
nec satis amandari queant, sæpe metastasi introrsum fa-  
cta, vasorum intestinalium osculis ubique consitissime  
dehiscentibus exudant, dejectiones crebras & aquo-  
sas inducentes. Quinimo ipse interdum cruor, in cra-  
ssi vitiat, & ad coagulandum aptus, cum per minuta  
istæc vasa haud expedite circulatur, frequenter in ma-  
gna copia erumpit, & dysenteriam parit. Cæterum  
observare licet, quando pori exteriores à frigore sus-  
cepto constringuntur, aut tumores cutanei subito  
evanescent, alvi fluorem succedere. Novi plures ven-  
tris constipationi obnoxios, hoc tantum remedii gene-  
re curatos fuisse, nempe ut diluculo, & hora prius af-  
sueta citius, lecto assurgerent. Quantum enim διατρον sol-  
lita adimitur, tantumdem ad alvum lubricandam addi-  
tur.

His ita præmissis de variis Intestinorum contentis,  
tum ingentis, tum accessoriis, nec non de viscerum  
horum motu excretorio, tum naturali & solenni, tum  
violento sive coacto, item de variis stimulis, sive irri-  
tamentis quibus alvus sponte naturæ moderate solvi,  
aut inordinate perturbari solet, facile erit ostendere  
quo ritu, & quali discrimine medicamenta purgantia  
ventriculum & intestina ad excretiones movent, &  
eorum contenta modo hæc, modo ista seorsim, modo  
plura simul educi faciunt.

Ejusmodi visce-  
rum contenta  
quomodo cathar-  
tica educunt.

Cum Medicamenta Purgantia sumuntur in forma  
liquida, jam jam ad operandum satis parata sunt; sin  
vero solida substantia constant, ventriculo ingesta, &  
à fer-



à fermento ejus dissoluta, ac imbuta, quasi Tincturam constituunt, quæ pari modo ac liquor purgans juxta rationem ac modos sequentes Cathartica evadit. *Quo ritu hæc in forma liquida, & quomodo in solida operantur.* Videtur enim quod ejusmodi latex, primò in ventriculo, & postea in intestinis conclusus, mox tunicæ interioris filamenta villosa, cum glandulis imbuit, iisque dum penitus adhæreat, particulæ ejus fibras nerveas, & vasa tum sanguifera, tum chyliifera subeunt, ac unaquæque horum insuper & porum choledochum, & Pancreatis ductum ad contenta sua reddenda, ac velut expuenda irritant. *A quo ordine in partes modo has, modo illas.* Interea cum Tunicæ interioris fibræ nerveæ, partim à pharmaco imbibito, partimque ab humoribus in cavitatem ejus expressis vellicantur, tunicæ superioris carneæ fibræ spasmos excretorios ineunt, quibus quod molestum est amoveatur. Quo ritu hæc primum in ventriculo, & dein successive in quibusque intestinorum partibus fiunt, & cujusmodi humores in toto transitu eliciuntur, paulo accuratius perpendemus.

I. Quoad Ventriculum, juxta modum sequentem habere videtur, viz. Tinctura cathartica intra stomachum diffusa, imprimis tunicæ interioris filamenta villosa imbuit, iisque pertinacius adhærescens, inde paulatim fibris nerveis traditur; quas subiens, & brevi ad saturitatem implens, demum irritare incipit; quæ propterea statim corrugatæ liquorem imbibitum una cum proprio succo, & phlegmate viscoso ventriculi rugis impacto, exsolvere satagunt. Porro ejusdem medicamenti, dum in ventriculo moratur, particulæ quædam aliæ, vasorum & glandularum ora subeunt, & vellunt, iisque serositates, aliosque humores exprimi, & emulgeri faciunt. Dumque adeo ventriculi fundus, & fibræ nerveæ à molestis hujusmodi contentis aggravantur & laceffuntur, fibræ carneæ in contractiones excretorias concitæ, stomachi fundum, & latera sursum colligunt, & versus pylorum inclinant; proinde ut saburra

*I. Intra ventriculum qualis eorum actio.*

*Sc. Fibras 1<sup>o</sup> nerveas in molestia sensum, & in motrices in spasmodicis excretorios cient.*



ista una cum Tinctura medicamentosa foras eliminari, & ad intestinata transmitti queat. Inde stomacho sedatio & quies parumper obtingunt, donec ejusdem Tincturæ, filamentis villosis in partem adhuc adhærentis, fibræ nervæ penum novum imbibentes rursus irritantur; cumque adeo nova saburra in ventriculi cavitatem exprimitur, & commovetur, fibræ carneæ propter illius exclusionem spasmos excretorios repetunt; adeoque hæc crebra vice peraguntur, donec Pharmaci virus è filamentis villosis eluatur prorsus, & abstergetur, atque spiritus fibrarum incolæ excandescantias suas dimittant; quod interdum brevi ac facile succedit, ita, ut stomachus post horam unam aut alteram molestia quavis à Pharmaco impressa immunis fiat, perturbatione reliqua omnino ad regionem intestinalem translata. Sæpe numero tamen accidit à cathartico assumpto brevi vomitiones perquam atroces excitari, & nihilominus, pharmaco licet rejecto, purgationem satis copiosam succedere. Cujus ratio est, quod irritatio nimis violenta ab initio facta, spasmos fortiores, id est, emeticos concitat; dein postquam irritamenti istius impetus relaxatur, aut infringitur, contractiones mitescentes catharticæ evadunt. Enimvero medicamenti purgantis, & vomitorii virtus, & operandi modus, non tam quoad qualitates específicas, quam sub hoc respectu potissimum differunt, quod molestia ab illius irritatione facta facilius aut diutius tolerari, & demum ad intestina transferri queat; non autem quæ ab emetico excitatur. Quod vero post cathartici operationem per sedes copiose factam, nonnunquam Vomitio oriatur, in causa videtur esse, quod medicamenti Tinctura, à Tunica villosa altius imbibita, non facile abstergetur: quare, post nixus purgativos plures incassum habitos, demum ad eam penitus excutiendam spasmus emeticus accietur. Utitatum est à cibis, antequam stomachus pharmaco inanitur,

*Horum motuum  
crebræ vices  
inde procedant.*



inanitur, ingestis vomitum cum nausea & molestia insigni concitari; quia nimirum ob pepsin impeditam aut depravatam, chylus in putrilaginem incongruam ac irritativam degenerat: ut plurimum vero medicamentum purgans ventriculo nimis cito, & absque for-  
dibus ejus deterfis elabitur, vires suas maximas intra ductus intestinales impendens: Quo ritu hoc fiat pro-  
xime videamus.

2. Tinctura cathartica à stomacho deturbata, & se-  
cum exinde materiam quandam excrementitiam defe-  
rens, intestinis illabitur; ubi statim in Duodeni ac su-  
perioris Ilii transitu tunicæ villosæ filamenta imbuit,  
iisque tenaciter adhærescit: deinde particulæ medica-  
mentosæ uberius diffusæ fibras nerveas, nec non glan-  
dularum, aliorumque vasorum ductus subeunt, eo-  
rumque spiritus incolas irritant, cum humoribus inibi  
scatentibus fermentescunt, eosque illinc exprimi, &  
velut emulgeri cogunt, adeoque in cunctis perturbatio-  
nem magnam cient; quapropter fibræ carneæ à spiriti-  
bus irritatis & in explosiones actis inflatæ, & contra-  
ctæ, spasmos molesti istius excludendi gratia excreto-  
rios ineunt. Hinc cum superior ductus intestinalis re-  
gio, in vermiculationes crebriores, ac fortiores, quibus  
contenta ulterius propelli queant, urgetur, excretionis  
motus illic inceptus ad reliqua intestina propagatur;  
simulque hæc à superiorum contentis in cavitates eo-  
rum detrusis stimolata, spasmos excretorios seriatim  
ineunt, donec alvi fæces, quæ extime consistunt, foras  
deturbantur, aliis ac subinde aliis usque in loca eorum  
succedentibus. Tinctura cathartica, quatenus spiriti-  
bus infesta, fibras nerveas in corrugationes, & non ra-  
ro extensiones dolorificas, atque fibras carneas in spas-  
mos excretorios ( uti ostensum erat ) irritat: dein  
quatenus eadem cum humoribus, & intestinorum con-  
tentis fermentescit, ebullitione intra cavitates eorum  
facta,

*Cathartici ope-  
ratio intra Duo-  
denum & inte-  
stina tenuia.*



facta, & flatibus concitatis, membranas continentes varie inflat, ac distendit, proindeque alvi dejectiones cum torminibus & crepitu inducit.

*Cathartici in  
Porum & Bili-  
arium & Pan-  
creaticum actio.*

Dum fibræ Nervæ & Carnæ ob spiritus à Tinctura cathartica irritatos adeo in sensiones molestas, & spasmos excretorios acciuntur, etiam porus bilarius & Pancreaticus vellicati & succussi, humores suos profundunt, ac in cavitates intestinorum velut exspuunt: à quibus utrisque, & præsertim à Bile copiosius suffusa, membranæ haud minus quam ab ipso pharmaco irritatæ, in excretiones majores crebrioresque urgentur, cumque adeo dejectiones humoris istius flavedine tingantur, dicitur vulgo ( licet falso ) bilem flavam à medicamento elici, & peculiariter educi: Quod si humores è ductibus istis suffusi mutuo effervescent, ac, uti quidam opinantur, cum insigni orgasmo invicem colluctantur: propterea intra cavitates intestinorum perturbatio adhuc major cum humorum & flatuum turgescencia concitabitur.

*Item in glandu-  
las & Arteria-  
rum oscula  
qualis sit.*

Nec solum Bilis, & succus Pancreaticus, à Cathartico in ductus intestinales exprimuntur; sed insuper è glandulis tunicæ interioris, ob vellicationem constri-ctis, & arteriarum osculis affrictis, & reaseratis, humores ferofi velut emulgentur, qui alvi contenta plus diluunt, & tum lubricando, tum irritando excretiones promovent. Cæterum ipse mucus Intestinalis crustam villosam oblinens, siquidem ab humoribus ferofis ita expressis eluitur, atque ob fibras nerveas corrugatas, & succussas abstergetur, alvi purgamentis accedit, eorumque molem adauget. Quinimo interdum hoc muco plurimum absterfo, & vasorum osculis insigniter vellicatis ac velut rasis, merus sanguis effluens dejectiones cruentas constituit.

*Cathartici ener-  
gia in sangui-  
nem, succum  
nervæum, &  
partes solidas  
extenditur.*

Ad hunc modum intra stomachi, & intestinorum cavitates medicamenta purgantia, quatenus spiritus ir-  
ritant



ritant, cumque humoribus fermentescunt, operationes suas perficiunt. A cujusmodi autem pharmaci particulis aut elementis, tum vis istæ Irritativa, tum virtus Fermentativa procedunt, mox inquiremus; interim advertimus Cathartici Energiam, longe extra Primas vias, viz. in massam sanguineam, & liquorem nervum, adeoque consequenter aliquatenus ad cerebrum, præcordia, aliasque partes aut viscera extendi.

I. Quoad sanguinem, Cathartici particulas in massam ejus suscipi, & cum eo circulari inde constat; quoniam *Qualis in sanguinem operatio ejus.* urina à quibusdam odorem, & colorem mutatur. Lac Nutricis medicatæ, infantem purgat. Pharmaca quædam hydropicorum aquas per sedem evacuant. Resina Jalapiæ serum lixiviale odoris urinacei purgare solet. Porro ex communi tum veterum tum recentiorum observatione, Catharticum in febris declinatione opportune exhibitum, materiem febrilem prius maturatam, & secerni aptam educit. Quapropter extra dubium ponatur, medicamenti purgantis corpuscula quædam in sanguinem admitti, perque totum ejus liquorem diffundi. Et quidem circa introitus ejus vias, non est ut longe quæramus; quippe necesse erit quasdam Cathartici particulas succo nutritio permistas, per vasa lactea obrepere. Porro cum Venarum quædam quasi silva densissima coctionis viscerum omnium Tunice interiori ubique inferatur, satis obvium erit concipere, Medicamenti haud minus quam Alimenti particulas quasdam, his ductibus in sanguinem traduci, quæ copia ingenti primo intra venas, deinde etiam intra Arterias diffusæ (siquidem heterogenæ prorsus, ac indomitæ fuerint) massam ejus exagitant, variè fundunt, sui que unà cum aliis sanguinis recrementis exclusionem proritant; atqui sanguis adeo fusus, & in fermentationem excretoriam concitus, medicamenti particulas, una cum recrementis aliis expurgandis per Arteria-

*Hæc partim fermentatione, partim irritatione perficitur.*



Arteriarum Intestinalium oscula, tunc temporis etiam à Pharmaco vellicata, & reserata, in viscerum istorum cavitates deponit, unde mox per sedem amandantur. Ad hunc modum è Cruoris massa, una cum Tinctura Cathartica ad Intestina remandata, serosa colluvies, aliæque sanguinis superfluitates aut corruptelæ expurgantur. Porro cum vasa sanguifera hac ratione depleri incipiunt, humores alii superflui, aut recrementitii circa Viscera, Præcordia, Cerebrum, aut corporis habitum prius depositi, in massam sanguineam resorbentur, & exinde statim, perdurante adhuc effervescencia ejus excretoria, versus Intestina correpti, qua via tunc patet, foras ejiciuntur; adeoque ad hunc modum pharmaca Cathartica in totum corpus operantur, & à partibus quibusque remotis materiam incongruam, & excernendam educunt.

Operationis catharticae tres gradus.

Quemadmodum igitur superius, Diarrhææ humoralis, sive Cathariseos Naturalis, tres gradus notavimus; ita in præsentiarum totidem Purgationis Medicamentosæ Species, sive classes constituere visum est. Harum prima sit, cum propter Intestinorum fibras nerveas leniter proritas, carneæ supra morem solitum paulo crebrius, & strictius contractæ, contenta quæque laxiora, celerius è parte in partem promovent, & demum blanda *διηρησώσιν* foras ejiciunt. In secunda Purgationis specie, humores quidam alii è Poro Bilario, ductu Pancreatis, & vasorum osculis à pharmaco vellicatis expressi, una cum alvi fæcibus deturbantur. In tertium ductus hi vehementius proritati, humoris cujusque generis copiam majorem, in cavitates Intestinalium profundunt; tum insuper è Sanguine propter admissas Pharmaci particulas fuso, & præcipitato, & per consequens etiam è Succo Nerveo, & partibus aliis materies recrementitia ad Intestina per Arterias delata expurgatur.

Ex



Ex his satis constare arbitror catharsin solummodo per irritationem, fermentationem, & expulsionem, ac minime (uti vulgo fertur) per attractionem peragi; nec quidem Philosophum, aut quempiam *Ἀνόλογον*, & ratiocinatione utentem decet asserere, pharmaca ulla propter substantiæ similitudinem, aut virtutes nescio quas específicas, in determinatum quemvis humorem agere, eumque sincerum & peculiarem foras educere. Quod autem interdum Bilis, Pituita, Serum, aut Melancholia seorsim à reliquis secerni putatur, illud adeo fieri videtur, aut quia Medicamenta diversa ratione in visceribus irritant, aut variis modis cum sanguine, aliisque humoribus fermentescunt, aut denique ipsis dejectionibus tincturam imponunt. Cujusque horum rationes & instantias quasdam operæ pretium erit ut exponamus.

*Cathartica non per Attractionem aut electionem operantur.*

Primo igitur, medicamenta juxta quod particulas magis volatiles aut fixas, lenes aut acriores, molles aut asperiores continent, intra viscerum cavitates diversimode irritant, proindeque spasmos (excretorios leviores aut fortiores, inque locis modo his, modo illis, prius, ac potius cient. Ex. gr. Rosæ, Violæ, Cassiæ, Manna, aliaque similia, quæ sunt partium subtilium, & valde tenuium, plerumque ventriculū minime perturbant; at Pyloro superato Duodeni tunicam nerveam exquisitius sensilem irritare incipiunt, & priusquam ulterius pergant, vim suam ferè totam illic impendunt; cumque adeo à tunice illius vellicatione & corrugatione Porus Bilarius succutiatur, dejectiones Biliosæ succedunt. E contra alia, uti Gummi Ammoniacum, Opopanax, Sagapenum, Turbith, & similia, quæ materia crassiore & viscosa, atque particulis obtusioribus constant, non ita promptæ sunt operationis, ut statim irritent; quin intra ventriculū soluta, indeque intestinis allapsa, in iis non statim sed aliquantum protracta, & postquam

*Operationum Catharticarum differentia, & rationes.*

*I. Quatenus diversimode in visceribus irritant.*

N

tunicis



tunicis eorum aliquamdiu adhæserunt, infra Porum Biliarium vellicationes suas inchoant; quare præter alvi fæces, & serosa quædam vasorum osculis expressa, mucum intestina oblinentem abrasunt, & detergent, ideoque Dejectionum Pituitosarum apparentias faciunt.

2. Quatenus  
varie cum san-  
guine fermentes-  
cunt.

2. In quantum Pharmaca particulis diversi generis prædita, variis modis cum sanguine, aliisque succis fermentescunt, propterea dejectiones modo serosæ, modo biliosæ, aut alterius indolis succedunt. Etenim nonnulla, uti imprimis Aloe, ac Rhabarbarum, quia particulas materiæ velut adustæ in se continent, tales in sanguine gignunt; quin & recrementa ejus adusta in motum concitant, inque ductus choledochos uberius cogunt: cumque hac ratione Bilis copiosius aggesta, è receptaculis suis in intestina exundat, dejectiones plus Biliosæ evadunt. Novi quosdam à lacte crudo & simplici ad lib. ij. epoto purgari solitos, omnino flavum dejecisse: cujus ratio est, quod lac ipsum in bilem facefferet; prout ex ructu amaro, & sanguinis æstu (tanquam Bile turgescente) mox concitato inferre licuit. Porro alia Cathartica, uti Jalapium, Colocynthis, Elaterium, & quædam Mercurii præparata particulis acrioribus, & non raro quasi septicis constant; quæ propterea ab intestinis suscepta, indeque sanguini transmissa, massam ejus insigniter fundunt, & in serositatem valde præcipitant; immo interdum quasi venenant, & crasin ejus corrumpunt. Dein siquidem eodem tempore, quo sanguis funditur, vellicatio in intestinis habetur; cruoris recrementa serosa, ejusque corruptelæ & liquamina, ex arteriarum osculis ibidem referatis in viscerum istorum cavitates exspuuntur; adeoque dejectiones plurimum aquosæ inducuntur. Quod si, post cruorem à Pharmaco ita fusum, & in crasi læsum, évacuatio per sedes parum aut minus copiosa succedat, sanguis à mixtura incongrua, & corruptiva usque magis



magis depravatus, exinde aut dyscrasiam insignem acquirat, vel recrementa, & corruptelas suas in habitum corporis suffundens, pustulas, & vesicas aquosas, incute prorumpere facit. Ita namque à Pharmacia perperam celebrata, mala sæpe ingentia sequuntur. Nec enim de nihilo est quod vulgus adeo pertimescat, si quando medicamen minus operetur, ne virulentia exinde contracta, & derelicta, postquam diu in corpore delituit, tandem aliquando affectus malignos produceret: à tali namque occasione interdum pathemata quasi Leprosa excitantur. Non ita pridem Oxoniensis cujusdam filii duobus, cum pulvis Catharticus (acuti videbatur Mercurialis) ab Empirico exhibitus fuerat; unus eorum spatio 48 horarum centies ad minimum, cum torminibus, & magna spirituum fatifcentia purgabatur: Interim alter ætate paulo major nullam habuit sedem, verum intra paucos dies capilli ejus decidebant, ungues nigricabant; insuper & brevi postea pustulæ aquosæ in toto corpore erumpebant, quibus continue in scabiem crustosam induratis, & subinde deciduis, statim novæ repullulabant: cujusmodi affectus, ob sanguinis crasin summe vitiatam, & quasi venenatam, nullis remediis cedens, supra biennium, antequam perfecte sanari potuit, misellum istum gravissime exercebat. Nec tantum à Mercurialibus, sed ab aliis interdum Catharticis, è Vegetabilium familia desumptis, massa sanguinea ita depravatur, ut non nisi longo tempore restitui aut renovari possit. Adeo non immerito prorsus calumniatur Helmontius, dicens pharmaca cathartica non semper aut solummodo humores in corpore prius existentes educere, sed potentia sua corruptiva depravatos efficere.

*Purgationis Electivæ error altiores adhuc radices egit, ex eo, quod liquida per alvum excreta, cum interdum colores suos à Pharmaco mutuata sint, falso*

*Historia notabili ostenduntur.*

3. Purgationis Electivæ error altiores adhuc radices egit, ex eo, quod liquida per alvum excreta, cum interdum colores suos à Pharmaco mutuata sint, falso

*Purgationis Electivæ error unde cepit.*



creduntur, Biliosa aut Melancholica prius existentia, seorsim ab aliis humoribus educi. Nihil usitatus quam à Rhabarb. Aloe, rad. Curcumæ, & quibusdam aliis medicinalibus assumtis, sicut Urinas, ita & Sedes flavedine tingi: pariter infusio Sennæ, Cathartica etiam quibus chalybeata, aut vitriolica admiscentur, alvi fæces quas evacuant, atredine inficiunt. Porro diversimoda corporis constitutio, ac humorum crasis, diversas excrementorum apparentias producit. Quippe cum in his vasa Choledocha Bile turgeant, in illis sales vitriolici tincturæ Atratae parentes in primis viis stabulentur, inque aliis propter malam victus rationem Serositates plurimæ in toto corpore aggerantur; propterea cum ejusmodi sedes à quocunque Pharmaco sequentur, si contigerit illos humores à Cholagogo vulgo dicto, istos à melanagogo, atque hos ab hydragogo purgari, tales à Medicamento elective excerni perhibentur. Quod igitur spectat ad delectum in Purgantibus habendum, licet decantatae istae medicaminum, succo huic, aut illi appropriatorum classes, minime arrideant; attamen non quælibet Cathartica in quibusvis casibus indifferenter usurpanda censemus; quin vero prudentis medici judicio, ac discrimine sagaci opus est, ut juxta patientium vires, temperamentum, viscerum robur & tenorem, tolerantiam, consuetudinem, & imaginationem; quinimo juxta morbi naturam, tempus, & conditionem, purgatio levior aut fortior, è calidis aut temperatis, blandis aut acrioribus, in substantia solida aut liquida, aut alia alterius cujusdam generis aut formulæ instituatur.

*Humorum præparationem ad purgationem non necessariam.*

Antiquiores Medici, quibus etiam Neoterici plures astipulantur, uti Purgationem electivam, ita humorum præparationem isti præviam, & quasi necessariam statuerunt: Quapropter in libris practicis quoties Pharmacia Cathartica præscribitur, ex more solenni, & quadam



dam quasi pompa, præparantium cuilibet humori destinatorum series longa proponitur; quorum usus tametsi speciosus admodum, minime utilis videtur; quia tales humores revera non existunt, prout alibi clare ostendimus. At vero cum purgatio non omni tempore, nec in qualibet corporis conditione conveniat, ad eam rite peragendam, tum opportunitas, tum Apparatus quidam requiritur; atque utraque hæc, & Primas Vias, & Massam Sanguineam respiciunt.

*Qualis apparatus ad Catharsin requiritur.*

Quoad prius, si quando Stomachus aut phlegmatis viscosi saburra aggravatur, aut bilis turgidæ æstuatione molestat, catharsis sæpissime aut frustra aut perperam celebratur, nisi prius contenta istæc aut Vomitorio exhibito everrantur, aut illorum aggravatio & effervescencia Digestivis emendentur.

*1. Respectu stomachi.*

Quod vero ad Sanguinem spectat, Purgatio sæpe intempestiva, quandoque item incongrua est, atque in neutro horum casu, Præparantia vulgo, sed tantum Alterantia conveniunt: Quippe non humores isti imaginarii versus Evacuationem disponendi sunt, verum ipse Sanguis vel à Statu turbido, & confuso ad Sedatum; vel à debilitate aut Dyscrasia, ad vigorem, & æquabile temperamentum reduci debet. Dum sanguis febriliter æstuans in mixtione sua perturbatur, Catharsis semper nocua deprehenditur; ideoque ab Hippocrate, & veteribus damnatur: nec minus dum massa ejus languida & debilis, ad fermentationem debitam haud assurgit, pharmacia ista interdicatur. Porro cum sanguis supra modum biliosus, aut aquosus existit, vel in Coagulationes aut Fusiones nimis inclinatur, purgantia ut plurimum, ejusmodi deliquia, aut depravationem ejus non submovent, verum sæpius adaugent. Quin potius in istis casibus remedia Alterantia indicantur, quæ nempe Salium, Sulphuris, ac Seri separationes, aut combinationes iniquas destruant, aliasque

*2. Respectu sanguinis.*



que enormitates eorum tollant: Super his medicamentis pharmaciae catharticae aut praevis, aut, quod saepe numero satius est, vicem ejus suppleantibus, viz. Digestivis, & Alterantibus inferius speciatim dicetur.

*Cathartici facultas sive virtus duplex, irritativa & fermentativa.*

*A Cujusmodi particulis elementaribus utraque dependeat.*

*Irritativa non procedit à spiritu, aqua, aut terra.*

*Nec à Sale aut Sulphure solitariis,*

*Sed ab his simul combinatis.*

Circa Medicinae Purgantis Theoriam, haud multa amplius dicenda occurrent: nisi quod siquidem (uti è praedictis liquet) Cathartica tum Spiritus fibrarum splanchnicarum incolas, sc. hos in Sensiones molestas, proindeque alios in Contractiones excretorias irritant, tum insuper humores & sanguinem fermentant, inque varias fusiones & partium secretiones cogunt; inquirendum restat, à cujusmodi particulis sive Elementaribus, sive Secundariis, ac (ut ita loquar) Qualitativis, utraque ista virtus tum Irritativa, tum Fermentativa dependeat. Super his in Genere advertimus, quod postea instantiis confirmabitur, vim Irritativam in visceribus exeri solitam, & cujus instinctu Spasmi Cathartici accientur, nequaquam è Medicamenti principiis, aut particulis Spirituosis, Aquosis aut Terrestribus procedere, nedum à Salinis aut Sulphureis unquam solitariis, sed ab iisdem semper combinatis, cumque aliis interdum adjunctis exoriri. Quamvis enim Sal, & Sulphur praecipua Irritationis Catharticae instrumenta sunt, neutrum tamen ex iis simplex visceribus adeo infestum esse solet, ut fibras motrices in spasmos excretorios concitet; illa simul conjuncta, se mutuo exaltant & in aculeos adigunt; quinimo crasin corpori nostro inimicam, & prorsus indomabilem acquirunt. Tinctura Antimonii, item Cerussa ejus stomacho nullam molestiam inferunt, sed potius grata, & Cardiaca existunt. Attamen Crocus metallorum, Stibium, Butyrum Antimonii, aliaque ex Sulphure, & Sale conjugatis praeparata, in Emetica aut Cathartica maxime Elateria evadunt. Pariter alibi advertimus particulas Sulphureas & Salinas ab invicem separatas, & solitarias,



tarias, & odoris, & saporis satis grati existere, eas vero intime commistas, mox foetorem, & ranciditatem contrahere.

Quod vero ad Fermentationem Catharticam spectat, non ita plane constat utrum eadem prorsus particulæ, quæ spiritus in Spasmos excretorios irritant, etiam sanguinem fundunt, inque partes secedere faciunt, proinde ut recrementa ejus ex Arteriarum osculis in cavitates viscerum exspuant: Profecto sanguis, quemadmodum & lac, fere tantum ab Acidis fundi, inque serositates præcipitari solet; prout infra per experimenta, & rationes fuse declarabitur. Sales Alchali, Fixus & Volatilis, immo & Nitrosus, sanguinis mixtionem minime dissolvunt, quin potius integram servant, & solutam restitunt; pariter & spiritus vini, aliaque purissime sulphurea: at vero tantum abest Acida catharsin promovere, ut à nihilo magis pharmacorum vis purgans infringatur, aut penitus tollatur.

*Virtus fermentativa à cujusmodi particulis pendeat.*

Itaque de purgantibus ut examine per sensum facto judicium feramus, verisimillimum videtur, ea (siquidem sapore plerumque acri, & nonnihil pungitivo prædita sint) una cum Sulphure, Sale quodam volatili, & acri, (qui in fortioribus quodammodo septicus est) imbui; atque tales eorum particulas Sulphureo-salinas non Acidorum, aliorumve Salium Præcipitatoriorum ritu cruorem fundere, quatenus ejus partes quasdam magis intime & amice dum amplexantur, ab aliis confociis diripiunt, & sibimet devinciunt; verum è contra particulæ catharticæ toti massæ sanguineæ, cunctisque ejus particulis incongruæ, simulque immiscibiles, & indomabiles cum sint, confusione sua eas omnes exagitant, inque effervescentiam expurgativam concitant; quæ adscito mox cordis pulsu citatiori, non prius sedatur, quam corpuscula quæque heterogenea foras eliminantur, expulsis una serosi Humoribus quo miscentur

*Medicamenti vis cathartica à sulphure cum sale volatili & quodammodo septica.*

portione



portione quadam, aliisque interdum sanguinis recre-  
mentis.

Massa Sanguinea Cathartici fortioris particulis infecta simili ritu effervescit, quemadmodum vina generosa ab heterogeneis dolio injectis, propter incongrui istius exclusionem de novo fermentescere perhibentur, adeoque interdum intra cadum ebullire persistunt, donec aut vas disrumpitur, aut crasis illorum penitus vitatur. Hoc autem non ita frequenter liquori sanguineo

*Cathartica for-  
tiora per sedem,  
quemadmodum  
cantharides per  
orinam, operan-  
tur.*

SECT. III.



Cathartorum Species, Formula, & compositionum  
quarundum Aetiologia.

**C**athartorum classi Mineralia haud multum  
 contribuunt; etsi vomitoria, & diaphoretica  
 magis celebria ex eo potissimum penu suman-  
 tur: verum purgantia, cum mediæ virtutis, &  
 diversæ operationis sint, ex impuris istis, & duriori-  
 bus concretis formari nequeunt. Nam si vis Elateria,  
 ut ut correctissima, velut aculeus aliquatenus in mixto  
 relinquatur, quicquid irritationis in ventriculo exinde  
 procedit, vomitionem inducet; sin ista penitus exi-  
 matur, nulla excretio in visceribus ciebitur, sed pro-  
 pter salis Alkali reliquias quasdam, vis omnis in Dia-  
 phoresin cedit. Enimvero pharmaca Emetica ejusmo-  
 di videntur esse, quæ cum nullo modo in ventriculo  
 subigi, & domari possint, atque particulis acrioribus  
 ceu velut aculeatis, nempe Sulphureo-salinis prædita  
 sint, fibras stomachicas, quo illinc via brevissima, sc.  
 per vomitum è vestigio exterminantur, in spasmos vio-  
 lenter excretorios cient: e contra Diaphoretica  
 quamvis subigi, & domari nequeant, siquidem vero  
 stimulis sive aculeis ademptis, particulae eorum in mi-  
 nutias velut globulares & acierum expertes confringan-  
 tur, stomachum minime irritant, in massam vero san-  
 guineam transeuntes, eam utpote immiscibiles & in-  
 domitæ fermentant, inque effervescentiam universa-  
 lem, qua una cum seroso latice, aliisque cruoris recre-  
 mentis evaporent, concitant. Purgantia autem, par-  
 ticulis incongruis, sed hebetioribus, & debilioribus  
 prædita, fibras stomachicas nec statim, nec vehemen-  
 ter irritant; attamen postquam has paulo altius subie-  
 rant, primo sensationem molestant, dein, ut, quod  
 molestum est, sine perturbatione magna foras ejiciant,

Cathartica quæ  
 ulla è minerali-  
 bus.

Ex eo penitus Eme-  
 tica, & Diapho-  
 retica præcipua  
 sumuntur.

Discriminis istius  
 ratio inquiritur.

O

motus



motus excretorios solitos, & ordinarios, sc. per ductus intestinales augeri, & multiplicari faciunt.

*E mineralibus*

*purgantia quædam minus propriè ita dicta.*

At vero è mineralibus nonnulla, uti Mercurius dulcis, lapis Lazulus, Armenus, & quædam alia, tametsi improprie catharticiis accenseantur, sunt enim operationis minus fidæ aut certæ, proinde ut rarius per se in finem istum usurpentur; cum aliis vero purgantibus non sine fructu exhibentur.

*E vegetabilibus*

*cathartica*

*quamplurima*

*& varii generis.*

*Purgantium recensio.*

Ad vegetabilia autem descendentes, campum hic latum & catharticiis confitissimum ingredimur: quæ cum multiplicia fuerint, variis modis recenseri, & distribui solent; sc. in mitiora, mediocria, & vehementia; item in cholagoga, melanagoga, phlegmagoga, & hydrogoga: porro in *καταρσιν*, minorativa, & eradicativa. Non est ut singulis hisce tribubus insistamus, verum ad tria tantum genera totam suppellectilem Catharticam reducemus; sc. primo in loco habeantur, quæ in visceribus irritationem non nisi leviolem, inque sanguine & humoribus fermentationem tantummodo mitem præstant: cujus generis sunt Violæ, Cassia, Tamarindi, Rosa, Rhabarbarum, Senna, Myrobalani, Epithymum, Carthamus, Agaricus, Aloe, & similia. Secundo, quæ tum in visceribus vellicationem, tum in humoribus effervescentiam paulo fortius cient; proinde ut in his perturbationes magnæ, & interdum febriles, inque illis spasmi cum torminibus, etsi non immanes, excitentur; in quo censu ponuntur, Scammonium, Turbith, Hermodactyli, Mechoaca, Jalapium, Ebulus, Sambucus, Opopanax, Sagapenum. Ultimo constituuntur, quæ ventriculum & intestina atrociter vellicant, & lancinant, quinimo sanguinem aliosque humores vi quadam septica plurimum exagitant, fundunt, inque mixtione solvunt: talia sunt Helleborus, Elaterium, Soldanella, Euphorbium, Esula, Colocynthis, &c.



Vegetabilia non, uti mineralia, ad compages suas referandas, longa præparatione semper opus habent: hæc enim sæpius, dum mixtio integra est, (secus ac de illis annotavimus) fortius operantur. Nam quorum virtus in systasi subtili, & fugaci consistit, haud magna ἐν χειρὶ & apparatu chymico in Extracta, Magisteria, aut quintas Essentias reduci debent: quin plurima illorum, uti Rhabarbarum, Manna, Cassia, Senna, Myrobalani, &c. in pilulas aut pulveres redacta, aut liquore idoneo infusa, aut decocta, & melius, & facilius operantur, quæ, si nimio artificio vexentur, vim purgatricem aut penitus amittunt, aut pigre eam, & cum molestia exercent. Usitatum est ad eliciendas vegetabilium tincturas, liquorem, cui infundantur, Tartari vel Absynthii salibus imprægnare; ita namque saturatum colorem cito adipiscitur. Etsi morem hunc non improbo, quatenus sales herbarum fixi cum succis acidis ventriculi & Intestinorum effervescent; attamen dolum in eo latentem detegere licet: quippe tincturam istam saturatam sales non eliciunt, sed apparere faciunt. Nam Rhabarbari, Sennæ, aut alius vegetabilis infusioni jam factæ, & colatæ, si salem Tartari addideris, illico tinctura, sive color ejus multo saturatior evadet: cujus ratio est, quod particulae salino-fixæ obtusæ admodum liquoris poros inferciunt, proinde ut lucis radii inter transeundum plurimum refringantur: quapropter tinctura quævis, ob salem Tartari saturatior facta, ab infuso spiritu Vitrioli, cujus particulae sunt aculeatæ, sine materiae cujusvis præcipitatione, mox clarior & tenuior evadet.

At vero Catharticorum vegetabilium nonnulla etiam præparatione chymica emendantur: nam, è quibus Sale ac Sulphure refertis, particulae activæ & benignæ à reliquis hebetioribus & malignis fecerni, inque extracta resinosa, aut alius generis compendiosa redigi

*Cathartica vegetabilia præparatione chymica non multum egent.*

*Quædam ex iis per extractionem meliorantur.*

*Sal Tartari ad tincturæ purgantis extractionem quid confert.*

*Apparatus chymicus pro extractis resinosis & salinis perquam utilis.*



possint; certe bono cum fructu horum Analysis, & nova synthesis instituatur. Quamobrem, pro Catharticis quibusdam rite præparandis, cum spiritu vini partem sulphuream & aliquotam salinam extrahimus; uti in magisteriis resinosis Jalapiæ, Scammonii, Mechoacæ, &c. Propter alia, menstruis salinis, sc. Aceto destillato, aut Aquis cum spiritu Vitrioli, vel fale Tartari exacuatis, utimur: idque sub duplici respectu; nimirum, vel ut particulis activis à materia terrestri separatis, pharmacum in minore mole, & forma elegantiore componatur; vel ut mixti qualitates cesseræ quæque, aut virulentæ, eximi, aut domari possint.

*Purgantium  
formula præci-  
pue notantur.*

Infiniti res operis ac tædii esset, Cathartica hic omnia simplicia, eorumque Præparationes, Dispensationes, & Doses singulatim recensere: Quod ad propositum nostrum satis est, cum medicamentorum purgantium compositiones præcipuæ sunt Potiones, Pulveres, Boli, Electuaria, Morsuli sive Tabulæ, atque Cerviciæ, aut Vina Medicata; singulorum ex his, Formulas quasdam selectiores, easque triplicis generis, juxta quod pharmaci operatio, lenis, mediocris, aut fortis esse debet, subjiciemus; quibus addentur quarto purgantium facile parabilium Recepta pro pauperibus.

*Potiones lenes,*

**I. Potiones lenes.** R. Rhabarb. incisi ℥iij. Sant. Citr. ℥ss. salis tartari ℥j. infunde frigide per noctem in aq. Cichorei, & vini albi ℥iij. colaturæ claræ ℥iij. adde Syrupi Cichorei cum Rhabarb. ℥ss. aq. Cinnam. ℥ij. f. potio.

*Mediocrates,*

**2. Mediocrates.** R. Sennæ opt. ℥iij. Rhabarb. Agaricæ trochis. ana ℥ss. Sant. Citr. ℥ij. salis Tartari ℥ss. Sem. Coriand. ℥j. infund. clausæ, & calide in vini albi & aq. font. ana ℥iij. per noctem & colaturæ ℥iij. adde Syrupi de pomis purg. ℥j. aq. Mirab. ℥ij. f. potio. Vel decoct. Sen. Gereon. ℥iij. Syrupi Rosarum solut. ℥j. cremoris Tartari ℥ss. Aq. Cinnam. ℥ij. f. potio.

R. Sennæ



*Rx* Sennæ opt. Cassiæ fist. Tamarind. ana ʒss. sem.  
Coriand. ʒij. coq. in aq. fontana ʒx. ad tertiæ part. con-  
sumt. colaturæ clarif. cum albumine ovi addendo syr.  
de pomis ʒj. f. potio.

3. Fortes. *Rx* Decocti Sen. Gereonis (cum additione  
fibrar. Hellebori nigri, & Agarici ana ʒiss.) ʒvj. Sy-  
rupi rosar. solut. vel flor. Persicor. ʒj. Aq. Mirab.  
ʒij. vel

*Rx* Sen. opt. ʒss. fibr. Helleb. nigr. Turbith, ana ʒij. Sant.  
Citr. ʒj. sem. Coriand. ʒiss. salis Tartari ʒss. f. infusio  
clausa, & calida in vini albi ʒviij. per noctem, colaturæ  
claræ ʒv. adde electuarii è succo rosar. ʒiij. syr. è spina  
Cathartica ʒvj. Aq. Cinnam. ʒij. f. potio.

4. Potiones facile parabiles pro pauperibus. *Rx* Li-  
ni Cathartici Mj. Sem. fœniculi dulcis ʒij. coquantur  
in aq. font. q. s. ad ʒvj. addendo vini albi ʒij. f. potio.  
Eodem modo paretur haustus catharticus è flor. rosar.  
Damascen. item ex foliis Mali Persici, nec non ex radi-  
cibus Eupatorii Avicennæ.

.II Pilulæ. primo operationis facilioris. *Rx* pil. 2. Pilulæ lenes,  
stomach. cum Gum. ʒj. ad ʒß. Tartari vitriolat. gr. ij.  
balsomi Peru. q. s. f. pil. iij. vel iiij. Eodem modo pa-  
rentur ex massa pil. Ruffi, Mastichin. de Succino,  
item extracti nost. solut. cujus descriptio habeatur in  
tractatu de scorbuto.

2. Mediocres. *Rx* pil. stom. cum Gum. ʒss. resinæ  
Falap. gr. iiij. ad x. Tartari vitriolat. gr. vj. Am-  
moniaci solut. q. s. f. pil. iiij. Eodem modo parentur ex  
massa pil. de succino. Tart. Quercetan. Item loco  
resin. Falap. subdatur scammonii sulph. gr. vj. ad xij.  
vel resin. Scam. gr. viij. ad xiv. Vel *Rx* pil. stom. cum  
Gum. ana ʒj. resin. Falap. gr. vj. ad xij. balsom.  
Peru q. s. f. pil. iiij.

3. Fortiores, *Rx* pil. Rudii ʒss. resin. Falap. gr. viij.  
ad xij. balsam. Peru q. s. f. pil. iiij. sumend. cum regi-  
mine.



110 Catharticum species & Formulæ. SECT. III.

mine. Simili ritu parentur ex massa pil. coch. de sagapeno.  
 R. pil. ex duobus ʒj. ad ʒss. Calamelanos ʒj. f. pil. iij.  
 sumend. cum regimine.

Facile parables.

4. Facile parables & pretii minoris. R. Pul.  
 Jalapii select. ʒij. Diagridii. ʒj. Caryophyll. Zinzib.  
 ana ʒj. Ammoniac. solut. q. s. f. massa, dosis ʒss.

R. pil. Chockiar. ʒss. ad ʒij. f. pil. iij.

III. Pulveres  
 mitiores,

III. Pulveres. Primò Mitiores. R. Rhabarb. pul.  
 ʒss. salis absynt. ʒss. caryophyll. gr. ij. f. pul. detur in  
 cochl. j. aq. Cinnam. tenuioris, vel in haustu brodii.

R. Pul. Sen. compos. majoris ʒss. ad ʒj. detur in hau-  
 stu liquoris posset.

R. Pul. folior. sen. ʒj. Calamel. gr. xvii. Sant. citr.

ʒss. f. pul. detur in cochl. panatella.

Medioces,

2. Medioces. R. pul. Diasen. ʒj. Cremoris Tart.  
 ʒj. f. pul. detur in haustu brodii.

R. Resin. Jalap. gr. x. Calamel. ʒj. Caryophyll. gr.  
 vj. f. pul. similiter sumend.

R. Specier. Diaturbith cum Rhabarb. ʒss. ad ʒj. Cre-  
 moris Tart. ʒj. ad ʒss.

3. Fortiores.

3. Fortiores. R. Turbith. Hermodact. ana ʒij.  
 Diagrid. ʒj. Zinzib. ʒj. f. pul. Dosis ʒss. ad ʒj.

R. pul. Cornachini ʒj. Eodem modo detur pul. Her-  
 modactyl. compos. item pulv. hydraticus Riverii.

Facile parables.

4. Viles, & facile parables. R. Pul. rad. Jalap.  
 select. ʒj. Zinzib. ʒj. detur in haustu vini albi. Pari-  
 ter pul. radicum Mechoacæ, item folior. Sen. ad ʒj. in  
 quolibet liquore sumantur.

IV. Boli & E-  
 lectuaria.

IV. Boli & Electuaria. Primo quæ mitius operantur.

R. Electuar. Lenitivi ʒss. Crem. Tart. ʒss. Syrup. ro-  
 sar. q. s. f. Bolus. R. Cassia recent. ʒss. pul. Rhabar.  
 ʒss. Crem. Tart. ʒj. Syrup. rosar. q. s. f. Bolus.

Medioces.

2. Mediocriter. R. Elect. lenit. ʒss. Crem. Tart.  
 ʒss. resin. Jalap. gr. vj. Syrup. rosar. q. s. f. Bolus.

R. Electuarii Diaphænici ʒss. pul. Hermodactyl.

com-



composit. ʒss. syrup. Sambuc. q. s. f. Bolus.

3. Fortiter. R. Elect. è succo Rosar. ʒss. resin. *Fortiores,*  
 Falap. gr. x. Crem. Tart. ʒß. syr. Sambu. q. s. f. Bolus.

Electuaria componuntur ex iisdem in maiore quan-  
 titate compositis, addendo conser. rosar. damasc. vel  
 florum Persicorum, dosis q. nucis castaneæ sumend.  
 mane primo quotidie, vel bis aut ter in septimana.

4. Boli & Electuaria facile parabilia. R. Pul. rad. *Facile parabiles.*  
 Falap. ʒj. Mechoacæ ʒss. Zinziberis ʒij. Caryophyll.  
 ʒj. Crem. Tart. ʒiij. salis absynt. ʒj. sacchari ʒij. sy-  
 rup. rosar. solut. q. s. f. Elect. dosis q. nucis ju-  
 glandis.

Confectio solutiva, & passula Laxantes, Diaprunum  
 Sylvii, Praxeos medicæ pag. 30.

V. Morfuli sive Tabulæ, operationis mediocris. *V. Morfuli sive  
 Tabulæ.*

R. Pul. Mechoacæ, Turbith gummosi, ana ʒß. Scam.  
 sulphurati ʒij. resin. Falap. ʒj. Sant. citr. ʒj. Crem.  
 Tart. ʒij. conser. violacæ ʒj. sacchari in aq. ros. solut.  
 & ad Tabulat. coct. lib. j. s. a. f. Tabulæ pond. ʒj. dosis  
 j. vel ij. Tabulæ purg. Sylvii praxeos medicæ pag. 28.

VI. Vina & Cervisiæ medicatæ, sive purgantes me- *VI. Vina &  
 diocres. R. Folior. Sen. ʒiss. Turbith, Mechoacæ, Cervisiæ medi-  
 ana ʒvj. fibr. Helleb. nigr. ʒiij. Cubeb. rad. Galang. catæ.*  
 Cinnam. acuti, ana ʒij. ponantur in vitro capaci cum vi-  
 ni Rhenani lib. iij. salis Tart. ʒiss. stent frigide &  
 clause per 6 dies, adde sacch. candi ʒiij. & trajice per  
 manicam Hippo. dosis ʒiij. vel iij.

R. Folior. sen. ʒiij. rad. polypod. qu. Lapatki acuti  
 præpar. ana ʒij. Turbith, Mechoacæ, ana ʒiss. Epithymi,  
 Sant. citr. ana ʒj. sem. Coriand. ʒiss. incis. & contus.  
 paretur s. art. sacculus pro iij. congiis Cervisiæ. Do-  
 sis ʒxij. ad lib. j. omni mane quotidie, vel bis aut ter  
 in septimana.

Præpa-



Præparationum quarundam chymicarum Ætiologiæ.

## Mercurius dulcis.

Mercurius dul-  
cis.

℞ Mercurii sublimat. corrosivi ℥vj. Argenti vivi optime purgati ℥iiij. ss. simul terant. in mortario vitreo ad perfectam mixtionem, dein sublimentur in furno Arenæ igne gradatim ad summum aucto, per horas xii. repetatur sublimatio semel, iterumque, addendo Mercurium, qui inter sublimandum crudus evasit: demum materies perfecte sublimata, pura, & albicans, recrementis rejectis colligatur, & usui servetur. Dosis gr. xv. ad xxx. per se, vel cum catharticiis adjectis, quæ Mercurium sine periculo salivationis per sedem cito perducant.

Mercurius subli-  
matus corrosi-  
vus.

Mercurius sublimatus corrosivus,

ex quo dulcis efficitur.

℞ Vitrioli calcinati lib. j. salis Marini calcinati, nitri opt. ana lib. ss. Mercurii purgati lib. j. terantur in mortario vitreo, aut ligneo ad perfectam mixtionem, addendo parum Aq. fortis, aut sp. aceti. sublimentur in furno Arenæ, igne per gradus ad summum aucto; repetatur labor, si opus fuerit, ut materies ad latera vasis sublimata colorem niveum acquirat. Hoc opus multo facilius procedet si argentum vivum dissolvatur in aq. forti ex prædictis mineralibus destillata, dein materies, humiditate abstracta, sublimetur igne intenso.

Utriusque Æ-  
tiologia.

Quod vero ad medicamenti prædicti Ætiologiam spectat, imprimis de sublimato corrosivo satis obvium est, Mercurium à salibus (sive in ipsis mineralibus, sive in aqua forti illi scateant) dissolvi; cumque ipsis velut coagulatum, vi ignis in sublime ferri: Porro ab iisdem salibus, salinas Mercurii particulas congelantibus,



tibus, cæterasque intra poros suos occultentibus, colorem velut niveum produci; simulque ob eorundem salinum superficiem summe aculeatas, vim corrosivam subnasci. Dein quod sublimatione post argentum vivum in æquali ferè quantitate adjectum & incorporatum repetita, acredo ista tollatur; ratio est quod aculei salini à particulis mercurialibus copia auctis, & iisdem ubique accrescentibus adeo obtunduntur, & refringuntur, ut fibras sensiles minime uti prius fodicent, aut lancinent: insuper huius sublimati in mortario triti pulvis ob Mercurii quodammodo emergentis copiam flavescit. Quod autem Præcipitatum commune, in quo particulae mercuriales salinis congelatis præpollent, summe corrosivum existit, ratio est, quoniam ignis corpuscula particulas quasque minerales exacuant, in quantum mulcimina quæque abigunt, iisque ipsis summe pungentibus accrescunt.

**Resina Jalapii.** *Resina Jalapii.*

*Rad. Jalap. ponderos. nigr. & splend. crassiuscule contus. lib. j. sp. vini lib. iij. digerantur clausè & calide per duos vel tres dies, dein spiritus tinctus in cucurbitam vitream effusus ad quartæ partis remanentiam avocetur, cui cum aq. frigida instillatur, Resina ad vasis fundum præcipitabitur, quæ à sordibus abluta, & exsiccata servetur ad usum. Pul. ejus dosis gr. vi. ad xij. vel xiv.*

In hac præparatione, sp. vini extrahit sulphureas istius concreti particulas, eoque facilius, in quantum hæ prius ex se separatæ & simul collectæ in mixto fuerunt; prout ex venis resinosis, & splendentibus colligere datur. Dum pars sulphurea extrahitur, aliquota etiam salina conjuncta videtur; quamobrem resina hæc

P graveo-

*Præparationis  
Ætiologia.*



graveolens & sapore acris fortiter purgat, & facile inflammabilis existit. Hoc in minore quantitate & fortius, quàm ipsum mixtum integrum, operatur; in quantum particulæ omnes activæ, hebetioribus amotis simul concresecunt.

*Resina Scammonii.*

### 3. Resina Scammonii.

Hæc simili ritu ac resin. Jalap. paratur; verum in isto medicamine in quantum particulæ salinæ inter dissolvendum complures evadunt, nec in resina cum Sulphureis simul omnes colliguntur, operatio ejus mitior & debilior est quam totius mixti. Quamvis enim Sulphuris copia ingens Scammonio insit, à particulis tamen salinis operatio ejus plurimum dependet: quapropter dum pulvis ejus à sulphure accenso fumigatur, vis purgans multum infringitur; quatenus sales acidi cum fumo emissi concreti istius particulas aliusmodi salinas, subigunt aut figunt. Eodem apparatu uti ex Jalapio, & Scammonio, ex Turbith, & Mechoacâ extracta resinosa conficiuntur.

*Extractum Hellebori nigri.*

### 4. Extractum Hellebori nigri.

*℞ Fibrar. Hellebori nigri lib. ss. contund. grosso modo in mortario lapideo, irrorando cum sp. salis opt. ℥iij. dein Matraccio inditis affunde sp. vini tenuioris cum sale Tartari ad flavedinem imprægnati lib. iij. addendo ligni Aloes & Caryophyllor. contus. ana ℥ij. digerantur clausæ, & calide in arena per dies tres vel quatuor; liquor totus filtretur, & leni Balnei calore avocetur ad consistentiam extracti. Dosis ℥j. ad ℥j.*

Pharmacum hoc, quatenus particulæ activæ & benignæ à reliquis tum hebetioribus, tum virulentis secretæ,



cretæ, ac insuper à menstrui salibus magis fixatæ, & subactæ per se in massam rediguntur, in minori copia, & mitius quam radicum pulvis operatur; porro ob sales adjunctos, qui cum viscerum, & humorum corporis nostri salibus effervescent, efficacius existit.

Hæc de medicamentis, quæ ventriculo ingesta operationes suas ferè tantum viis maxime apertis, & quasi regiis, nempe sursum aut deorsum, per Oesophagum in os, aut per intestina versus Anum dirigunt. Restant alia multiplicia, quæ, utrumque quo illa tendunt tramitem destinantia, actiones suas in sanguinem, & systema nervosum cum vario respectu ad Cor, Cerebrum, Renes, aliaque viscera, aut totius corporis habitum exerunt. De quibus demum methodice dicemus, postquam de Hypercatharseos remedio, & speciatim Dysenteria Londinensi nonnulla subjecerimus.



## SECTIO III. CAP. III.

*De Hypercatharseos remedio, sive de Medicamentis purgationem nimiam, aut Diarrhæam sistentibus.*

*Item de Dysenteria Londinensi, in  
cujus Theoriam, & Thera-  
piam inquiritur.*

**C**irca Purgationem haud minus quam Vomitionem rite ordinandam, frenis æque ac calcari-  
bus opus est. Quemadmodum enim medica-  
menta Cathartica ad alvum lubricandam, aut  
copiosius dejiciendam necessarii interdum sunt usus,  
ita, si Evacuatio istæc immoderata, aut non facile to-  
lerabilis fuerit, remedia opposita seu Diarrhææ aut af-  
fectus Dysenterici Antidota indicantur. Quo ritu, &  
quibus afficiendi modis, Purgantia operationes suas  
perficiunt, item ob quas præterea causas, & occasiones  
Catharces spontaneæ frequenter eveniunt, in superio-  
ribus ostensum est. Præsentis negotii erit in quibusque  
his casibus, nempe tum in Hypercatharsi Medicamento-  
sa, tum in Diarrhæa, & pathematis Dysentericis, Meden-  
di rationes una cum selectis remediorum formulis pro-  
ponere.

*Hypercatharseos  
medicamentosa  
ratio.*

Medicamentum Purgans aut qualitate, aut quanti-  
tate improporcionatum, fortius, & diutius operatur, &  
quatenus fibras nerveas nimium irritando, spiritus ani-  
males in excandescantias non facile sedandas adigit, &  
quatenus sanguinem, & humores fundit, & quasi li-  
quat; proinde ut liquamina eorum in viscerum cavita-  
tes deposita irritationes excretorias adhuc majores fa-  
ciant.

Methodus Therapeutica, Hypercatharseos tum præ-  
cautionem, tum curationem respicit. Quoad prius ante  
pharma-



pharmaciam in operatione ejus, & post eam, consideratione, & cautela opus est. Primo namque imprimis perpendere oportet, tum corporis purgandi constitutionem, robur, & consuetudinem; tum medicamenti exhibendi naturam, dosin, operandi modum, & effectus ordinarios; dein, symbolis collatis, agentis virtutem juxta patientis tolerantiam proportionare. Secundo dum Pharmacum operatur, coctionis viscera, sanguis, & spiritus animales à quavis alia perturbatione immunia servantur. Quare hoc tempore nec alimenta crassa, viscosa, aut copiosa, quæ ventriculum molestant, ingerantur; frigoris externi occurfus, quo pori corporis constipentur, sedulo vitetur; denique animus placidus usque ac serenus curis & studiis severioribus vacet. Tertio Pharmaci operatione finita, & spirituum animalium excandescentiam sedari, atque sanguinis, & humorum effervescentiam compesci oportet; in quos fines medicamentum Anodynum, aut blande hypnoticum exhibeatur, juxta formulas sequentes.

*Ejus præcautio.*  
1. *Ante pharmaciam.*

2. *In operatione ejus.*

3. *Post eam.*

℞ *Aq. florum Paralyseos ℥ij. Cinnamomi hordeat. Syrup. de Moeconio ana ℥ss. margarit. ℥ss. f. haust. hora somni sumendus. Vel ℞ conser. Ros. rub. Vitriolat. ℥ij. Diascordii ℥ss. Margarit. ℥ss. Diacod. q. s. f. Bolus, sumatur hora somni.*

Quod si omissa aut non obstante hujusmodi cautione medicamento purganti Hypercatharsis supervenerit; illico Patiens, lecto calenti impositus, methodo sequenti tractetur. Imprimis ventriculi, & totius epigastrii regioni aut Emplastrum ex Theriaca, aut fots è decocto Absynthii Menthæ, cum Aromatis in vino rubro, cum stuphis laneis calidissime intinctis, & expressis adhibeatur: ore protinus assumatur aut Bolus è Theriaca.

*Hypercatharseos.*  
*Curatio.*



Theriaca Andromachi, vel solutio ejus in aq. cinnamomi facta. Porro vinum ustum, & aq. menthæ dilutum cochleatim crebra vice propinetur. Si alvi tormina infestent, Enema ex lacte tepido, cum Theriaca dissoluta injiciatur; interim membris exterioribus frictiones calidæ, ac interdum ligaturæ, quibus sanguis extra devocetur, & à nimia colliquatione inque viscerum cavitates effusione detineatur, admoveri debent: dein vespere, si vires constent, & pulsus satis robustus sit, aut Diacodii, aut Laudani liquidi dosis cum vehiculo idoneo sumatur.

*Quid in Diarrhæis Symptomaticis agendum.*

Quod spectat ad Alias Purgationis nimix species, quæ, sine Cathartico exhibito, propter varias causas, & occasiones exoriri solitæ, medicinam postulant; dico plerasque illarum mere symptomaticas, ab aliis affectibus pendere, earumque Therapiam eandem prorsus esse, ac pathematum istorum, quorum soboles existunt. Ita siquidem in Scorbuto ac Phthisi, usitatum est laborantes crebro ventris fluxu molestari, Methodus medendi minime symptoma hoc, sed ægritudinis primariæ causam summovendam respicit. Attamen præterea, Alvi fluor (qui aut Diarrhæa, aut Dysenteria appellari solet) interdum per se morbus videtur; & quidem in hac urbe Londinensi, cum hujusmodi Affectus, fere quotannis regnare solitus, vulgo Endemius habeatur, opportunum erit hic loci, in Naturam ejus, causas, & Therapiam paulo altius inquirere.

*Dysenteria Londinensis.*

Quamvis Dysenterix vocabulum, communi acceptione Alvi fluxum cruentum, sicut Diarrhæa humoralem denotet; attamen salva Etymologia, libet nomen istud morbo huic Londinensi, etiam quando minime sanguinolentus est, applicare. Etenim sæpe, & jamdudum observavi, fluxus istius, qui ferè quotannis hic circa Autumnum increbescere solitus, vulgo ventris tormina (sive nostro Idiomate) *Griping*



*ing of the Guts*) appellatur, duas, & longe diversas esse Species; in una sedes Aquosæ & quasi limpidæ cum subita virium prostratione, in altera cruentæ attamen tolerabiles existunt; dejectiones interim biliosæ, aut phlegmaticæ (dum alteruter morbus grassatur) rarius eveniunt, & morbum non ita mali moris esse denotant. Quo utrique isti morbi Dysenterici, quoad rationes formales, causas, & ab invicem differentias, clare innotescant, ex re fore videtur utriusque Typos, quibusdam annis quando endemii fuerunt, à me observatos, & tunc graphice descriptos, hic subicere.

*Due Species  
ejus.  
Viz. Aquosa  
& Cruenta.*

Anno 1670. circa Æquinoctium Autumnalē quam plurimi Dysenteria incruenta, verum atroci admodum, & valde periculosa laborabant. Affectus, & subito, & frequenter absque manifesta occasione invadens, laborantes cum vomitu immani & sedibus crebris, & aquosis cito in maximam debilitatem inque spirituum horrenda deliquia, & virium omnium prostrationes redigebat. Novi plures pridie satis sanos, & valde robustos intra 12. horas morbi hujus Tyrannidi adeo miserrime dejectos, ut cum pulsu debili, & exili, sudore frigido, atque respiratione anhelā, & elata, jamjam moribundi viderentur: & quidem non pauci, quibus remedia idonea aut medendi opportunitas defuerunt, ab eo cito interibant. Ægritudo hæc per mensem integrum desævians circa Idus Octobris decrescere cœpit, & ante calendas Novembris fere in totum evanuit. Pauci eo tempore sedes cruentas, & non multi biliosas, plurimi vero & vomitus & alvi dejectiones aquosas & fere limpidas, & copiosas, habuerunt. Dumque intra hanc Urbem Dysenteria ista popularis adeo immaniter grassata est, ruri aut saltem ultra tria milliaria fere nullus decubuit. Porro hic loci quamvis plurimi ægrotabant, morbus haud per contagium propagari, sed tantum prædispositos afficere videbatur. Nam in ea-

*Prioris Descrip-  
tio.*

dem



dem familia cum affectis conversati, haud magis quam eorum contubernia vitantes, corripiebantur.

*Curatio ejus.*

Pro curatione hujus morbi, nulla evacuatio juvabat, quinimo phlebotomia, vomitus, & catharsis nunquam non nocebant; verum remedia fere tantum cardiaca ea-que calidissima, sc. spiritu, ac sulphure aut sale volatili abundantia, commoda fuerunt; in tantum, ut spiritus vini cum saccharo parum deflagratus remedium popolare, & quasi epidemicum fuerit; atque in tali dysenteria fere semper proficuum; etsi in altera cruenta indifferenter usurpatum sæpe noxium deprehenderetur. Medendi methodus, quam in plurimis satis feliciter tunc adhibui, & in simili casu etiamnum soleo, juxta modum sequentem fuit.

*Bolus.*

℞ *Theriace Andromachi* ℥j. vel ℥iſs. sumat. in lecto superbibendo *Julapii* sequentis cochl. vii. vel viii. & repetat tertia vel quarta vel quinta quaque hora.

*Julapium.*

℞ *Aq. Menthae, Cinnam. hord. ana* ℥iij. *Aq. Cinnam. fort. Epidem. Theriacal. ana* ℥ij. *Margar. pul.* ℥j. *sacchari crystal.* ℥ss. misce f. *Julap.* Eodem tempore placenta, ex pane tosto *Theriaca* illinito, & vino generoso aut rubro calfacto intincta, ventriculo calidissime applicetur, & subinde mutetur.

*Opiata.*

*Vesper* si pulsus, & respiratio satis robusta fuerint, propinetur *Laudani liquid. Cydoniati* gr. xx. in haustu *Aq. Epidem.*

℞ *Diascordii* ℥j. *Laudani liquid.* ℥ss. pul. è chelis compos. ℥j. *Aq. Cinnam. q. s. f.* Bolus sumend. hora somni.

Quibus *Theriaca*, & *Mithridatium* nausæ sunt, aut minus congruunt, exhibeatur dosis pulveris sequentis, aut *spiritus Theriacalis*, tertia quaque hora cum *Julapio*.

℞ *Pul.*



℞ *Pul. e chelis compos. rad. contrayer. serpentariae,* <sup>Pulveres.</sup>  
*Virgin. ana ʒj. Cinnam. rad. Tormentilla, ana ʒss. cro-*  
*ci, coccinellæ, ana ʒj. f. pul. dosis ʒss. ad ʒij.*

℞ *Sp. Theriacalis Armoniaci ʒiij. dosis ʒj. cum* <sup>Spiritus.</sup>  
 Julapio quarta quaque hora, vel intermediis tempo-  
 ribus inter doses pulveris. Eodem modo *sp. CC. vel fu-*  
*liginis* exhiberi possint. Potus sit cervisia cum crusta  
 panis, macere, & Cinnam. coctis, & edulcorata, aut  
 vinum ustum, & aqua Menthæ dilutum. Victus sit  
 jusculum pulli, aut avenaceum, aut panatella cum ra-  
 furæ CC. eboris, rad. Scorzon. &c. incoctis.

Circa morbi hujus endemii *Ætiologiam*, imprimis <sup>Morbi hujus</sup>  
 quæ causa ejus conjuncta fuerit, disquiramus: cujus- <sup>Ætiologia.</sup>  
 modi nempe humor peccans, & excernendus viscera  
 adeo infestavit, inque spasmos excretorios cum tormi-  
 nibus, totius corporis perturbatione, & virium omni-  
 um subita prostratione irritaverit. Certe nullus hunc  
 bilem, vel succum pancreaticum, aliumve quemvis  
 intra ductus intestinales genitum putabit: nec quidem  
 à mero sanguine (prout aliquando in febrium crisi-  
 bus accidit) eum in viscera suffusum credimus. Quin  
 potius (uti ex subito languore, & cita spirituum ani-  
 malium concidentia, & partium omnium enervatione  
 conjicere licebit) suspicamur in hoc affectu succos cor-  
 poris præstantiores, sc. nervosum, & nutritium solidis  
 partibus adpositum, à crasi sua penitus vitiari, & quasi  
 fluorem passos deliquari, inque massam sanguineam re-  
 dundare; dein statim ex ea (siquidem incongrui, &  
 immiscibiles, atque per urinam aut diapnoen amandari  
 inhabiles fuerint) versus stomachum, & intestina per  
 vasa coeliaca transferri, ibidemque arteriarum osculis  
 confitissimis exundantes, horrenda istæ symptomata  
 dysenterica excitare. Porro videtur quod insimul ipse  
 sanguis aliorum humorum gurgite perfusus una colli-  
 quescat, inque crasi solutus liquamina sua, cum al-  
 teris



teris recrementis in viscerum cavitates profundant.

*Oritur imprimis  
à liquoris ner-  
vei vitio.*

Certe ex nulla alia causa fibræ omnes motrices, cum totius Animæ concidentia è vestigio resolvi possint, nisi quod humor eos actvans, & in quo spiritus Animales hospitantur, eas prorsus destituens, efflueret; & quidem effluere censemus, quatenus in crasi vitiatus, & quasi lac coacescens partes continentes molestat, inque corrugationes, quibus excutitur iste, irritet. Præterea morbum hunc fere semper cum rigore cepisse advertimus, cui tamen calor & æstus febrilis minime succedebant, quia sanguis, licet per se parum in vitio, nihilominus succi alterius invadentis diluvio pene obrutus, haud emergere aut se recolligere potuit, ut febriliter ac in crisin efferveresceret. Hinc Cardiaca non nisi fortiora, & calidissima, uti aquæ ac spiritus ardentes, Theriaca, Mithridatium, & similia juvabant; quorum viz. particulæ summe activæ, dum vasorum splanchnicorum oscula facile subierint, humores exundaturos repellerent; porro sensim in massam sanguineam se insinuant, ipsum vigorarent, inque fermentationem & diaphoreses motum cierent; quo & crasin pristinam recuperare, & quicquid ei incongruum ingeritur, in habitum corporis retorquere queat.

*Causæ ejus re-  
motiores.*

*Quare Autum-  
nalis & Epide-  
mica existit.*

Hæc de morbi hujus causa conjuncta sive proxima, remotiores sunt *πρηνεσμέναι* sive antecedentes, & manifestæ sive evidentes; illæ denotant à qua *πρὸ φάσεως* sive apparatu diathesis hujusmodi morbida & epidemica procedit; atque hæc propter quas occasiones, in Affectum Dysentericum citius prorumpit. Quoad priorem, morbus hic siquidem frequentius in Autumno grassatur, immoderatæ fructuum æstivorum seu potius *Ὠρεῶν* comestioni, à pluribus ascribitur, quod equidem pro dysenteria cruenta in causæ partem facile admittimus; quin etiam in aliquibus, morbum prædictum inde seminum quoddam habuisse merito suspicamur. At vero hanc



hanc causam istius morbi haud integram & adæquatam esse, vel hinc constat, quia multi hujus urbis incolæ, fructibus abstinentes, aut parcius utentes, Dysenteria incruenta, dum epidemica fuit, passim laborabant; atque alii fructivori in pagis vicinis ab ea prorsus immunes, febribus aliis sine alvi torminibus, aut fluxu affiebantur. Enimvero sæpius observavi (quod etiam hoc Anno contigit) post æstatem impense calidam & siccam, in Autumno febrem Epidemicam, & Anomalam, in pluribus Angliæ locis increbuisse, atque tunc temporis Londinenses pauciores quidem ab ista febre, quam plurimos vero à morbo Dysenterico decubuisse: cujus ratio videtur esse, quod cum corpora nostra propter æstatis prægressam intemperiem, in febres Autumnales disponantur, in fumoso & spississimo hoc aere, illæ potius in hanc morbi speciem determinantur. Quippe

*Causæ ejus neg-  
ηγερνεναι sunt  
1. Acris Londi-  
nensis crassities.*

Porro tempestas æstiva, juxta quod magis aut minus calida aut frigida, insimulque humida vel sicca fuerit, magnam in corporum nostrorum humoribus, prout etiam in succis quibusque fermentativis, alterationem facit; eosque à crasi sæpe genuina, in naturam acrem, aut acetosam, aut adustam pervertit. Insuper in quibusdam Annis mutatio istæ potissimum Sanguini, inque aliis magis Liquori Nervoso imprimatur. Ratione prioris, plerumque febres Autumnales, vel synochæ acutæ, vel intermittentes, atroces insequuntur; respectu alterius, febres anomalæ, & mali moris oriuntur; in quibus sine magna sanguinis incallescencia, aut morbi crisi, cerebri & nervosi generis affectiones periculosæ increbrescunt. Porro in hujusmodi pathematis, aut liquoris nervosi sensim degeneris recrementa, pigri

*2. Anni intem-  
peries.*



motus sine turgescencia critica lente ac paulatim aggesta, ac intra partes continentes diu permanentia, febres <sup>vergetis</sup> cum torpore, & stupore ( quales in spasmodologia nostra olim descripsimus ) pariunt: aut succi istius in crasi sua multum ac subito mutati corruptelæ, magis effera, & activæ cum fluore quodam turgescunt, atque è fibris, partibusque nerveis, & solidis ubique in massam sanguineam redundant, & exinde statim in viscerum cavitates exudantes, dysenteriam huiusmodi incruentam, qualis modo describitur, producant; & quidem hunc ventris fluxum aquosum à succi nervei, & nutritii potius, quam ipsius sanguinis depravatione, & colliquatione exoriri, propter subitas & magnas spirituum dejectiones ( quas tanta meri sanguinis effusio non pareret ) hinc insuper constat, quoniam hoc morbo laborantes, non æstu ac faucium ardore, aut linguæ scabritie molestantur, quin medicamenta calidissima bene tolerant, & quamprimum ab iis exhibitis humoris peccantis inversio, inque habitum corporis retorsio procuratur, illi sine febre, vigilia, aliisque sanguinis corrupti consequentiis facile convalescunt.

*Causæ ejus evidentes.*

Circa morbi hujus causas evidentes non est ut multum differamus, quando talis Anni constitutio est, ut propter iniquam aeris aut coeli influentiam succi à sanguine procreati sc. nerveus, & nutritius à debita crasi, in alienam naturam infestam, ac uti videtur acetosam, & proinde dysentericam degenerent. Errores in victu aliisque non naturalibus tunc temporis admissi pravam ejusmodi diathesin foveant, adaugent, citiusque in turgescentiæ eccatharticæ plenitudinem perducunt: singulas, à quibus fiunt, causas manifestas, & occasiones, non operæ pretium erit hic particulatim explicare, quin potius ad dysentericæ alterius, nempe cruentæ, Theoriam exponendam transeamus.



*De Dysenteria Cruenta.*

Autumnus Anni 1670. dysenteria incruenta modo *Typus ejus describitur.* descripta insignem, Hyems impense frigida, qualem vix quisquam tunc vivens cognoverat, insequuta est: nec minus alterius extremi particeps erat Æstas succedens, calidissima nempe & siccissima; ingruente posthæc Æquinoctio autumnali Febris epidemica exorta, per totam fere Angliam grassabatur. Hæc febris intermittentis typum servans, paroxysmos modo quotidianos, modo tertianos habuit, cum nullo tamen aut per exiguo tantum frigore, sed calore valde intenso, qui per plures horas, & non raro ultra nycthemeri spatium protractus, vix in sudorem, eumque non nisi partialem, & sæpe interruptum transibat, ἀπρεξία minime succedente. Laborantes statim languore insolito, vigiliis, vertigine, & frequenter cephalalgia immani afficiebantur: atque morbus raro aut nunquam crisi perfecta judicatus, diutissime protelabatur, & non raro capiti, aut pectori noxam incurabilem affigens, in affectionem Soporosam aut Phtisicam, & sæpe lethalem desinebat. Febrem huic similem in Poretologia nostra; unà cum Theoria & Therapeusi, olim descripsimus; quam & similis Anni constitutio præcessit.

Dum vero hæc febris ruri per vicos, & oppida ubique fere palabatur, Londini Dysenteria vere cruenta, utpote tum sanguinolenta tum crudelis valde desæviens, complures in sepulchrum subito præcipitabat. A primo hujus morbi invasione, plerumque cum ventris dolore, & torminibus, cruor copiose & crebro dejiciebatur; vigilæ pertinaces, cum febre & siti ingenti urgere solebant; usque tamen vires mediocriter constabant, ita ut affecti, postquam circiter hebdomadam ægotantes, fere vigesies quotidie dejecerint, lecto exsurgere

*Huic febris Anomala in aliis Angliæ locis contemporanea esse solet.*



exfurgere potuerint. Dejectiones cruentæ licet terribiles viderentur, attamen laborantes haud cito interibant, quin plures septimanas, immo interdum menses sanguinem quotidie in magna copîa excernentes persisterbant; & demum, siquando morbus usque in pejus vergens in exitum tenderet, ante lethum symptomata alia, ac imprimis vigiliæ, linguæ ac oris scabrities, sitis, & nonnunquam Aphthæ exitiales apparebant; quini-  
mo fluxu intempestive, & debito citius cohibito symptomata ista citius erumpentia, magnum vitæ periculum indicabant. Pauperes mala victus ratione, à longo tempore prius usi, etiam quorum cura ab initio prætermiſſa, aut perperam administrata fuit, frequenter interibant, aut ægrius convalescebant; è contra meliori corporis habitu præditi, atque medicina tempestiva ac idonea freti sæpiſſime evaserunt. Porro ipse morbus, licet Epidemicus, haud tamen pariter in omnibus malignus, sed in quibusdam mitior, inque aliis atrocior videbatur; viz. Alvi fluxus ab initio modo lenis, & diarrhææ non absimilis fuit, in qua dejectiones licet crebræ, sine dolore tamen, aut multo sanguine facile, ac interdum cito curabantur. Modo affectus iste valde teter, ac horrendus apparebat, in quo nempe sanguis in copia ingenti cum torminibus, & cruciatu acerrimo profundebatur. Cæterum dejectiones in his liquidæ, & sanguine diluto tinctæ, instar loturæ carni-  
um, in aliis crassiores cruore saturatæ, ac insuper muco albicante, & non raro membranarum frustis refertæ fuerunt. Doloris sedes modo superior, modo inferior, in his intestina tenuia, in illis crassa magis affici indicabat.

*Medendi Metho-  
dus.*

Medendi methodus, cum remediis quæ in plurimis juvamen contulisse deprehendi, juxta modum sequentem fuit. Imprimis ad fluxum paulo sistendum, aut moderandum

*Re The-*



℞ *Theriace Andromachi* ℥j. *laudani liquidi* Cydoniatigt. xx. f. *Bolus hora somni sumend.*

℞ *Confer. rosar. rub. vitriolat.* ℥ij. *Theriace And.* *Electuarium.*  
 ℥j. *pul. rad. Tormentillæ, Contrayer. Margarit. corallii*  
*præ. ana* ℥j. *syrup. è rosis siccis q. s. f. confect. sumat.*  
*quarta vel quinta quaque hora q. nucis castan. superbi-*  
*tendo* *Fulapii sequentis* ℥iij.

℞ *Aq. Menthæ, Meliss. Cinnam. hord. ana* ℥iiij. *Fulapium*  
*Theriacalis, Epidem. ana* ℥ij. *Marg. ℥j. sacchari* ℥j.  
*misce, f. Fulap.*

Post diem unum aut alterum exhibeatur potio pur- *Purgatio lenis.*  
 gans & astrictoria.

℞ *Rhabarb. incis. ℥ij. myrobalanor. citrin. incis.*  
*℥iij. sant. rub. Cinnam. ana* ℥j. *f. infusio per noctem*  
*in aq. plantag. & Cinnam. hord ana* ℥iij. *f. express.*  
*fortis, cui add Aq. Cinnamomi fort. ℥iij. f. haustus.*

Unoquoque vespere, ac insuper in quibusdam casi- *Opiata.*  
 bus interdiu Laudani Dosis satis magnam exhibere so-  
 lebam; nec unquam dysenterico cuiquam medicamen-  
 tum hoc obfuisse novi; siue quod medicamento vis nar-  
 cotica à ventriculi succo acidiori perdometur & quasi  
 cicuretur, seu potius, quod particulæ ejus ad sangui-  
 nem transmissæ, exinde rursus, quo minus cerebrum  
 afficiant, cum sedibus cruentis cito eliminantur.

Quibus Confectio superior, aut nausæ, aut minus  
 commodo fuerit, loco ejus pulvis sequens exhibeatur.

℞ *Pul. pannonicæ rub. ℥j. rad. Contrayer. ℥ss. f. pul.* *pulvis.*  
*divide in tres partes, sumatur pars j. in quolibet liquore.*  
*Vel* ℞ *Boli Armen. Alexit. (hoc est succis folior.*  
*Tormentil. Bistort. res. rub. &c. imprægnat. & so-*  
*le exsiccat.) rad. Contrayer. ana* ℥j. *Margarit. Co-*  
*rallii*



*rallii rub. succini albis. ana ʒß. f. pulvis. Dosis ʒij. ad ʒj.*

*Apozema.*

*℞ Rad. Caryophyllat. Scorzoneræ, ana ʒj. Torment. Bistort. Contrayer. ana ʒijss. C. C. usti ʒiij. rasuræ eboris, C. C. ana ʒij. Coccinel. ʒss. flor. ros. rub. ʒij. coquantur in s. q. aq. font. ad lib. ij. circa finem adde conserv. ros. rub. ʒiij. colaturæ clarificatæ adde Aq. Epidem. ʒiij. Dosis ʒiij.*

Ad sedanda intestinorum tormina, & erosiones faciendas enemata crebro ex usu esse solent.

*℞ Decoct. summitatum hyperici, cum pedibus vervecinis, aut mesenterio ovino ʒviij. vel xij. Theriacæ Andr. ʒij. olei hyperici ʒiss. f. enema.*

Omitto hic plures alias medicamentorum formulas, quæ in libris practicis passim extant, & quas unusquisque pro re nata præscribere possit, ac debeat. Quod superest in morbi hujus Epidemici seu potius Endemii Ætiologiam paulum inquiramus.

*Morbi hujus  
Ætiologia.*

Dysenteriam, uti non incruentam, ita nec cruentam à meris intestinorum contentis acrioribus procedere ex prædictis satis constat. Porro sicut alter iste morbus, à Liquoris Nervei, & Succi Nutritii degeneris fluore; ita hic potissimum à Sanguinis corruptela & vitio originem habuisse videtur; ac ideo quemadmodum istius hic loci Endemii alibi ægritudo *υδρωδης* contemporanea fuit, ita cum Dysenteria cruenta Londinensis afflixit, febris intermittens tertianæ hæmitritææ (prout à Medicis describitur) similis reliquam Angliam infestabat. Et quidem satis obvium erit concipere, cum sanguis æstivis caloribus affatus, proindeque circa Autumnum in effervescentias febriles, & tanquam vina excalfacta in fermentationes, quibus expurgentur, immodicas



immodicas aptus fuerit, si particulas degeneres & excernendas propter Diapnoen, in aura spissiori impeditam, ordinaria per diaphoresin via amandare nequeat; quod iste effervescens adhuc, eas versus intestina transferat, perque arteriarum ibi consitissimarum oscula magis patentia eliminare satagat. At vero si quidem cruoris degeneris recrementa incongrua, siue *μείσθηται οσέρει* ei penitus incocta, & intime confusa non facile extricari, aut secerni possunt, propterea iste saburra hac gravidus, ac onustus, inter circulandum, vasa exiliora dum pertransit, plurimum coarctatur; proindeque circa intestinorum superficies internas, ubi arteriarum tunicae sunt teneriores, & oscula laxiora, sanguis ibi turgescent, simulque ob particulas heterogeneas, quibus saturatur est, incrassatus, & ad coagulandum aptus, facile erumpit; cumque recrementa sua secernere & exuere nequeat, suis ipsius portiones iis maxime infestas effundit.

Itaque ad Dysenteriam Popularem excitandam, tria *Tria ad hunc morbum constituendum concurrunt.* haec concurrere oportebit. Viz. imprimis adsit massae sanguineae dyscrasia, propter Anni intemperiem exorta, qua in effervescentias febriles, aut sponte, aut occasionaliter ineundas, valde proclivis sit. Quapropter dum hic morbus Londini, febris Anomala in plerisque aliis locis grassari solet. Secundo sanguinis ita effervescentis, & crasi degeneris recrementa, & corruptelae ipsi intime adeo confunduntur, & incoquantur, ut neque facile secerni, nec Diaphoresi, aut Diuresi cito eliminari possint. Quare observavimus Febrem Dysenteriae huic contemporaneam usque diuturnam, & iudicatu difficillimam fuisse, ejusque paroxysmos vix unquam in *ἀπορροήν* desisse. Tertio his accedat (quae diatheses praedictas in Dysenteriam cruentam determinat) pororum constipatio, propter fumosam & crassiores aeris constitutionem inducta: Haec etenim sanguinis effervescentiam *καθάρσειον* versus intestina dirigit; ubi cum purgamenta



gamenta ejus secerni, ac à reliqua liquoris massa facile abscedere nequeant, ipse per portiones maxime infectas, & proinde extravasari aptas, sponte effluit.

*Affectus hic aut  
mitior aut ma-  
lignus est.*

Propter hujusmodi apparatus *Dysenteria Londinensis* ordinaria, & non admodum maligna exoriri solet; quæ licet præ sedibus cruentis, horrenda statim, & plerumque diuturna est, haud tamen valde contagiosa, aut sæpius lethalis existit. Verum insuper hic morbus interdum virulentus & quasi pestilentialis plures interficit, & miasma suum per contagium late explicat. Porro in tali statu sanguinis portiones malignitate quadam tactæ, velut in peste corrumpi incipiunt, & statim à reliqua massa, ne tota mox pessundet, secerni, & eliminari debent; quæ tamen siquidem crassiores, proindeque per alvum potius, quam per habitum corporis aut urinam, expurgari aptæ, *Arteriæ Coeliacæ*, & *mesentericæ* ductu intestinorum tunicis inferuntur; ubi cum à reliquo sanguine non facile abscedunt, partim è vasis erumpentes, sedes cruentas inducunt, partimque intestinorum membranis infixæ, diathesin in iis aut phlegmonoeiden aut ulcerosam, quandoque item sphacelosam, & cito exitialem pariunt.

Hæc de *Dysenteria cruenta*, quatenus circa Autumnum hujus loci morbus endemius esse solet, causis, tum *Conjuncta* tum *Antecedenti*: quod spectat ad causas manifestas, sive occasiones quæ diathesin *νοσέου* citius in actum deducunt, huc imprimis referri debent mala victus ratio, atque aeris inspirati pravitas; quapropter in quacunque regione, ob pedorem, & vitiosa alimenta militum castris, & captivorum carceribus familiaris existit; porro ad hunc censum pleraque alia in non naturalibus errata pertinent, de quibus nec otium, nec operæ pretium erit hic particularius differere.

*Indicationes cu-  
ratorie.*

*Indicationes Therapeuticae*, in quas medendi ratio sive praxis superius adumbrata resolvi potest, præcipuæ,  
five



five primariæ sunt quatuor, sc. duæ respectu Sanguinis, ac totidem respectu Viscerum. Primo quoad sanguinem, tum recrementa & corruptelas ejus intus vergentia exterius versus habitum corporis, quo per *διὰ πύλου* exhalent, propellere, tum coagulationes ejus dissolvere, & crasin, quantum, & quamprimum fieri potest, restituere oportebit: Prius horum Diaphoreticis, & alterum Alexipharmicis idoneis perficitur. Secundo quod *Due respectu sanguinis.* spectat ad viscera, fibrarum nervearum sensio molesta, & carnearum ad spasmos excretorios irritatio sedari, atque vasorum oscula, ne sanguinem, & humores in ductus intestinales profundant, occludi debent. Prius horum Opiata, & alterum remedia Styptica five astringentia efficere solent: Insuper his, symptomata maxime urgentia, & malos affectus huic morbo supervenire solitos, cujusmodi imprimis sunt Febris cum Siti ac Vigiliis, intestinorum tormina, ac interdum erosio, inflammatio, ac ulcera, sanare oportet.

Indicationibus istis primariis non singulatim & successively insistendum erit, verum eas simul omnes complicare, & eodem tempore prosequi incumbit. Quapropter medicamentorum formulæ, remedia diversi generis, sc. Alexiteria, Styptica, Diaphoretica, & Opiata comprehendere debent. Quoniam non facile erit hæc in methodum certam, & præcepta, quæ plurimis conveniant, redigere; ideo satius duxi curationum dysentericarum Autumno Anni 1671, quando hic morbus atrociter desæviit, factarum, exempla quædam nunc in medium proferre.

Juvenis illustris 25 circiter annos natus, temperamenti sanguinei, & constitutionis prius sanæ, circa calendas Octobris, sine causa manifesta in dysenteriam incidit; & quamvis à primo statim die, sedes copiosæ & cruentæ cum torminibus erant; attamen robustus, & viribus adhuc constans medicinam, ad tertiam usque



diem distulit; quo tempore, serâ nocte accersitus præscripsi bolum sequentem.

℞ *Theriace Androm.* ʒj. *laud. liquid. Cydoniat.* ʒj. *misce; superbibat Fulapii sequentis haustulum.*  
 ℞ *Aq. Tormentillæ, Menthæ, Cinnam. hord. ana* ʒiiij.  
*Theriacalis Epidem. ana* ʒij. *Margarit.* ʒj. *sacchari* ʒj.  
*f. Fulap. porro tertia quaque hora cepit electuarii sequent. circiter* ʒiiss. *cum eodem Fulapio.*

℞ *Conserv. Ros. Rub.* ʒij. *Ther. Androm.* ʒj. *pul. rad. Torment. contrayer. margarit. corall. præ. ana* ʒss.  
*syr. papav. Rhead. q. s.*

His remediis morbi ferocia cito minuebatur, ut nycthemeri spatio vix supra 6 aut 7 sedes habuerit, quæ item non valde cruentæ ut prius, sed carunculis, & quasi membranarum frustis refertæ apparebant; quod ita procul dubio fiebat propter tunicæ villosæ portiunculas quasdam erosas: unoquoque vespere opiata cum laudano sumebatur.

Die morbi quinta cepit haustum sequentem.

Purgatio.

℞ *Rhabarb. incis.* ʒij. *myrabalaner. citrin.* ʒiiss.  
*sant. citrin.* ʒss. *Cinnam. pul.* ʒj. *salis absynt.* ʒss. *f. infus. per noctem in aq. Plantag. & Cinnam. hordeat. ana* ʒiijss. *colaturæ adde aq. Cinnam. fort.* ʒij.

Ter vel quater purgabatur cum levamine, & die postero, febre imminuta melius habuit, adeo ut convalescere visus carnes comederit; inde tamen mox recidivam passus est, ut dysenteria cum febre rediens statim atrocior quam ab initio fuerit; eo tempore, cum medicamenta priora nausæ esse ceperint, juxta modum sequentem præscripsi.

℞ *Pul.*



℞ Pul. rad. Tormentillæ, Contrayer. boli alexiterii *Pulvis.*  
ana ʒj. margarit. coral. rub. pr. succini albiß. ana ʒss.  
f. pul. dosis ʒß. in aq. destill. ʒiiij.

℞ Summit. Cupressi, Myrti, ana M. iiij. folior. *Aqua destillata.*  
Ulmariæ, pimpinel. Hyperici, Caryophyllat. ana M.  
iiij. rad. torment. Bistort. ana ʒvj. florum ros. rub. M.  
iiij. Baccar. Chermes ʒiiij. Cinnam. maceris, ana ʒj.  
concis. omnibus, & simul contusis affunde vini rub.  
Florentini, Aq. rosar. rub. ana lib. iiij. destillentur or-  
ganis communibus, liquor totus misceatur, & edulco-  
retur inter sumendum, cum syr. è coralliis. Item ter, vel

quater in die cepit decocti sequentis ʒiiij. vel iiij. ℞ rad. *Apozema.*  
Caryophyllatæ, Scorzonæræ, ana ʒj. Torment. ʒij. CC.  
usti, & pul. ʒvj. ras. Eboris CC. ana ʒij. summitat. Hy-  
per. M. j. flor. ros. rub. balaußt. ana p. j. coquantur in  
aq. font. lib. iii. ad ij. addendo circa finem vini rub.  
Lisbon. ʒiiij. conser. ros. rub. ʒiiij. effervesfiant clausæ  
per horam j. dein coletur per Manicam Hippocratis.

Singulis noctibus cepit Laudani liquidi ʒj. in aq.  
dysentericæ modo descriptæ cum syrupo caryophyl. ʒiiij.

Pro potu ordinario decoctum CC. usti, cum hordeo, *Decoctum pro  
potu ordinario.*  
crusta panis, macere, & Cinnam. cujus lib. iss. lactis  
recentis lib. j. addebatur.

Infusio purgans iterum sumebatur, cujus, & prio-  
rum usu, intra 10 dies febre evanescente dysenteria lon-  
ge mitior evasit, quæ licet sine torminibus aut multo  
sanguine, usque tamen cum carunculis, membranarum  
frustis, & phlegmate sive gelatina cruenta quotidie ex-  
cretis, persistit.

Itaque ad intestina corroboranda, & sananda sequen- *Enema.*  
tia exhibebantur.

℞ Summitatum Cyperici, folior. vincæ per vincæ pi-  
losellæ ana Mj. flor. rosar. rub. pug. ij. coquantur in  
jure



Emplastrum.

Cydonium medicatum.

Historia secunda.

jure intestinorum vervecin. colaturæ lib. j. adde olei Hyperici ℥ij. mellis ros. ℥iſſ. misce pro duobus clysteribus, quorum unus mane, & alter hora quinta pomeridian. injiciebatur. emplastrum de Minio & Paracelsi sup. abdomen gestabatur, porro bis in die cepit succi plantaginis cum Aq. Scordii & epidemica expressi ℥iij. item quotidie comedebat pomum Cydonium excavatum, atque pulvere olibani, Mastichis, & balsami Tolutani impletum ac sub cineribus coctum.

His remediis constanter usus, intra mensem perfecte convalescebat.

Circa idem tempus Juvenis alter robustus in Dysenteriam terribilem incidit: à primo statim die sedes crebræ, & valde cruentæ cum dolore & torminibus erumpebant; insuper febris intensa, cum vomitu atroci, siti, & vigiliis infestabant: cum ab opiatis assumptis symptomata hæc paulo mitigarentur, mox delirio, & vertigine, cum pulsu intermittente, & rigoribus horrendis afficiebatur; in quantum sc. materies maligna intus cohibita, illico in cerebrum, & nervos redundaret; qui tamen affectus quoties alvi fluxus, & vomitus redirent, illico sedabantur. Die quinta materiam cruentam evomens, de insigni stomachi cruciatu, & dolore velut ulceroso conquestus erat; revera ut suspicio esset illic phlegmonem, aut ulcus, prout circa intestina assolet, incepisse; verum à junculis emollientibus, & lacteatis adhibitis, vomitio, & stomachi tormina brevi cessabant, aucto interim alvi fluxu. Cepit ista nocte Diacodii ℥j. cum aq. Paralyseos, & Cinnamomi aquosana ℥iſſ. à quo remedio in tantum alleviabatur, ut nycthemeri spatio, sine vomitu, aut doloribus, & paucis tantum sedibus cumque pulsu laudabili, & crebro somno mediocriter habuerit, verum nocte insequente repetita licet eadem opiata alvi fluxus valde frequens, & cruentus redibat.



redibat. Postridie cepit *infusionem Rhabarb. cum myro-  
balan. sant. rub. & Cinnam.* crebro deiecit biliosa, fum-  
me acria, & prorsus incruenta; dein vesperi isto fum-  
sit laudani liquidi cydoniati gt. xxv. in cochl. aq. Cin-  
namomi hordeat. somnos modicos, & magis placidos  
habuit. Postea medicamentorum plurium abhorrens,  
cepit tantum opiatam unoquoque vespere, modo hanc  
modo istam, & brevi convaluit.

## SECT. IV.



## SECTIO IV. CAP. I.

De Diuresi & Medicamentis  
diureticis.

**U**rinæ natales, compositionem, ejusque, dum sanguinis aut pars aut recrementum est, officia, & secretionis modos olim satis fuse declaravimus. Insuper hic loci annotamus huic

*Diuresis & Diaphoresis inter se affines.*

cum sudore affinitatem quandam intercedere, ut non raro vices suas commutent, & alterutrius materia per alterius emunctoria foras convehatur. Quippe emanationes cutaneæ, si fortiores, & impetuosæ fuerint, multum ferofi laticis renibus destinati secum rapiunt, ac in sudorem transferunt; etiam vice versa, quando serum copioso affluxu per renes trajicitur, corpuscula quamplurima per cutem exhalare solita intus devocat, & torrente suo involvens per vias urinarias amandat. Hinc accidit medicamenta Diaphoretica, & Diuretica, usus esse valde affinis, & interdum reciproci. Ab utrisque eorum assumptis massa sanguinis funditur, aut præcipitatur, saltem in partes secedere cogitur, propterea ut serum à reliquo cruore distractum qua data via faciliore foras abigatur.

*Urinæ materies quanam ac unde provenit.*

*Ea triplex existit.*

Quamvis immediata urinæ materies tantum à sanguine profluat, & unico arteriarum emulgentium comatu ad renes & ureteres deferatur; tamen sæpe ista mediate scaturigines multiplices, & quidem diversas, habere solet; quæ triplici ut plurimum respectu distinguantur: sc. Lotium aut mere excrementum est, atque sanguinis inveterascentis pars aquosa existit, quæ cum eo aliquamdiu circulata à particulis salinis, & sulphureis incoctis tincturam lixivialelem acquirit: Aut secundo illud chyli adhuc crudi dilutum est, quod, si quidem



quidem in magna copia sanguine suffunditur, rursus ab eo, priusquam tinctura inficitur, secretum urinam plane limpida constituit. Tertio denique non raro Lotii materies magna ex parte est lymphæ quædam è sanguine in partes solidas, glandulas, & lymphæductus suffusa, seu velut extillata, quæ copiose aggesta, ac dein sponte, aut pro data occasione fluorem concipiens, è receptaculis suis per lymphæductus exudans, in venas regeritur; unde celeri transitu, sanguinem illibata trahens per arterias in renes deponitur; cumque huic salis & sulphuris particule, ob brevem in sanguine moram, minime incoquantur, exinde urina etiam limpida producit. Urinæ sanorum fere semper singula horum quodammodo participant, & juxta quod materies hæc aut illa, vel ista præpollet, plus aut minus, aut non omnino tinctæ apparent. Serum undique veniens, & sanguini admixtum, ab eodem denuo inter circulandum, variis in locis, præcipue vero in renibus, feceritur. Quippe sanguis intra arterias ebulliens, & plurimum rarefactus, quo exinde secretus in venas transeat, & serositates suas exuere, & alio divertere necesse habet. Hoc cum ubivis in toto corpore, tum copiosius, & peculiari quodam modo intra renes peragitur. At vero hic loci feri secretionem fieri, quamvis vulgo satis innotescat, tamen de fiendi modis plurimum controvertitur, dum hi laticem serosum ad renes attrahi, isti illum ibi tantum percolari statuunt, alique fermentum quoddam in renibus stabulari autumant, cujus afflatu serum sanguinis, veluti istud lactis, à coagulo acido fundatur, & præcipitetur: atque rem ita quadantenus habere visceris hujus odor, & sapor rancidus & ingratus arguere videntur. Priusquam de medicamentorum quæ urinam provocant virtutibus, & operandi modis quidquam certi determinare possumus, necesse incumbit hoc dubium explicare, quid ex solenni natura

*Quomodo intra  
Renes serum à  
sanguine separatur.*



turæ ritu in renibus, & quid in massa sanguinea pro secretionem peragatur.

*Serum ad renes  
non attrahitur.*

Et primo serum ad renes non attrahi apud Philosophos probatione non opus est, cum nuper à plerisque Virtuosis similis attractio penitus explodi ceperit, omnisq; motus localis impulsu tantum fieri perhibeatur. Et quidem ad rem præsentem quod spectat, quibuscunque sanguinis circulatio innotuit, etiam plane constat, uti sanguinem, ita serum ejus intra vasa comitem individuum, mero cordis motu sive impulsu ad renes propelli. Utrum vero ibidem Percolatione tantum, vel etiam Præcipitatione quadam secernatur, ut manifeste pateat, ex re fore videtur, in renis Anatomem & usum paulo accuratius inquirere.

*Renum structura & usus.*

De Renum structura & usu cum varii tum prisci tum moderni Authores varia protulerint, eorum Anatomem clarissimus Bellinus accuratissime tradidit. Profecto sanguinem ad renes per arterias emulgentes deferri, & per venas reduci, unusquisque facile advertit. Hoc circulationis sanguinæ leges & ἀνοψία manifesto declarant: Attamen quibus in locis, per quos ductus, ac qua mechanica serum in renibus à sanguine separetur ac in pelvim deponatur, perscrutatores maxime sedulos diu latebat; donec prædictus Author felici invento detexit renum substantiam nec parenchyma esse, sicut hepatis ac lienis, nec fibras carneas, uti cordis, & musculorum corpora, sed tubulorum membranaceorum aggeriem; atque horum ductibus, ut ut perexiguus, serum, à renis peripheria versus centrum ejus delatum, in pelvim extillari. Quippe Arteria emulgens in ramos majores, deinde in minores, ac demum in furculos perexiles divisa sanguinem quaquaversus in extimam renis superficiem convehit, hic autem cum effervescent & rarefactus vasorum osculis exudat, dum pars cruenta à venis reducenda excipitur, pars serosa perangustis tubulorum



lorum poris cruori imperviis insinuatur, eorumque ductibus undiquaque versus pelvim affluens in substantiam papillarem deponitur, è qua sensim in pelvim destillat.

Ex his constat serum à sanguine percolatione quadam in renibus secerni, pari quidem ritu ac cum idem ex arteriis passim in glandulas pro lachrymarum, salivæ, naris stillicidii, aliarumque excretionum materia deponitur. Verum insuper opinari subest hoc etiam sanguinis fusione quadantenus fieri, nempe quod sanguis ex sua natura grumosus & ad coagulandum aptus, dum renes pertransit, à fermento lixiviali hujus partis fundatur plurimum, & attenuetur; proinde, ut latex serosus ab eo facilius secedat. Quippe Lotium falsedine imbutum dum perangustos Renum meatus continue perluit, iis particulas salinas affigit, proindeque odore sive oblinimento quodam lixiviali inficit, quo dum sanguis ea viscera pertransiens inspiratur, à grumescendo usque fluidus, atque percolatione in partes secedere aptus præservatur; quemadmodum etiam lac per salem Tartari infusum à coagulatione vindicatur. Quinimo ipse sanguis cum vase emissus statim grumescere, & coagulari soleat, propter solutionem salis Tartari aut Armoniæ affusam fluidus perstat. Itaque fermentum renale non, uti vulgo creditur, sanguinem præcipitat, verum à tali statu quo liberius ipse circulari, atque serum ejus percolatione in debita quantitate secerni possit, tuetur. Et quidem Renes tali fermento lixiviali imbui, satis constat ab eorum carnibus in escam paratis, quæ propterea & saporem, & odorem valde rancidum & ingratum habent.

Dum serum hoc ritu in renibus partim percolatione partim fusione separatur, non modo pars cruenta, sed & nutritia quoad maximam ejus portionem per angustos colatorii istius poros evadens, cum sanguine per ve-

*Serum percolatione intra Renes, à sanguine separatur.*

*Renes quasi fermento pollent.*

*Succi nutritii pars, una cum sero per renes amandatur.*



nas remandatur; ipse interim latex serofus, falsedine tum in massa sanguinea tum à fermento renali imbutus, per tubos urinarios perpetuo in pelvim delabatur, atque succi nutritii partem quandam tenuem, & magis elaboratam ( quæ urinæ sanæ hypostasis est ) abluat, & secum abripit.

*Urinæ materies à sanguine potissimum procedit.*

At vero Lotium sive urinæ materies quoad substantiam, quantitatem, & qualitates suas potissimum à massa sanguinea procedit. Quippe cum hujus prout alibi ostendimus tria sint munia præcipua, sc. accensio pro flamma vitali sustinenda, spirituum animalium in cerebrum instillatio, & nutrimenti in partes omnes distributio; propter hæc omnia & singula necesse habet multo aquoso humore dilui, eoque recenti continue perfundi, veterano usque amandato; atque hoc debito & constanti ritu fieri magni momenti est pro sanitate conservanda.

*Serum à sanguine modo æque, modo nimis facile secernitur.*

Latex serofus recens in sanguinem unà cum succo nutritio facili negotio introducit, eique ut plurimum sine ullo obstaculo permiscetur; attamen veteranus non ita promte semper ac rite, uti par est, ab eo discedit; quin variis modis circa excretionem ejus delinquitur, & exinde plurium morborum occasiones præbentur. Enimvero serum quandoque sanguini importunius adhæret, ejusque amplexibus se extricare nequit; uti in febribus male aut non omnino judicatis, etiam in leucophlegmatia, & cacochymia. Interdum vero illud, licet cruore expulsum, relictis renibus ( quæ præcipua excretionis via est ) alio divertitur; uti in catarrhis, fluxionibus arthriticis aut scorbuticis, etiam in hydrope quocunque; quandoque item è contra serum à sanguinis consortio nimis cito evadens, antequam pensa obivit, aufugit, atque humorum magis utilium portiones absorbens, eas secum abripit; uti in Diabete, magnisque urinæ profluviiis, quæ interdum eveniunt, & mox iterum cessant. In hujusmodi casibus, quoties nimirum



nimirum urinæ quantitas aut deficit, aut exsuperat, re-  
nes non semper vel præcipue, sed cerebrum, & potius  
sanguis in vitio esse solet; quatenus sc. massa ejus modo  
stricta nimis & compacta serum aliaque contenta excer-  
nenda non facile dimittit, modo laxa nimis & fundi  
apta & serum & succum nutritium satis diu continere  
nequit: quibus de causis, & fiendi modis tales Anoma-  
liæ contingunt, paululum disquiremus.

Et quidem ad hunc nodum solvendum sanguinis cum lacte analogia (quam, alibi fusius explicatam, hic breviter perstringemus) plurimum conducit. De lacte advertere est, donec mixtio ejus integra servatur, etsi supra ignem effervescat, aut ebulliat, particulas ejus omnes promiscue temperatas liquorem uniformem constituere; si vero eidem efferventi quidquam ac-  
dum instilletur, mox particulas crassiores in coagula-  
tum spissius abire, atque aquosas interim cum plurimis  
salinis in laticem tenuem & copiosum fundi. Quinimo  
satis trita & vulgaris observatio est, lac diutius asserva-  
tum ut coacescat, si quando super ignem effervescat, sua  
sponte & sine acido infuso coagulari. Insuper è contra  
si quando lac sale quopiam status à sale acido diversi,  
uti nimirum fixo, nitroso, aut volatili, primum in eo  
dissoluto imprægnetur, ab acido dum supra ignem e-  
bullit infuso minime coagulatur. Hoc etenim cum sale  
Tartari, & Absynthii, cum Chrystallo minerali, cum  
floribus salis Armoniaci, spiritu C. Cervi, aliisque e-  
jusdem farinæ sæpius expertus sum. Porro quod ma-  
gis mirum subest, si lacti super ignem efferventi & ab  
acido infuso coagulato quilibet è salibus istis, aut solutio  
quæpiam instilletur, coagulatio prius facta maxima ex  
parte tollitur, & crassamentum album & durum mox  
evanescit; atque liquor denuo tenuis & fere limpidus  
redditur, etsi speciem lactiformem, & homogineam,  
haud prorsus resumat. Et quidem hujusmodi mutatio-  
nes.

*Hujus ratio per  
lactis fusionem,  
coagulationem  
& reductionem  
optime explica-  
tur*



*Lactis coagula-  
tio quibus modis  
inhibetur aut  
tollitur.*

nes constanter evenire experimento sæpius facto satis didici: viz. si lacti super ignem efferventi cervisia, aut vinum album, Pomaceum, acetum, aut succi quivis acidi instillantur, totum illico lactis formam amittens, in crassamentum album, & serum dilutum abibit. Dein si toti adhuc calenti, sal Tartari, Absynthii, aut cujusvis vegetabilis deliquatus, vel solutio salis nitri, aut Armoniæ, quinimo hujus flores, aut spiritus, uti & spiritus CC. fuliginis, & similium infundantur, & mixtura parum agitetur, crassamentum fere totum evanescet, residuis tantum portionibus minutis, & frustulis quibusdam coagulatis, quæ per totum liquorem sparsim innatabunt. Porro è contra, si lacti ebullienti sal fixus aut nitrosus, aut flores, aut spiritus salis Armoniæ, vel etiam spiritus C. C. aut fuliginis injiciantur, & dein liquori efferventi cervisiam aut vinum album, Pomaceum, aut quemvis alium liquorem acidum infuderis, nulla exinde lactis fusio, aut coagulatio succedet. Quibus de causis singula hæc fiunt, & qualem cum feri in massa sanguinea fusione, aut inextricabilitate analogiam gerunt, operæ pretium erit hic considerare.

*Horum rationes  
traduntur.*

Ex lactis Anatome plane constat ei particulas spirituosas pauciores, aquosas plurimas, sulphureas & terrestres mediocres, pariter & salinas (quæ partim volatiles, partim fixæ sunt) inesse; itaque dum mixtio integra servatur, particulæ salinæ sulphureis adhærentes eas ab invicem dividunt, etiam, ne avolent aut cum terrestribus combinentur, impediunt; interim ferossæ cæteris æquabiliter ita permixtis interjectæ vacuitates omnes implent, totumque liquorem quasi homogeneum constituunt: quod vero ab acido instillato, liquoris statim fusio, & coagulatio succedant, ratio est, quia particulæ salis Fluidi in Acido, alias quascunque Salinas nempe tum Fixas, tum Volatiles in lacteprehendunt; quibus



quibus dum strictè uniuntur, particulæ Sulphureæ acido-salinarum complexibus elapsæ coeunt, adeoque mutuo inter se, cumque terrestribus combinatæ, crassamentum illud à reliquo liquore secedens constituunt: interim latex aquosus, poris ejus Sulphure & Terra pene vacuis, atque salium combinationibus fere tantum imprægnatus, mox tenuis & dilutus evadit. Rem ita se habere experimentis modo citatis plane constat, in quantum sc. ista lactis coagulatio salis aut fixi aut nitrosi aut volatilis injectione impeditur, aut tollitur; unusquisque enim è salibus istis, salem acidum coaguli infusiprehendit, ejusque adeo combinationes cum particulis salinis lacti insitis præcavet, aut abrumpit: quod autem lactis coagulatione sublata, ejus forma pristina non restituitur, ratio est, quia salium adjectorum particulæ extraneæ, usque in misto permanentes, ejusdem mitionis redintegrationem inhihent; sin vero rursus illæ eliminari possint, certe mixtio prior & lactiformis rediret. Quapropter de sanguine opinari licet, eum, quandoque licet fusione aut coagulatione depravatam, quia particulas quasque heterogeneas à se exterminare solet, mixtionem debitam & pristinam recuperare posse.

Quod autem lac diutius asservatum & coacescens super ignem sine acido infuso sponte coaguletur, ratio est, quoniam in liquore isto, tunc ad putredinem tendente, particulæ salinæ volatiles (uti mos est) in fluorem depressæ, acidæ evadunt: quamobrem hæ, lactis poris inter coquendum reſeratis, particulas confocias salinofixas corripunt; quibus dum cohærent sulphureæ iis elapsæ, ac mutuo inter se, ac cum terrestribus combinatæ, crassamentum album constituunt, sero una cum salium combinationibus in aquositatem fuso. Lac frigidum nec sponte, nec ab acido infuso coagulatur; quia, dum pori occluduntur, particulæ intestinæ quomodo-



modocunque dispositæ, quo nova conjugia aut divortia ineant, non facile se expediunt; meatibus vero per calorem patefactis data occasione statim schismata, & combinationes privatæ ineuntur.

*In sanguine quid  
Analogum ad  
lactis Coagulati-  
onem hujusque  
inhibitionem  
aut reductionem.*

*Liquoreschymi-  
ci sanguini ca-  
lenti affusi qua-  
les alterationes  
producunt.*

*Ut sanguis se-  
rum rite deponat  
tum ab incrassio-  
ne tum à fusione  
nimia præsera-  
ri aut reduci de-  
bet.*

His ita de lactis fusione & coagulatione, atque ab eo statu inhibitione & reductione præmissis, consideremus modo an quidquam his simile aut analogum sanguini competat? & quidem licet cruorem valis exemptum non, uti lac super ignem ebulliens, salinorum affusione in partes constitutivas resolvere, varie fundere, & coagulare, & dein ab eo statu reducere detur; quia nimirum sanguinis quam lactis consistentia crassior, & ad grumescendum aptior existit; insuper hæc flamma sive vita ejus extincta, plurimum ab ista, quam in vasis habet, alteratur: attamen crebro tentamine didici, quod & aliorum experimenta confirmant, eosdem liquores quæ lac fundunt ac præcipitant, uti acetum destillatum, spiritum vitrioli, salis aut nitri dilutum, aliosque acidos, etiam sanguini calenti affusos, istum mox coagulare, & discolorare ita, ut cum tota massa statim nigresceret, portio una in placentam grumofam, atque altera in serum tenue, & aquosum abiret. Insuper hæc, quæ lactis coagulationem inhihent; aut tollunt, uti sunt oleum Tartari, sales herbarum fixi, solutio salis nitri, calcis vivæ, sp. salis Armoniaci, C. Cervi, & similia sanguini calenti affusa mixtionem ejus integram conservant, vel emendant; prout ex colore rutilante, ac splendido, & consistentia æquabiliter diu manente arguere licebit; proinde ut hinc facilè sequatur, ejusmodi particulis elementaribus, quibus lac, etiam sanguinem, in dispari licet proportionem, constare. Huic nimirum spiritus, sulphur, sal & terra copiosius, atque serum parcius, quam lacti insunt. Unde concludere licebit sanguinem rite dispositum, sc. crassiorem, ad concrescendum sive grumescendum nimis aptum, ad fundendum vero



ac in serositates multas exolvendum minus habilem existere; ab eo tamen, dum inter circulandum renes pertransit, aquositates superfluas partim à renum colo, partimque ab eorum fermento, cruorem à nimia coagulatione vindicante, secerni, ac sensim amandari. At vero quando sanguis in crasi vitatur, & quoad Constitutionem ejus, & circa seri secretionem multifariam delinquitur. Quoad prius, cruor modo nimis calidus & acris, modo crassior & fæculentus, quandoque item supra modum tenuis & aquosus existit: & pro vario hujusmodi statu ejus degeneri ægritudines variæ oriuntur, de quibus particulatim tractare hujus loci non est. Attamen utcunque Sanguis in crasi peccat, dummodo Serum ejus mensura ac modo debitis secernitur, status admodum valetudinarius haud propterea statim succedit. Plurium vero morborum origines propter seri secretionem haud rite peractam contingunt. Quoad hanc vero, cum diversimoda sint delicta, ut plurimum vel in defectu, vel in excessu peccatur. Namque interdum latex serofus in cruoris sinu nimis pertinaciter hæret, & è contra quandoque nimis cito elabitur; atque hoc respectu sanguis, seri incontinens, ipsum Arteriarum osculis, pluribus in locis, & fere ubique expuit; adeoque in viscera aut habitum corporis deponens Asciten aut Anasarcam producit, & modo ad renes immoderate ablegans Diabeten infert. Sanguis seri nimis retinens, ut plurimum vel à febre effervescentis compagem suam, particulis simul crassioribus incoctis, & complicatis, nimis strictam habet, ita ut particulæ tenuiores non facile erumpant; vel iste, sale & sulphure scorbuticis refertus, admodum viscidus ac tenax evadit, proinde ut serositates à reliquorum amplexibus ægre elabantur. Cum ita variis modis serosi laticis à sanguine decessus impeditur, aut pervertitur, etiam medicamenta Diuretica diversæ indolis, ac operationis existunt;

1. Seri secretio  
in excessu peccans.

Item in defectu.

Diureticorum  
distributio.



1. *Quoad finem.* existunt; quæ tamen distingui possunt: & primo quoad finem, juxta quod massam sanguineam, vel renes, vel utraque simul respiciunt. Secundo quoad materiam, quo respectu sunt vel Sulphureæ, vel Salinæ; atque hæc rursus varia existunt, juxta quod particulæ salinæ in Fixitatis, Fluoris, aut Volatilitatis statu sunt, vel insuper Nitrosæ, aut Alchalisatæ existunt. Tertio quoad formam medicamenta hæc diversimoda habentur, ut plurimum vero compositiones illorum quoad speciem sunt vel Potus, vel Pulveres, vel Boli, vel Pilulæ, vel liquores chymici, de quibus infra particulatim disquiramus. Interea quamvis singulos Diureticorum scopos sive fines explicare ad Pathologiam potius, quam ad Pharmaceuticam, spectare videatur, at tamen ex re fore arbitror præcipuos eorum hic breviter designare. Dein secundo medicamenta Diuretica quoad materiam, quæ in singulis fere tantum Salina est, in classes quasdam distinguere; ac ultimo in unoquoque genere selectiores præscriptionum formulas subungere.

1. *Diuretica salina.*

1. *Quæ in sanguinis compage nimis stricta.*

Primo igitur, si quando cruor à sale fixo, cum sulphure, & terra simul incoctis, & mutuo combinatis adeo crassus & tenax evadit, ut particulæ aquosæ à reliquis haud facilè secedant; Diuretica, quæ compagem ejus laxent, & serum fundant, ejusmodi sint oportet, quæ sale volatili, vel acido pollent: tales namque particulæ combinationes, à sale fixo initas potissimum dissolvunt. Quandoquidem vero hæc Diathesis & febris, & Scorbutus communis est, in priori affectu Diuretica maxime propria sunt, tum acida vegetabilium temperata, item sal nitri, sp. salis marini, vitrioli, &c. tum sale volatili prædita, uti sp. C. C. Salis Armoniaci, sal succini, viperarum, aliaque hujus farinae, quæ supra etiam in Diaphoreticorum classe recensuimus. In dispositione scorbutica cum



cum urina & pauca & crassa est, herbarum succi,  
& præparata tum acria, tum acida, egregii sunt u-  
sus; item sal, & sp. urinæ, salis Armoniaci, Tartari,  
&c.

Secundo interdum sanguis serum intra compagem suam non diu satis retinet, quin, vel fluxionibus seu potius coagulationibus obnoxius, illud hic, illic in magna copia affatim deponens, catarrhos, aut tumores varriis in locis concitat; vel sanguis habitua- liter debilis simulque *δυσκράτης*, sc. in acorem vergens, quoad particulas suas crassiores ad coagulandum aptus est; proinde ut tenuiores inter circulandum ubi- bis ablegatæ, ac in partes imbecilliores decumben- tes, affectus modo cephalicos, aut thoracicos, modo Asciten, aut Anasarcam inducant. Porro à simili causa Diabeten exoriri mox declarabitur. Enimve- ro plures difficiles morbi, qui viscerum dyscrasiis perperam imputantur, ab hac causa oriuntur; nempe quod sanguis male temperatus, & coagulationibus obnoxius, cum circulationis filum integrum conti- nuare nequeat; serum, promte nimis abscedere a- ptum, variis in locis deponit. Diuretica in his casi- bus exhibenda sint ejusmodi, quæ sanguinem haud fundant, sed coagulationes ejus tollant; uti sunt sale fixo, volatili, ac etiam alchalisato prædita; insuper quæ renum fermentum corroborant aut restituunt, uti sulphurea quædam, ac spirituosæ. Ad hos fines Diu- retica sulphurea & mixta sales, herbarum lixiviales, pul- veres testacei, sal, & sp. urinæ, &c. millipedes, radices ra- phani silvestris, semen Apii, nux moschata, Terebinthi- na, ejusq; præparata, spiritus vini; quorum omnium vir- tus non est sanguinem fundere, & serositates è massa ejus præcipitare (hæc acida imprimis faciunt, ac in istis ca- sibus diuresin sæpius impediunt) sed cruoris coagu- lationes

*Et secundo quæ  
in nimis laxa  
conveniunt.*



lationes dissolvere; proinde ut compages ejus mixtionem integram recuperans, & per vasa expeditius circulata, ferum ubivis extravasatum, aut depositum reforbeat, & demum renibus amandandum tradet: quo ritu, juxta utrosque hos fere oppositos medendi fines, Diuretica cujusque generis operentur, & sub quibus potissimum formulis dispensentur, jam proxime ostendemus.



## SECTIO IV. CAP. II.

*Diureticorum Species, & Formulæ; nec non quarundam ex iis præparationum Chymicarum Ætiologiæ.*

**P**Rimo igitur quod spectat ad Diuretica Salina, huc referri debet, quod sæpius inculcavimus, sales quoscunque diversi status simul commissos, se mutuo prehendere, & mox simul conjungi; dumque ita combinantur, particulas alias à mixtura solutas in partes secedere, aut avolare. Hoc plane cernitur, quando Sal fluidus, sive acidus, fixo, sive Alchalisato, item quando fluidus, aut fixus volatili, sive acri committitur. *Salium diversi status.* Revera ab unica hac salium affectione, solutionum & præcipitationum quarumcunque res omnis dependet. Quapropter cum sanguis, & humores corporis nostri plurimo sale, eoque ab uno statu in alterum varie immutari, proindeque diathesin morbidam inferre solito, abundet; cumque insuper Diuretica salina diversimoda, nempe sale fixo, fluido, nitroso, volatili, aut Alchalisato referta, existant, magna *Eorundem variae Affectiones.* semper medici discretione & judicio opus erit, ut particulæ salinæ in medicamento ab istis in corpore nostro discrepent. Quo ritu hoc fieri debeat, singulas Diureticorum salinorum species percurrendo designabimus.

Inter Diuretica, sale acido imbuta, spiritus salis, aut Nitri, item succus Limonum, & Oxalidis, vinum al- *Diuretica sale acido prædita.* bum, Rhenanum, & Pomaceum, primæ apud vulgus notæ sunt, & intentionem istam sæpius perficiunt: sola etenim hæc sanguinem fundunt, ac in serositates præcipitant, uti cum acidum lacti ebullienti instillatur. Attramen hoc non pariter omnibus, nec etiam quibusvis



Quibus conve-  
niunt.

quibusvis ex æquo contingit. In constitutione sana, aut non multum ab ea remota, Sal cruoris partim fixus, & partim nitrosus, partimque volatilis existit; Item in Scorbuticis & Hydropicis quibusdam iste plerumque fixus evadit. Quamobrem in singulis his casibus diuretica, sale acido prædita, cum fructu abhibentur: in affectibus autem Catarrhosis, & in quibusdam Hydropicis, & Scorbuticis, cum in fluioris statum sanguinis particulæ salino-fixæ evehantur, ac volatiles deprimuntur, (ut crebro evenit) remedia Acetosa obesse potius, quam prodesse solent; quatenus sanguinem à crasi recta degenerem, magis pervertunt; quinimo his medicamenta sale fixo, aut volatili, prædita potius ex usu erunt.

Diureticorum, quibus sal acidus pro basi est, Formulæ.

Pulveres.

℞ Tartari albi selecti pulv. Chrystalli mineral. ana ʒiʒ. Ocul. cancri pul. ʒj. f. pulvis. Dosis à ʒss. ad ʒij. in vehiculo idoneo; repetendo sexta vel octava quaque hora.

℞ Tartari vitriolati vel Nitrati ʒij. pulv. è testis ovorum ʒiʒ. sem. Apii, vel Dauci silvestris ʒss. f. pulvis: dosis ʒss. eodem modo.

℞ Sp. salis opt. ʒij. C. Cerviusti & pulv. q. s. ad imbibendum f. pulvis: Dosis ʒj. ad ʒss.

Potus.

℞ Succ. Limon. ʒij. Aq. raphani composit. ʒiʒ. Syrup. è 5. radicibus ʒiij. f. potio.

℞ Succ. acetosæ ʒij. vini albi ʒvj. misce, f. potio.

℞ Aq. Raphani composit. ʒij. parietariæ ʒiiij. sp. salis ʒj. gut. xv. salis Tartari gr. xv. Syrupi violacei ʒss. f. potio.



2. Medicamenta sale fixo, five Lixiviali, prædita u- *Diuretica sale  
fixo prædita.*  
 rinas movere, ex medicina vulgari & Empirica pro fa-  
 nandis Hydropicis adhiberi solita, satis manifesto li-  
 quet: quippe usitatum est in Anasarca, & nonnun-  
 quam in Ascite, quando viscera aut carnes aquarum ag-  
 gessione plurimum intumescunt, Lixivium è cineribus *Quibus conve-  
niunt.*  
 Absynthii, vel genistæ, vel stipitibus fabarum, cum  
 vino albo factum propinare; unde frequenter accidit  
 mictionem valde copiosam succedere, & morbum tolli.  
 Observavi tamen medicamentum illud in quibusdam  
 minime diureticum extitisse, atque Diathesin Hydropi-  
 cam auxisse potius, quam sanasse: quorum ratio si in-  
 quiritur, ex superioribus constat, sales lixiviales neque  
 lac, neque sanguinem fundere, five præcipitare, & pro-  
 pterea ex propria virtute diuretica non esse; verunta-  
 men effectus iste nonnunquam sequitur, quatenus sal  
 fixus, copiose assumtus, salis acidi & coagulativi in san-  
 guine præpollentis energiam destruit; proinde ut cru-  
 or, cum antea, nimis fundi aptus & seri incontinens,  
 illud in quibusvis locis extruderet, salis fixi adventu  
 crasin debitam recuperet; & propterea serum extrava-  
 satum resorbens, & ad Renes continenter deferens,  
 copiosam inferat.

2. *Diureticorum*, quibus sal fixus pro basi *Eorum formulæ.*  
 est, Formulæ.

℞ *Salis Tartari vel Absynthii* ℥ij. *Coral. ad albed.*  
*calcinati* ℥iſſ. *Nucis Moschat.* ℥ſſ. f. pulvis. *Dosis*  
*℥ſſ. ad ℥ij.*

℞ *Tincturæ salis Tartari* ℥j. ad ℥iſſ. *Aq. Rapha-*  
*ni Compositæ* ℥iſſ. misce, detur in haustu liquoris *Posse-*  
*tici cum radic. & sem. Bardanæ incoctis.*

℞ *Deliquii salis Tartari* (dum tinctura extrahi-  
 tur) subtus fluitantis, & vini sulphure imprægnati  
 ℥ij. ad



*℞. ad ℥iiss. vini albi ℥iiij. ad vj. syrupi è 5. Radic. ℥ss. m. f. haustus bis aut ter in die repetendus.*

*℞. Cinerum Sarmentorum vitis albiss. lib. β. Nucis moschatæ ℥ij. affunde vini albi vel Rhenani lib. iiss. stent calide & clausæ per diem, dein colatura usui servetur: dosis ℥vj. bis aut ter in die.*

*Silices in igne candefacti extinguantur in vino albo, vel Cerevisia vetusta Martiali: Liqueor propinetur ad ℥vj. vel viii. bis in die.*

*℞. Aq. Calcis vivæ ℥iiij. ad. vj. Tinct. salis Tartari ℥j. ad ℥iiss. f. haustus sumendus bis aut ter in die.*

*Diuretica sale  
volatili prædi-  
ta.*

*Quare juvant.*

3. Propter eandem rationem ac sal fixus, etiam interdum volatilis in sanguinis dyscrasia acetosa ad movendas urinas cum fructu adhibetur; viz. in quantum hujus particulæ in cruorem admissæ salis fluidi in eo præpollentiam destruunt; proinde ut sanguis, mixtionem debitam recuperans, atque coagulatione & Catarrhis immunis factus, feri quicquid extravasatum est, resorbeat, & quod superfluum est, Renibus per ureteres amandandum tradat. Interea tamen medicamenta è sale volatili parata, quia particulas nonnihil efferas, & Elasticas habent, quando sanguinis crasin emendant, quod feri superfluum est, per Diaphoresin æque interdum ac per *διέξιν* excernendum disponunt. Huic Diureticorum classi, non tantum sal volatilis purus putusque ex animalibus, aut mineralibus per destillationem elicitus, verum & Viventium & Vegetabilium partes integrales, (cujusmodi sunt insectorum & vegetabilium acrium pulveres, & extracta) accenseri debent.



## 3. Medicamentorum, quibus sal volatilis pro basi est, Formulæ.

Eorum formulæ.

℞ Salis succini, salis Nitri purissimi, ana ℥ij. f. pul- Pulveres.  
vis. Dosis ℥j. ad 3ss. in vehiculo idoneo.

℞ Flor. salis Armeniaci, Chrystalli Mineralis, ana ℥ij. m. Dosis ℥j. ad 3ss. in cochlear. aq. Raphani Composita. Sal urinæ exhibeatur eodem modo.

℞ Pul. Apum ℥j. sem. Levistici 3ss. f. pulvis, detur in cochl. aq. destil.

℞ Sp. urinæ ℥j. ad 3ss. Aq. Raphani Compos. 3j. ad 3iβ. aq. Juniperi 3iij. misce, f. haustus. Sp. Tartari exhib. eodem modo in dupla quantitate. Potiones.

℞ Melleped. præp. 3ij. Flor. salis Armeniaci 3ss. Pilula.  
Nucis moschatæ pulv. 3ss. Terebinthinæ Venetæ q. s. f. Pil. sumat. iiij. bis in die.

℞ Pulv. sem. Bardanæ 3ij. Dauci silvestris 3j. salis succini 3j. olei Nucis Moschatæ 3ss. Balsam. Capivi q. s. f. massa form. in pillu. exiguas, quarum iiij. sumantur vesperi, & mane primo.

℞ Rad. Chærefolii, Petroselini, fæniculi, Erin- Apozema.  
gii, ononidis, ana 3j. Fol. saxifragiæ, Aparines, ana m. j. sem. seseleos, Milii solis, ana m. β. Bac. Juniperi 3vj. coq. in Aq. fontanæ lib. iiij. ad medietatem; dein adde vini Rhenani lib. j. mellis opt. 3ij. f. Apozema. Dosis 3vj. bis in die.

℞ Millepedum recentium lib. ij. Fol. Aparines, Chæ- Aqua destillata.  
refolii, saxifragiæ, virgæ Auræ, ana m. ij. Rad. Raphani silvest. 3vj. Nucis Moschatæ 3j. Bac. Juniperi, sem. Dauci silvestris, ana 3ij. concisis & contusis affunde seri Lactis, cum vino albo facti, lib. viij. destil. organis communibus, liquor totus misceatur: dosis 3iij. bis, vel ter in die.

℞ Millepedum recent. lotorum num. 40. ad 60. Nucis Expressiones.  
moschatæ



*moschata* ℞ss. simul contusis affunde *Aq. destillatæ saxifragiæ* ℥iij. f. expressio, & ebibatur.

℞. *Fol. Chærefolii, Petroselini, Macedonici, ana* Mij. simul contusis affunde *vini albi lib. jss.* f. expressio fortis, servetur in vitro; dosis ℥iij. bis in die.

*Tincturæ.*

Paretur tinctura ex *Milleped. ex Apibus, Cicadis, vel ex Cantharidibus siccatis cum Tinct. salis Tartari.* Detur ad guttas 15, vel 20, ad 30. in vehiculo idoneo.

*Diuretica sale nitroso prædita.*

4. Nitrum quoddam salis genus esse, ex figura, colore, sapore, aliisque ejus proprietatibus, & accidentibus, facile constat. Attamen diversum hoc ab alio quovis sale, aut particularum salinarum statu, neque acidum, neque fixum, aut volatile, sed quasi in medio inter utrumque statum, existit. In tantum de sale volatili participat, ut, dum conficitur, cum cineribus elixivari & sali fixo conjungi debeat, ut concretionem quandam adipiscatur; porro cum liquatur, à sulphure quovis injecto, mox inflammatur, & avolat: cæterum cum sale fixo in tantum communicat, ut, in crucibulo liquatum, fusionem diuturnam, & forsan perpetuam, absque partium aut particularum dispendio quovis notabili, toleret. Revera Nitrum illud est, quo plantæ omnes vegetant, Animalia quæque vivunt, & respirant, atque flamma, sive ignis omnis sublunaris accenditur, & sustentatur; prout in alio tractatu fusius ostendimus, quod non opus erit hic repetere.

*Effectum ejus  
Rationes.*

Quod vero ad præsens institutum est, satis vulgo innotescit, salem Nitri sanguinem refrigerare, & urinas potenter movere: attamen utriusque effectus ratio, non ita liquido patet; quippe tantum abest Nitrum particulas frigorigicas in se continere, ut è contra nihil magis igniparum fuerit; uti cernitur in pulvere Pyrio: atque  
fi



si destilletur; flamma potius, quam vapor, aut fumus in recipiens prodire videtur: quinetiam stigma exstillatum, instar ignis actualis, corpora quæque apposita exurit, aut corrodit. Nec minus mirari subest, quomodo hic, cujus natura in tantum ignea est, sanguinem ita diluat, inque aquositates pro diuresi cienda fundat.

Super his ut conjecturas nostras proponam, dico Nitrum duplici respectu ad effectus istos producendos conferre; viz. & quatenus sal est, tum fixo, tum volatili nonnihil affinis, & quatenus *νιτρον* existit. Quoad prius observavimus Nitrum (prout etiam salia fixa, & volatilia) lacti impositum, coagulationem ejus impedire, vel tollere; pariter item huic, non minus quam illis, sanguis, adhuc calens, affusus à coagulatione & discoloratione præservatur. Quapropter siquidem Nitri particulæ, intus sumtæ, sanguinis mixtionem integram servant, aut restituant; proinde quidem illæ fusiones & coagulationes ejusdem, à quibus æstus, & Ischuria sæpissime oriuntur, præcavebunt, aut tollent.

Verum insuper Nitrum, quatenus igniarium est, intus assumptum sanguinem efflagrantem refrigerat, & urinas movet; in quantum scilicet (sicut prius innuimus) cruoris flammam, prius turbidam atque fumis interspersam, adventu suo plus accendens, eam claram magis ac puram, proindeque mitiorem reddit; cumque ita sanguis, dum clarius à Nitro ardescit, in compage sua plus laxatur; particulæ ferossæ crassioribus facilius extricantur, & uberius abscedunt.

4. Diureticorum, quibus Nitrum probasi est, formulæ.

*℞ Nitri preparati ℥ij. Aq. Hordei cum radicibus Pulveris Graminis, & Eryngii conditi incoctis lib. ij. Syrupi violacei ℥ij. misce. Dosis ℥iiij. bis in die.*

U 2

*℞ Salis*



℞ Salis Prunellæ ʒij. Sacchari candi ʒj. fiat pulvis dividendus in 6 partes; sumatur una, in conveniente liquore ter in die.

℞ Salis Prunellæ ʒiij. salis succini ʒj. f. pulvis: dosis ʒss. ter in die.

℞ Salis Prunellæ, Oculorum Cancræ, salis Absynthii, ana ʒij. misce: dosis ʒss. ter in die.

Diuretica sale  
Alchalizato  
prædita.

5. Pulveres testaceos, & Lapideos quosdam, sale Alchalizato sive petrificante præditos, quandoq; <sup>διόρνον</sup> promovere, etiam satis vulgo notum est. Quippe in magnis Ischuriis, pulvis è testis ovorum, è Chelis aut oculis cancrorum, nonnullis præsentaneo remedio fuit. Quorum operandi modus & ratio si inquiratur, facile constat Pharmaca hæc sanguinem non fundere, neque sensibilibiter præcipitare. Itaque dicendum erit, hæc, in dyscrasia sanguinis & humorum acetosa, interdum diuretica existere, quatenus sales acidos combinatione sua ligant & compescunt; proinde ut cruor, fluxionibus & coagulationibus immunis, serum extravasatum resorbeat, & ad renes transferat.

Eorundem for-  
mulæ.

5. Medicaminum Diureticorum, quibus sal Alcalifatus pro basi est, Formulæ.

Pulveres.

℞ Pul. è testis ovorum ʒss. ad ʒj. detur in haustu vini albi, vel liquoris Possetici, vel decocti diuretici, bis in die.

℞ Pul. è chelis, vel oculis cancrorum ʒij. salis succini, Nitri, ana ʒj. nucis moschata ʒss. f. pulvis: dosis ʒss. ad ʒij. in vehiculo idoneo. Vel pulvis prædictus excipiatur Terebinthina Veneta s. q. & f. Pilule exiguae; dosis iij. vel iiij, vesperi, & mane.

Pilule.

Diureti-



Diureticorum familiæ non tantum Salina, aut insu-  
per, Sulphurea quædam, & spirituosæ, quatenus effe-  
ctum istum sæpe producant, jure accensentur. Plera-  
que Laricea, uti imprimis Terebinthina, ex iisque præ-  
parata, olea Juniperi, Nucis moschatae, ceræ, aliorum-  
que pinguium stillatitia intus sumta in plerisque urinam  
copiosam, & violaceo odore imbutam, cient. Novi  
in Hydropicis quibusdam & Scorbuticis spiritum vini,  
& Aquas ardentes, quin & vinum generosum uberius  
epotum *diagenon* promovisse: quorum omnium ratio est,  
quod, cum sanguis debilis, aut acescens, vel, ob fermenta-  
tionis defectum, vel salis acidi, & coagulativi domi-  
nium, haud satis vegete, & æquabiliter circulatur, ut  
serum superfluum usque intra se contineat, donec illud  
renibus tradat; prædicta remedia, quatenus cruoris  
mixtionem integram conservant, aut vacillantem re-  
stituunt, ad *diagenon* promovendam conducunt.

℞ *Baccarum Hedera, Juniperi, & Lauri recentium*, ana lib. ss. *seminum Dauci silvestris* ℥iiij. *nucis Moschatae* ℥ij. *Contusis omnibus affunde in retorta vitrea* *Terebinthina Veneta opt.* lib. j. *Sp. Vini Rectificati* lib. iiij. *destil. in furno arena calore moderato ad siccitatem, cavendo Empyreuma, & habebis spiritum, & oleum flavum, utrumque egregie diureticum: dosis spiritus* ℥j. *ad* ℥ij. *vel* ℥iiij, *olei* ℥ss. *ad* ℥j. *in vehiculo idoneo.*

*Magmati in retorta residuo affunde Tinct. salis Tartari* lib. j. *digerantur clausæ in furno arena per plures dies, ut tinctura rubicunda extrahatur; cujus dosis* ℥j. *ad* ℥ij. *vel* ℥j. *in conveniente vehiculo.*

℞ *Millepedum præp.* ℥iiij. *nucis Moschatae* ℥j. *contusis affunde spiritus Terebinthinae purissimi, & tinctura salis Tartari, ana* ℥vj. *destil. leni calore balnei; & habebis spiritum,*



*Spiritus, oleum, & salis Tartari deliquium, unumquodque virtute diuretica insigniter præditum.*

Præparationum quarundam Ætiologiæ.

*Sal Prunellæ, sive Chryſtallum Minerale, quod solummodo est Nitrum purificatum.*

*Sal prunellæ.*

*℞ Nitri selecti q. v. dissolve in aq. fontana, vel pluviali, parum coque, & in vase vitreo altiori, ad Crystallizandum, in loco frigido reponatur. Crystalli candidiores tantum & purissima seligantur, quæ insuper crebris solutionibus, & crystallizationibus, ad summam puritatem redigentur; quæ denique, in crucibulo fusæ & in vas argenteum effusæ, in lapidem albissimum concreſcent. Hujus pulverisati dosiſ ℞j. ad ℥ss. vel ℥ij. sanguinem astuantem refrigerat, & urinas movet.*

*Ejus Ætiologia.*

Præparatio hæc in eum finem instituitur, ut particulæ nitrosæ, quantum fieri potest, puræ putæque à sale fixo separentur, & seorsim in Crystallos concretæ habeantur: quippe cum Nitrum ex terra conficitur & primo elixiviat, particulæ ejus adeo ad concreſcendum sive crystallizandum, inhabiles sunt, ut necesse fuerit lixivium nitrosum amplius cum cineribus elixivari, & sale fixo imprægnari; quo particulæ nitrosæ partim lixivialibus unitæ, partimque harum interventu aquæ poris extrusæ, concretionem quandam acquirant: quare cum Corpus sive sal Nitri eo ritu formetur, quo in usum medicum purius reddatur, ab eo particulæ salis fixi, crebris solutionibus, & crystallizationibus, quantum abesse possunt, ablegentur.

2. Spiri-



## 2. Spiritus Nitri.

*Spiritus nitri.*

*℞ Nitri purissimi lib. j. pulv. laterum lib. ij. probe trita, & simul mixta, retortæ vitreæ loricatæ, vel terreæ indantur, atque in furno reverberii igne per gradus aucto destil. Fumi rubentes recipiens quasi colore quodam flammeo rutilare facient, & condensati stagma acidum & summe corrosivum constituent. Dosis guttæ iiij. ad vj. in vehiculo idoneo.*

Quamvis Nitrum, sulphure commixtum, ab incendio quovis citissime igniatur, ac in flammæ erumpat; eo tamen destitutum, absque ulla deflagratione, in crucibulo liquari, aut in retorta destillari potest. Pulvis laterum additur, ut, cum sales ab igne funduntur, non mutuo se prehendant & concatenent, sed divisi, & ab invicem distracti, vi ignis à subjecto suo foras propellantur.

*Ejus Ætiologia.*

Nitrum liquatum virtutem suam inflammabilem retinet; liquor vero destillatus, ignis extinctivus potius, quam incendiarius evadit. Si quando enim sulphuri committatur, mistura ista ægre, & minus quàm sulphur, per se accendi potest; cujus ratio est, quod sal Nitrosus, fluorem passus, à statu primigenio prorsus alteratur, atque parem fere indolem acetosam, ac alii sales fluorem passi, adipiscitur; quinimo ex sulphure stagma acidum prolicitur, quod ignem destruit potius, quam ut ab eo inflammetur.

Spiri-



*Spiritus salis  
marini.*

### 3. Spiritus Salis Marini.

*℞ Salis marini fusi, pulverati lib. j. laterum crassiusculè pulver. lib. iii. simul tere, & misce, deinde adde frusta laterum majora ad lib. ss. probe mista, & retortæ firmæ indita, destil. igne reverberii fortissimo per 24 horas, liquorem exstillatum rectifica calore arenae in cucurbita vitrea, avocando phlegma sive partem aquosiores. Spiritus coloris flavi aut subviridis, ac odoris & saporis valde grati, in fundo manebit.*

*Ætiologia.*

Hic sal difficillime in liquorem acetosum propellitur, quoniam particulæ ejus, præ aliis mineralium salinis, scil. vitrioli, Nitri, Aluminis, &c. strictissime combinatæ non facile à se invicem dissociari, aut à terræ complexibus divelli possunt; quare cum ab igne laxantur, ne simul confluant, pulvis laterum in tripla quantitate admiscetur: ac insuper frusta laterum majora interponere visum est, ut massa destillanda, velut foraminibus excavata, igni sit ubique pervia. Nihilominus inter destillandum, sales ab igne fusi sæpissime confluent, postea ut nulla vi ignis foras propelli queant.

*Ejus modus compendiosior.*

Rem ita habere constat, quoniam, si artificio adhibito hæc salium inter se & cum terra cohæsiō abrumptur, facili negotio in stigma acidum urgentur. Ex. gr.

*℞ Spiritus vitrioli non rectificati lib. j. in retorta vitrea affunde hunc salis marini calcinati & pulverisato, & mox in arena destilla: spiritus salis, quasi ab altero abactus, facillime ascendet, spiritu vitrioli ejus sedes occupante viz. hic ponderosior, & fortior, simulque domicilii terreni orbus, & avidus, alterum sedibus suis propellit, easque invadit.*

4. Spiri-



## 4. Spiritus urinæ.

Spiritus urinæ.

℞ Urinæ hominis sani vinum bibentis q. v. Cucurbitæ cum Alembico cæco indita putrescat in fimo per mensem; dein destil. in arena. Liquor extillatus in Cucurbita altiori rectificatus, exhibet spiritum, & salem volatilem. Hæc operatio compendiosius perficitur, si urina recens evaporetur ad quartæ partis remanentiam, nempe ut phlegmate exhalante particulæ salinæ cum sulphureis & terrestribus densius agglomerentur. Crassamento huic, cucurbitæ indito, affundatur vel lixivium è cineribus, vel sale Tartari, vel solutio Calcis vivæ; dein Alembico imposito, destil. in furno arenæ; facili negotio habebis spiritum, & salem volatilem, qui rectificatione depurantur, & separantur.

Processuum horum ratio hæc est: quod, siquidem u- Ætiologia.  
rina constet sale duplici, scil. tum nitroso, tum volatili, una cum sulphure ac terra copiosis, particulæ salis volatilæ (dum mixtio integra est) ab aliis salinis una cum aliis elementis crassioribus inviscantur adeo, & stricte combinantur, ut spiritus erumpere, aut vi ignis divelli & separari nequeant; attamen postquam à longa putrefactione liquoris mixtio laxatur, particulæ salino-volatiles, se demum cæteris extricantes, inter destillandum primo ascendunt. Porro idem effectus etiam facilius succedit, quando Sal. fixus à nitroso diversus infunditur; quippe, dum hujus particulæ ab istis alterius infusi occupantur, sal volatilæ catenis suis elapsus, facile abscedit. Huc faciunt, quæ de salis Armoniaci destillatione infra advertemus.

X

5. Tinctura



Tinctura Tartari.

### 5. Tinctura Salis Tartari.

℞ Salis Tartari purissimi ℥vj. liquetur, & fluat in crucibulo, donec colorem cæruleum seu fere viridem acquirat; dein eidem dum incalescit pulverisato, & matraccio firmo colli oblongi imposito, affunde spiritum vini rectificatum, ad supereminentiam iij. aut iiij. digitorum; & digeratur in furno arenæ, calore satis intenso per plures dies, donec tinctura extrahatur. Quippe longa digestionem spiritus vini colorem rubicundum acquirit, in quantum scilicet particula salis fixi, quadantenus exaltatæ, sulphuri vinoso uniuntur. Interea sal Tartari residuus, Phlegmate vini dilutus, in deliquium infra subsidens, & per se subitus fluitans abibit; quod oleo Tartari vulgari, in quantum sulphuris vinosi participat, longe præstat; ac in quibusdam casibus, ubi Diuretico lixiviali opus est, remedium laudabile existit. Dosis ℞j. ad ℞ij. vel ℞j. Tinctura exhibetur à ℞j. ad ℞iij. aut ℞ij.

Ætiologia.

Tinctura salis Tartari, ob salis & sulphuris vinosi conjugium, tum sapore tum odore fragrantissimis imbuitur. Si liquorem ad medietatem destilles, pars residua plus salis ac sulphuris, sed parum spiritus vinosi in se retinebit; atque spiritus avocatus, & sal Tartari recenti affusus, si digeratur, in quantum sulphuris qui cum sale uniatur expers est, haud facile tincturam acquirat.

Profecto quod in spiritu vini pars sulphurea à spirituosâ distincta fuerit, hoc experimento didici.

Sulphur sive oleum vini.

℞ Spiritus vitrioli acerrimi lib. ss. spiritus vini rectificati lib. j. misce in retorta vitrea, & destilla in furno arenæ, donec liquore (qui primo homogeneus videtur)



tur )avocato, crassamentum nigrum copiosum in fundo remaneat; spiritus hic capiti mortuo reaffundatur, & duobus vel tribus cohobiis destillatio repetatur: demum habebis duos distinctos liquores immiscibiles; viz. unum acido-spirituosum inferius subsidentem, & alterum limpidissimum oleosum superius natantem, qui procul dubio vini pars sulphurea pura putaque est, separata & per se manens, dum pars spirituosa sali acido connubet.

## 6. Sal Succini.

*R.* Succini albissimi pulverisati lib. β. destilletur retorta vitrea, aut fortissimo calore arenæ, aut levi reverberii; ascendent primo Phlegma, & oleum citrinum, cum aliquanto spiritu; dein sal volatilis in collum retortæ & latera recipientis sublimabitur; ac ultimo oleum nigrum prodibit antequam ascendat: hoc ne sal ab eo polluat, eximi, & recipiens mutari, debet.

Sal iste primo albus, & satis grati odoris & saporis, *Ætiologi.* nisi in vase strictim clauso asservetur, brevi flavus, ac dein cum graveolentia rubicundus evadit. Cujus causa est, quod medicamentum hoc multum sulphuris in se continet; cujus particulae, donec sal dominium habet, subjugatae & aliis involutæ, prorsus obscurantur; postea tamen laxata mixti compage emergentes illæ, aliisque supereminentes, plerisque sensibus nostris præpollentiam suam produnt. Dosis ejus ℥ss. ad ℥j. Optimus salem succini tum conservandi tum exhibendi modus est, si cum salis Nitri purissimi duplo misceatur.



## SECTIO IV. CAP. III.

*De Diuresi nimia, ejusque remedio, & specia-*  
*tim de Diabete, in cujus Theoriam,*  
*& Therapiam inquiratur*

*Diabetes mor-*  
*bis olim rarus,*  
*& necdum bene*  
*notus.*

**D**iabetes apud Antiquos morbus adeo rarus fuit, ut multi celebres medici nullam ejus mentionem fecerint, & Galenus tantum binos ab eo laborantes noverit; in nostro autem seculo compotationibus, & imprimis vini meracioris ingurgitationibus dedito, affectus hujus exempla, & instantiæ satis crebræ, ne dicam quotidianæ occurrunt: verum ut ut familiaris, & quoad Typum satis sit notus; quæ tamen sint ejus causæ, & ratio formalis fere in totum nescitur. Super his ut philosophari seu potius conjectare auserim, imprimis morbi hujus descriptionem quoad omnia, aut præcipua ejus phænomena trademus; dein, cujus partis aut humoris vitio ea singula oriuntur, perquirere nitemur.

*Ejus Descriptio.*

Diabetes à *διαβήνω* transeo dicitur materiæ potulentæ nimis celer transitus, item urinæ profluvium. Hoc affectu laborantes multo plus mingunt quam bibunt, aut alimenti liquidi assumunt; insuper sitim continuam, atque febrem lentam, & quasi hecticam semper adjunctas habent. Quod autem plerique Authores potum aut parum aut nihil immutatum reddi asserunt, à vero longissime distat: quoniam urina in omnibus (quos unquam me novisse contigit, & credo ita in universis habere) tum à potu ingesto, tum à quovis humore in corpore nostro gigni solito, plurimum differens, quasi melle aut saccharo imbuta, mire dulcescebat. Prædicti erroris occasio, (ut opinor) fuit urinæ color, qui semper crudus, & aquosus, velut Pica, aut hydrope



hydropelaborantium, apparet. Ut symptomatum horum rationes indagemus, primo inquiratur unde urinæ excretio tam copiosa, & celer est, dein ad reliquam affectus hujus Ætiologiam procedamus.

Quod nonnulli pro Diabetis causa, renum vim attractricem assignant, nobis minime arridet: quippe sanguis ad renes non attrahitur, sed motu cordis pellitur. Porro nec serum è sanguine eos perluciente hauriri, aut emulgeri, sed partim percolatione, & partim fusione quadam sive præcipitatione ( prout superius clare ostendimus ) secerni videtur: quapropter Diabeten sanguinis potius & immediatius, quam renum affectionem esse, & originem suam inde sumere credimus, quatenus cruoris massa velut deliquescit, & in serositate copiose nimis funditur: quod equidem ex urinæ quantitate ita in immensum aucta, quæ non nisi à sanguinis deliquio, & consumptione procedat, facile constat: Propterea item cruor residuus, sero ejus ita ubertim abscedente, multo crassior, & ad coagulandum aptior evadit; uti ex pulsu celeri, & laborioso arguere licebit: nam idcirco cor rapidius movetur, ut sanguinem, plus solito dum exagitat, à coagulatione præservet. Porro ut hujus fluiditas, ob nimiam serosi laticis impendia periclitari apta, continuari possit, materies potulenta siti immani urgente copiosissime ingeritur, ac insuper humores solidis partibus impacti à sanguine resorbentur; quinimo ipsarum farcimenta in hujus reparationem deliquescunt; hinc ut morbo isto laborantes, plurimum sitiant, & brevi emarcescant.

Itaque, ut Diabetis causam conjunctam, & rationem formalem designare auserim, opinari ducor sanguinis crasin sive missionem ita laxari, & quadantenus dissolvi, ut particulæ aquosæ à crassioribus contineri nequeant; quin illæ harum amplexibus cito elapsæ, & salinis imbutæ, per vias renum maxime patentes.

*Causa ejus, non  
Renum Attra-  
ctio.*

*Sed potius san-  
guinis deliqui-  
um.*

*Causa conjuncta:  
potissimum in  
sanguine.*



tentes excurrant. Interim vero ad sanguinem diluendum, & à coagulatione vindicandum, humores alii, tum ab extra, tum intus in eum corripuntur; atque præcordia magno usque molimine in motum rapidiorem urgentur.

*Aliquando partim in renibus.*

Præterea tamen in causæ conjunctæ partem aliquam renes quandoque accedere putamus, utpote quorum fermentum ità nonnunquam vitiari solet, ut sanguinem non falis lixivialis influxu in debita mixtione atque fluiditate contineat, proinde ut serum mera percolatione ab eo separetur; sed interdum accidit à sale acido in renibus deposito cruorem, dum eos pertransit, velut à coagulo quodam in serositatem copiosam, quæ mox per ureteres amandatur, præcipitari. Hinc observare est, in plerisque Nephritidi obnoxiiis paroxysmo ingruente urinam limpidam, & copiosam reddi. Cujus causa est, quod humor acidus per ductus nerveos illuc delatus, & dolorem (prout alibi ostendimus) excitans, imprimis sanguinem renibus illabentem fundit, ferique uberius ab eo decessum producit.

Cæterum non improbabile est *δέξιν* copiosam, aliquatenus à renum mala conformatione procedere, in quantum sc. horum tubuli lymphatici nimis ampli, & patentes, serosum laticem nimis promte excipiunt, & sine remora quavis celeriter transmittunt, propterea ut major ejus quantitas in urinam excurrat. Verum enim vero ut tubulos hos quandoque, & præsertim in calculosis, nimis patere concedam; attamen proinde lotium cruentum potius, quam copiosum excerneretur. Et revera mictionem sanguineam à tali potissimum causa exoriri putamus. Porro cum urina copiosa, & cruenta simul existit, sanguinis dyscrasiam cum mala Renum conformatione concurrere censemus; prout in casu cujusdam ægrotantis notabili mox declarabitur.

Interea



Interea non est ut dubitemus, præcipuam & maxime crebram Diabetis causam, in sanguinis mictione dissoluta nimis, & laxa consistere; quinetiam pari ratione *disgenari* minutam, & debito pauciozem, sæpenumero à sanguinis compage nimis stricta, & velut obserata pendere. Porro hic opportunum erit inquirere an non totalis urinæ suppressio interdum à tali causa procedat? Quanquam enim satis vulgo notum est, Ischuriæ fortioris & pertinacis causam, sæpissime infra renes consistam, omnino à ductibus urinariis penitus obstructis pendere; cumque egomet plures ab urina totaliter suppressa defunctos aperui, in omnibus reperi mortis causam invincibilem, ureteris unici paulo antea patentis (altero dudum occluso) à calculo recens impacto, obstructionem fuisse. Attamen Doctiss. Dr Riverius duos refert Ægrotantium casus, in quibus Ischuria totalis & plurium dierum sola phlebotomia curabatur; & propterea morbi causam ascribit Venis Emulgentibus supra modum distentis, adeo, ut propter seri expulsionem se contrahere nequirent; quemadmodum observatur passim in vesica urinaria, quæ valde impleta non facile ad mictionem componitur. Verum enim vero, ut Historiis istis (uti par est) fidem præstemus, isti tamen Ætiologiæ assensus minime debetur. Quippe vasorum emulgentium non illud munus est, quod vir Clarissimus assignavit; non venæ enim, sed Arteriæ ferum una cum sanguine, absque ullo urinæ plenitudinis aut rigiditatis periculo, constanter deferunt; cum autem ferum in vias patentes non cito excurrat, ratio videtur esse, quod cruoris massa stricta nimis, & compacta, laticem aquosum, intime permixtum, è sinu suo ægre dimittit.

Huc facit observatio Anatomica super cadavere Reverendissimi Episcopi Cestrensis nuper facta. Cum Illustrissimus ille Dominus, diu calculosus, demum à suppress-

*Morbus iste ut plurimum oritur à sanguinis compage nimis dissoluta.*

*Urinæ suppressio interdum à sanguinis compage nimis stricta.*

*Hoc observationibus Anatomicis confirmatur.*



suppressione urinæ diuturna fatum obierat; mox præsumebant omnes lethi causam fuisse, ureteres à lapide aut materia sabulosa penitus obturatos; attamen disquisitione per Anatomiam accuratissimam adhibita, nulla omnino in ductibus istis obstructio, aut lotii impedimenta deprehendi poterant. Similem huic observationem anatomicam haud pridem à se factam retulit mihi vir Doctiss. D. D. Lower, ubi nimirum Ischuria lethalis, nulla prorsus circa vias urinarias sui vestigia reliquerat: Hinc ut conjicere obvium sit, siquidem renes insuper facti tecti erant, morbi causam omnino in sanguinis concretionem, & compactionem nimiam constituisse.

*Diabetis cause  
procatarticae*

*Imprimis sunt  
humores acidi  
sanguini accen-  
dentes, eumque  
lactis ritu, fun-  
dentes siue præ-  
cipitantes.*

At vero à diverticulo hoc regressi, post Diabetis causam conjunctam, & rationem formalem explicatas, ad causas ejus procatarticas eruendas procedamus. Itaque si inquiritur, unde sanguinis compages ita laxa, & dissoluta; inque serositates deliquescere apta evadat; dicimus, hujus sicuti & lactis, fusionem ex eo procedere, quod cum in massa ejus sales diversæ indolis conveniunt, & associantur, reliquæ particulæ salinis (quæ eas ab invicem sejungunt, & in mixtione continent) liberatæ statim in partes secedunt. Quod si amplius inquiratur, undenam sales isti, quorum privata combinatione, sanguinis mixtionem solvi, ejusque fusionem introduci supponimus, adveniunt; non est pro illis designandis ut longe disquiramus: etenim plane constat massæ sanguinæ particulas salinofixas, & volatiles, naturaliter semper inesse; quibus si quando sal acidus, seu fluore potitus, satis ubertim accedat, prædictam affectionem facile excitabit. Hinc est, quod vinum Rhenanum, Pomaceum, & liquores acidi epoti *diogenis* copiosiores provocant; propterea item in quibusdam valetudinariis, quorum sanguis sale acido abundat, medicamenta sale fixo aut volatili prædita urinam movere solent. Nec tantum ab assumtis, sed ab humoribus in-

tus



tus productis, affectus iste passim evenit. Observare est plurimos pathematis spasmodicis obnoxios, ante, vel post paroxysmos, urinæ limpidæ copiam ingentem reddere; cuius certe causa est, quod sanguinis, & succi nervei recrementa, in partibus solidis aggesta, siquando in acorem degenera turgescant, & in sanguinem refluant, fusionem ejus, & proinde urinæ profluvium inducunt. Quapropter cum talis urinæ profusio constans, & habitualis existit, nihil verisimilius dici potest, quam, quod humores excrementitii, in partes solidas ablegati, indeque, postquam acorem illic contraxerint, in sanguinem reversi, hujus liquorem in ferositatem nimiam fundunt, proindeque perennem adeo, & immensam excretionem cient.

In præcipuam vero hujus noxæ partem, succum nerveum merito referimus; quippe hunc, siquando à recta crasi deciscat, admodum malignum, aliisque tum humoribus, tum partibus solidis infestum evadere, alibi ostendimus; quapropter ab eo depravato, etiam sanguinis mistio perverti maxime periclitatur. Ipsum vero succum nerveum depravari arguere licebit, quoniam in Diabete spiritus animales plurimum oblanguescunt, & nutritio statim omnis frustratur.

*Ejusmodi humor  
acidus imprimis  
à Nervis &  
nervoso genere.*

Porro quod sententiam hanc egregie confirmat, observavi in pluribus huic morbo per intervalla obnoxiiis, quod paulo antequam in urinæ profluvium inciderint, in toto corpore partium nervearum dolores vagos, & corrugationes, modo cum stupore, aut formicationis sensu, modo cum crebris spasmis, ac tendinum subfultibus, aliisque spirituum perturbationibus, & inquietudinibus paterentur: indicio sane manifesto liquorem fibras nerveas irrigantem, à crasi degenerem, & faculentis refertum, spiritus irritare, inque *viscidis* cogere. Dein postea cum succi nervei recrementa, & superfluitates, fluore oborto in massam sanguineam exundantia,

*Hinc Affectus  
spasmodici  
sæpe Diabeten  
precedunt.*



*Diabetes & Hy-*  
*drops ut diffe-*  
*runt.*

Diabetem inferrent, prædicta symptomata cessabant, succedente vero spirituum languore, & virium concidentia.

Diabetes dicitur vulgo hydrops ad matulam, & nonnulli contendunt utrumque morbum revera eundem esse, easdemque causas & rationem formalem habere, & symptomata tantum quoad serosæ excretionis modum variari; nempe quod sanguis in utroque pariter affectu feri incontinens, & arteriis exspuere coactus, in uno, ipsum in corporis habitum, & viscerum cavitates profundat; inque altero, idem in renibus affatim per ureteres amandandum deponat. Verum enim-vero, si res accuratius perpendatur, inter hos morbos notabilis differentia occurret. Nam Anasarca plerumque originem suam inde primo desumit, quia sanguis imbecillis, & nimis frigidus, non satis accenditur, & effervescit, ut chylum continenter advectum coquat, & assimilet, adeoque volatiliset, quo inter circulandum eum in sinu suo contineat; quin necesse habeat hunc una cum lactice seroso ubique locorum exspuere, & juxta vasorum interstitia relinquere: dein postea morbo ingravescente sanguis non modo debilis cruditatibus, verum in crassi degener fluxionibus, & coagulationibus obnoxius fiat, proindeque humores serosos, & copiosius progignat, ac in partes indebitas impetuosius suffundat. Verum è contra in Diabete cruor satis, immo ut plurimum nimis effervescit & accenditur, ac chylum advectum celeriter & supra modum coquit: quinimo partes solidas colliquat, earumque liquamina absorbet, secum per vasa circumfert, & super quam satis est coquit; attamen cum, ob salium concursus, sanguinis compages penitus dissolvitur, ac in serositates funditur, portiones, quæcunque abscedere possint, intra renes secretæ, per ureteres excurrunt. Si morbus Diabeti similis sed inversus (sc. in quo sanguis in serositates exsolutus liquamina sua in totum corpus profuderit) uspiam



uspiam ullus occurrit, procul dubio erat febris olim epi-  
demica (Sudor Anglicus) dicta; ubi sanguis in aquo-  
sitates deliquescens humores omnes, tum utiles, tum  
inutiles, usque ad pabuli vitalis impendium, in poros  
corporis per sudorem amandandos profunde-  
bat.

Hæc de morbi Diabetis ratione formali, & causis, sc.  
Conjunctis, & Procatarctis; quod ad Evidentes spe-  
ctat, propter quas nimirum occasiones, succi acidi,  
sanguinis fusionem sive coagulationem excitaturi, in  
corpore nostro gignuntur; hæc varii generis, ac origi-  
nis existunt. Mala victus ratio, ac imprimis assiduus,  
& immoderatus pomacei, cervisæ, aut vinorum aci-  
dorum potus; interdum mœror, & tristitia diuturna,  
item affectus convulsivi, aliaque spirituum animalium  
depressiones, ac inordinationes, diathesin hanc morbi-  
dam parere aut fovere solent. Novinquendam, vino  
Rhenano pro potu ordinario per 20 dies usum, Diabe-  
ten incurabilem contraxisse; ex qua, non obstantibus  
medicorum plurium insignium consiliis, & remediis  
quibuscunque intra mensem interibat. Memini duas  
mulieres, pathematis spasmodicis & hypochondriacis  
obnoxias, quibus subinde magna urinæ profluvia cum  
languore, & carniū intabescencia accidebant.

Explicata jam nunc morbi hujus Theoria, adhuc  
restat symptomatum notabilium rationes exponere. Ha-  
rum nonnullas ex præmissis satis constare arbitror, sc.  
quamobrem in Diabete urinæ excretio ita celer, & co-  
piosa existit: quod autem laborantes febricitant, &  
valde sitiunt, ratio partim est, quoniam humores, &  
succus quibus tum sanguis, tum solidæ partes & hume-  
ctantur & refrigerantur, continuo per diuresin impen-  
dio plus nimis exhauriuntur; quare fauces arent, &  
præcordia insigniter æstuant: & partim, quoniam ur-  
gente naturæ instinctu cor, & pulmones in motus ra-  
pidiores urgentur, ut sanguis, sero diluente privatus,

*Diabetis causas  
evidentes.*

*Symptomatum  
in Diabete nota-  
bilium explica-  
tio.*

*Unde mictio cre-  
bra & copiosa.*

*Unde febris cum  
siti & marces.*



à coagulatione sive concretionem vindicari, ac in circulatione debita continuari possit.

*Quare Egrotantium urinæ instar mellis dulcescunt.*

Attamen explicatu magis arduum videtur, quare Egrotantium urinæ adeo mire dulcescunt, sive saporem mellitum referunt; cum potius è contra si juxta hypothesein nostram sanguinis fusio, & (quæ propterea succedit) urinæ profusio ob salium combinationes accidat, certe liquor his imprægnatus potius falsus esset quam dulcis. Verum huic referre obvium est, dicendo imprimis urinam sapore falso privari, in quantum plures sales, qui diversæ sunt indolis, in ea combinantur. Nam hoc multiplici in chymicis experimento constat, quod cum sales, qui diversæ sunt indolis, uti fixus, aut volatilis, cum acido miscentur, utriusque acrimonia obtunditur, aut amittitur; quare quod urina Diabete laborantium minime falsa sit, non est quod miremur. Cur autem instar sacchari, aut mellis ea mire dulcescat, nodus vindice dignus est.

*Sapor mellitus non à succo nutritio, verum à Salium cum Sulphure combinationibus.*

Hunc effectum ex eo quispiam oriri putaret, quod una cum sanguinis sero, per renes excurrente, tum liquor recens nutritius, tum solidarum partium liquamina amandarentur; quare non improbabile videtur dulcedinem istam ex succis hisce optimis lotio permixtis conciliari. Verum enimvero ex mistione ista sapor tantum lenis ac instar lactis aut jusculi carniū blande demulcens, sed non mellitus, excitabitur: quinimo adhuc, qui non solum gratus, sed quodammodo pungens est, spicula salina, una ac mulcimina sulphurea (prout alibi ostendimus) concurrere debent. Quare prout saccharum, & mel merito ad concretionem salino-sulphureas referimus; ita suspicari fas sit, urinam in Diabete adeo dulcescere, eo quod Salibus in sero combinatis particulæ quædam Sulphureæ ex colliquatione solidarum partium delibatæ accrescunt.

*Morbi prognos.*

Quoad prognosin hic morbus incipiens sæpe ac facile



cile curatur, confirmatus autem raro admodum & difficillime; quatenus nempe sanguinis crasis paululum laxata, sine magno negotio reducitur; illa vero multum soluta, ita, ut plurimæ partes aliæ ab aliis secedant, vix aut ne vix restitui potest.

Quod vero ad Therapiam spectat, difficillimum videtur in hoc morbo veras medendi intentiones designare; in quantum causa ejus ita profunde latet, altaque adeo, & valde remotas origines ducit. Nam quod vulgo putatur Renes, aliasque partes solidas, serum, & sanguinem continentes aut transmittentes peccare, quatenus contenta sua propere nimis dimittunt; proindeque Astringentibus potissimum, ac fere tantum insistendum esse: dico huic tum hypothese tum Praxi, & rationem, & experientiam refragari; in quantum pauci, aut nulli hac methodo curantur: & summe improbabile (ut non dicam impossibile) est, *diagnos* istam à tali causa procedere.

Itaque in hoc Affectu, sicut in plerisque aliis tres erunt Primariæ Indicationes Therapeuticæ, viz. Curatoria, Præservatoria, & Vitalis. Harum Prima morbum respiciens & *diagnos* nimiam cohibere nitens, absque Secunda quæ in morbi causam colligans, sanguinis mixtionem, sive crasin debitam præservare, ac restituere conatur, peragi nequit. Quapropter circa morbi hujus Therapiam præcipuæ medendi intentiones erunt, Sanguinis fusionem ne fiat præcavere, atque ulatenus factam tollere. Primo sanguinis fusio inhibetur, dummodo partes ejus crassiores, & Aquosiores se invicem contineant & contineantur, neque aliæ ab aliis ita continuo & præpropere abscedant; quod quidem efficitur per Remedia Incrassantia vulgo dicta; quorum sc. corpuscula viscosa admodum & glutinosa, in massam sanguineam admissa, particulis ejus activis pertinaciter cohærent, adeoque eas ab invicem separant,

*Tres Indicationes Therapeuticæ.*

*Medendi intentiones præcipuæ.*

1. Sanguinis fusionem inhibere, ne fiat.



2. *Factam tollere.*

*Quod probabile est per salina quæ diversæ sunt indolis effici posse.*

*Indicatio Vitalis.*

rant, & ne fluoribus obortis mutuo inter se, aut cum salinis aliunde fustulis combinentur, impediunt. Propter hunc finem Oryza, Amylum, vegetabilia mucilaginosæ, nec non Gummi, & resinosa quædam in hoc morbo juvare solent. Secundum Sanguinis fusio aliquatenus facta tollatur, ejusmodi remedia indicantur, quæ salium concretiones dissolvunt, ita, ut particulae quæque elementares insitæ, denuo sui juris factæ, situs priores recuperent, adeoque sanguinis crasin primævam redintegrent. Hujusmodi effectum in Lacte coagulato, salis fixi, volatilis, aut nitrosi additione, nec non spiritus C. C. salis Armoniaci & similium infusione prodaci supra ostendimus. Cujus ratio (prout ibidem innuimus) procul dubio hæc est, ut dum particulae salino-fixæ, volatiles, aut nitrosæ, in uberi satis copia lacti inditæ, particulis acidis sive præcipitatoriis occurrant, cumque iis combinantur, reliquæ salinæ quæ prius ligabantur, jam liberatæ, perque liquoris massam diffusæ, sulphureas & terrestres inter se combinatas dissociant, & quaquaversus dispergant, proinde ut particulae rursus omnes æquabiliter permixtæ, se mutuo contineant, & contineantur. Quantum hisce *αἰνολογῶν* Sanguis propter stigmata salina ipsi calenti affusa alteratur, per experimenta ibidem citata declaravimus. At vero pro curanda Diabete, medicamenta salina quoniam a plerisque fere semper Diuretica æstimantur, non facile, aut temere exhibemus; quamquam interea huic methodo, uti non ratio, ita nec dum experientia refragatur. Nam sæpius in hoc morbo tincturam Antimonii cum bono successu præscripsi, atque Aqua solutionis calcis vivæ, cum rasura Sassaphras seminibus Anisi, passulis, & liquiritia, juxta receptum vulgare à nonnullis eximie commendatur. *3. Indicatio Vitalis, per dietam incrassantem, & modice refrigerantem, perque cardiaca temperata ac impri-*



imprimis per Hypnotica idonea, & tempeſtiva perfici-  
tur, quorum ſpecies præcipuæ ac formulæ quædam ſe-  
lectæ, in capite ſequenti ſubjiciuntur, inque huius cal-  
ce coronidis loco cujuſdam Nobilis ab hoc morbo,  
interea dum hæc primo meditarer, ac poſtea ſcriberem,  
Ægrotantis Hiftoriam proponere viſum eſt.

Comes quidam Inſigniffimus, tum natalium ſplen-  
dore, tum propter inſignes Animi dotes prænobilis,  
temperamenti ſanguinei, vultus floridi, atque in ipſo  
ætatis ſuæ vigore, incertum ob quas *προφασεις*, ad diureſin  
nimiam proclivis evaſit, cumque adeo per plures men-  
ſes, urinæ profluvium ſubinde pati ſolitus eſſet, tandem  
in Diabetem (uti videbatur) confirmatam, ac pæne  
deploratam incidit. Præterquam enim quod nycthe-  
meri ſpatio, urinæ limpida, mire dulceſcentis, & quaſi  
mellitæ, fere ſeſquicongium excerneret, inſuper ſiti  
immani, ac febre velut hectica, cum inſigni ſpirituum  
languore, virium concidentia, & totiùs corporis inta-  
beſcentia afficiebatur. Cum hoc tempore ad conſu-  
lendum cum Medicis celeberrimis D. D. Michlethwait  
& D. D. Witherly accerſerer, remedia ſequentia (quorū  
uſu brevi convalere viſus erat) præſcripta fuerant.

*Summitatum Arboris Cupreſſi M. viij. Albu-  
minum ovorum conquaſſat. lib. ij. Cinnamomi ꝛſſ. mi-  
nutum inciſis affunde lactis recentis lib. viij. deſtil.* *Curationis ex-  
emplum.*  
*organis communibus, cavendo empyreuma. Capiat ꝛvj.*  
*ter in die.*

*R Gum Arabicum, Tragacant. ana ꝛvj. ſacchari  
pened. ꝛj. f. pulvis. Sumat circa ꝛj. vel ꝛiſſ. bis in die  
cum aq. deſtil. ꝛiij. vel ꝛiiij.*

*R Rhabarb. pul. gr. 15. Cinnamomi gr. vj. f. pul.  
ſumat mane, repetendo intra 6 vel 7 dies.*

*R Aq. Paralyſeos ꝛiij. Cinnamomi hord. ꝛij. ſy-  
rupi de Moeconio ꝛſſ. f. hauſtus ſumend. omni vespere.*

Diæta fere tantum ex lacte, quod modo crudum,



& vel aqua destillata vel aqua hordei dilutum, modo coctum, cum pane albo, vel hordeo aliquoties in die sumebat. Horum usu cum in dies melius habuerit, intra mensem pæne sanatus videbatur: quando modice convalescere coepit, urina insipida liquidi assumpti quantitatem haud multum superabat, & deinceps nonnihil falsa, potulentis ingestis copia minor fuit; dein paulatim solito spirituum tenore, & viribus pollens, ad pristinam Diætam redibat.

*Ejusdem morbi  
recidiva.*

At vero Diathesis in hunc morbum haud ita penitus cessabat, quin postea crebra vice, propter inordinationes in victu, & forsan ob mutationes circa Anni tempora, in recidivam aptus, urinam primo copiosior, & dein limpidam, & dulcescentem, cum siti & febricitatione, & spirituum languore reddebat. Eorundum vero medicamentorum usu, brevi rursus evadere solebat. Non ita pridem, post longius rectæ valetudinis intervallum, paulo antequam urinæ profluvium pati coeperat, magnas in nervoso genere enormitate, & deliquia passus est: viz. in cerebro torporem, & vertiginem, in membris subitos spasmos, tendinum subsultus, & quasi venti huc illuc repentis varios transcurfus persensit. Deinde cum remediorum idoneorum usu, prædicta symptomata sanari videbantur, Diabetes more solito (sc. materia è fibris, & partibus solidis in sanguinem, & inde ad renes, & vias urinarias exundante) recrudescebat.

Sub hoc tempore, prædicti Medici in consilium vocati methodo, ac remediis pæne iisdem ac prius utendum præcipiunt, quorum usu cum intra paucos dies melius habere coeperat, Aquam calcis vivæ ter in die ad 3v. vel vj. sumendam præscribere visum erat; quo remedio per quatrimum usus urinam in quantitate modica, bene tinctam, & nonnihil falsam reddebat, & quoad reliqua fere sanus, uti olim fuerat, videbatur.



## SECTIO IV. CAP. IV.

## Medicaminum Ischureticorum species.

## &amp; formulae.

**P**harmaea astringentia proprie dicta, nimirum austera, acerba, & styptica, quæ viscerum fibras corrugando inque spatium brevius contrahendo, vim illarum expultricem, & excretoriam sistunt, proindeque catharsin impediunt, etsi vulgo præscribi solita, pro Diuresi cohibenda parum aut nihil efficiunt: quippe horum virtus in massa sanguinea nihil valet, atque illa ad renes, & vesicam minime pertingit. Quare in Diabete frustra est, quod cortices Granatorum, balauſtia, fructus mespilorum, radices tormentillæ, & similia, præscribuntur; uti ratio hoc dicat, ita experientia confirmat. Attamen remedia, quæ in Diabete maxime juvare deprehenduntur, atque hypothese nostræ satis exacte quadrant, prout supra innuimus duplicis sunt generis; sc. primo quæ salium combinationes, & consequenter sanguinis fusionem, impediunt; cujusmodi sunt, quæ vulgo incrasfiantia dicta, particulas viscosas, & glutinosas habent, quæ in massam sanguineam admixtæ particulis ejus actibus pertinaciter adhærent, easque dissociant; & ne mutuo inter se, & cum salinis aliunde suffusis, combinentur, inhibent. Secundo quæ salium accretiones dissolvunt, proindeque sanguinis mixturem restituunt; cujusmodi sunt alterius indolis salina, quæ sali acido coherere, ipsumque adeo à combinationibus, intra sanguinem initis, avocare apta existunt; uti imprimis sunt medicamenta sale fixo, nec non volatili, ac alcalisato prædita. Præter binâ hæc primaria Ischureticorum genera, restat aliud secundarium, sc. hypnoticum;

Z

quod

*Astringentia in Diabete minime juvant.*

*Medendi tres præcipue Intentionis sunt.*



quod sc. œconomix Animali sufflumen ponendo, regimen vitale multo sedatius, proindeque cum minori sanguinis fusione, aut serosi nutritiique humoris præcipitatione, peragi facit. Restat modo cuiusvis horum medicamentorum generis formulas quasdam selectas subicere.

1. Sanguinis in-  
crassatio.

I. Primus medendi scopus, quo nempe sanguinem incrassando, fusionem ejus tollere, aut præcavere nitimur, sequentibus perficiatur.

Pulvis.

℞ Gum. Arabici, Tragacant. pul. ana ℥j. sacchari penedior. ℥ss. f. pul. divide in 16 partes. Sumatur pars j. ter in die, dissolvendo in aq. destillat. vel in decocto rad. symphyti, in aq. font. vel lacte.

Electuarium.

℞ Electuarii resumptivi ℥iij. specier. diatragacant. frigida ℥j. Coral. rubri pr. ℥ij. confect. de Hyacint. ℥ss. gelatinæ de exuviiis viperar. q. s. f. elect. capiat ter in die quant. nucis Juglandis.

℞ Succini albis. Mastichis, Olibani pul. ana ℥j. pul. Haly ℥ij. balsami Tolutani ℥ss. f. pul. subtilis, dosis ℥ss. ter vel quater in die.

Decoctum.

℞ Rad. symphyti majoris, Nymphae, ana ℥iij. dactylorum incis. ℥ij. sem. Malvæ, bombacis, plantag. Psyllii, ana ℥ss. coq. in aq. font. lib. iij. ad medietatem, colaturæ adde syrupi de Nymphaea ℥ij. dosis ℥iij. ter in die.

Emulsio.

℞ Decoct. hord. cum radicibus Nymphae lib. iss. amygdalar. dul. pr. ℥ss. sem. papaveris albi, portulacæ, lactucæ, ana ℥ss. s. art. f. emulsio: dosis ℥iij. ter in die.

Aqua destil-  
lata.

℞ Summitat. Cupressi M. vj. folior. Esclareæ M. iij. flor. Lamii, symphyti, Nymph. ana M. iij. rad. Nymph. symph. ana lib. ss. maceris ℥j. omnibus simul minutim concisis affunde lactis recentis lib. viij. destillent. organis communibus. Dosis ℥iij. ter in die cum pulvere cœ electuario supra præscriptis.

Secun-



Secundo quamvis medicamenta salina cujusque generis, & status, diuretica habeantur, & unaquæque illorum in quibusdam casibus, quatenus sanguinem fundunt, & ferositates ejus copiosius abscedere faciunt, aliquatenus Diuretica existant, propterea ut horum usus in Diabete merito suspectus fuerit; attamen ob rationem supra citatam, nempe quod sali acido (quando in sanguine præpollet) occurrendo, hujus fusionem, & deliquescentiam tollunt, & præcavent, minime dubito quin ad urinæ profluvia sananda nonnunquam cum fructu exhiberi possint; & quamprimum opportunitas dabitur, hujus veritatem, caute tentando, explorare statutum est: & quidem hoc tuto satis experiri licere, inde constat; quoniam infusione calcis vivæ quendam Diabete laborantem curatum fuisse pro certo audiui. Quandoquidem autem medicamenta salina (quæ salis acidi dominium tollere, ipsumque velut catenis ligare supponimus) aut sale fixo, aut volatili, aut alchalisato prædita sunt; Ischureticorum, quibus singuli horum pro basi sunt, formulas quasdam citabo.

Primo igitur quando sal fixus per se aut sulphure conjunctus pro basi requiritur.

2. Sanguis reductio sive fixio.

1. Medicamina sale fixo prædita.

℞ Tincturæ salis Tartari, aut deliquii ejus q. s. detur in haustulo decocti, vel aq. destillat. modo descripti. ter in die.

Tincturæ.

℞ Tincturæ Antimonii, sumatur eodem modo ter in die, hujus usum crebra experientia didici in hoc morbo valde proficuum esse.

℞ Tinct. salis coral. ʒj. sumatur eodem modo.

℞ Infusionis calcis vivæ lib. j. dosis ʒiij. vel ʒiiij. ter in die, præmissa dosi Elect. vel pulveris supra præscripti.

Electuarius.

℞ Conf. flor. Lamii, & symphyti majoris ʒiiij.

Z 2

croci



Pulvis.

*croci martis rubicundissimi* ℥ss. *Corallii ad albedinem calcinati* ℥ij. *syrupi de symphyto* q.s. f. elect. *dos*

*℥ij. ter in die.* *R. Lapidis specularis calcinati* ℥j. *dos* ℥ss. *ad* ℥j. *bis vel ter in die.* *Rustici hoc pharmaco jumenta sua mictione cruenta laborantia satis feliciter curant.*

*R. Coral. ad albedinem calcinat.* & *pul.* ℥iij. *pul.* *Gum. Arab. Tragacant. ana* ℥j. f. *pulv.* *divide in* 10. *part. sumatur* j. *ter in die cum vehiculo idoneo, sc. decocto, vel aq. destil.*

*R. Croci Martis rubicundis.* ℥vj. *Gum. lac. pul.* ℥ss. *sant. rub.* ℥j. f. *pul.* *divid. in part.* 20. *quarum* j. *sumatur ter in die.*

Decoctum.

*R. C. C. ust.* & *pul.* ℥ss. *coquatur in aq. extinctionis ferri lib.* iij. *ad medietatem addendo circa finem crustam panis, rad. symphyti majoris, Nymphaeae siccatae ana* ℥ss. *colaturae adde sacchari perlat.* ℥ij. *capiat.* ℥iij. *ter in die.*

2. Remedia sale  
Alcalisato  
praedita.

2. Medicamina sale alcalisato praedita, cujusmodi sunt Corallia, Margaritae, os sepie, C. C. ebur, pulveres testacei, & similia, veluti contra affectus Rheumaticos, ita & ad Diabetem satis vulgo usurpantur: & quidem juxta hypothesein nostram, quatenus salem acidum in sanguine scatentem excipiunt, proindeque massam sanguineam a fusione liberant, ab iis commodum, & saepe non frustra, expectatur.

Pulvis.

*R. Corallii rub. tenuissime laevigati, ossis sepie ana* ℥ss. *C. C. philosophice calcinat.* ℥iij. *Margaritarum, eboris, oculorum cancri, ana* ℥j. *misce, f. pul.* *dos* ℥ss. *ter in die cum vehiculo idoneo.*

*R. Ejusdem pulveris* ℥iij. *specier. diatragacant. frig.* ℥ij. *sacchari candi* ℥ij. f. *pulvis, cum q.s. solutionis gum. Arabici.*



*Arabici f. pasta, formetur in trochiscos pond. ʒss. su-* Electuarium.  
*mantur iij. vel iiij. ter vel sepius in die.*

℞ *Ejusdem pul. ʒij. Electuarii resumptivi ʒiiij. con-*  
*ser. flor. Nymphae ʒiiij. syrupi ejusdem q. s. f. Electua-*  
*rium; sumat quantitatem nucis Castaneae ter in die*  
*superbibendo haustum Apozematis, vel aq. destil. su-*  
*pra praescriptae.*

3. Propter eandem rationem, qua medicamina sale 3. Remedia sale  
volatili praedita.  
 fixo & alchalifato, etiam volatili praedita, pro Diabete  
 sananda convenire videntur: Hæc enim, pariter ac  
 illa, salem acidum (à quo sanguis in serositatem fun-  
 ditur ac deliquescit) excipiunt, avocantque, proinde  
 ut hujus liquor crasin suam debitam recuperet.

℞ *Tinct. solaris cum sale Armoniaco (prout ego fa-* Tinctura.  
*cile soleo) parati ʒj. dosis gt. 20. ter in die. Sp. sangui-*  
*nis, fuliginis, C. C. etiam in hoc morbo tentari possint.*

℞ *Salis succini ʒj. croci Martis rubicundissimi ʒij.* Pulvis.  
*misce, dividatur in partes 12. dosis part. j. ter in die.*

V. Quod spectat ad tertium in Diabete remediorum ge-  
 nus, sc. Hypnotica, quæ, spiritus Animales sistendo, Hypnotica:  
 sanguinis cursum retardant, proindeque effervescentiam,  
 & fusionem ejus nonnihil impediunt; soleo in  
 quibusdam Diacodium omni vespere sumendum præ-  
 scribere; & si quando illud minus efficit, Laudanum  
 liquidum, aut Cydoniatum, aut Tartarifatum nocti-  
 bus modo singulis, modo alternis bono cum successu  
 exhibere.

℞ *Decoct. hordei cum rad. symphyti siccata. ʒss. ʒvj.*  
*sem. papaveris albi ʒij. amygdalar. dul. pr. numero vj.*  
*s. art. f. emulsio, sum. hora somni singulis noctibus.*

℞ *Aq.*



℞ Aq. destil. magistralis supra præscrip. ℥iij. solutionis Tragacant. ℥ij. Diacodii ℥ss. ad 3vj. sumatur hora somni.

℞ Conser. florum Nymph. ℥ij. Laudani Tartarizati vel Cydoniat. ℥j. Tinct. croci gt. vj. f. bolus hora somni sumend.

## SECT. V.



De Sudatione, & medicamentis  
Hydroticis.

**P**RO nutriendis Animalium corporibus, unico tantum aditu, scilicet per os, alimenta ingeruntur; at natura satis provida, exitum multiplicem, sive plures evacuationum modos efformavit; quibus materiæ alibilis recrementa, vel particulæ quævis incongruæ, aut aliunde susceptæ, aut intus genitæ, foras ejiciantur: Eodem semper Ostio, quicquid pabuli offertur, ingredi oportuit; nempe ut satis dignosci, & examinari queat; per plures enim aut posticas fores, introrsum patentes, facile cum alimentis una irrepant venena. Quod si invita hac ostii singularis custodia materia quæpiam hostilis intraverit, aut interni regimini culpa, progenita fuerit; hæc in nullo recessu, aut angulo latere potest, quin ibidem pro exclusione ejus foramina patefiant. Nam si heterogeneū aliquid in primis viis subsistat, Vomitu aut Purgatione excernitur: quod si ulterius pergens Sanguini vel Liquori Nervoso se immisceat, aut solidis partibus adhæreat, mox Transpiratione, & Sudore, aut etiam Urina eliminatur: sin vero per has vias Natura, utpote segnis, aut impedita, res extraneas sua sponte, aut non cito, aut satis amandat, Medicina, quibus omni circa Excretionum modos, aut vias defectui, aut vitio succurratur, remedia perquam idonea suppeditat. Quemadmodum igitur de vomitu, Purgatione, & Diuresi, in superioribus satis fuse differentes, cujusmodi tum Humorum, tum Spirituum, tum Viscerum affectionibus pharmaca ad fines istos destinata Operationes suas producant ostendimus; ita jam proxime explicandum restat, quo ritu,

*Ingestionis via unica. Egestionis plures pate-  
scunt.*

*Hujus ratio in-  
nitur.*

*Quomodo ejus defectibus per Diaphoresin, æque ac alias excretiones medicina succurrit.*



& quibus Medicamentis, Diaphoresis uberior, aut sudatio, si quando indicatur, provocari soleat. Quo hæc melius innotescant, imprimis declarare oportet, quænam Sudoris Materies, & ratio formalis fuerit & in quibus & quot modis, *ἐκ τῶν* absque Pharmacia propter accidentia externa, vel intestino humorum aut spirituum orgasmo, sæpenumero contingat.

Quomodo Diaphoresis à catharsi differt.

In Diaphoresi, contra ac in Catharsi, à primis viis ac velut intimo corporis centro, versus Peripheriam excretionis motus tendit: in utrisque His Arteriæ ad Evacuationum loca plus deferunt, quam Venæ regerunt: interim à locis, quæ illis opposita sunt, Venæ plus referunt, quam Arteriæ perdaxerunt. In Catharsi, Arteriis splanchnicis, simulque Venis habitum corporis respicientibus, major sarcina bajulanda imponitur: at omnino è contra habet in Diaphoresi; quippe in hac dum Arteriæ plus solito versus corporis ambitum corripunt, Venæ Mesaraicæ à coctionis visceribus majorem penum auferunt, quam arteriæ illuc attulerunt. Pariter in altera Evacuatione, dum Arteriæ splanchnicæ plus debito visceribus suffundunt, venæ extrinsecæ plus à corporis habitu regerunt, quam Arteriæ illic deponunt. Quapropter cum utraque Evacuatio pluribus modis, ita non minimum hac etiam via, procuratur: viz. dum Arteriæ, aut ad viscera, aut ad habitum corporis spectantes, in motus rapidiores urgentur, in venas, quæ ditionis oppositæ sunt, major humorum saburra urgebitur. Quo ritu Diaphoretica utrasque has intentiones perficiunt, mox dicetur: Interea circa Diaphoresin in genere advertimus, Sudationem respectu *διὰ τὴν* ordinariæ, pariter habere, ac Diarrhæam ad Secessum Alvi naturalem; illa nimirum est tantum transpiratio citatior, & magis intensa. Nam quoties sanguis, plus solito effervescens, ac velut efflagrans, effluvia calorifica copiosius emittit; hæc, complures feri



feri particulas secum convehentia, Sudorem constituunt.

Sudoris Materies dicatur aut Elementaris, aut Humoralis; quoad priorem hic, pariter ac Urina, constat ex Spiritu, sale, ac Sulphure mediocribus, sero copioso, ac terræ pauxillo. Rem ita habere, ex spirituum inter sudandum dispendio, excrementi hujus substantia aquosa, sapore falso, unctuositate, & fæculentia, facile colligitur. Enimvero dum sanguis, pro vita Animalium proroganda, in pulmonibus continue accenditur, & dein efflagrans, è corde per Arterias in partes omnes corripitur, è liquore ejus rarefacto, & accenso particulæ subtiles, nempe spirituosæ quædam, ac sulphuræ, utpote ad avolandum maxime habiles, copiose decedunt; quæ per poros corporis emanantes, secum feri corpuscula complura, & reliquorum aliquota una foras rapiunt. Quod si hujusmodi *απέρροια* pauciores fuerint, sensim effugiunt, & modice exhalantes fere inconspicuæ in auras evanescunt; sin vero effluvia hæc magis agglomerata dense erumpunt, dum poros cutis vix pertranseunt, in aquam condensantur; pari scilicet ritu, ac cum vapores, ab aqua ebulliente emissi, operculum ollæ impositum madefaciunt.

Sudoris materies humoralis ordinarie vix alia est quam Serum sanguinis, cui interdum, siquidem excretio istæc inordinata fuerit, liquoris Nutritii, & Nervosi portiones, aliique humores è visceribus, glandulis, vasis lymphicis surrepti, immo & partium solidarum farcimenta, aut liquamina adjunguntur: iste tamen qualiscunque fuerit, potissimum ex arteriis ejicitur, etsi præterea haud inficias imus, etiam è nervis non nihil exsudare; insuper è fibris, & partibus solidis humoris quidpiam vi caloris in vaporem attenuari, quod rursus circa cutem in madorem concrevit. At vero ipse tantum est sanguis, qui calore suo humorem quem-

*Sudoris materia  
aut elementaris  
aut Humoralis.*

*1. Prioris quæ  
sunt particulae.*

*2. Posterior è  
quibus consistit.*



vis evaporare facit, & è proprio sinu, istius qui exsudat, partem maximam emittit.

*Ad sudationem  
tria requirun-  
tur.*

Ut sudor copiosus, & facile erumpat, hæc Tria requirantur, sc. primo ut sanguis plus solito effervesceat, rapidius circuletur; secundo ut latex ejus particulis pluribus aquosis, iisque solutis, hoc est, à reliquo liquore fecerni, inque vaporem resolvi aptis, abunde scateat. Tertio demum, ut totius corporis pori satis reclusi, & patentes fuerint.

*Conditio prima  
est, ut sanguis  
rapidius circule-  
tur.*

I. Primæ conditionis ratio satis manifesta videtur: nisi enim sanguis rapide circulatus, per Arterias in tanta copia effertur, ut à venosa reductione residuum, in totum à vasis lymphicis excipi, aut per *derivolum* insensilem exhalari nequeat, nihil superfluum erit, quod per sudationem emanet: hujus enim latex ex illorum ductuum materia superflua aut rejectanea constat. At vero sanguis pro cienda *ἰσχυρότερος* rapidius circulatur, quatenus ob crebriores, & vehementiores cordis systolas, cum majori impetu circumpellitur. Cujus effectus cum plures sint causæ evidentes, illæ omnes, aut saltem præcipuæ, ad duo genera sequentia reducuntur.

*Quæ partim à  
sanguine, &  
partim à spiri-  
tibus Animalibus  
dependet.*

Pro Cordis motu tum actuando, tum varie alterando, causa efficiens sunt spiritus Animales à cerebello affluentes; causa autem finalis, est sanguinis circulatio: namque hujus gratia uti motus ejus primitus instituitur, ita juxta quod sanguis, propter multas occasiones, subinde citius, aut tardius, vehementer, aut sedate, aliisque modis circulari debet, etiam cordis pulsus diversimode variatur. Quotiescunque igitur adeo intenditur iste, ut sudationem cieat, ita fieri contingit, aut sanguinis necessitate sive indigentia, vel spirituum Animalium instigatione.

*Quomodo hæc  
causa, ex parte  
sanguinis.*

I. Quandocunque sanguis plus debito effervesceat, sive accenditur, ne intra cordis sinus suffocetur, rapidius circumagi debet. Talis vero effervescentiæ sive accen-



accensionis nimiae plures sunt causae, & *αεφαισις*. Nam cruor interdum à proprio sulphure nimis evecto, vinorum ritu, sponte turgescit. Porro iste à calidis ore assumtis, propter aestum ambientem, motum corporis citatiorem, pororum occlusionem, & multas occasiones supra modum agitatus aut excalfactus, & plus solito accensus, adeo rapide circumagi postulat, propterea ut sudatio succedat.

2. Interdum sanguis, ex se quietus, spirituum Animalium instigatione, in effervescentiam hydroticam accietur. Enimvero in doloribus acutis, passionibus violentis, functionum naturalium aut vitalium magnis impedimentis, ipso mortis agone, aliisque spirituum deliquiis, aut affectibus, ubi corporis salus valde periclitatur, Anima sensitiva, ut sanguinis flammam vitalem ab exspirando conservet, cor in motum rapidissimum, quo, dum cruor impetuosius circumpellitur, plerumque etiam sudor accietur, instigat.

Secundum pro sudatione excitanda requisitum est, ut, dum cruor valde effervesceat, sive plus solito accenditur, & effluvia copiosa emittit, latex ejus humore seroso, qui insuper à massa reliqua ejus, ad abscedendum, & exhalandum aptus fit, abunde scateat; secus enim evaporatio tantum sicca, velut ab oleo cocto, urgente licet calore febrili, aut alias intenso, ac minime sudor erumpet. Quorum sanguis sero refertus compagem laxam, & nonnihil solutam habet, à levissima quavis incitatione, in sudorem exsolvitur. Veruntamen si serum deficiat, aut à cruore nimis compacto, vel ob faeculentias incoctas valde incrassato, non facile secernitur; & si febris Caustonis incendium urgeat, simulque Diaphoretica potentissima exhibeantur, sudatio vix omnino succedet.

Tertio ad sudationem rite procurandam requiritur, ut dum cruor effervesceat, & humore aqueo facileque

*Et quomodo habet ex parte spirituum Animalium.*

*2. ἐφιδρωσις  
Conditio secunda est ut sanguinis Compages sit laxa & soluta.*

*3. Sudationis conditio tertia, ut pori satis pateant.*



separabili satis diluitur, etiam cutis pori satis reclusi, & patentibus fuerint; nisi enim corpus sit perspirabile, frustra erit quod diaphoresin moliamur. Quorundum cutis valde crassa, & fere imperforata existit, cui si frigus hybernus accedat, sæpe aquam ex pumice citius, quam eorum corio, exprimas.

*Sudationis nimie causæ inveniuntur.*

Hæc de præcipuis ad *ἐπιδρωσιν* ciendam necessariis, quæ prout interdum ex parte deficiunt, propterea ut sudor ægre, aut vix omnino succedat; ita aliquando propter horum excessus, insuper ob alias quasdam circa Humores, aut habitum corporis inordinationes, Sudatio crebra, & copiosa nimis quosdam infestare solet; ita nimirum ut succus nutritius, haud citius sanguini conveyatur, quin totus statim, cum latice seroso, è poris cutis exsudans, in madorem profundatur. Hujus rationes si inquiramus, hæc tria potissimum occurrunt, in quorum aliquibus, aut simul omnibus, illæ consistere videntur.

1. Cuius prima est sanguinis dy-crasia, aut debilitas, sive accensio parvior.

1. Nimia igitur in sudationem propensio, interdum oritur, quoniam sanguis in crasi vitiat, & debilior factus succum nutritium, quem è chylo excipit, assimilare nequit; quare, velut stomachus toni perfracti, humorem infusum, quamprimum ejus satur est, evomere cogitur. Hinc est, quod sudationes nocturnæ, ac valde molestæ febribus diuturnis ut plurimum succedunt; quatenus nempe in his massa sanguinea (instar lactis acescentis, quod super ignem incalescens sua sponte, & sine coagulo adjecto funditur, & in serositatem præcipitatur) compagis adeo laxæ existat, ut à levi quavis occasione in mixtione solvatur. Cui accedit, quod sanguis depauperatus haud plene accenditur; quapropter succi crudi, quo minus per Efflagrationem absumantur, eo necesse habent, dum sanguis incitatur, copiosius per sudorem erumpere.

2<sup>a</sup> est, feri per alias vias solitas evacuatio inhibita.

Secundo non improbabile est nimiam in sudores propensionem



pensionem aliquatenus etiam ab hac causa pendere, viz: quod aut renes, aut lymphæductus, ubique officio suo non satis defunguntur. Namque si forsan hæc aut ista via sanguinis arteriosi serositates superflue non statim eximantur, necesse erit eas alicubi ad plenitudinem congeri, proindeque, nisi per sudorem excernantur, sanguinis circulationem impedire, & non raro hydro-  
pem inducere.

Tertio si quando ob rationes prædictas diathesis hy-  
drotica invaluerit, eadem insuper augetur, & sudores  
crebri & copiosi magis emanant, si cutis pori, & mea-  
tus solito apertiores fuerint; cujusmodi affectio inter-  
dum à natura inest, quandoque propter accidens quod-  
dam contrahitur. Novi quorundum corpora adeo  
cribrosa extitisse, ut ne levissimum aeris afflatum suffer-  
re potuerint; qui etiam à motu quovis citatiore, aut à  
solis, ignis, aut lecti calore protenus in madorem sol-  
verentur.

*Tertia pororum  
apertio.*

Ex his quæ, ad ἐφιδρωσιν omnino acciendam requirun-  
tur, atque nimiam faciunt, ita statutis, facile erit colli-  
gere, quæ sit sudoris tum Ratio formalis, tum Causa  
conjuncta; utraque nimirum in eo consistit, quod san-  
guis sero scatens, & in compage non nihil solutus, dum  
à cordis pulsû citatiore rapidius circulatur, adeoque  
plus effertur per arterias, quam ut pars cruenta per ve-  
nas regeri, & serosa per renes, & lymphæductus mox  
tota amandari queat; idcirco necesse erit, quicquid feri  
superfluum est, particulis etiam aliis imbutum, per cu-  
tis poros satis patentes exsudare.

*Sudoris ratio for-  
malis, & causa  
conjuncta.*

Quod spectat ad alias sudandi Causas, sc. Procatarcti-  
cas & Evidentes; quæ Prioris generis sunt, vel massam  
sanguineam, vel spiritus animales respiciunt. Hi nam-  
que (prout supra innumus) affectionibus spasmodi-  
cis, aliisque anomaliis obnoxii, interdum aut sponte,  
aut occasionaliter motus explosivos, & inordinatos ine-  
unt;

*Ejus causæ pro-  
catarctica.*



unt; quibus etiam præcordia immaniter agitata, sanguinem impetuosius circumpellunt, proindeque in sudores exsolvi faciunt. At vero ἐφιδρώσεως spontaneæ Causa Antecedens sæpius in massa sanguinea delitescit: si quando enim particulæ heterogenæ, & prorsus incongruæ in hujus sinu ad plenitudinem congerantur, iste demum aggravatus fluore oborto effervescit, ut, quod molestum est, una cum latice seroso secernatur, & per sudorem foras ejiciatur. Cujusmodi sudor juxta materiæ peccantis facilem, difficilem, aut impossibilem excretionem, dicitur vel Criticus (qui insuper plus aut minus perfectus est) vel Symptomaticus. Super his in πνευματικά nostra satis fuse disseruimus, ut non opus sit hic plura dicere.

*Sudationis causæ evidentes.*

2. Sudationis Causæ Evidentes, quæ nempe sine procatarxi, aut indicatione medica ἐφιδρώσιν solitarie, & per se passim cient, cum variæ ac diversimodæ fuerint, sc. ore assumpta, exterius admota, nimia animi, aut corporis commotio, cum multis aliis; libet hic illarum præcipuas una cum distinctis afficiendi rationibus breviter notare: A quibus rite intellectis, melius innotescet, quo ritu & quali discrimine, pharmaca in hanc rem destinata, Diaphoresin cum sudore movent.

*1. Corporis agitatio.*

1. Imprimis igitur, à motu corporis citatiore, laborioso, ac diuturno sudor provocari solet; uti passim cernitur in cursu, saltatione, ponderosi vectione, tractione, & similibus. Cujus ratio est, quod muscoli totius corporis vehementer exerciti, vasa interjecta comprimunt, proindeque sanguinem exagitant, & huc illuc rapide impellunt; cumque hoc modo venæ potissimum constringuntur, sanguis per earum ductus magis usque ac magis patentes, facilius elabitur, ac multo celerius versus cor proripitur; cumque adeo intra dextrum ejus sinum copiosius aggestus, ipsum opprimat, aut fere suffocet, & cor, & pulmones pro sanguine rapidius



dius circumpellendo, per nixus crebriores, & fortiores impigre laborant: hinc demum uti iste intra præcordia magis accensus, proindeque rarefactus, & compage solutus, caloris, hoc est, spiritus, & sulphuris corpuscula longe plura exhalet; quæ serositates (dum vasa Cui adduntur etiam Animi passiones. omnia ita turgent) reduci inhabiles, secum foras convehentia, sudorem constituunt. Prout corporis sic etiam Animi exercitia immodica sudores movent.

2. Calor ambiens, prout à sole, igne, Balneo, hypocausto, & similibus, sudorem provocare aptus est; quoniam effluvia calida, corporibus nostris ab extra immissa, & cutem subingredientia, tum poros, & meatus ejus referant, tum sanguinem effervesfaciunt, ipsumque velut aquam ab igne supposito, ebullire cogunt; proinde ut è compage ejus soluta, & rarefacta, vapores sudorifici copiosius exhalentur. Nec tantum calor mere extrinsecus, sed etiam proprius circa ambitum corporis, à quo exhalavit, detentus, sudorem movet. Nihil enim usitatus est, quam ut quisquam in lecto jaccens, dum pluribus stragulis cooperiatur, in sudorem incidat. Cujus ratio satis liquet, in quantum halitus jam-jam decidui, & circa superficiem corporis coerciti, Balnei ficci naturam habent.

3. Transpirationis solitæ cohibitio nonnunquam sudorem accersit; cujus ratio est, quia sanguis à διὰ πύον liberiore prohibitus, velut mustum dolio arcte nimis inclusum, impetuosius fermentescit; proindeque magis rarefactus, & consequenter circuitu rapidiore agitatus necesse habet in sudorem exsolvi. Olim Hybernici in more fuit febre quapiam laborantes, pannis se laneis, aqua frigida madefactis, involvere, ex quo sudor copiosus succedens non raro morbum solvebat. Simile huic experimentum, etiam apud nostrates, bono cum fructu tentatum audiui.

4. Alimenta calidiora assumpta, præsertim sale, 4. Calidiora intus sumpta. pipere,



pere, & Aromatis condita, item aquarum ardentium, cervisiæ fortioris, & vini generosi potus, quatenus aut sanguinem particulis activis, velut stimulis sive cestro quodam, imbuunt, aut eidem efflagranti pabulum sulphureum, & inflammabile, velut oleum lampadi, ministrant, uberiores materiæ halituosæ διαπολω, proindeque feri abundantis exsudationes majores cient.

*Sudoris differen-  
tiæ.*

*Sudoris frigidi  
causæ.*

*Medicamenta  
Diaphoretica  
cujusmodi esse  
debent.*

Hæc de sudoris natura, & causis tum conjunctis, tum manifestis. Quod ad differentias ejus spectat, multifariam distingui solet; nimirum quod sit spontaneus, vel coactus; vel partialis, vel universalis; vel criticus, vel symptomaticus; quorum omnium rationes ex prædictis satis clare innotescunt. Porro sudor aut Calidus est, de quo hactenus differuimus, vel actu Frigidus, cujusmodi frequenter à timore panico, dolore valde acuto, in lipothymia, & subito quovis spirituum deliquio, inque mortis agone excitatur. Hujus causa in eo consistere videtur, quod à passione subita, ac immani tota Anima subsidens, Ambitum suum contrahit; proindeque spiritibus consternatis, & sanguine cum calore versus cor retracto, effluvia extima per cutem emanantia à sequentibus derelicta, & calore destituta, illico in vaporem frigidum condensantur; pari quidem ratione, ac inter destillandum accidere solet. Nam si ignem subito reprimas, vel extinguas, mox exhalatio calida, Alembicum replens, in madorem exsolvetur.

Ex his ita præmissis, & ostensis, quæ sunt præcipua ad sudorem provocandum requisita, & propter quas potissimum occasiones, & accidentia ordinaria hic excitari solet; non difficile erit designare quibus potentiis & particulis medicamenta Diaphoretica pollere debent, & qua ratione effectus suos edunt. Et primo, quod ad illorum δυνάμεις spectat, Hydrotica intus sumenda ejusmodi esse debent, quæ sanguinem plus solito effervesce, & per consequens evaporare faciant; item quæ



quæ massam ejus, sæpe compactam nimis, & incrassatam, quadantenus referent, & fundant, proinde ut serositates ejus facilius decedere ac secerni possint, simulque eas ita secretas per Diaphoresin potius quam per Urinam aut Sedem eliminandas disponant. Hæc sunt duo ad *ἰσίδρωσιν* primaria requisita, sive indicantia; quibus rite complendis Diaphoretica variis generis, & *ἰσχυρίσιν* adhiberi solent. Quod ad Tertium requisitum (cujus supra mentionem fecimus) sc. Pororum Apertionem spectat, hoc fere tantum per Administrationes externas peragitur; quo tamen ritu, & quot modis fieri solet, infra ostendetur. Interim ut de medicamentis Hydroticis ore assumendis dicamus, imprimis ostendere oportet, quæ Ratione Generali hæc operantur; dein quo discrimine, & particulari afficiendi modo; quibus demum cujusque speciei, nempe aut totius mixti, aut unius cujusdam elementi, viz. spiritus, sulphuris, aut salis virtutibus insignita, tum in visceribus tum in humoribus circa sudoris provocationem, vires suas exerunt.

I. Quoad prius igitur, circa medicamenta Diaphoretica in genere, annotamus ea ex particulis ejusmodi constare, quæ ventriculo ac intestinis satis amicæ, nullum in iis spasmum, aut excretionis motum cieant; insuper ut nullatenus ab iis subigi, aut alimentorum instar assimilari queant; at vero stomacho ingestæ, illico tum spiritus animales, tum sanguinem ad *ἰσίδρωσιν* obeundam disponant. Enimvero quædam ex iis ventriculo immerfa, & dissoluta, mox spiritus Animales intra fibras nerveas (ex quibus Tunica interior constat) ubique scattentes exsuscitant, recreantque, proinde ut totius Animæ sensitivæ hypostasis statim erecta, ac in majorem ambitum expansa, præcordia vegetius actuari, adeoque sanguinem rarefactum, & plus accensum rapidius circumagi, proindeque in Diaphoresin adigi faciant.

Eorundem energias ratio generalis.



Porro interea ejusdem pharmaci particulæ, etiam sanguini vasa stomachica (quæ Tunicam nerveam densissime obducunt) perluenti sese ingerunt, ipsumque dum mox fermentant, & effervefaciunt, per venas solito rapidius versus præcordia urgeri cogunt; quibus cum impetuosius infertur, statim aucto cordis pulsu, tota cruoris massa rarefacta, & magis accensa, simulque à medicamento particulis intime admistis agitata, per Arterias ad partes omnes exteriores citatius provehitur; ubi, cum totus ejus latex, per venas, aliosque ductus reduci, aut excipi nequeat, necesse incumbit plurimum ferosi humoris in sudorem exsolvi. Cæterum pharmaci hydrotici particulæ, juxta modum prædictum in sanguinem admixtæ, non modo liquorem ejus fermentant, & exagitant, at sæpe missionem ejus ita laxant, referantque, ut serum aliaque ejus recrementa facilius secerni, & amandari possint. Quandoquidem autem hoc vario ritu, juxta diversimodam tum sanguinis constitutionem, tum medicamento indolem aut apparatus, fieri contingat, operæ pretium hic videtur, præcipuas circa diaphoresin adhibendam indicationes, & varios easdem prosequendi modos, una cum singulorum Ætiologiis breviter explicare. Super his autem imprimis adnotetur pharmaca hydrotica quoad operandi vias, & operationes cum Cardiacis plerisque ita vulgo dictis, magnam affinitatem habere, in tantum, ut multa utriusque generis, usus sint communis, five reciproci; cumque adeo potissimum quoad majorem, aut minorem efficaciam differant, quoties à genere uno ad alterum transire incumbit, fere tantum opus erit dosin augere, aut diminuere, & maxime idonea exhibendi tempora eligere.

*Medicamenta  
hydrotica, ple-  
risque cardiacis  
affinia.*

*Hydroticorum  
materies aut  
sunt mixti par-  
tes integrales,*

Quod itaque spectat, ad variam materiæ tum speciem, tum apparatus, ex quo medicamenta hydrotica conficiuntur, illa ut plurimum mixti cujusdam aut par-



tes Integrales, aut Elementares existunt. Nempe aut concreta naturalia in tota substantia sua aut simplici, aut extracta exhibentur; velut cum folia, radices, aut semina, Cardui, Contrayervæ, Angelicæ, aut similia in pulvere, decocto, conserva, aut magisterio sumuntur: vel Diaphoretica particulis hujus aut illius Elementi, nempe spirituosis, sulphureis, aut salinis, vel simplicibus, vel quibusvis aliis præpollentibus constant; veluti si ex Carduo, aliove corpore vegetabili, minerali, aut animali, aut sal, aut spiritus, aut oleum, extrahantur, & seorsim per se, aut cum aliis præparatis in medicamento formam redigantur. Singulas, aut saltem præcipuas, harum species breviter perstringemus.

I. Diaphoretica, quorum virtus in totius concreti particulis integralibus consistit, inæqualiter mista, etiam uno quodam elemento (viz. salino) præ cæteris eminenti pollere, eique virtutem suam potissimum debere videntur. Atqui sal iste, à quo vis hydrotica dependet, sub duplici statu occurrit. Nam in quibusdam concretis iste Volatilis, & acris, vel amarus est, inque aliis Alchalisatus, & quodammodo fixus. I. In priori censu pleraque vegetabilia, à veteribus pro Antidotis habita, uti folia Scordii, Cardui, Scabiosæ, vincetoxici, flores Calendulæ, Chamomeli, radices Petasitidos, Zedoariæ, Galangæ, &c. Item confectio- nes Mithridatii, Theriacæ, Diascordii; item Guiaci, Buxi, aliorumque decocta similia ponuntur. Cujusmodi pharmaca ventriculo ingesta, & dissoluta, tincturam constituunt, cujus particulæ, utpote calidiores, & exoticæ, spiritus Animales exsuscitant, unde præcordia, vegetius actuata, sanguinem rapidius circumpellunt. Quin & sanguinem in vasis stomachicis scatentem subeunt, & fermentant, ipsumque adeo dum versus cor citatius per venas regeri faciunt, etiam in causa sunt, ut iste per arterias in habitum corporis vehe-

*Aut Elementares.*

*I. Quæ sunt prioris generis.*

*Et quo ritu operantur.*



menter, & sudorifice propellatur. 2. Diaphoreticorum species altera, quæ, dum ex misti partibus integralibus constant, salern Alchali præpollentem habent, sunt lapides, & Animalium, ac vegetabilium partes Ossæ, vel Testaceæ, uti Bezoar, Margaritæ, oculi, & chelæ Cancrorum, & similia, quorum virtus Diaphoretica potissimum a sale Alchali procedit; quatenus nempe hujus particulæ, Sali Acido tum in visceribus tum in sanguine interdum occurrentes, cumque eo effervescerent, proinde massam sanguineam fundi, ejusque ferositates secerni, inque sudorem exfolvi faciunt.

*II. Hydrotica  
quorum particu-  
le sunt Elemen-  
tares, cujusmodi  
& quotuplicia  
existant.*

II. Medicamenta hydrotica, quæ post Analysin spagyricam particulis elementaribus, aut his, aut illis virtutem suam debent, è variis subjectis, & cum diversimodo apparatu formata, potissime sunt aut spirituosæ, aut salinæ, aut utraque simul inter se, aut cum particulis aliquotis sulphureis combinata. Nam quæ sunt mere, aut maxima ex parte Sulphurea, huic intentioni minus accommodata existunt; quippe talia, ut plurimum visceribus infesta, sæpe nauseam, & non raro vomitum cient. Porro quæ ob sulphuris copiam oleosa, & pinguiæ sunt, particulas suas intra sanguinis massam non ita promte insinuant. Quo ritu, & quali spirituum, aut sanguinis affectione istæ altera Diaphoresin movent, speciatim disquiremus.

*1. Spirituosa.*

1. Et primo ad Spirituosæ referimus Aquas Arden-tes, & liquores quosvis spiritu vinoso præditos; cujusmodi passim è vegetabilium fructibus, aut succis fermentatione maturatis, aut putrefactione resolutis, arte chymica destillantur; uti sunt spiritus Vini, Pomacei, Cervisæ, Baccarum Juniperi, Sambuci, Cerasorum nigr. cum multis aliis, quæ vulgo spiritus dicuntur; atque vel simplices & limpidi per se sumuntur, vel aliorum simplicium infusione imprægnati, rursus destillantur, aut sub forma tincturæ exhibentur. Hujusmodi liquo-  
res



res vinosi intus sumti, & quatenus spiritus Animales erigunt, inque majorem expansionem ( qua itidem cordis motus intenditur ) cient, & quatenus sanguinem exagitant, & ( velut olei ad flammam accessu ) plus accendi faciunt, Diaphoresin movent. Propter eandem rationem, & afficiendi ritum, quo hæc Diaphoretica, etiam Cardiacæ, siquidem in minori dosi exhibeantur, appellari solent.

2. Ad Diaphoresin ciendam Præparata Salina varii 2. Salina.

generis, & diversimodi status, & quidem bono cum fructu præscribi solent; quæ tamen non, uti particulae totius mixti, aut mere spirituosæ, sanguinem vel ob heterogeneitatem exagitant, vel inflammabilitatem accendunt, at solummodo in salinas ejus particulas agendo; quas dum in amplexus suos rapiunt, à combinatione cum aliis nimis stricta divellunt, proinde ut laxata sanguinis compage, & pulsu aucto serositates superflua, aliaque recrementa facilius secedere, perque sudorem amandari possint. Ad hunc censum ( quod pariter in diureticis habere supra ostendimus, etiamque in Cardiacis, uti postea liquebit ) sales cujusque fere status, præsertim vero sal Volatilis, Fluidus, Fixus, & Nitrosus referri debent; ex quibus singularibus, aut intra se compositis, Diaphoretica præcipuæ notæ conflantur; quæ intus sumta, atque salibus aliis tum intra viscera, tum intra massam sanguineam scatentibus occurrentia, eosque à particularum aliarum complexibus avocantia, sanguinem reserant, ac rarefaciunt, proindeque ad Diaphoresin disponunt. Præcipuas horum species, & operandi modos inferius explicabimus; interea tamen cum eadem medicamenta salina, quæ ad sudores, etiam ad urinas movendas, quandoq; etiam pro Cardiacis exhiberi soleant, ostendere oportet, quo apparatu, & quibus insuper requisitis, dum eadem pharmaca propinamus, Diaphoresin seorsim ab alteris istis intentionibus prosequi debemus.

*Qua ratione operantur.*

*Particulæ eorum salinæ in quotuplici sunt statu.*

Et



*Diaphoretica  
quali cum appa-  
ratu, & admi-  
nistrationis mo-  
do exhibenda  
sunt.*

*Ad Diaphoresin,  
& subjectum &  
tempus idonea  
feligantur.*

Et quidem advertimus, Sudorifica intus sumta, raro aut nunquam sua sponte, sicut Emetica, Cathartica, aut Diuretica, operari; quinimo regimine semper opus est, ad Medicamentum actuandum, ac ad *ἐνέργειαν* istam determinandam. Quapropter à Diaphoretico exhibito, illico Patiens eo ritu tractandus est, tum ut pori corporis aperiantur, tum ut cordis pulsatio plurimum intendatur. Propter hos fines, vel in lecti, balnei, aut Hypocausti calore detineatur, vel corporis motu citatiore, aut duriore exerceatur; quæ ut melius pro sudore concitando succedant, & Tempus & Subjectum, quoties in nostra potestate fuerit, maxime idonea eligantur; quando nimirum sanguis crasi laudabili, aut non admodum maligna potitus, tum seroso humore satis abundat, tum quoad particulas suas, haud nimis confusus aut perturbatus existit, quin facile referari inque partes secedere ac fundi aptus sit. Quippe in temperamento bilioso, constitutione gracili, ac sicca, inque medio causone, cum omnia perturbata, ac indigesta sunt, Diaphoretica sæpius incassum, aut perperam cedunt. Porro quoties ex usu fore videntur, non quælibet indifferenter exhibere convenit; verum juxta variam sanguinis conditionem, & diversimodas in eo elementi modo hujus, modo illius præpollentias, atque salium status, etiam pharmaca appropriata feligantur. Super his, quo cum delectu, & in cujusmodi formulis præscribi debent, in sequentibus dicemus.



## SECT. V. CAP. II.

*Diaphoreticorum species, ac Formulae, necnon  
quorundam ex iis chymicorum  
Ætiologiæ.*

**M**edicamenta Sudorifica quandoquidem multi-  
plicia, & diversimoda existant, atque vario  
respectu ordinari, inque classes redigi sole-  
ant; ideo imprimis tum quoad formam sive  
constitutionis modum, tum quoad materiã ex qua con-  
stantur, eadem hic loci distinguere, ac recensere visum  
est. Formulæ eorum maxime usitatæ, sunt 1 pulvis, 2  
liquores Chymici, 3 potio, 4 bolus, 5 Diætã. Cu-  
jusque horum Materies aut totius mixti partes Integra-  
les sunt, aut sunt mixti cujusdam per spagyriam reso-  
luti Partes quædam Elementares; illæque aut simpli-  
ciores, viz. aut Spirituosæ, vel Salinæ; quæ itidem po-  
steriores, aut Volatiles, aut Fixæ; aut etiam Acetosæ,  
aut nitrosæ existunt: aut denique particulæ sudorificæ,  
ita per chymiam divisæ, & separatæ, sunt Elementares  
inter se compositæ, viz. Spirituo-salinæ, atque Salino-  
sulphuræ. Dum singulas hæc species ordine percur-  
rimus, unicuique materiæ generi, selectiores præscri-  
ptionum formulas adaptabimus.

*Medicamento-  
rum Diaphoreti-  
corum census.**Et Formula.*

1. Diaphoretica quorum Bases sunt mixti partes in-  
tegrales, in quibus itidem sal acris, sive volatilis præ-  
pollet; sub hac ratione ad sudorem provocandum sæpe  
conferunt, quatenus eorum particulæ in sanguinem  
admissæ, cum immiscibiles simulque indomabiles fue-  
rint, massam ejus exagitant, valde dividunt, ac quasi  
in minutias distrahunt; proinde demum ut cruoris com-  
page plurimum laxata, atque in effervescentiam acta,  
una cum pharmaci particulis, propter heterogeneita-

*1. Quæ pro basi  
habent mixti  
partes integra-  
les.**Quomodo ope-  
rantur.*

tem



*Eorum formulæ.* tem eliminandis, ferositates superflue, atque sanguinis recrementa, ac corruptelæ foras ejiciantur. Quæ sunt hujus census, exhiberi solent in specie Pulveris, Boli, Potionis, & Diætæ, juxta sequentes præscriptionum formulas.

1. *Pulveres.*

℞ *Pul. radicum Contrayervæ, serpentariæ virginianæ, Petasitidos ana ʒj. Coccinellæ, croci, ana ʒss. f. pul. dosis ʒss. cum vehiculo idoneo.*

℞ *Pul. viperarum ʒj. detur in liquore convenienti.*

℞ *Pul. Bufonum pr. ʒss. ad ʒj.*

Cum Diaphoretica sale alchali singulari, aut prioribus admisto pollere debent.

℞ *Bezoar. orientalis ʒss. ad ʒss. detur è cochl. aq. destil. aut alterius vehiculi.*

℞ *Pul. è Chelis compos. ʒj. ad ʒss. exhibeatur eodem modo.*

*Pul. Bezoarticus ad hunc modum conficiatur.*

℞ *Pul. rad. Contrayervæ, è Chelis Can. simp. ana ʒij. Margarit. Corallii utriusque, succini albis. oculor. Can. C. C. Chrystalli præpar. ana ʒj. Bezoar. occident. terræ Lemniæ, ana ʒss. Cerus. Antimonii ʒij. coccinellæ ʒss. Ambræ griseæ ʒss. moschi ʒss. f. pul. subtilis, qui cum gelatina è viperarum exuviis in globulos formetur. Dosis ʒj. ad ʒj.*

℞ *Pul. hujus Bezoart. ʒj. Bufonum pr. gr. vj. f. pul. detur in cochl. j. aq. Theriacalis.*

2. *Boli.*

2. Boli, quorum bases sunt partes mixti integrales, in confectionis, extracti, aut conservæ formam redactæ.

℞ *Mithridatii ʒss. ad ʒj. pul. Bezoart. ʒj. ad ʒss. syrup. è succo citri q. s. f. bolus. Loco Mithridatii substitui*



stitui potest Theriaca, aut Diascord. vel confec. liberans, de Hyacint. etiam pulveris Bezoartici locum supplere potest Bezoar pulverat. aut rad. contrayer. aliorumve similium pulvis.

℞ Extract. Theriacalis ʒss. ad ʒj. pul. Bezoart. ʒj. f. bolus.

℞ Extract. Cardui ʒss. pul. Bezoart. ʒj, salis absynt. gr. 15. cum q. s. syrup. e succo citr. f. bolus.

3. Potiones, quarum bases sunt vegetabilium decocta communia, vel infusiones, & Tincturæ. 3. Potiones.

℞ Rad. Petasitidos ʒj. sem ejusdem ʒij. rad Eryn. condit. ʒvj. sem. Cardui ʒij. coquantur in aq. font. lib. j. ad lib. ss. in colatura clara dissol. Mithridatii ʒss. vel ʒij. sumatur calide in lecto. Decoctio.

Pari modo folia Cardui, flores Calendulæ, aut chamomeli, coquantur in q. s. liquoris posset. Cujus ʒvj. vel viij. dentur calide per se, vel cum pulvere, confecti-  
one, aliove diaphoretico adjecto.

4. Infusiones, & Tincturæ varii generis Diaphoreticæ parari possint extrahendo virtutes vegetabilium simplicium, & confectionum cum vino, aceto, aut aq. destillat. quæ dein colatæ, & per subsidentiam clarificatæ, aut per se, aut aliis liquoribus adjectæ, sæpius cum fructu exhibentur. Huc referri debent aquæ, vina, & aceta Bezoartica per infusionem parata, quorum formulæ passim apud Authores prostant. Porro vegetabilium Tincturæ, in parva dosi plurimum efficaces, ad hunc modum conficiuntur. 4. Infusiones & tincturæ.

℞ Rad. Contrayer. lib. j. contus. & Matraccio indit. affunde spiritus vini lib. iij. digerantur ad extrahendam tincturam, quæ coletur, & in balneo abstrahatur ad Tinctura chymica.  
Cc consti-



consistentiam mellis. Spiritum primo abstractum serva seorsim à reliquo, reaffunde residentia, & denuo Tincturam extrahe; cujus dosis ʒss. ad ʒj. in vehiculo idoneo.

## 5. Diætæ.

5. Diætæ, quorum Bases sunt liquorum Decocta pro luis venereæ, & quorundum aliorum Affectuum Chronicorum, in sanguine, & humoribus altius radicatorum, curatione designata.

Enimvero pro morborum quorundum sanatione sudatio valde intensa, & crebra, viz. per longum tempus, assidue requiritur; nempe ut viscerum, & humorum non tantum impuritates, & corruptelæ expurgentur, verum & tincturæ morbificæ iisdem altius impressæ deleantur prorsus, seu velut eradicentur. In hunc finem non satis erit pulverem, aut Bolum sudorificum per vices quasdam exhibere, verum Diætæ integra in hunc scopum institui debet: quapropter potus omnis sit decoctum Diaphoreticum, post cujus dosin quoque mane assumtam, adhibito insuper Balnei, aut laconici calore, sudatio copiosa provocetur. Deinde cum hac ratione, & cutis pori reserantur, simulque natura ad Diaphoresin inclinatur, toto præterea die sanguinis, & succi nervei recrementa per διαπρῶν, usu ejusdem potus, usque continuatam, evaporent. Hac methodo non tantum lues venerea tutissime, & plerumque certissime curatur, sed & alii quidam morbi Herculei interdum feliciter sanantur.

℞ Rasuræ ligni sancti ʒiiij. sarsap. ʒvj. Cbinæ ʒij. sant. omnium ana ʒj. rasuræ Eboris, C. C. ana ʒss. Antimonii pul. & nodulo ligat. ʒvj. s. art. infundantur & coq. in aq. font. lib. xvj. ad medietatem: & fiat colatura: Magmati Ingredientium residuo affunde partem aq. quantitatem; s. infusio, & decoctio ad tertiam partis



*partis consumptionem, addendo passularum lib. j. liquiritiæ ʒj. colatura servetur pro potu ordinario.*

In temperamento bilioso, & sanguine acriori, & calido, omittatur lignum Guiaci, augendo quantitatem Chinæ, & Sarsæ.

Diaphoretica, quæ ex totius mixti particulis integrilibus constant, pro pauperibus facile parabilia, juxta <sup>Diaphoretica facile parabilia.</sup> formulas sequentes præscribantur.

In febribus malignis. *℞ Conser. Lujulæ ʒj. Mithridatii ʒiiss. misce, sumatur superbibendo haustum liquoris posset. Cum foliis Card. Scordii aut floribus chamomeli, vel Calend. incoctis.*

*℞ Rad. pul. serpentariæ virgin. ʒss. ad ʒj. detur cum vehiculo idoneo. Vel ℞ pul. rad. Petasitidos ʒj. eodem modo.*

In casibus ordinariis exhibeatur *Decoctum milii solis, rad. Petasitidos, vel serpentariæ Virg. vel rad. & sem. Bardanæ.* In lue venerea *Decoctum Saponariæ, vel rasuræ ligni Buxi, & similibus, Decocti ex lignis quæ majoris sunt pretii vicem supplere possunt.*

2. Medicamenta sudorifica è mixti partibus Elementaribus parata, pro basi habent aut spiritum, aut salem, modo simplicem, modo cum sale altero vel cum sulphure combinatos. Spirituosa juxta formulas sequentes præscribantur. <sup>2. Diaphoreticorum chymicorum formula.</sup>

1. *Spiritus Theriacalis camphorat. ʒss. ad ʒj. vel ʒiiss.* exhibeatur in conveniente vehiculo. Eodem modo spiritus plures alii, è vegetabilium succis fermentatione maturatis exstillati, & affectibus quibusdam appropriati, ad sudationem, siquando indicatur, eiendam exhiberi possunt. Cujusmodi nimirum sunt *spiritus cerasorum nigror. è baccis sambuci, Hederæ, & Juniperi, cum* <sup>1. Quæ pro basi particulas spirituosas habent.</sup> *multis*



204 *Diaphoreticorum species ac Formulæ. SECT. V.*  
*multis aliis. Sp. C. C. fuliginis, sanguinis, & similium,*  
*salinorum potius classi accenseri debent.*

2. *Quæ particu-  
las spirituosas  
cum aliis combi-  
natas habent.*

2. Diaphoretica, quorum bases sunt spiritus cum  
particulis aliis elementaribus combinatis, ad hunc mo-  
dum præscribantur. *℞ Mixturæ simplicis ℥j. detur in  
conveniente vehiculo.* Huc etiam referantur, quæ ex  
*spiritu sale fixo, aut sulphure combinatis* constant. Cu-  
jusmodi sunt *Tinctura salis Tartari, & Antimonii,* qua-  
rum dosis *℥j. ad ℥ij.* in alio liquore. Porro *aquæ destil-  
latæ,* in quibus particulæ spirituosæ aquosis diluuntur, ad  
sudores movendos sæpe cum fructu exhiberi solent.

*Aquæ destilla-  
tæ.*

*℞ Rad. Petasitidos, Valeriana, ana ℥ij. Zedoaria,  
Contrayerva, Serpentaria virgin. ana ℥iiss. florum Peta-  
sitidos M. iiij. croci ℥ij. incis. & contus. affund. vini  
Xeroensis lib. iiij. destil. s. a. liquor totus misceatur. Do-  
sis ℥iiss. ad ℥iiij. Vel ℞ rad. Angelica, Imperatoria, ana  
℥iiij. Zedoaria, Ennula campana, Vincetoxici, Genti-  
an. Galang. min. an. ℥j. sumit. Cardui, Rutæ, Angelica  
ana M. iiij. Cort. mediani fraxini ℥vj. incis. & contus.  
adde Mithridatii, Theriaca Androm. ana ℥ij. misce, &  
affunde vini generosi lib. vj. Aceti destil. lib. ij. destil.  
s. a. dosis ℥iiij.*

Aquarum prædictarum doses actuari possint addi-  
tione liquorum, aut salium chymicorum. Hujusmodi  
medicamenta spiritu vinoso prædita senibus, item tem-  
peramento frigidiori præditis, atque paralyfi, aut hy-  
dropi obnoxiiis præcipue, ac ferè tantum conveniunt;  
in constitutione autem calida, cumque adest viscerum  
æstus, aut sanguinis effervescentia febrilis, quatenus ista  
torrefaciunt, & hunc plus nimis accendant, obesse po-  
tius, quam juvare solent.

3. *Quorum ba-  
sis salina est.*

Diaphoretica, quorum basis salina est, prout variæ  
sunt



sunt indolis, viz. ( juxta quod sal volatilis, fixus, aceto-  
sus, aut nitrosus existit ) ita diversimodi sunt usus, &  
operationis, hinc in quibusdam casibus ut melius hæc,  
inque aliis illa, vel ista adhibeantur; quemadmodum  
in Diureticis habere supra notavimus.

I. Sal fixus, & volatilis maxime conveniunt iis <sup>1. Quæ sale fixo  
aut volatili. con-  
stant.</sup> quorum sanguis seroso humore plurimum scatet. In-  
super si quando succus tum viscera, tum nervosum ge-  
nus irrigans, in acorem vergit, prout habere solet in  
hydropicis, cacochymicis, & qui affectibus spasmodi-  
cis obnoxii sunt, medicamenta ista ad ἐφιδρωσιν ciendam  
utilius adhibentur; quin, dum particulis humorum  
acido-salinis occurrunt, cumque iis combinantur, san-  
guinis compagem referant, simulque, ob mixturam he-  
terogeneam, ejus massam exagitant; hinc ut serositates  
facilius secernantur, & exterius per cutis poros adigan- <sup>Eorum formulæ.</sup>  
tur, præscribuntur ista, in forma pulveris, boli, & liquoris.

℞ *Florum salis Armoniaci* ℥ss. *Chrystalli mineralis* <sup>1. pulveres.</sup>  
*gr. xv. pul. Bezoart. ℥j. misce; detur in cochl. Aq.*  
*sudoris.*

℞ *Salis Tart. ℥j. Cerus. Antimonii, gr. 25. f. pul-*  
*vis; detur eodem modo.*

℞ *Pul. Bezoart. mineralis ℥j. ad 3ss. pul. Gascon.*  
*℥j. f. pul. detur similiter.*

℞ *Cerus. Antimonii ℥j. ad 3ss. florum salis Armo-*  
*niaci ℥ss. f. pul.*

2. Exhibeantur ista in forma boli, miscendo doses præ- <sup>Bolis.</sup>  
dictas cum Theriaca, Mithridatio, vel Diascordio, aut  
cum extracto Cardui, Gentianæ, vel similibus.

℞ *Bezoart. mineralis ℥j. florum salis Arm. gr. vj.*  
*Mithridatii 3ß. f. Bolus.*

℞ *Salis C. C. gr. viij. pul. Bezoart. gr. 15. extracti*  
*Theriac. ℥j. f. bolus, vel pil. iij.* 3. Si



*Liquores.*

3. Si in forma liquoris magis conveniet; *Rx Sp. C. C. vel fuliginis, vel salis Armoniaci gt. 15 ad 20 Aq. sudorif. ℥j. ad ℥iij. f. haustus, sumatur cum regimine.*  
*Rx Florum salis Armoniaci ℥ss. salis Tart. gr. 15. Aq. sudorif. ℥iij. misce, f. haustus.*

3. *Quorum basis sal nitrosus est.*

3. Diaphoretica, quæ pro basi sua salem nitrosum habent, in iisdem fere casibus, ac superiora ex sale fixo, & volatili conflata, juvare solent; quatenus nimirum salis acidi præpollentias destruunt, adeoque sanguinis missionem disponunt, ut, dum effervescent ille, serum, & recrementa ejus facilius secerni, & amandari queant.

*Rx Chrystalli mineralis ℥iij. salis C. C. aut fulig. aut viperarum ℥j. misce. Dosis ℥j. ad ℥ss. in vehiculo idoneo.*

*Rx Salis prunellæ ℥ij. Bezoart. mineralis, vel cerus. Antimonii ℥j. f. pul. Dosis ℥ij. ad ℥j.*

4. *Quorum basis sal Acidus est.*

4. Diaphoretica, quorum basis est sal acidus, præcipue contra salis fixi, ac sulphuris præpollentias valent. Siquando nimirum ob particulas salino-fixas cum sulphureis vel terrestribus combinatas, sanguinis massa obserata nimis, & constricta evadat, ut serositates suas per sudorem amandandas haud facile dimittat (prout interdum in febribus continuis, & affectione scorbutica fieri solet,) Sal acidus à medicamine exhibito, sali fixo in corpore occurrens, inque amplexus suos rapiens, combinationes ejus iniquas tollit, proindeque sanguinem effervescentem referat, ac in ἐφιδρωσιν disponit.

*Potiones.*

*Rx Spiritus Tart. ℥ss. ad ℥j. Aq. sudorif. ℥iij. florum salis Arm. ℥ss. misce.*

*Rx Mixturæ simpl. ℥ss. ad ℥ij. detur in cochl. Aq. Theriac. vel Bezoarticae.*

*Rx Aceti*



℞ Aceti Bezoart. ʒss. ad ʒj. Aq. Card. ʒij. Aq. Pestilent. ʒvj. misce, f. haustus.

℞ Sp. Guiaci ʒj. Aq. Sudorif. ʒiij. misce, f. haust.

5. Diaphoreticorum classi, quædam mere, aut maxima ex parte sulphurea vulgo accensentur; uti nimirum <sup>5. Diaphoretica sulphurea.</sup> Balsama quædam naturalia, aliaque factitia, insuper olea chymica, ac imprimis Guiaci, Buxi, Camphoræ, C. Cervi, & fuliginis; item lignorum ponderosior. extracta resinosa, cum multis aliis, quæ sudori ciendo licet per se parum efficiant, attamen aliis salinis conjuncta haud prorsus inutilia fore arbitror; quatenus in constitutione frigidior, & nimis phlegmatica, sulphureo-salina, haud minus quam spirituosas, sanguinem nimis aquosum rarefaciunt, & ad liberius evaporandum disponunt.

℞ Opobalsami gt. vj. ad xij. Aq. Melis. vel hederæ terrestris ʒiij. sudorificæ ʒss. sumatur omni mane per plures dies provocando <sup>ἐφιδρωσιν</sup>. Convenit Pthysicis, & in Ulceribus renum.

Pariter, sed in majori dosi exhibeatur Balsamus Peruvianus, item Tinct. Balsam. Tolutani, etiam Balsama composita stillatitia.

℞ Resinæ Guiaci pul. ʒij. olei chymici ejusdem ʒj. Pilulæ Bezoart. mineralis, Gum. Guiaci ana ʒiss. Balsam. Peruv. q. s. f. massa pilularis: Dosis ʒss. ad ʒij. superbibendo dosin Aq. Sudorif. vel Decoct. lignor.

Diaphoreticorum quorundam præparationes chymicæ, cum earundem Ætiologiis.

#### Bezoarticum minerale.

℞ Butyri Antimonii rectificati ʒiij. affunde guttatim spiritus nitri, vel aq. Stygiæ tantundem; abstrahere in

Bezoartici mineralis præparatio.



in calore Arenæ, & reaffunde, addendo menstrui ejusdem novi ℥j. iterumque abstrahere, repetendo per iij, vel iiij, vices. Materia exempta, & pulverata calcinetur crucibulo per horam, dein edulcoretur abluendo, & desuper accendendo spiritum vini ter, quaterve; Dosis ℥j. ad ℥j.

*Ejus Aetiology.*

In hujus præparatione observatu dignum est, quod dum liquores hi acerrimi committuntur, mox sales sibi invicem occurrentes stricte combinantur; interim particulae sulphureæ, quæ uberi copia suppetunt, prorsus exclusæ, & manumissæ avolant, atque salina quædam corpuscula secum auferentes, calorem, & fumum (quasi aliquid actu combureretur) valde tetrum ciunt; dein his abactis, salinæ relictæ cum aliquotis Antimonii terreis strictius combinantur, demumque ignem passæ, ut sulphur Emeticum penitus exhalet, atque salium aculei corrosivi destruantur, Diaphoreticum insigne constituunt; in quantum sc. medicamento sales diversimodi, corporis nostri salibus occurrunt, quibus dum uniuntur, sanguinis, & humorum compages laxantur, ut recrementi serosi exitus pateat; pari omnino ritu, ac cum spiritus nitri Butyro Antimonii, etiam Aquæ fortis limaturæ ferri affusa, ebullitionem magnam cum calore, & fumo nigrescente ciet; in quantum sc. particulae sulphureæ, dum sales combinantur, velut ab igne accenso confertim avolant. Quodque flamma actualis hic non accenditur, ratio est, quia particulae plures salinæ, una cum sulphureis ascendant; à quibus hæc, ne prorsus coeuntes efflagrent, ubique sejunguntur.

*Bezoart. minerale* compendio magis parandum perhibetur ad hunc modum. Butyrum Antimonii aq. font. infusum, precipitabitur in pulverem album, Mercurium vitæ dictum: qui exsiccatus injiciatur sensim sali nitro in cruci-



crucibulo fuso, & per horæ quadrantem una fluere sinatur. Postea nitro aq. font. affusione crebra soluto, calx alba, & fixa remanebit. Quæ tamen, etiam si pro diaphoretico usurpetur, longe differt à Bezoart. minerali, quoniam in illa sales menstruorum, à quibus medicamento virtus plurimum dependet, fere in totum abluuntur: quoniam illud propius ad naturam Cerussæ Antimonii accedit, seu potius idem cum ea esse videtur.

## 2. Antimonium Diaphoreticum.

2. Antimonium Diaphoreticum.

*Antimonium bis, vel ter calcinetur, cum nitri æquo pondere, dein in Crucibulo liquatum, vel aliquamdiu fundatur, vel carbone injecto tam diu detonet, donec, sulphure penitus absorto, calx sale & terrâ fere tantum constans, atque particulis igneis imbuta remaneat: quæ, cum crebra ablu-tione (uti mos est) edulcoratur, mere caput mortuum, sive terra insipida evadit. Et, quamvis diaphoretici nomine insigniatur, nescio cuiusmodi ejus particulis hæc virtus attribui possit; atque talem effectum ab hoc pharmaco sæpius frustra expectavimus. Pro sistendis feri, aut sanguinis fluxionibus non raro cum fructu adhibetur, eo quod hæc terra propriis salibus orbata, alienos (quibus forte in corpore nostro occurrit) acidos sales imbibit; qualem energiam Croci Martis, per reverberii ignem paratus, à simili causa, prout alibi innuimus, obtinere videtur.*

*Ejus Aetiology.*

*Cerussa Antimonii, è puriore ejus parte, sc. Regulo cum nitro calcinato, parata, solummodo calx ejus purior, seu magis defecata existit. In cujus preparatione Tartarus additur, quoniam Regulus Sulphure (sine quo nitrum non efflagrat) pauciore dotatur; quamobrem ut calcinatio melius peragatur, Tartari, qui particulis sulphureis abundat, additione opus est.*

*Cerussa Antimonii.*



3. Flores salis  
Armoniaci.

3. Flores salis Armoniaci.  
℞ Salis Armoniaci pul. lib. j. limatura ferri ℥xij.  
simul trita, & mista destillentur in retorta colli am-  
plioris, igne reverberii per gradus aucto: liquor flave-  
scens, qui spiritus salis est, in recipiens exstillabit, at-  
que flores partim in hujus latera, partimque in retortæ  
collum sublimabuntur, qui collecti in vitro servantur.  
Dosis gr. v. ad 15.

Apparatus hu-  
jus variatio.

Hæc operatio peragitur miscendo salem Armonia-  
cum cum colcothare loto, etiam cum calce aut sale tar-  
tari. Hujusmodi mixturæ ratio est, Primo ut sal Armo-  
niacus à fusione impediretur. Secundo ut cum salis fixi-  
oris particulæ ferro, colcothari, aut calci Tartari ad-  
hærent, volatiles eorum, vinculis liberæ, facile ascen-  
dant. Tertio ut flores, dum ascendunt, quidpiam al-  
terius concreti, sc. Martis, Veneris, aut salis Tartari  
secum vehant, ejusque virtute imprægnentur. Quando  
sublimatio cum ferro, aut calce Tartari peragitur, è  
capite mortuo utroque, Tincturæ cum spiritu vini non  
contemnendi usus eliciuntur.

4. Spiritus salis  
Armoniaci.

4. Spiritus salis Armoniaci.

℞ Tartari cum nitro calcinati, & salis Armoniaci, ana  
lib. iij. singulatim pulverata, & mista, ponantur in cu-  
curbita ampla, affundendo aq. font. lib. vj. vel viij. &  
destillentur furno arena. Spiritus lenissimo calore a-  
scendet, purus, & valde penetrans, sine ullo empyreumate;  
hunc si Cucurbita altiore rectifies, sal volatiliss purissi-  
mus in alembicum sublimabitur.

Processus



Processus hujus ratio hæc est. Sal Armoniacus constat *Processus ratio.*  
 fale volatili ex fuligine, & urina, & fale marino; qui  
 omnes cum inter sublimandum combinantur, particu-  
 læ salino-volatiles, sulphureis adhærere solitis exutæ  
 prorsus, à salino-marinis figuntur adeo, & statim inan-  
 tur, ut aufugere nequeant. Quamprimum vero hoc  
 vinculum solvitur, viz. quando hic sal compositus, cum  
 fale Tartari in aqua dissolutus intime miscetur, Parti-  
 culæ salis marini, salino-fixis Tartari cohærent; pro-  
 indeque volatiles earum complexibus dimissæ, & ad  
 avolandum paratæ, facillime ascendunt: quod autem  
 spiritus fale Armoniaco extillatus, nullam, uti fuliginis,  
 aut urinæ stigmata, graveolentiam habet; ratio est,  
 quoniam in compositione ista, sal volatilis, salis marini  
 interventu particulis quibusque sulphureis exuitur; quæ,  
 cum fuligo aut urina per se destillantur, sali volatili per-  
 tinaciter adhærent: quod ex utriusque foetore plane li-  
 quet: tum insuper quia liquores è concretis istis extil-  
 lati, primo limpidi & clari, postea flavescent, ac de-  
 mum rubri, ac nigri, & opaci evadunt; viz. in quan-  
 tum particulæ sulphuræ à salinis primo subjugatæ, &  
 occultatæ, sensim emergentes, sese explicant, aliisque  
 supereminent.

*Spiritus salis  
 Armoniaci, se-  
 cus ac spiritus C.  
 C. aliique ejus  
 farine, particulis  
 sulphureis exui-  
 tur.*

Quod vero in compositione salis Armoniaci, par- *Et quæ ratio.*  
 ticulæ Salis marini, urinæ, ac fuliginis partem sulphu-  
 ream abigunt, atque salem volatilem figunt, etiam hoc  
 experimento (quod Clarif. Zwelferi, pro figendo  
 fale volatili inventum est) manifeste patet: Ex. gr.

℞ *Salis volatilis* è viperis, urina, aut C. C. proliciti  
 q. v. huic Cucurbitæ stricti, & excepto parvo foramine,  
 clausi orificii indito, guttatim instilla spiritum salis ma-  
 rini, ad eminentiam ij. vel iij. digit. donec sal omnis  
 dissolvatur: solutionem hanc filtra, & in cucurbita ad  
 siccitatem abstrahe. In fundo sal boni odoris, subacidus,  
 & salini saporis remanebit; cujus usus ad plures affectus



eximie prædicatur: super hoc amplius expertus sum, nempe quod, salem tuum volatilem si recuperare velles, huic salem Tartari committas, & in phiala sublimis; sal volatilis purissimus ascendet. Hoc modo spiritus fuliginis, C. C. & sanguinis ita rectificare possis, ut sulphure eorum penitus abacto, remedia magis grata, & minus corruptibilia evadant.

*Spiritus iste cum calce viva, & fixidio Cinerum quomodo destillatur.*

Spiritus salis Armoniaci etiam aliis mediis destillatur, viz. si quando salis istius solutio cum lixivio salis fixi, aut calcis vivæ in æq. p. miscetur; namque his, & forsan quibusdam aliis modis, dum particulae salis marini nova connubia ineunt, priores nuptæ aufugiunt. Pariter habet circa destillationem urinæ, uti proprio in loco ostenditur.

*5. Spiritus Fuliginis, C. C. &c.*

5. Spiritus Fuliginis, Sanguinis, C. C. &c.

*℞ Fuliginis e lignis combustis ponderosa, ac instar picis cum nigredine splendentis q. s. ut retorta terrea supra medietatem impleatur; dein recipiente amplo adaptato, destillatio igne reverberii, per gradus ad mediocritatem aucto instituitur; brevi ascendent spiritus in fumo albicante, dein oleum flavum, cum sale volatili, ac ultimo oleum nigricans; sal per se colligatur, liquor reliquus ab oleo nigro per filtrationem separatus, rectificetur, destillando in Balneo Marie, aut arena, bis vel iterum etiam sal volatilis rectificando in cucurbita altiore depuratus servetur ad usum. Dosis sp. gt. 12 ad 20. salis à gr. vj. ad xij. vel 15.*

*℞ Frustula vel ramenta C. C. vel eodem modo, igne nudo, vel in retorta vitrea furno arenæ destillantur; Pariter item e cranio, ossibus, & sanguine, spiritus, cum sale volatili ac oleo fetido proliciuntur.*

6. Guiaci,



6. Guiaci, Buxi, aliorumque lignorum ponderoso-  
rum spiritus, & Extracta resinosa.

6. Spiritus Gui-  
aci, Buxi, & si-  
milium.

Hujusmodi ligna Diaphoreticis merito accenferi in-  
de constat, quod decocta sudorifera potissime ex iis pa-  
rantur. Horum virtus Hydrotica in principio tum  
salino, tum sulphureo consistere videtur; quippe u-  
triusq; generis particulis hæc corpora abunde refertiun-  
tur. Quare præter communem per infusionem, & co-  
ctionem, præparandi modum, Analyfi chymica prin-  
cipia illorum activa nempe salis, & sulphuris seorsim  
educuntur, atque in concreta peculiaria, nempe in spi-  
ritum, oleum, & resinam redacta, Diaphoretica ele-  
gantia, jucunda, & magis efficacia constituunt.

1. Spiritus, & oleum ad hunc modum parantur.  
℞ Scobis ligni Guiaci lib. ij. destilles igne reverberii, vel  
in furno Arenæ cum calore forti, Prodebit liquor acris, &  
nonnihil acidus, oleumque flavum, ac nigrum; ultimum hoc  
separa, & reliquum in cucurbita rectifica, habebis spiri-  
tum clarum, & odore acrem, atque etiam flavum & ponde-  
rosius oleum, quod in fundo laticis aquosi subsidet. Dosis spi-  
ritus ʒss. ad ʒiiss. olei gt. vj. ad 15. in conveniente vehiculo.

Medicamentum utrumq; Diaphoreticum est, & cum *Ejus Aetologia.*  
fructu in Hydrope, Scorbuto, & Lue venerea usurpatur.  
Proculdubio hujus concreti pars salina, quæ partim in  
fluore est, partimq; volatilis, una cum phlegmate, spiri-  
tum ita dictum constituit, & pars sulphurea purior o-  
leum flavum, quod insuper ob salis portionem adhæ-  
rentem grave est, ac subsidet: Quinimo spiritui, sive  
stagnanti acido-acri, particulae quædam sulphureæ per-  
tinaciter adhærent, propterea ut semper foeteat, & lim-  
piditatem cito amittens in flavum, & rubrum degene-  
ret. Oleum nigrum constat sale, & sulphure crassiore,  
hoc est, cum terræ portione admista. In Guaco Ele-  
mentum salinum, quoad maximam partem, ultra fixi-  
tatis, in fluoris, & volatilitatis statum evehitur, quare  
lixivium



lixivium è cineribus ejus, minus salis exhibet. Longe secus habet in Tartaro, cujus particulae salinae aliquotae tantum in fluore, & volatilitatis statu sunt; plurimae tamen manent fixae.

7. *Resina Guiaci.*

7. *Resina Guiaci paratur eodem modo, quo resina Scammonii, aut Jalap. sc. tinctura extrahitur cum spiritu vini, dein abstrahitur ad medietatem, atque lymphæ cucurbitæ infusa, resina in copia ingenti præcipitabitur, quæ exsiccata & pulverata, detur a ℥j. ad ℥ss. cum aliis sudorificis in forma solida.*

*Ejus Aetiology.*

Resinam hanc Guiaci partem sulphuream esse, inde constat, quia post extractionem hujus, si magna residuum in retorta calore Arenæ, aut igne nudo destillabis, phlegma, & liquorem acidum in proportionem solita habebis; olea vero in perexigua tantum quantitate prodibunt. Quamobrem à spagyrica hac ligni istius Analyfi concludere licebit, elementa chymica, quot, & qualia olim alibi asseruimus, mixtis revera inesse; & non ab ipsa *εὐχαισθένει* (prout nonnulli aiunt) tantum apparenter produci.

8. *Spiritus Tartari.*

8. *Spiritus Tartari.*

*℞ Tartari albi electi, ac splendentis, loti, & exsiccati (seu potius uti Zwelferus præscribit soluti ac unica vice chrySTALLATI) lib. iiij. destil. in Retorta cum recipiente amplo, igne per gradus aucto, donec fumi penitus cessabunt. Habebis phlegma, spiritum, oleum flavum, & nigrum: hoc ultimo separato, liquor reliquus cucurbitæ vitreæ inditus, calore Arenæ bis, terve re-ctificetur, abstrahendo quaque vice tertiam solummodo partem. Dosis sp. ℥ss. ad ℥j. olei ℥ss. ad ℥j. in corpore præparato satis potenter sudores movent.*

Tartari



Tartari genesis, & Analysin, consideratione multa <sup>Preparationis</sup>  
dignam, non est ut hic loci plene tradamus: verum, ut <sup>Ætologia.</sup>  
breviter Anatomen ejus perstringamus, concretum hoc  
plurimo sale (cujus particulæ plurimæ in fixitatis, &  
aliquotæ in fluore, & volatilitatis statu sunt) multo sul-  
phure, pauco spiritu, atque phlegmate, & terra me-  
diocribus constat. In destillatione sal volatilis cum  
spiritu ascendens, liquorem nonnihil acrem, & pun-  
gentem reddit; qui insuper, ob salis fluidi, & sulphu-  
ris copiam, aliquantulum acidus est, ac insigniter adeo  
foetet, ut vix ulla rectificatione bonum odorem acqui-  
rat. Quoad hujus stigmati exstillati contenta, haud  
multum à Guiaci producto discrepat, nisi quod spiri-  
tus minus acidus est, ac non ita promte corallia, ac te-  
stacea dissolvit: verum inter hujus, & illius caput mor-  
tuum discrimen ingens occurrit, quoniam è Guiaci ci-  
nere salis fixi minimum, ac è Tartari calce ejus pluri-  
mum elixiviat. Cujus ratio è prædictis patet.

## SECT. V.



## SECT. V. CAP. III.

De Diaphoresi nimia aut Depravata,  
ejusque Remedio.

**C**um vita nostra in perenni sit fluxu, ideo sicut nova addi, & apponi, ita vetera, & effeta continue substrahi, & amandari debent. Quapropter ut particulae quaeque superfluae, aut incongruae, perpetim amoveantur, multiplices extant decessuum & excretionum viae; in quibus tamen faciendis natura saepe nescit modum, & vel citra vel ultra illud, quod maxime commodum est, subsistit. Quomodo Evacuationes istas, quae à Peripheria sive exteriori corporis ambitu introrsum ducentes, per cloacam quandam particularem excernunt, quoties in excessu, vel defectu peccant, moderari, aut corrigere oporteat, in superioribus ostendimus: Methodi ratio nunc postulat, etiam ut Diaphoreses, (quae à centro versus circumferentiam tendens, excretio maxime generalis, & diffusa est) si quando nimia aut depravata fuerit, melam tradamus.

*Diaphoresis nimia affectio frequens est.*

Et quidem ejusmodi Affectionem saepenumero accidere observationi vulgari satis obvium est. Quippe nihil usitatus est, quam quosdam Phthisi, aut Scorbuto laborantes, aliosque à febribus diuturnis tandem ægre convalescentes, quinimo nonnullos absque alio morbo, aut *πρὸ φάσεως* evidenti sudoribus assiduis, & saepe immensis obnoxios degere. Itaque circa *ἐφίδρωσιν* nimiam, primo inquiramus quot modis, & quibus de causis talis evacuatio exoriri possit, deinde quae remedia, & quale Administrationum modi in singulis ejus casibus maxime conveniunt, exponamus.

*Interdum alterius morbi symptoma est.*

Quoad prius horum, Sudatio crebra, & immodica nonnun-



nonnunquam alterius cujusdam morbi præsentis symptoma est; namque in Phthisi, & Scorbuto ( prout jam dictum est ) hoc familiare est: cujus ratio in eo consistit, quod nempe cum sanguis aut miasmate quodam impuro inquinatus, aut dyscrasiam nactus, succum alibilem massæ ejus jugiter suffusum rite concoquere, & assimilare nequit, eum usque degenerem, & subinde cum aliis recrementis ad plenitudinem aggestum, secernit, & per sudorem foras ejicit.

Sudationis hujus Cura omnino à morbi, cujus symptoma est, Therapia dependet; interea circa hanc, quantum ad victus rationem pertinet, ex symptomate isto Indicatio utilis, & necessaria desumitur; nempe, ut, cum affectibus istis sudores nocturni, & copiosi superveniant, Diæta ex alimentis omnino tenuibus, viz. lacte, jusculis avenaceis, cremore hordei, & similibus, quorum particulas lenes ac molles massa sanguinea ferat, ac minime ex carnibus, aut cibis fortioribus, instituat.

2. *Ἐπίδρωσις* nimia, interdum alterius morbi prægressi, & aboliti Effectus est, uti cum febribus diuturnis succedit: namque ita passim accidit, incendia febrilia, in madores hydroticos terminari ( uti cum æstas torrida in Autumnum pluviosum cedit, ) ut vix quisquam à morbo isto longiore, absque indispositione hac relictæ convaluërit; quæ tamen in aliquibus moderata, & facile curabilis est, in aliis vero gravior, & affectu isto, cujus soboles erat, haud minus infesta. Novi Adole-

2. *Quandoque item effectus.*

*Exemplum notabile Diaphoresis nimie.*

E e res



res exhaustæ fuerunt, ut fere in sceleti marcorem redigeretur. Hic, cum variis remediis sine magno fructu diu usus fuisset, demum lactis Asinini vespere & mane potu, & diæta reliqua ex lacte vaccino instituta, brevi tempore convaluit.

*Ætiologia ejus.*

In hujusmodi casibus sanguis contenta sua perpetuo rejiciens, & per Arteriarum oscula velut evomens, haud solummodo chylum, è visceribus suffusum, statim foras eliminat; at insuper in pabulum suum, & succum nerveum, & partium solidarum farcimenta resorbens; ea mox omnia una cum liquore nutritio fastidians, per cutis poros expellit.

*Diaphoreses nimia causa.*

Affectus hujus causa potissima in sanguinis dyscrasia & debilitate consistere videtur; quatenus nempe liquor ejus, instar lactis acescentis continue fundi, inque serositates præcipitari aptus fuerit; quapropter tum propria ejus deliquia, tum humores quique aliunde suffusi, siquidem assimilari nequeant, protenus secernuntur, cumque pori cutis valde patefiant, per diaphoresin potius quam per aliam quamvis excretionis viam foras amandantur. Quod autem sanguis adeo in fusiones si-  
ve fluores disponatur, plerumque in causa est, Salis fluidi, si-  
ve acidi (quemadmodum in lacte acescente) in massa ejus dominium. Interdum vero Succus Nerveus in acorem degener, prius & potius in culpa est, proinde namque recrementa ejus acida in sanguinem remandata, massam ejus fundunt, inque serositates præcipitant: porro è tali causa Diabeten, & sudorem Anglicum ita dictum (quoniam hic Eudemius fuit) origines sua habuisse censemus.

*Partim à sanguinis crassi vitiatione, partim ab accensione ejus deficiente.*

*Epidegmis* hujusmodi nimia, haud tantum à sanguinis crassi & fermentatione vitiatæ, verum quandoque propter accensionem ejus depravatam exoriri solet. Quoritu sanguis, ob sulphuris excessum febriliter efferves-  
cens, subinde in sudores erumpit, superius ostensum est.



est. Porro haud minus ob sulphuris defectum, symptoma hoc interdum succedit: siquando enim sanguis depauperatus, & aquosior factus, minus accenditur, propterea, quoties à calore adscititio, aut corporis agitatione, in motum rapidiorem urgetur, necesse erit ferocitates ejus, ( siquidem efflagrando absumi, aut insensibiliter exhalare nequiverint ) in sudorem exsolvi. Sulphur in sanguine deficit, vel quoniam absumitur, uti post febres diuturnas, vel quoniam ob pabuli inopiam non satis progignitur. Posterius hoc observare licet non tantum in plerisque hominibus, qui aut Annona angustati, aut Diæta Quadragesimali usi, à cursu aut deambulatione citatiore, mox in ἐφιδρωσιν incidunt, sed insigniter etiam in jumentis, quæ cum gramine aut fœno recentivescuntur, à labore quovis plurimum sudant, & cito oblanguescunt.

Quod spectat ad ὑπερφιδρώσεως, ob prædictas causas & *Curatio ejus.*  
 πῶς φάσκει oriundæ, curationem; Intentiones Therapeuticæ erunt potissimum hæ tres, viz. primo humorum dyscrasias, aut debilitates tollere, vel emendare. Secundo cutis poros nimium patentes paululum constringere. Tertio sanguinis serum, & recrementa aquosa versus renes derivare.

I. Harum prima, ejusmodi remediis perficitur, quæ *1. Indicatio prima.*  
 salis acidi in sanguine, aut succo nerveo præpollentias destruunt, item quæ sulphuris ( si forsan deficiet ) exaltationem promovent. In quos fines Antiscorbutica, *Humorum Dyscrasias tollere.*  
 Chalybeati, item medicamina sale volatili, nitroso, & alchalifato prædita sæpius juvant: singulorum ex his formulas quasdam subjiciemus.

℞ Conser. florum cichorei, fumariæ, ana ℥ij. pul. e- *Electuarium.*  
 boris, C. C. Corallii præp. ana ℥j. Margaritar. ʒss.  
 Spec. diarrhod. Abbatis ʒj. ligni Aloes, sant. Citrin.  
 rub. ana ʒss. salis prunellæ ℥iiij. cum s. q. syrupi de fu-  
 maria;



maria; f. confectio; sumat. quant. nucis Juglandis  
vespere, & primo mane; superbibendo aut Fulapii se-  
quentis, aut aq. destillatæ ℥iij.

Fulapium.

℞ Aq. fumarie, Jugland. simp. ana ℥vj. Lima-  
cum, Lumbri. ana ℥j. sacchari ℥vj. misce f. fulapium.

Aqua destillata.

℞ Summitat. Abietis, Tamarisc. Cupres. ana M.  
iiij. Myrti M. ij. folior. Nast. aq. Becabun. Eupatorii,  
Hyperici, ling. Cervinæ, veronica, ana M. iiij. cortices  
exteriores 12 Auran. incis. & contus. affund. cervisiæ  
Brunswicensis lib. viij. destil. organis communibus;  
liquor totus misc. & edulc. ad placitum. Dosis ℥iij.  
bis in die.

Expressio.

℞ Foliorum Taraxici, nastur. aq. Plantag. beca-  
bung. ana M. iiij. contusis affund. aq. destil. præscript.  
lib. j. f. expres. fortis. Dosis ℥iij. ad iiij. mane horâ  
nona, & quinta pomerid.

Chalybeata.

Juxta hanc methodum in virium languore, & no-  
cturnis sudoribus post febres diuturnas præscribere so-  
leo; quæ tamen remedia si minus juvabunt, ad chaly-  
beata perveniendum erit.

Syrupus.

℞ Syrupi de Chalybe ℥vj. sumatur cochl. j. mane  
& horâ quintâ, cum aq. supra præscript. ℥iij.

Pulvis.

℞ Pul. eboris, Corallii pr. ana ℥ij. croci Martis, sa-  
lis chalybis, ana ℥iij. f. pul. Dosis ℥ss. bis in die cum aq.  
eiusdem destillat. ℥iij.

Tinctura.

℞ Tincturæ salis Tart. ℥j. dosis gt. 20 ad 30 bis  
in die cum aq. destil. Eodem modo Tincturæ e coral.  
item e gum. & balsamis paratæ exhiberi possunt.  
Porro in his casibus sp. C. C. urinæ, aut fuliginis sæpe  
cum fructu exhibentur.

Secunda intentio  
consistit in poro-  
rum alteratione.

Secunda intentio pro sudationis nimie Therapia in  
pororum debita constitutione consistens, fere tantum  
per



per administrationes exteriores perficitur; in quem finem totius corporis inunctiones cum oleis amygdal. Palmeti, unguento è floribus Aurantiorum, & similibus, adhibeantur; quinimo linthea his imbuta gerantur. Nonnunquam Balneationes in aqua frigida, aut fluvio, quandoque aeris mutationes conveniant. Circa horum usus (cum fatis vulgo innotescant) non opus erit, particulare hic regimen præscribere.

At vero hic opportunum videtur de affectu quodam molesto ad Diaphoresin, aut saltem ad *διαπρῶν* nimiam, aut inordinatam, spectante, verba quædam facere. Sæpius observavi quosdam poros corporis (sive transpirationis organa) eo modo dispositos habuisse, ut à nihilo magis, quam ab aeris appulsu inassueto, læderentur; in tantum, ut, cum *ἔυχροσι* & *ἑνσίρρησι*, etiam quoad appetitum, somnum, & membrorum robur recte habentes, fatis sani viderentur, attamen ne levissimum illi nudi aeris aut venti afflatum perferre potuerint, quin statim maxima spirituum perturbatio, cum facultatum omnium concidentia & totius corporis indispositione sequeretur; cuiusmodi *ἀπὸ ψυχρῶν* adeo leviter contractam *Ejus Descriptio.* nec cito nec facile excutiunt, verum ægre, & non nisi post longum tempus ad pristinum statum se recuperant: in hanc *δυσπείθειαν* proclives, aerem, plusquam alii ignes, aut aquas formidant. Hinc quidam extra fores progredi non audent, alii intra cameram clausam degentes, nec ostium, aut fenestram aperiri patiuntur, & si forsan levis aura alicubi per foramen occultum inspiraverit, illico persentiunt, & noxam ejus luvunt. Novi quosdam à tali *παραστάσει* per plures menses lecto affixos. Memini Pedaneum satis sanum, & robustum, qui supra decennium cubiculo suo non exivit, nulloque ad exeundum pretio, aut suasu adduci potuit: cumque postea, Ædibus incendio conflagentibus, vi extraheretur, per plures exinde menses, sine alia quavis læsione

*De affectu, qui  
vulgo dicitur,  
Aptitudo ad frigus  
captandum.*



ne periculose decumbebat: alii super aream, aut pavimentum lapideum, terreum, aut lateritium stare, aut ambulare verentur, magnam exinde noxam contrahere soliti. Plures alii hujusmodi casus passim eveniunt, quibus insuper hæc infelicitas accedit, quod taliter affectos pauci miserentur, nec re ipsa sed tantum imaginatione laborare credunt.

*Ætiologia in-  
quiritur.*

Itaque in Pathematis hujus naturam, ut paulo inquiramus, haud proflus de nihilo esse, quod querantur isti, censemus, quin proculdubio poenam quandam, sive molestiam ipsis à frigore suscepto, sive *διὰ πνοῆς* modo alterato inflictam perferunt: ut vero constet, quænam ea sit, & in quo ratio ejus consistat, imprimis considerare oportet, quo ritu ordinario, aeris ambientis particulae in cutis nostræ poros agunt, eorumque subjecta, nempe spiritus Animales, circa corporis superficiem ubique diffusos afficiunt. Enimvero hos siquidem æthereæ cujusdam indolis, sive naturæ fuerint, à congenerebus tum auræ, tum lucis particulis, dummodo iis proportionatæ adveniunt, refici valde, inque blandam quasi expansionem accieri constat: Pariter & sanguis, dum circuitu suo exteriorem corporis oram pertransit, ibidem perinde ac in præcordiis, tum fuligines suas per arteriarum oscula exhalat, tum pabulum nitrosum pro flamma sua sustinenda per venarum hiatus suscipit. Propter hæc & sanguinis, & spirituum animalium beneficia, pori cutis rite conformari, eoque modo patefieri debent, ut aeris, & lucis particulae in copia moderata non nihil refractæ, cumq; blando allapsu utriusque istorum hypostaseos oras extimas feriant. Nam secus si agentis ad patiens hoc, aut illud, vel simul utrumque, appulsus improporcionatus fuerit, statim in hac, vel illa, aut simul in utraque animæ parte perturbationes oriuntur. Nam si spiritus exterius degentes, aut ex se debiles, infirmi, ac cito dissipabiles fuerint, aut ob

poros

*Quo ritu tum  
sanguis, tum spi-  
ritus, ab Aere  
ambiente affici-  
untur.*



poros cutis nimis apertos Aere nudo & asperiori objiciantur, passim accidit, eos à levi quavis occasione in fugas, & distractiones adigi; proinde ut non tantum circa corporis partes exteriores, dolores, spasmi, aut resolutiones hic, illic excitentur; sed nonnunquam à frigore (uti dici solet) suscepto, totius animæ concidentia (quæ non cito nec facile sublevatur) succedit. Et quidem hinc prædictæ circa *διὰ πρὸς* inordinationes potissimum oriuntur, in quantum Anima sensitiva, aut non robusta, aut non munita satis, aeris externi injuriis nimium patescit; proindeque ad appulsus ejus fortiores, in hac aut illa parte, aut simul in tota ejus hypostasi, perturbatur, inque *ἀντιστάς* non statim recuperabiles adigitur. Porro hinc etiam Animæ pars flammea, consensu, haud minus quam idiopathia, propter aeris occurrsum improporcionatum affici, & commoveri solet. Quippe fibræ & propagines nervæ in corrugationes, & spasmos adactæ, vasa sanguifera ab ipsis circumligata, varie stringunt, proinde ut sanguis in fluctuationes inordinatas compellatur. Insuper massa sanguinea per se, tum quoad accensionem, tum crasin ejus transpirationis depravatæ vitia plurimum luit. Respectu prioris, flamma vitalis, circa corporis superficiem gliscens, à duro aut asperiori ejus sufflatu in nutus, & trepidationes, variasque inæqualitates (quibus tota anima succutitur) cogi solet. Dein satis vulgo innotescit, cruoris mixtionem à nihilo magis quam à *διὰ πρὸς* vitiata periclitari: hinc enim fluores, & in massa ejus serositatis præcipitationes, à quibus catarrhi, tusses, paroxysmi Asthmatici, nephritici, & Arthritici contingunt, oriuntur.

Ex his facile erit Affectionis, de qua nunc agitur, rationem formalem, simulque causas, & curationes designare. Enimvero quod aliquis à frigore, aut nudi aeris occursum protenus in hoc, aut illo membro dolo-

rem,

*Ab illorum Affectione prædicta symptomata procedunt.*



rem, aut stuporem, vel paralyfin contrahat, ideo fit, quia spiritus Animales, intra fibras membranaceas scatentes, perculsi, & fugati in distractiones aguntur: quod si amplius à tali *περφόρει* totius corporis languor, & virium prostratio contingunt, non privatus spirituum manipulus, sed tota eorundem hypostasis, five integra anima sensitiva plecti videtur; quæ nempe perculsa, adeoque in minorem ambitum contracta, & decurtata, intra corporis organa subsidit, ejusque facultates flaccescere sinit. Insuper his, si cuipiam aeri incautius exposito, brevi tumor, aut phlegmone, odontalgia, catarrhus, tussis aut pleuritis superveniunt, vel si rigor subsequente mox æstu, & incalescentia febrili exoritur, indicio est sanguinem, haud minus quam spiritus Animales, ab improporcionado aeris appulsu affici, proindeque liquorem ejus, aut in motu, & accensione perturbatum, ad effervescentias febriles disponi, aut mistione solutum, in varios fluores & serosilaticis præcipitationes adigi. Immensi hic operis ac toedii esset, singulos affectus describere, qui interdum tali *περφόρει* origines suas debent. Hinc cephalalgia, vertigo, affectus soporosi, catarrhi, Coryza, Angina, ophthalmia, tussis, vomitus, diarrhæa, aliorumque morborum Ilias sæpenumero procedunt; in tantum, ut vulgus, morborum fere omnium causas evidentes ad bina hæc genera, sc. crapulam, & frigus contractum referre soleat.

*Morbi prædicti  
procatarxis con-  
sistit*

*I. Partim in  
Spiritus.*

Haftenus *διὰ πρὸς* depravatæ rationem formalem, & causas conjunctas descripsimus. Quod vero spectat ad procatarxin five prædispositionem, propter quam alii præ aliis, ad frigus captandum apti sunt, dico hanc, aut in spirituum Animalium, aut sanguinis, aut pororum (sc. unius ex his, aut simul plurium) vitio consistere.

I. Spiritus Animales quandoque in culpa sunt, quia debiles



debilis admodum nihil durum, aut asperum, quod exterius iis objicitur, sufferre valent, quin statim à nudi aeris appulsu in fugas, & distractiones vertuntur; quemadmodum plurimi post longas ægrotationes, sub dio versari horrent, & quamprimum aprico exponuntur, sæpissime in recidivas incurrunt: porro spiritus interdum ad Diaphoreseos vitium istud inclinant, quatenus degeneres illi, indolemque acrem, & irrequietam nacti, à quovis aeris appulsu in *ἀνέμιος* aguntur. Quapropter qui ob spiritus ita dispositos hypochondriaci fiunt, etiam affectioni (quam descripsimus) obnoxii, à levi quavis occasione frigore tentantur.

2. Sanguis duplici ratione ad *διαπρὸς* depravatæ habitudinem disponit: viz. tum respectu temperamenti, tum mixtionis ejus. 2. Partim in sanguine. Quoad posteriorem hanc, sæpe cruoris compages adeo laxa, & dissoluta existit, ut à *περσάσει* quavis exigua, & præcipue ob aeris frigidi, aut humidi appulsu, in fluxiones, & serositatum præcipitationes vertatur, in tantum, ut tali sanguine præditi, nequaquam extra fores progredi, immo vix prospicere audeant. Cæterum massa sanguinea quoad temperamentum suum sæpe calida & vaporosa admodum, effluvia summe acria, & penetrativa exhalat; à quibus dum cutis pori referantur nimis & patentiores fiunt, tum spiritus, tum flamma vitalis, aeris nudi, ventique injuriis, plus debito exponuntur.

Tertio mala pororum constitutio, aut ab ægrotatione, vel aliis modis producta, aut etiam naturalis & ingenta, ad istum pravæ diaphoreseos habitum valde inclinat. 3. Mala pororum constitutione. Nam siquidem meatus isti nimis patuli, fere semper dehiscunt, sanguis, & spiritus in toto, aut partibus quibusdam, contra externi aeris occursum haud satis muniuntur. Talis pororum amplitudo quibusdam infita & naturalis est, utpote qui carne molli, & laxa præ-



diti sunt, cutem plerumque tenuem, & valde cribratam habent: insuper propter varia accidentia frequenter contrahi solet: post diætam sudorificam diu continuatam, item post sudationes crebras, quæ circa febrium declinationes erumpere solent, cutis pori per longum tempus ad summum extensi, & patefacti, diu postea dehiscunt, & fere semper apertiores manent.

*Curatio Ejus.*

Affectio hæc, etsi mortem non minetur, quia tamen vitam valde molestant aut prorsus inutilem reddit, Therapeiam adprime meretur: ad quam moliendam intentiones Curatorix erunt potissimum hæ tres: viz. primo ut tum spirituum, tum sanguinis debilitates, sive dejectiones, aut depauperationes sanentur. Secundo ut utriusque illorum dyscrasix (si forte adsint) tollantur. Tertia ut pororum conformatio debita procuretur.

*I. Intentio prima Spirituum corroboratio.*

I. Præcipuus hujus negotii cardo, circa primam Intentionem, quatenus ea spirituum Animalium corroborationem sive totius Animæ sensitivæ ampliationem respicit, vertatur: quippe nisi Patientibus confidentiam quandam assumere persuasum sit, ita, ut foras prodire, vires ultimas exerere, & naturam ad duriora indies aspiranda assuefacere tentent, medela omnis frustratur; quapropter victu lautiore, & alacritate haud minus quam medicina opus erit, nimirum ut spirituum Animalium copix, indies instaurari ac augeri, illæque insuper ausis subinde majoribus obfirmari queant: in quos fines, vina generosa cum cibis opiparis moderate sumpta egregie conveniunt. Porro studiis & curis (quibus Anima deprimitur) omissis, tempus otio, & recreationibus, aut exercitiis modicis teratur. Per hujusmodi victus rationem rite institutam uti spiritus animales reficiuntur valde, ita sanguinis casus, & depauperationes instaurantur.

Propter eosdem fines etiam medicamenta sequentia cum fructu exhiberi possunt.

*Rx Sp.*



℞ Sp. succini Armoniaci q. s. sumantur gt. 15 ad <sup>Spiritu</sup> 20. vespere, & primo mane in cochl. j. Aq. destillatæ sequentis, superbibendo ejusdem cochl. 9.

℞ Folior. Salvia, rorismarini, thymi, satureiæ, ma- <sup>Aqua destillata.</sup> jorana, balsamitæ, ana M. iiij. rad. Angelicæ, Imperatoricæ, ana ʒvj. Zedoariæ, Galang. minoris, calami aromatici, Ireos Florent. ana ʒiiss. Cubeb. ʒiiss. nucis Moschat. Caryophyl. Cinnam. ana ʒj. Cort. exteriores 12 Aurant. 6 Limon. incis. & contus. affunde vini albi, & Canarini ana lib. iiij. destil. organis communibus, liquor totus misceatur, & edulcoretur cum saccharo perlato: inter destillandum Alembici capitulo suspendatur nodulus ex Ambræ gris. ʒj. Mosch. ʒss.

℞ Tinct. Antimonii, vel balsami Tolutani. ʒj. <sup>Tinctura.</sup> sumantur gt. 15. ad 20. mane horâ nonâ & quinta p. merid. in cochl. Aq. præscrip. superbibend. ejusdem ʒiij, seu potius mane superbibatur haustus Tea vel Coffee vel Chocholat. ex decocto salviæ paratus.

Paulo ante Prandium, fumatur haustus vini Xerensis.

Quando hæc aliquamdiu usurpata intermittere visum erit, sequentia eorum vices subeant.

Loco sp. Electuarii sequentis dosis vespere & primo mane fumatur cum aq. destil. aut cum vino viperino.

℞ Cort. Citri humide condit. ʒiiss. Myrobal. con- <sup>Electuarium.</sup> dit. ʒj. nucis moschat. Zinzib. condit. ana ʒiiss. Consec. de Hyacintho, Alcherm. ana ʒiij. Margarit. pr. coral. rub. pr. ana ʒiiss. cum syrupo de succo chermes, f. Elect.

Pro potu ordinario bibatur, alla medicata juxta modū <sup>Alla medicata.</sup> sequentem parata, viz. doliolo iiij. Congiorum indatur sacculus sequens.



℞ Gallum vetulum semicoctum, & minutim incisum, folior. Salviæ, linguæ cervinæ siccat. ana M. ij. Dactylos incis. numero 6. rasuræ sassaphras ℥ij. incis. & contus. misce, f. sacculus post fermentationem indendus.

2 Intentio secunda.  
Humorum Emendatio.

2. Intentio secunda, spirituum & sanguinis dyscrasias, aut depravatas indoles emendandas suscipiens, iisdem remediis, quæ in Affectione hypochondriaca & melancholia conveniunt, perficitur; quare ex Affectuum istorum Therapeia olim à nobis tradita, præscriptionum formulæ huc referri possunt.

3. Intentio tertia pororum Alteratio.

Quæ optime perficitur cæli mutatione.

3. Circa intentionem tertiam, quæ ad poros cutis rite conformandos, debitam quoad vestitum, aera, & focos, victus rationem instituit, medico haud multum relinquitur. Nam affecti sese, & vires suas juxta propriam Imaginationem metientes, ita se vestiunt, intra cameram velut claustrum obfirmant, lecto, aut foco indulgent, quemadmodum ipsi, à genio suo, nullis amicorum aut medici præceptis auscultantes, ducuntur. Quicquid circa res illas alii consulant, isti experientiam suam, & indicationem à juvantibus, & lædentibus sumtam objicientes, plerumque repudiant. Consilii ratio, quæ ab illis accipi, & juvare solet, fere unica est, uti Cælum, & Solum (unde non raro Animum quoque) mutant. Nam ædibus clausis, aut cubili quantumvis addicti, ad regiones externas, ubi Auram calidiorem, & magis serenam spirant profecti, vix credibile est quam brevi convalescunt. Hæc de Diapnoe perversa, sive depravata. Cujus affectus Theoriam ideo plenius tradimus, quoniam ab aliis intactus relinquitur: nunc, unde digressi sumus, ad Diaphoresin nimiam revertamus.

Sudationis species tertia quæ per se morbus est.

Restat adhuc Tertia pathematis hujus, nempe sudationis immodicæ species, quæ non uti prioribus morbi alterius



alterius præsentis, aut prægressi symptomata, aut effectus est; verum ipsa primo incipiens, aut per se morbus est, aut affectionis morbidæ parens existit. Ad primum censum præcipue spectat sudatio ista pestilens, apud nostrates olim endemia, proindeque per totum orbem sudoris Anglici nomine insignitus, in cuius Ætiologiam mox inquiremus. Cæterum ut de sudore sanguineo, nigro, aut cæruleo, foetido, aut suaveolente (quorum mentio ab Authoribus fide dignis facta est, & quorundam ex iis Typi observationi nostræ quandoque occurrerunt) nihil hic dicamus; sæpe advertimus quosdam sine causa manifesta, in ἐφιδρώσεως habitum incidisse, & deinde evacuationem istam indies adauctam, non raro in immensum excrevisse; in tantum, ut totius corporis humiditates in sudorem profundi viderentur. Et quidem haud mirum est affectionem hanc semel inceptam quotidie augere; nam multum aut crebro sudantes, valde sitiunt, proindeque immaniter bibunt, atque dein quo plus bibunt, eo magis sudant; adeoque reciproce bina istæ, causæ & effectus vices gerunt, & longa serie se mutuo producant. Vivit adhuc in hoc regno Domina illustris, jam à multis annis ob ἐφιδρώσιν im-

*Ejus Historia notabilis.*

mensam, seu potius stupendam celebris, quippe singulis noctibus non solum linthea, & lecti contenta quæque madefacit, seu potius inundat, sed insuper in pelvim femoribus suppositam meri sudoris plures unciae, immo juxta vulgi famam, plures libræ extillant; interea necesse habet ob sitim continue urgentem paulo uberius potum ingerere; à quo uti vires instaurantur, ita sudatio perennatur. Admirandi hujusce affectus historiam tum à multis fide dignis, tum à proprio Dominae laborantis ore (etsi nunquam pro valetudine ejus recuperanda consulerer) accepi. Cepit tamen à pluribus medicis remedia, diversimodas circa victum, & non naturalium regimen methodos tentavit, Acidu-

las.



*Ætiologia ejus.*

las cujusque fere generis bibit, Regionum exterarum, & imprimis Galliæ auram experta est; verum his omnibus invitis Insignissima Domina stillicidio hoc perquam molesto etiamnum laborat. Quandoquidem quæ circa hujus morbi initium, progressus, & alterationes contigerunt, quæque à juvantibus aut lædentibus observanda fuerunt, mihi nondum innotuere, & solummodo eam semel videre, & in transitu tantum colloqui dabatur, non facile erit casus hujus Ætiologiam tradere: utcumque suspicari fas est, in hac, sicuti in aliis naturæ instantiis, sanguinis serum promte nimis abscedere aptum, relictis per renes, lymphæductus, glandulas, aliisque excretionum ordinariis viis, hanc per poros cutis primo occasionaliter cœptam, & postea habitudine quadam facilitatam deinceps affectasse, & constanter observasse; cui forsan accedat, quod salis fluidi in sanguine, & succo nerveo præpollentia sanguinis fusionem perennem, serique secretionem uberio-rem efficiat. Ad morbum hunc sanandum, quando nunc habitu diuturno confirmatus, simulque naturæ oeconomia ab eo penitus inversa fuerit, nescio an remedia quævis, aut medendi methodus quicquam prodes- sent. Mihi certe nulla, cum forte quondam eam al- loquerer, proponere visum erat. Si magnum illud pro diapnoe vitiata remedium, sc. aeris mutatio repe- tenda foret, non amplius Gallia, verum Dania potius aut Suecia adeantur.

*De Sudore An- glico.*

Appositum ad hanc rem esset de sudore Anglico apud nostrates tum domi, tum foras olim endemio, & funesto admodum, parumper hic differere. Verun- tamen cum morbus hic intra seculum haud conspectus fuerit, atque Typum ejus solummodo ex aliorum scri- ptis cognoscere datur, non licebit circa naturam, & causas ejus hypothesin quamvis contexere, sed, post hi- storiam ex Authoribus descriptam, commentarii loco, conjecturas nostras proponere. Sudor



Sudor Anglicus cœpit Anno 1485. circa initium mensis Augusti, duravitque usque ad finem Octobris: & quamvis Sennertus dicat, hoc malum deinceps 40 Annos regioni huic familiare, & perpetuum fuisse, tamen Nostrates & Medici, & Historici, qui tunc aut prope ea tempora vixerunt, eum perfecta, & magna intervalla habuisse observabant; cumque 66. annorum spatio solummodo quater redierit, viz. 1506. 1517. 1528. 1551. vix unquam supra sex menses desæviisse, & nonnunquam spatio trimestri terminatum fuisse, eumque, tempestatem valde humidam semper præcedaneam habuisse. At vero singulis, quibus increbuit annis, maximas ubique edidit mortalium strages; ut ab unoquoque ejus regno, quibusdam in locis tertia pars hominum brevi desideraretur. Tanta fuit ejus malignitas, ut, quamprimum urbem aliquam invaderet, singulis diebus quingentos, aut sexcentos occuparet, & ex ægris primo vix centesimus evaderet. Morbi Typum à Sennerto compendiose, & methodice descriptum, etiam nostris Autoribus consonum hic inferere visum est. Morbo hoc correpti statim sine bubone, Carbunculo, exanthematibus, languore dissolvebantur, & animo deficiebant cum summo virium languore, inquietudine, καρδιασμία, capitis dolore, pulsu crebro, celeri, inæquali, cordisque palpitatione maxima; sudore vero diffluebant perpetuo, & copioso, qui non finiebatur, antequam morbus solveretur, quod intra 24. horas contingebat. Nam qui sudorem non proliciebant, neque cardiacis utebantur, & qui impatientius calorem ferebant, auramque frigidam captabant, ii omnes subito intra 24. horas moriebantur. Postea ubi morbi hujus ratio innotuit, ut ægri sudores elicerent, ac Cardiacis se munirent, pauciores moriebantur. Sen. de feb. lib. iv. cap. xv. Circa curationem paulo accuratius scribit Polydorus Virgilius: Post agrotantium plurima experimenta & observationes,

Morbi Historia.

Morbi Typus.  
Ex Sennerto.

Curatio describitur.



Ex Polydoro  
Virgilio.

tiones, à Juvantibus, & lædentibus factas, ita usu venit, ut remedium unicuique promptissimum inventum sit, quod hujusmodi est. Si quis interdum sudore corripiebatur, cum vestitu protenus cubatum eat; si nocte, & in lecto, tum quiescat, nec se à loco moveat, usque ad 24 horas exactas; interim ita se stragulis oneret, quo non provocetur sudor, sed sua sponte molliter stillet, cibi nihil capiat, si tam diu famam tolerare possit; neque plus potionis consuetæ, ac calfactæ hauriat, quam modice satis sit ad sitim extinguendam; inter hanc curationem imprimis caveat, ne manum quidem aut pedem suum refrigerandi, recreandique causa extra stragula proferat, quod facere lethale est. Addunt alii toto isto nycthemeri spatio à somno prorsus abstinendum fuisse. Affectus iste, quia tam brevi intervallo, in vitam, aut mortem terminari solebat, à medicis plerisque febris Ephemera dicta fuit. A sudatione hac pestilenti recuperati postquam aliquamdiu fani perstitissent, quandoque in eam rursus, immo interdum vice tertia, incidebant.

Ætiologia ejus  
inquiritur.

Ex hisce Phænomenis, ut diri hujus pathematis Ætiologiam tradere præsumamus, Imprimis suspicari fas sit, ἐφιδρώσεως istius pestilentis rationem formalem simulque causam conjunctam in eo consistere, quod sanguis materiæ cujusdam malignæ, sive venenosæ occursum infectus, proindeque statim in crasi dissolutus, inque ferositates fusus, propter mixturæ istius virulentæ citissimam expulsionem, illico in sudationem, utpote universalem simulque amplissimum excretionis modum exsolveretur; qua quidem ἐκκρίσει si forsan contigerit particulas omnes venenatas illico foras propelli, morbus brevi in salutem, secus vero frequenter in mortem terminabatur.

At vero hic inquirendum sequitur, utrum materies ista maligna in sanguine primo gignatur, vel annon aliunde in ipsum suffundatur? Si prius dicatur, supponendum



dum erit cruoris massam, quemadmodum in peste, ob malignam Anni, & aeris constitutionem, diathesin <sup>συμπε-  
δωμένη</sup> acquisivisse; quæ postea aut sponte, quatenus ad plenitudinem evecta sit, aut per contagium, velut accensa in turgescientiam periculosam, & sæpe corruptivam erumperet: quo minus in sudatione istac maligna <sup>Causa primaria</sup> rem ita habere suspicer, hoc imprimis facit, quod nulla sanguinis corrupti, aut multum vitiati signa, ante, vel in paroxysmo, vel post ipsum occurrerent. Præterquam enim quod febris hæc haud valde intensa maculis, exanthematis, bubonibus, aliisque sanguinis venenati aut plurimum effervescentis indiciis careat; insuper nycthemeri spatium terminatur: quod vix unquam evenire solet in affectibus intra massam sanguineam altius radicatis.

Quamobrem existimare potius adducor, morbi huius labem, in liquore nervæo primitus fundatam, exinde in cruorem, dum <sup>ἑφιδρώσεως</sup> istius malignæ tragoedia peragitur, communicari. Videtur enim quod humor iste, fibras omnes totius corporis irrigans, & spirituum animalium ubique vehiculum existens, propter Anni intemperiem, à crasi debita, nempe à spirituo-salino-volatili desciscens, versus indolem acetosam, aliamve plus vitiosam, & demum malignam degenerarit; cumque is ad depravationis statum illum pervenerit, ut vel sponte, ob plenitudinem, vel propter contagii fermentum excitus, turgescientiam sive fluorem conceperit, è partibus istis irritatis excussus, inque massam sanguineam redundans, hanc illico totam venenet, compagem ejus dissolvat, inque effervescentiam, illius mox expellendi gratia, maximopere eccriticam incitet. Hinc sudores ( quoniam hæc excretionis via tum proxima, tum amplissima est ) copiosi erumpunt; quonaturæ nisu extremo si forsan accidat virus totum è sanguine in habitum corporis remandari, indeque per



*ἐφιδρωσιν* universalem, & aliquamdiu continuatam prorsus ejici, brevi salus, velut sudum post nubes penitus discussas, effulget; sin vero à fermentatione ista, & *ἐκκρίσει* nifu, in quam sanguis miasmatis maligni expellendi causa excitatur, particulæ venenosæ non subito, nec in totum ejiciantur, cruoris massa tum quatenus sero orbata, tum crasi pessundata, ad flammam vitalem amplius prorogandam inhabilis evadit.

*Symptomatum rationes.*

Ex his non difficile erit symptomatum causas & curationis ejus Empiricæ rationes assignare. Nam quod morbo urgente, aut circa primum ejus insultum, antequam febris accendi videbatur, languor statim insolitus, Animi defectio, summa virium prostratio, capitis dolor, cordis palpitatio, cum pulsu crebro, celeri, & inæquali, aliaque nervosi generis pathemata laborantes infestabant; indicio erat, partes nerveas, prius sanguine affici, ab iisque malum illud originem suam ducere.

2. Cum sudor copiosus (qui & symptomaticus, quandoque etiam criticus erat,) circa febris hujus principium, fecus ac in plerisque aliis, exoritur; ratio est, quod latex morbificus, è fibris, & partibus nerveis in massam sanguineam redundans, exinde statim à primo ejus appulsu rejicitur, nec diutius in sanguine morari, aut intime permisceri sinitur. Enimvero, in statu non admodum invaletudinario, liquor Nerveus cum Sanguineo vix unquam congruit: quare si quando iste per vices quasdam in hunc regurgitet, mox iterum excutitur; & priusquam tinctura lixiviali inficitur, per renes amandatus, urinæ limpidæ profluvium excitat; quod quidem in affectibus spasmodicis sæpius evenire

*A simili causa, ex qua hic morbus, dysenteria incruenta, & Diabetes oriuntur.*

advertimus. Sin liquor nerveus degener, aut depravatus in sanguinem continuo refluit; modo Dysenteriam incruentam, qualem supra descripsimus, modo Diabeten, prout prius ostendimus, producit. Cæterum

rum



rum propter ejusdem humoris restagnationes minores & privatas, tumores cancrifos, strumofos, fcirrhofos, aliofque mali moris exoriri olim evicimus. At vero in affectu, de quo nunc agitur, latex ifte nerveus, fi quidem valde malignus, & peftilens exiftat, fanguinem primo contactu venenat, inque ferofitates per fudorem citiffime amandandas fundit; fecus enim, fi per horas aliquot intra maffam fanguineam manere, cumque ea circulari, & penitus commifceri permittitur, ipfum penitus corrumpit, & plane mortificat: hinc in mendendi methodo ifta, per experientiam crebram inventa, ita fedulo cautum eft, ut primo morbidi infultus momento, laborantes confestim (non opperiendo dum vestibus exuantur, lectoque inferantur) ftragulis cooperti ad fudandum componantur, atque *ἐφιδρωσιν* mox æquabilem in toto corpore excitatam per 24 horas continuent, interim ut nec manum, nec pedem movere, nec cibum aut fomnum capere finantur; hoc eft, nihil omnino agant, quo latex ifte peftilens cum fanguine plus, aut intime magis confundatur, aut quo celeriffima, & totalis ejus exclusio inhibeatur. Quod fi ejusmodi cita, copiofa, & æquabilis fudatio per naturæ instinctum accita, perque medicinam regulata tam diu producat, ut virus totum per cutis poros exhalet, affecti ftatim fine eruptionibus cutaneis, febre lenta, infirmitate diuturna, fudoribus nocturnis, aliifque fanguinis vitiati confequentiis integre convalefcunt. In quantum vero liquor nerveus, poft corruptelas ita expurgatas, rurfus eodem more depravari, & dein, ob plenitudinem aut contagium commotus, è partibus nerveis in fanguinem redundare, ipfumque pariter venenare aptus eft, propterea nonnulli poftquam perfecte convaluerant, ab eodem morbo fecundo, immo nonnunquam tertio, corripiti solebant. Non opus erit medicamentorum formulas in hoc cafu ullas fubjicere; quia

*Recuperati ab  
hoc morbo cur  
eidem rursus ob-  
noxii funt?*



totum Curatius negotium, fere tantum à recta Ægrotantium tractatione, five administratione dependet. Cæterum valde ἀποσολύουσα esset, pharmaciam, ac methodum præscribere contra morbum adeo insolitum, quem speramus nunquam rediturum; & si forsan olim aliquando redierit, incertum est, an eadem rursus medendi ratio in omnibus observari debeat.

## SECT. V.I.



## SECT. VI. CAP. I.

## De Medicamentis Cardiacis &amp; Alexiteriis.

**I**N veteri medicina, etiamque in nostra adhuc vulgari & Empirica, quam mulierculæ & Agyrtæ passim exercent, medicamenta dicta Cardiacæ & Alexiteria communissimi semper usus & maximi fuerunt census. Horum simplicia numerosissima habentur, eorundem compositiones Dispensatoriis quibusque tum Antiquis tum modernis molem addunt, & fere cunctas implent paginas: quod vero ad effectuum rationes & operandi modos spectat, Viz. à cuiusmodi particulis eorum virtus dependet, & quali aut cordis aut sanguinis vel spirituum vel aliorum humorum affectione potentias suas exerunt; super his, inquam, nihil uspiam, quod animo veritatis avido satis faciat, à Medicis aut Philosophis dictum reperio. Ad explicandas Cardiacorum virtutes non, uti in reliqua pharmaceutice, qualitatibus manifestis & sensibilibus insistitur; verum ad occultas, & específicas, immo ad totius substantiæ actiones recurritur: interim si res attente consideretur, ejusque Ætiologia vera & genuina eruatur, facile constabit, ipsam remedii cardiaci notionem omnino perperam institui, atque errorem vulgarem esse.

*Cardiacæ & Alexiteria, communissimi semper usus fuerunt.*

Remedia Cardiacæ ejusmodi habentur, quæ cordi quovis modo laboranti succurrant; quare passim ab Autoribus dicuntur hoc cor insigniter confortare, illud cor ab omni putredine illæsum præstare, quinimo alia cor imbecillum, aut oppressum relevare, tremorem, aut deliquia ejus sanare, ipsumque à corruptione præservare. Porro, quoniam in Peste, variolis, & febribus malignis cor veneno, aut malignitate correptum aut obsessum esse creditur; idcirco remedia, quæ in morbis

*Illorum Attributa vulgaria.*



morbis istis juvare solent, non simpliciter Cardiacæ, sed Alexiteria, & Alexipharmaca dicuntur.

*Unde remedia  
quæ vitam tu-  
entur Cardiacæ  
appellata.*

Hæc de medicamentis tum Cardiacis tum Alexiteriis opinio inde exorta videtur, quatenus olim putabatur, & etiam vulgo creditur cor vitæ omnis, & caloris principium esse, & proinde salutem, aut mortem nostram, ab immediata illius affectione pendere: hinc quæcunque animam recreant, atque nos vividos, & alacriores faciunt, illud agere creduntur, quatenus cordi benigna & amica sunt; & è contra alia mœrorem & melancholiam inducere, quatenus cordi inimica, & incongrua existunt.

*Hæc non proprie  
in cor,*

Verum enimvero cum alibi satis fuisse ostendimus vitæ subjectum minime cor, sed imprimis & fere tantum sanguinem esse, ipsamque Animam (à cuius existentia, & actu in corpore, vita dependet) partim in sanguine, partimque in spirituum animalium aggerie fundari, facile sequetur remedia, quæ vitam integram conservant, aut periclitantem instaurant, hæc animæ partes, nempe sanguinem, & spiritus animales potius & immediatius, quam cor respicere. Hoc enim non viscus nobile & princeps est usque adeo uti perhibetur, sed merus musculus, carne tantum & tendinibus more cæterorum constans, & sanguini circumpellendo interveniens: quoties autem ab hoc munere rite peragendo deficit, aut delinquit; hoc non propria ipsius culpa, sed aut sanguinis, aut spirituum animalium, quibus actuat, vitio contingit.

*Sed in sangui-  
nem & Spiritus  
Animales agunt.*

Itaque ut medicamentorum, quæ Cordialia dicuntur, rationes & operandi modi innotescant, considerare oportet hæc duo; sc. primo quot, aut quibus præcipue modis; sanguis aut quoad accensionem, aut quoad missionem suam perperam habens, & non raro periclitans, subsidia, quibus præservetur aut emendetur, medica requirat. Secundo quo ritu ob defectum aut delictum

in



in regimine animali cor à debito motu impeditur, aut pervertitur, & propterea medicamenta, quæ spirituum copias adaugeant, & rectius componant, indicantur.

Quoad prius sanguis, respectu accensionis suæ, aut deficit, aut excedit; & utroque respectu, medicamenta *Quomodo in sanguinem.* diversimoda, nempe calida, aut frigida, ceu velut oleum, aut aqua requiruntur; & propterea vulgo Cardiacæ appellantur, etsi cor non omnino afficiant. Nam licet ab iis assumptis sæpenumero cordis motus alteratur, & proinde pulsus statim crebrior aut tardior, fortior aut debilior evadat; attamen hoc ideo fit, quia cordis motus, omnino à spirituum animalium influxu dependens. (miro inter utramque animæ portionem consensu, & συμπαρέχει,) juxta sanguinis accensionem, exactissime proportionatur: quare prout sanguis à pharmacis ingestis effervescentiam sive æstum suum intendit aut remittit, è vestigio spiritus animales, qui cor agitant, conditioni ejus ad amussim obsequentes, cor ocius, aut tardius vibrare faciunt; dein, si ab eodem medicamine spirituum animalium systasis efficitur, propterea item pulsus magis, aut minus fortis, aut vehemens efficitur; cum interim istius medicamenti virtus haud magis ad cor ipsum, quam ad manus, aut pedes, aut ad musculum quemvis alium pertingat. Itaque ut cardiacorum, quibus sanguinis enormitates sanantur, classis prima rite instituatur, perpendere oportebit, quot, & quibus modis liquor ejus tum quoad Accensionem, tum quoad Crasin suam perverti aut depravari solet, dein cujusmodi remedia Cardiacæ vulgo habita, pro quibusque ejus vitiis requiruntur.

*Sanguis peccat quoad accensionem & quoad crasin.*

Primo igitur sanguis interdum non satis accenditur, nec cum vigore circulatur, prout observare est in multis languidis, sc. ab ægritudine diuturna decumbentibus, aut hæmorrhagias magnas, aliasque evacuationes immoderatas



1. Quando minus debito accenditur.

moderatas passis, aut senio confectis; quibus utique cum pulsu debili, & viribus prostratis, extrema ut plurimum frigent, & pallent: quorum ratio est, quod cruor ob particulas sulphureas nimis absumtas, & depressas, fere vapidus & effoetus evasit; proindeque parce admodum, & minute in pulmonibus accenditur: cui sæpenumero accedit, quod regimine animali etiam fatifcente, cor pleniore spirituum influxu destitutum, sanguinem, quo vegetius effervescat, & accendatur, non satis exagitat.

Quæ remedia indicantur.

Remedia in hoc casu adhibenda sunt vina generosa, Aquæ ardentes, aut mitiores cum aromatis destillatæ; pulveres, species, & confectiones Aromaticæ; olea & spiritus chymici; Tincturæ, Elixires, aliaque particulis sulphureis & spirituosus prædita; quæ nempe sanguinem exagitent magis, eumque magis inflammabilem, & turgidum reddant: cumque eadem simul spiritus animales exuscitent, & confortent, propterea cor vegetius & fortius pulsare faciunt. Horum formulæ in calce hujus capituli subdentur.

2. Quæ item quando nimis accenditur.

Secundo sæpenumero sanguis ob particulas sulphureas nimis solutas, & in effervescentiam actas, plus debito accenditur, ac calorem nimis intensum, & valde molestum in toto corpore dispergit: quapropter, ut iste ita plurimum rarefactus, & efflagrans, intra vasa contineri, simulque eventilari possit, cor vehementer, & celeriter pulsans sanguinem magno labore & nixu circumpellit: idcirco in hoc casu remedia cardiaca frigida, & attemperantia, quæ sanguinis fervorem restinguant, & sedent, simulque spiritus animales, quo magis ardua nunc vitæ pensa præstare possint, blande refocillent, adhibere oportet: in quos fines aquæ destillatæ Borraginis, Melissæ, florum paralyseos, Calendulæ, Tunicæ totius citri, nec non syrupi, & conservæ e floribus & foliis ejusmodi vegetabilium, succus acetosæ,



tosæ, citri, Aurantii, Chryſtallum minerale, & ſimilia ex uſu eſſe ſolent; quibus opiata ſæpiſſime cum fructu adjunguntur; nam cordis impetu nonnihil refrænato, ſanguis efferveſcentiam ſuam facilius, ac citius remittit.

Hæc ſunt Cardiacæ ſimpliciora, quæ unicam intentionem, nempe flammæ ſanguineæ elationem, aut depreſſionem efficere designantur. Verum inſuper, ſanguis haud ſolummodo quoad accenſionem, ſed etiam miſtionem ſive craſin ſuam depravari, & diverſimode perverti ſolet. Attamen non ſtatim quibuſlibet dyſcraſis ejus Cardiacæ exiguntur, ſed tantum iis, quæ in febris excitatæ, cum ſubitæ ac immanes fuerint, maſſæ ſanguineæ corruptionem totalem minantur.

1. Sanguis febriliter efferveſcens, duobus præcipue modis quoad craſin ſuam periclitatur: nempe aut miſtionis vinculum nimis ſtrictum exiſtit, proinde ut particulæ omnes ita inter ſe complicentur, ac mutuo combinentur, ut inutile & excrementium ab utili, & tenue à craſſo, nequaquam extricari, aut ſecerni queat; prout in febris quibuſdam continuis, & putridis accidit; quæ licet parum aut minime ſint malignæ, quia tamen per ſudorem, aut diapnoen judicari nequeunt, quandoque in mortem terminantur. Quare in hoc caſu pro Cardiacis exhibeantur, quæ ſanguinis compagem reſerant, & aperiunt, proinde ut latex ſeroſus cum recrementis aliis, à reliquorum concretione abſcedere, & amandari poſſit.

2. Sanguinis craſis alio inſuper, & plane diverſo, modo in febris ſubverti periclitatur, proindeque remedia aliufmodi Cardiacæ, viz. Alexipharmaca, ſive Alexiteria indicantur. Enimvero ſæpe accidit compagem ejus à particulis heterogeneis, aut intra proprium ſinum genitis, aut illic aliunde ſuffuſis laxari nimis, & quoad craſin dirimi, proinde ut miſtionis vinculo com-

H h

muni

2. Sanguis quo-  
ad craſin ſive  
miſtionem pec-  
cans tantum in  
febris Cardia-  
ca exigit, & tunc

In compage ſua  
aut nimis ſtri-  
ctus eſt

Aut nimis ſo-  
lutus.



muni soluto ubique in partes secedatur; atque dein sanguinis coagulati, aut extravasati, & stagnantis portiones hic, illic defixæ putrescant, & corrumpantur; & demum liquor totus sanguineus in tantum vitietur, ut non amplius ad flammam perennandam, aut ad spiritus Animales in cerebrum extillandos idoneus existat: quamobrem tunc necesse erit functiones omnes sensim fatiscere, & denique vitam perire.

*Vitium ejus posterius quæ remedia exigat.*

Cardiaca, in hoc casu maxime requisita, ejusmodi particulis constent, quæ in sanguinem tractæ, cumque eo circulatæ, indomabiles usque, simulque benignæ persistent; quare dum massæ sanguinæ poros omnes, & meatus subeunt, particulas alteras malignas ubique exagitant, à concretionibus suis divellunt, & demum aut subigunt, aut foras expellunt. Cumque adeo sanguis à mistione istac venenosa liberatus, simulque à coagulationibus quibusque privatis expeditus, in particulas rursus minimas, & elementares dirimitur, mistionem suam pristinam, & brevi salutiferam recuperat.

*Viz. Alexiteria.*

Profecto ut melius constet, quo ritu Alexiteria sanguinem, & succos corporis nostri, ab afflatu pestifero conservant, aut eo jamjam tactos à corruptione vindicant; considerare oportet quomodo alii liquores putrefactioni obnoxii diu præservari, aut ea correpti de novo restitui possint. Itaque de Cervisia observare est, eam, ex sua natura cito coalescere aptam, florum lupuli incoctione durabilem effici: quinimo aquam communem, cum alias brevi putresceret, vegetabilium amarificantium (cujusmodi etiam Alexipharmaca existunt) coctione aut infusione imprægnatam, diutius illibatam persistere: præterea herbarum succos, & liquores quosdam alios jamjam putidos, si modo sulphure accenso fumigantur, pristinum vigorem recuperare: insuper vina, cervisiam, aliaque potuum genera fere vappida, & exoleta, per fermentationem in iis de novo concitatam

*Quomodo hæc sanguinem à putredine vindicent.*



tam sæpius reviviscere. Quorum ratio est, quod si-  
quidem rei cuiusque corruptio in particularum elemen-  
tarium exolutione, & mutuo ab invicem decessu confi-  
stit, quicquid eas ad fugam, & confusionem tenden-  
tes, adhuc in motu & perfecta mistura detinet, concre-  
tum istud usque factum tectum præservat. Porro si-  
quid Elementa ab invicem soluta & mutuo decessura,  
denuo simul cogit, inque novam fermentationem susci-  
tat, putredinem, licet inceptam, à concreto arcet, ei-  
que constitutionem rursus firmam conciliat. Hujus-  
modi alterationes, & à corruptione vindicias, liquori-  
bus ab arte paratis induci, cuivis è plebe notum est. Et  
quidem in peste, & morbis malignis, Alexipharmaca  
eundem effectum præstare videntur. Hæc enim sæ-  
pius assumpta, quatenus sanguinem continue exagitant,  
inque fermentationem altiore cogunt, non obstante  
*μιασματων* noxiorum influenza, mitionem ejus inte-  
gram conservant; quinimo post malignitatem impres-  
sam, atque sanguinis crasin prædicto modo laxari, &  
solvi inceptam, ejusmodi remedia usque ad diaphore-  
sin promovendam exhibita, quatenus labis susceptæ mi-  
asmata decoquunt, & fermentationem novam alteri  
corruptivæ oppositam inducunt, sæpenumero luis pe-  
stiferæ impetus, aut impressiones obliterant. Hujus-  
modi pharmacorum Alexiteriων species & formulæ in-  
ferius subdentur.

Interim, quod spectat ad Cardiacæ istæc altera, à qui-  
bus nimirum sanguinis effervescentis compages nimis  
constricta laxatur, & pro materia febrili, aliisque recre-  
mentis manumittendis aperitur; ut horum *δυναμεις* & o-  
perandi rationes melius innotescant, huc referri debe-  
rent, quæ superius circa Diureticorum & Diaphoreti-  
corum *επεργειας* protulimus. Enimvero medicamina ista  
Cardiacis quibusdam valde affinia sunt, immo inter-  
dum usus communis, aut reciproci existunt; in quan-

*Cujusmodi car-  
diaca in sangui-  
nis compage ni-  
mis stricta indi-  
cantur.*



tum sanguinis crasis vitiata interdum relevari nequit, nisi prius referata ejus compage, seroso latici, per renes aut cutis poros amandando, exitus patefiat. Singulos hosce medendi scopos Salina potissimum exequuntur. Nam, prout olim sæpius notavimus, corporis cujusque tum liquidi, tum solidi apertio clave fere tantum salina perficitur.

*Ea potissimum  
salina sunt, ac  
diversi generis.*

Quomodo ob varias salinorum infusiones lactis coagulatio, atque ab eo statu reductio, aut inhibitio præstantur, & quantum ἀναλόγως in sanguine hæc fiunt, in capite de Diuresi per experimenta declaravimus: quemadmodum in lacte, aut sanguine fluido, pariter in metallis fixissimis, aliisque mineralibus res habet. Etenim concretio sive compactio fere omnis à Sale unius generis, dissolutio à quodam alterius, qui salem primum in complexus suos rapit, & dein præcipitatio fit à sale quodam status diversi, qui priorum combinationes destruit: hæc omnia tam clare, & fuse supra exposuimus, ut non opus sit hic repetere. Quod itaque salina Cardiacis haud minus quam Diureticis & Diaphoreticis accensemus, ratio eadem est in omnibus: restat modo, quæ hujus generis ad censum illum pertinent præcipuas species, & operandi rationes & Ætiologias breviter designare.

*1. Cardiacæ salis  
volatili prædita.*

1. Itaque in primo ordine sese offerunt, & plerisque aliis facile palmam præripiunt Cardiacæ salis volatili prædita, uti Spiritus C. C. sanguinis, salis Armoniaci compositi, viz. cum succino, Theriaca, radicibus serpentariæ virginianæ, aliisque Alexiteriis destillati; item, quod nuper Doctoris Medici ad sectam Empiricam transmigrantis medicamentum unicum & universale fuit, Spiritus craniorum è sepulchris effossorum. Huc etiam sal viperarum, item pulvis Bufonum clause calcinatorum (quem olim in febre pestilentiali Oxonii An. Dom. 1643. Epidemica celebrem & valde proficuum novi)



novi) cum multis aliis referri debent. Hujusmodi remedia multos ab ipsis sepulchri faucibus revocarunt: & quidem respectu vario, & multiplici, sæpe juvamen præstant; viz. imprimis quatenus salis, aut fixi, aut acidi occurrendo, eosque in amplexus suos rapiendo sanguinis ab effervescencia febrili nimis inspissati, & constricti massam aperiunt, adeoque materiæ morbificæ separationem & excretionem promovent; tum insuper quod spiritus animales relevant, atque segnes ad munus suum defungendum exuscitant; quibus accedat, quod in febribus malignis pharmaca hæc materiæ morbificæ particulas venenosas subigunt, & non raro extinguunt.

2. Secundus inter Cardiacæ salina locus, remediis <sup>2. Quæ sale Alchali sive petrificante pollent.</sup> fale alchalisato sive petrificante præditis, jure debetur; hæc enim vulgo Cordialia maxime insignia habentur. Hujusmodi nimirum sunt lapis Bezoar, Margaritæ, Corallia, os è corde Cervi, & cornu ejusdem, pul. eboris, oculi & chelæ Cancror. aliique pul. lapidei, & testacei; quos sæpenumero cum fructu exhiberi communis experientia testatur: atque juvaminis ratio in hoc consistere videtur, quod salis alchali particulæ in medicamento, salis acidi intra corpora nostra particulis occurrunt, & mox intime cohærent, eorumque proinde efferationes, & quascunque alias combinationes iniquas destruunt. Hujusmodi Cardiacorum classi Bolus Armena, terra Lemniæ Sigillata, aliaque crætacea etiam merito accensentur; non ideo tamen, quod cordi laboranti (uti vulgo perhibetur) succurrunt, sed quatenus salis acidi aut fixi, aut in visceribus, aut in massa sanguinea, præpollentias destruunt, atque enormitates, ab iis productas, mox sedant, aut corrigunt.

3. Si medicamenta acetosa, sive sale fluido prædita, <sup>3. Quæ sale fluido sive acetosa.</sup> ab hoc Cardiacorum censu excluderem, Medicorum fere omnium, ac imprimis veterum, Autoritas contra me insurgeret. Hæc enim plerisque contra pestilentiam



tiam Alexiteria eximia habentur. Pro curatione febrium malignar. Aceta Theriacalia, & Bezoartica summe prædicantur; quinimo aquas in eum usum destillatas, Acetum, aut acetosa ingrediuntur. Propter eandem rationem spiritus vitrioli, succus citri, Iujulæ, Granatorum, cum multis aliis ejusdem farinæ, in Cordialium, & Alexipharmacorum numero habentur; & quidem jure optimo, quoniam hæc salis fixi cum sulphure adusto combinationes optime dissolvunt, atque efferationes subigunt; proindeque hujusmodi remediis sanguinis coagulationes, & extravasationes, in febribus malignis evenire solitæ, præcaventur sæpe, aut curantur.

4. *Quæ sale fixo.*

4. Propter easdem aut consimiles rationes, quibus salina prædicta, etiam alia quorum basis sal fixus est, Cardiacis annumerantur, aut eorum compositiones ingrediuntur. Quippe cum sales diversimodi in corpore nostro gignantur, illique passim ab uno statu in alterum transeant, hinc propter quamcunque intentionem salina non unius sed varii generis exhiberi debent. Quæ ratione sale fixo sive lixiviali prædita salis acidæ, intra viscera vel sanguinem præpollentis, enormitates tollunt, aut corrigunt, superius ostensum est.

5. *Quæ sale nitroso.*

5. Sal nitrosus jure optimo Cardiacis accensetur, utpote sine cujus particulis cum aere inspirandis vita Animalium non potest subsistere: cæterum hic intus ore assumptus celebre Antipyreuticon habetur, quatenus sitim tollit, atque æstum febrilem valde compescit; quod tamen efficit, non tantum sanguinis missionem, sed etiam ejus accensionem juvando. Alibi ostendimus ad flammam constituendam una cum particulis sulphureis, nitrosas requiri; & quo uberius hæc subeunt, eo clarius, & nitidius ardescere. Quapropter cum materies, quæ maxima ex parte sulphure cum sale, & terra admistis constat, accensa flammam non nisi obscuram cum fumo & fuligine vitiatam emittit; si nitrum adjiciatur,



ciatur, ea mox splendida, & mitis cum candore effulget. Pariter in febribus habere censemus, quando sanguis, fæculentiis adustis refertus, cum calore suffocativo fumigat, potius quam aperte efflagrat, nitri particulæ ore assumptæ, inque sanguinem traductæ, eum mox clarius, & propterea benignius, ardescere faciunt: proinde ut, liquoris compage magis referata, recrementa ejus tum serosa, tum fuliginosa liberius decedant. Quamobrem recte observat Verulamius noster, Nitri particulas tum ventriculo ingestas, tum una cum aere inspiratas, ad vitam nostram & tuendam, & prolongandam plurimum conducere.

Hæ sunt præcipuæ medicamentorum Cardiacorum species, quorum operatio potissimum in massam sanguineam destinatur, cujus nempe compagem, aut nimis strictam, & coctione diuturna inspissatam, nonnihil fundunt, & aperiunt, ut materiæ morbificæ exitus patefiat: vel ea cruorem à mistura heterogenea, & maligna, dissolutum, inque portiones venenatas, proindeque stagnationibus, & coagulationibus corruptivis obnoxias fractum, à putredine vindicant; in quantum sc. Cardiacorum istorum Alexiteriorum particulæ, in sanguinem traditæ, cumque eo inter circulandum confusæ, haud tamen ab eo assimilatæ, aut subactæ, particulas venenatas ubique adoriuntur, easque aut subigunt, vel foras expellunt; proinde ut massa sanguinea malignitate omni liberata, & coagulationibus quibusque extricata, brevi crasin pristinam recuperet. Utraque hæc pharmaca, quatenus sanguinem à corruptione aut extinctione præservant, vulgo Cardiaca, sed proprie magis Vitalia dicantur.

*Remedia prædicta potius vitalia dicuntur.*

Quod si amplius inquiratur, quomodo hæc, aut illa ventriculo ingesta, absque notabili actione, vel passione ibidem excitatis, energias suas fere illibatas tam subito in massam sanguineam transferant: Dico imprimis, pharmaca

*Quomodo hæc ventriculo ingesta mox in sanguinem operantur.*



pharmaca istæ spiritibus Animalibus neutiquam adversari, sed valde congruere; quare ventriculi fibras nerveas, nec in molestiæ sensum, nec in motus excretorios irritant; quin potius spiritus earum incolas in ovationem quandam, sive complacentiam cient; cujus undulatione tota mox Anima latius expanditur. Dein secundo, è ventriculo in sanguinem transitus non, prout olim putabatur, tam longus est, aut per tantas ambages producitur, ut timor sit, ne medicamenti virtus in via amittatur; veruntamen è vestigio, è finibus his, in illos proditur. Nam, prout supra observavimus, interiorē ventriculi tunicam nerveam vasa sanguifera innumera confitissime obducunt, proinde ut pharmaca non solum cathartica, verum alia quæque in præcordia, aut cerebrum, immo in extimam corporis oram destinata, nondum ventriculo egressa operationes suas in sanguinem ordiuntur.

2. *Secundum Cardiacorum genus quæ Spiritus Animales respiciunt.*

Haftenus de Cardiacis ita vulgo appellatis, quatenus sanguinem quoad accensionem, aut mistionem suam, nempe aut alteram, aut simul utramque depravatam restituant, vel ad meliorem crasin reducant. Quorum operatio & virtus cum vitæ periclitanti suppetias ferat, ea (prout innuimus) proprie magis, Vitalia dicantur. Verum insuper medicamina quædam, isto cordialium nomine insigniuntur, quatenus prius, & immediatius in Spiritus Animales energias suas exerunt, adeoque Animæ sensitivæ aut portionem quandam, aut totam hypostasim nimis contractam, depressam, aut alias perturbatam, erigunt, vigorant, & componunt. Et quidem hujusmodi remedia cor ipsum, etsi remotius, quadantenus tamen afficiunt. Quippe cum ab illis exhibitis, tota Anima Sensitiva elevatur, & latius expanditur, etiam Spiritus, Præcordiis destinati, in eadem uberius influunt, & vegetius actuant; proindeque pulsus, prius debilis, aut vacillans, mox fortius vibrat,



vibrat; & sanguis cum majori impetu circumpellitur. Hujusmodi Pharmaca, pro Cardiacis jure quodam habita, quoad Materiam ab alteris vitalibus, sanguinem imprimis respicientibus, haud multum discrepant; immo nonnulla utrique generi communia sunt. Quoad afficiendi rationes posteriora hæc ad duo capita satis apte reducuntur, & quatenus aut Lenia, aut Aspera sunt, eundem scopum assequuntur; ea nimirum, vel spiritus Animales demulcendo, & quasi blande, & moliter palpando erigunt; & confirmant; vel ipsos vexando, atque velut stimulis, ac contis urgendo, in motus citiores, & quandoque magis regulares, cogunt.

*Hæc duplicis  
sunt generis.*

Cardiaca prioris generis quamprimum stomacho ingeruntur, immo interdum ore tantum libata, virtutes suas exerunt, & cum grato appulsu, spiritus in primis viis, siue corporis velut porticu, degentes refocillant, aut instaurant; dein horum continuitate, oratio eadem in spiritus alios, & subinde in alios, successive tradita, brevi per totam Animæ sensitivæ compagem undulat; proinde ut tum cerebrum, tum præcordia pleniore spiritu quasi exultantium influxu irradiata, functionum suarum munia multo vegetius, & alacrius obeant. In hunc finem (cavendo nimiam sanguinis incitationem) faciunt Aquæ vulgo cordiales dictæ, cum vino aut spiritibus vinosis, cumque Aromatis destillatæ, item moschi, & Ambre griseæ præparata. Etiam pulveres Aromatici iisdem commisti. Porro huc spectant coralliorum & Margaritarum magisteria, & tinctura, item elixires, aliaque quamplurima ejusdem farinae, saporem, aut odorem gratum spirantia: hinc etiam suaveolentia, ac visibilia jucunda, quatenus spiritus Animales recreant, Cardiacis annumerantur: quæcunque enim spiritus, Sensorii cujusque præsides, blande afficiunt, & delectant, mox totam Animam erigunt, & amplificant. Interim alia hujus census Cardiacæ, sine magna spiri-

*1. Blanda &  
Spiritus demul-  
centia.*

*Cujusmodi effe-  
ctum cient aut  
mox in visceri-  
bus aut sensorius.*



*Aut demum in-  
tra ἐγκέφαλον.*

tuum in vestibulo consistorum affectione, immo primis viis, & massa sanguinea fere insalutatis, intra ἐγκέφαλον primo operari videntur: cujusmodi sunt Cephalica quædam ita dicta, quæ cum palato aut ventriculo minus grata sint, & cruorem vix fermentent, aut exagitent, tamen cerebrum illustant, ejusque incolas spiritus animales exacuunt, & corroborant. Hujus indolis videntur esse Salvia, Betonica, Rosmarinus, Verbenæ, cum multis aliis.

*2. Aut Cardiacæ  
istæ sunt aspera  
& irritantia.*

2. Medicamenta quædam alia, & Administrationum genera (quæ non immerito Cardiacis accenseantur) modo longe diverso operantur, & ob rationem prorsus aliam juyamen præstant: ea nimirum spiritus Animales non blande demulcent, & æquabiliter expandi faciunt; verum irritant potius, & huc illuc excurrere, & efferri cogunt; cum nempe ob finem, ut, cum ipsi, prius inordinate habentes, & inæqualiter dispersi, in quibusdam locis densius, inque aliis tenuius scaterent, proindeque functionum suarum munia quædam, ac potissimum intra cerebrum, aut præcordia intermitterent, aut perverse agerent; optimum tunc remedium est, ut à pharmaco ingrato perturbentur, & exagitentur magis: propterea namque illi tanquam à loris inflictis exuscitati, & velut flagellati, ἀπὸ πρὶν priores relinquunt, & sponte sua in ordines regulares redeant. Ita namque usitatum est in lipothymia, syncope, cordis oppressione, aut spasmo, immo in quibusque fere aliis spirituum deliquiis, languoribus, aut Anomaliis, aut spiritum C. C. fuliginis, Salis Armoniaci, aut tincturam Castorei, vel Asæ foetidæ, cum aliis liquoribus propinare; hæc, & similia, uti imprimis sales volatiles, & olea chymica empyreumatica, naribus admoveere; porro in subitis Animæ defectionibus, faciei aquam frigidam inspergere, nares convellere, corpus valde concutere, & non raro alapam infligere expediat. Hujusmodi Administrationes le-  
vamen

*Quæ spiritus ve-  
lut flagellando,  
in ordines co-  
gunt.*



vamen conferunt, quatenus spiritus Animales oppres-  
sos, vel distractos, vel à proprio munere aliud agentes,  
exuscitant, ipsosque dein expansos, ac velut in aciem  
conscriptos, ad pristina officia sua jubent. Quod vero  
nonnulli iuvamen illud inde procedere existimant, in  
quantum sanguis, in cursu suo impeditus alicubi, ac  
præsertim intra præcordia stagnans, prædictas affectio-  
nes parit, illisque remediis, & administrationum mo-  
dis in motum vindicatur; dico pathematum istorum,  
& causam, & curationem secundario tantum, & media-  
te à sanguine pendere; primitus vero, & sanguinis sta-  
nationem, à cordis motu animali impedito procedere;  
& non, nisi ab hujus restitutione, illius impedimenta  
tolli. Recensitis nunc variis medicaminum pro Car-  
diacis habitorem speciebus, eorumque in Sanguinem,  
aut Spiritus, vel simul in utrosque operandi modis, &  
rationibus (uti opinor) rite designatis, restat adhuc  
illorum, unicuique ex prædictis intentionibus medicis  
appropriatorum, selectas quasdam formulas subicere.



## SECT. VI. CAP. II.

*Cardiacorum species ac formulæ.*

1. Cardiacæ san-  
guinis accensio-  
nem augentia.

**Q**Uandoquidem Pharmaca, pro Cardiacis vulgo habita, in duo genera distinximus, viz. alia quæ sanguinem, & alia quæ spiritus Animales potissime ac immediatius afficiunt; in primo illorum censu, quæ ad sanguinis accensionem regulandam destinantur, ea posuimus, quæ liquorem ejus nimis frigidum, & motu tardum, plus æstuarè, atque particulis sulphureis copia magis auctis, aut exaltatis, uberius accendi, & efflagrare cogunt; qualia sunt vina generosa, Aquæ ardentes destillatæ compositæ, spiritus, & tinctura Croci, Elixir vitæ Quercetani, Tinctura salis Tartari, Chalybis, aliaque spiritu imprimis ac sulphure copiosis referta; quorum modo hæc, modo illa pro cujusque patientis libitu fumantur. Quoties ob sanguinem minus accensum, proindeque intra præcordia aggestum nimis, & fere stagnantem, languor & spirituum fatiscencia, magna cum cordis oppressione, infestant; in hoc casu Aqua mirabilis, Cinnamomi, Caryophyl. Absynthii compos. item è cort. Aurantii cum vino destillatæ conveniunt; quibus interdum spiritus, elixiris, vel Tincturæ cujusdam dosis addatur.

Horum Abusus  
notabilis descri-  
bitur.

Attamen hic magna cautione opus est, ne frequenter nimis hujusmodi cordialibus indulgeatur. Novi enim plures tum viros, tum feminas insignes à crebriore horum usu, in malam hanc consuetudinem lapsos, ut necesse habuerint sæpius in die, aut vini generosi, aut spiritus, vel aquæ cujusdam fortioris haustulum ingerere. Porro eorundem doses ( siquidem natura extraordinariis parumper assueta, haud diu iisdem contenta perstat ) indies augere, ac sæpius repetere; proinde tandem



tandem ut stomachus nihil mediocre sufferre, aut digerere possit, potentiora, usque & calidiora expetens. Cæterum viscera alia, ac imprimis hepar exsiccantur adeo, & assantur, ut, sanguine quoad penum suum diminuto, & quoad crasin depravato, cacochymia morbifera, aut vitæ abbreviatio supervenerit.

Plures, & variæ sunt occasiones, propter quas multi in pessimum hunc liquores Cardiacos pitissandi morem adducuntur. Nam præter subitos languores, forsan ab ingenti mœrore, labore improbo, sudoribus immensis, aut dolore acuto excitatos; insuper si quando Alimenta minus congrua stomacho gravamen, aut nauseam inferant, vel propter diathesin spasmodicam syncope, aut *ἀναισθησία* impendere videatur: porro ob multas alias causas, usitatum est spiritus vinosos, sive Aquam vitæ, etsi minus propriæ ita dictam, ingeri; dein postquam ejusmodi cordialia aliquoties sumta congruere, & delectare incipiunt, à quovis eorum libamine, massa sanguinea paulo uberius expansa, & magis accensa, totius Animæ hypostasim ampliari, inque ovationem quandam accieri facit; quæ postquam denuo subsidit, Anima istius complacentiæ memor, & præsentī statu minime contenta, eandem denuo affectat, eique rursus captandæ mox inhiat. Quare ad omnem molestiam corporis, aut Animi, quam primum spiritus paulo fatiscunt, ad eos statim erigendos, haustus cardiacus expetitur, & si præsto fuerit, ingeritur; adeoque propter Animæ vela sæpe inutiliter expansa, ipsius corporis, tanquam navis, fabrica labefactatur. Nec tantum apud gulosos, & bibones, mala hæc consuetudo invalescit, sed viri interdum Docti, feminaeque perbellæ, ac ingeniosæ, quo mentis indolem excolant magis, aut exhilarant, spiritus, & aquas ardentes sæpius libando, sanitatem propriam subruunt, & non raro penitus evertunt. Non opus erit hujusmodi cardiacorum

*Propter quas occasiones iste invalescere solet.*



corum formulas vulgo satis notas, & tritas hic adjicere: abunde satis videtur, hic eorum abusus innuisse.

2. Quæ sangui-  
nis accensionem  
nimiam sedant.

In secunda Cardiacorum classe posuimus ea, quæ sanguinis effervescentiam nimiam nonnihil sedant, ejusque incendium immodicum paulo cohibent, & attenuant; uti aquæ destillatæ, acida, nitrosa, &c.

Fulapia.

℞ Aq. Lujulæ, Citri totius, Fragariæ, ana ℥iiij.  
Syrupi è succo citri ℥j. Margarit. pul. ℥j. f. Fulap. Dosis  
℥ij, ter vel quater in die.

℞ Aq. pomorum redolentium, rubi Idæi, ana ℥vj. sy-  
rupi violacei ℥j. sp. vitrioli gt. 12. f. Fulap.

℞ Aq. font. lib. iij. succi limonii ℥ij. sacchari ℥iij. f.  
potus; cujus sumatur ad libitum ℥iij.

Apozema.

℞ Rad. Graminis ℥iij. Eryngii condit. ℥vj. poma  
duo incisa (vel uvarum Corinth. ℥ij.) ras. Ebor. C.  
C. ana ℥ij. foliorum lujulæ M. j. coq. in aq. font. lib.  
iij. ad ij. colaturæ clarif. adde salis prunellæ ℥iij.  
syrup. violacei ℥iij. f. Apozem. Dosis ℥iij. vel 4 ter  
in die.

℞ Conser. Ros. rub. vitriolat. ℥iiij. Aq. font.  
lib. ij. dissolve clause, & calide; dein coletur: Dosis  
℥iij. ad libitum.

Confectio.

℞ Conser. oxycant. rob rubi Idæi, ana ℥iij. margarit.  
pr. ℥ss. confect. de hyacint. ℥j. syrup. è succo citri q. s. f.  
confect. Dosis ℥ss. ter in die.

3. Cardiaca san-  
guinis, dum ef-  
fervescit, com-  
pagem nimis stri-  
ctam aperientia.

Tertia Cardiacorum classis ejusmodi medicamenta suggerit, quæ, contra sanguinis effervescentis vitia de-  
stinata, compagem ejus strictam reserant, & aperiunt,  
quo recrementa ejus secerni, & amandari possint. Hæc  
cum præcipue, & fere tantum salina fuerint; pro mul-  
tiplici particularum, è quibus constant, salinarum sta-  
tu, etiam diversimoda existunt; ut plurimum vero  
eorundem basis, aut est sal volatilis, aut alchalisatus,  
aut



aut acidus, fixus, aut nitrosus. Cujusque horum formulas quasdam proponemus.

Primo Cardiacâ sale volatili prædita, tum in febribus respectu sanguinis, tum insuper in deliquiis, & subitis languoribus respectu spirituum animalium, juxta præscripta sequentia utiliter exhiberi solent.

1. Hujus generis quorum basis sal volatilis est.

℞ Sp. C. C. gt. 15 ad 20 Aq. Theriacalis ℥ij. detur spiritus.

è cochleari, superbibendo haustulum liquoris appropriati: Eodem modo sp. sanguinis, cranii humati, fuliginis, vel sp. salis Armon. compos. propinari debent.

℞ Salis viperarum ℥j. chrystalli mineralis ℥ij. pul. Pulveres.

è chelis compos. ℥ij. misce f. pul. Dosis ℥ss. ad ℥ij. in cochl. fulapii cardiaci, superbibendo haustulum ejusdem.

℞ Florum salis Armoniaci ℥ss. Bezoart. mineralis ℥j. f. pul. detur. è cochl. liquoris appropriati.

Secundo Cardiacorum nomine apud vulgus maxime insigniuntur, quorum basis sal alchalisatus est, sive petreficans; uti imprimis Bezoar orientalis, margaritæ, corallia, alique pul. testacei, & lapidei.

2. Quorum basis sal Alkali est.

℞ Pul. Gascon. sive de chelis compos. ℥j. ad ℥ss. detur in cochl. fulapii cardiaci, superbibendo ejusdem ℥ij.

℞ Bezoar. orient. gr. vj. ad xx; detur eodem modo.

℞ Pul. è chelis, & oculis Cancror. ana ℥j. Marg. corallii utriusque pr. ana ℥iiij. Bezoar. utriusque ana ℥ss. boli Armen. opt. Auri Diaphoret. ana ℥ij. Bezoart. mineralis ℥j. misce, f. pul. cardiacus: Dosis ℥j. ad ℥ij. vel ℥j. cum vehiculo idoneo.

In Pleuriticis sequentia pro cordialibus maxime appropriatis habentur, quatenus nimirum, salis acidi præpollentias destruendo, sanguinis coagulationes, & extravasationes, tollunt, aut præcavent.

In pleuriticis quæ conveniunt.

℞ Pul.



*Rx Pul. dentis Aprugni 3ss. ad 3j. chrystalli mineral. 3j. pul. florum papaveris Rhead. 3ss. f. pulvis sumendus in quolibet liquore. Eodem modo pul. oculor. Cancr. & mandibulae piscis lucii exhibetur.*

3 Cardiacamitrosa.

3. Huc spectant etiam nitri præparata, quæ juxta formulas sequentes, in febribus sæpe cum fructu exhibentur.

*Rx Chrystalli mineral. 3j. salis volatilis C.C. gr. iij. ad ʒj. misce, f. pul. detur e cochl. Fulapii cardiaci.*

*Rx Chrystal. mineral. Antimonii diaphoret. ana 3j. pul. Bezoart. 3ss. f. pul. detur eodem modo.*

4 Cardiacorum basis salacidus est.

4. Medicamenta, quorum basis sal fluidus sive acetosus est, in febribus ad referendam sanguinis compagem, juxta formulas sequentes præscribantur.

*Rx Spiritus vitrioli gr. iij. ad ʒj. Aqu. Card. ʒiij. Theriacalis ʒij. syrupi e succo citri ʒiij. Margarit. 3ss. f. haust. sumend. bis vel ter in die. Eodem modo sp. salis, vel nitri sumantur. In eundem finem potus de Cherbet. limonens. in aq. font. dissolut. item potus drvinus Palmarii conveniunt.*

*Rx Pul. C.C. calcinat. vel Antimonii Diaphoret. ʒiij. sp. vitrioli vel salis 3j. terantur in mortario vitreo, & exsiccentur. Dosis 3j. ad 3ss. in cochl. Fulapii cardiaci.*

5. Quæ sale fixo pollent.

5. Sales herbarum fixi sive lixiviales Alexipharmacorum compositiones sæpe ingrediuntur. Insuper medicamina, quorum bases illi sunt, quatenus febrifuga plurimum insignia habentur, etiam Cardiacis accenseri debent. Exempli gratia tritum illud proponimus.

*Rx Salis*



Rx Salis absynt. ℥j. Aq. Card. ℥iij. sp. vitrioli vel olei sulphuris ℥j. Syrupi violacei ℥iij. f. haust. sumend. hora secunda vel tertia ante paroxysmum.

Rx Aq. Citri totius, Lujulæ ana lib. ꝑ. salis Tart. ℥iij. succi limonii ℥ij. sacchari ℥ss. misce, f. Fulapium, cuius usus in febris Anomalis, quæ sine apurexia exacerbationes quotidianas habent. Dosis ℥iij. bis in die.

Ultima Cardiacorum classis, & quidem aliquo respectu potissima, Alexiteriis debetur, quatenus nimium ea sunt maxime vitalia. Horum species, & formulæ ita numerosæ prostant, ut, singulas, aut præcipuas tantum, si modo recensere vellem, opus hoc ad volumen ingens excresceret. Hujusmodi pharmacorum, & multa, & magna jam jam extant Antidotaria; proinde ut nobis super hac re paulo compressius agendum sit. Quandoquidem igitur Alexiteria vel præservatoria, vel curatoria sunt; Imprimis remedia selecta in statu adhuc sano contra Pestilentia aut malignitatis cuiuscunque contagium adhibenda subdemus, mittendo interim quid circa aeris ambientis curationes & alterationem præscribi soleat; dein secundo præscriptionum formulas selectas, post contagium susceptum susurpandas, proponemus.

Alexiteria Cardiacæ, quæ sanguinis compagem nimis solutam à putredine vindicant, aut sunt,

Antidota Præservatoria. Præservatoria.

Rx Conser. foliorum Rutæ ℥iij. Mithridatii, confectio-  
tionis liberantis, ana ℥j. Confec. de Hyacint. ℥ij. salis  
absynt. ℥iij. pul. pannonici rub. ℥ss. Aceti Bezoart. q.  
s. f. Elect. Dosis quant. nucis Castaneæ, ter in die.

Rx Pul. radicum serpent. Virginianæ, Contrayeruæ, Pulvis.  
Zedoariæ select. spec. liberantis, ana ℥ij. Camphoræ  
℥ij. sacchari solut. in aceto Bezoart. & ad tabulat.



cocti ℥vj. s. a. f. Tabulæ pond. ℥ss. comedat. 1 vel 2 sæpe in die.

*Apozema.*

℞ Rad. *Serpentaria virgin.* ℥iij. coq. in aq. font. lib. iij. ad medietatem, colatura adde mellis opt. ℥ij. *The-riaca Androm.* ℥j. dissolve calide, & clause, & cola. Dosis cochlar. ij. vel iij. ter, aut quater in die.

*Elixires.*

℞ *Florum sulphuris* ℥iiij. liquefant in tigillo, dein cochleatim injice salis absynt. ℥iiij. simul agitando donec tota massa rubescat, dein adde pul. *Aloes, Myrrha, olibani, ana* ℥j. *croc.* ℥ss. agitentur amplius, per horæ quadrantem, donec incorporentur, Massa frigefacta, & patina vitree imposita, deliquesce sinatur in oleum rubini instar aspectui pulcherrimum. Dosis gt. 10 ad 20 in aq. *Bezo-art.* ℥iss, vel ij, bis in die.

Vel pulveri prædicto affunde spiritum vini, super radices *Contrayerva, & Serpentaria virg.* rectificatum, ad altitudinem iij. digit. eliciatur tinctura, cujus dosis gt. 20 ad 30 in vehiculo idoneo.

Vel ℞ ejusdem pulveris ℥ss. affunde vini generosi lib. ij. dissolve clause, & calide. Dosis cochl. j. bis vel ter in die.

*3. Curatoria.*

2. Post contagium susceptum atque sanguinis crassum vitiatum, & corrumpi incipientem, ejusmodi usque remedia sed in majori dosi & crebriore vice adhibenda conveniunt; quinimo Alexipharmacis tum aceta, tum sales herbarum fixi, bono cum fructu sæpissime adjunguntur, à quibus nempe sanguinis coagulationes resolventur, & dein, particulis cujusque heterogeneis evaporatis, aliisque in mixturam debitam coactis, liquor ejus statum pristinum recuperet tandem, & retineat. In hos fines cum innumera in libris medicis remedium formulæ passim extent, unum aut alterum solummodo hic proponere visum est.

Antidota



## Antidota Curatoria.

Rx Aq. Bezoart. ℥iiss. aceti Bezoar. ℥ss. Theriacæ <sup>Haustus.</sup>  
Androm. 3j. misce conquassando in vitro, f. haustus,  
sumatur provocando sudorem.

Rx Pul. Gascon. rad. Contrayer. Serpent. Virginian. <sup>Pulveres.</sup>  
ana ʒj. ad gr. 25 f. pul. detur in cochl. aq. theriacalis,  
superbibendo haustulum ejusdem, aut Julapii cardiaci.

Rx Pul. Bufonum pr. pul. è chelis compos. ana 3ss. f.  
pul. detur eodem modo.

Rx Bezoart. mineralis 3ss. Theriacæ Androm. 3j. <sup>Bolus.</sup>  
camphoræ gr. vj. aceti Bezoar. q. s. f. bolus sumend. eo-  
dem modo.

Rx Aq. Lujulæ, Dracontii, ana ℥iiij. Scordii compo- <sup>Julapium.</sup>  
sit. 3ij. Theriacalis, Bezoart. ana 3j. Margarit. pul. 3j.  
syrup. caryophyl. (vel è succo citri) 3ij. sp. vitrioli gt.  
12. f. Julap. Dosis 3ij. sæpius in die, modo per se, mo-  
do cum aliis medicamentis.



## SECTIO VI. CAP. III.

De Passionibus Cardiacis, earumque  
remediis.*Passiones Cardi-  
acæ dici solent,**Tremor cordis &  
Palpitatio ejus.**Posterioris de-  
scriptio.**Ætiologia ejus  
inquiritur.*

**P**ost Pharmaciam Cardiacam, ita vulgo, licet improprie, dictam, modo tractandum sequitur de Passione cardiaca; in qua nempe cor revera laborat, proindeque remedia vere cordialia postulat. Sub isto vero nomine duo affectus, inter se non nihil diversi, communiter denotari solent; nempe Tremor cordis, & Palpitatio ejus: in utroque pathemate cordis motus, sive pulsus inordinatus, & quodammodo convulsivus esse videtur: attamen prioris inordinatio in Vibrationum ejus crebritate, ac alterius in earundem vehementia consistit. In posterioris hujus Ætiologiam primo inquiremus, & deinde alterius etiam Theoriam, & tandem utriusque curationem tradere nitemur.

Cordis Palpitatio adeo vehemens, & immanis interdum existit, ut non solum tactu manifestius percipi, verum & oculis conspici, immo interdum ad distans quoddam audiri possit. Porro ab Autoribus fide dignis narratur, à vehementiore cordis vibratione, & costarum percussione, eas interdum effringi, aut in junioribus foras propelli, protuberantesque manere.

At vero hic motus quamvis ad Sensum ita multiplicem perceptibilis sit, attamen rationi nondum constat, quæ pars ita moveatur, ut quovis pulsu suo pectoris latus sinistrum exilire faciat. Credo omnes tum doctos, tum imperitos, uno ore profiteri partem ita motam, & fortiter evibratam, ipsamet cor esse; sed interrogo utrum cordis tota compages, aut aliqua pars ejus ita exiliat, & solitam vibrationis suæ sphæram transgrediatur?



diatur? si dicatur corpus ejus totum, ita efferri, assignent vellem, an hoc in Systole ejus, aut Diastole fiat: certe non prius, quia dum cor contrahitur, *αποψία* patet, motum ejus quoad omnes suas partes minui; nec magis in Diastole dicatur, quoniam in eo statu cor ad situm, & magnitudinem tantummodo naturalem, & ordinariam redit, inque eo aliquantulum manet. Hinc siquidem cor juxta vibrationis suæ, quantumlibet auctæ, aut intensæ, leges, adeo palpitare, & exilire nequit; (quod etiam amplius constat, quoniam in paroxysmo febrili, ubi vehementissime pulsat, non extra salit, & costas percutit) olim suspicatus fui ipsum durante affectu illo, motum convulsivum, & ordinario plane diversum obtinere; quo nempe, velut membrum spasmodice agitatatum, cor prorsus totum elevetur, & è loco suo moveatur. Attamen neurologia plenius intellecta, ab hac sententia statim recessi, quia certum est, cor à nullo alio musculo, præter suas ipsius fibras motrices, quam attolli aut efferri posse. Quapropter super hac re serio magis cogitanti, demum animo occurrit, quod dum cor ad sanguinem, è sinubus suis excludendum contrahitur, atque mucro, & latera undiq; concidunt, & propius adducuntur; si tamen sanguis illico totus quaque systole penitus ejici, & eliminari nequeat, necesse erit, vasorum radices ad summum impletas, & plurimum extensas cum impetu quodam exilire, dein, propter reverberationem hic factam, totam cordis compagem valde concuti.

*Non à cordis  
ipsius motu con-  
vulsivo procedit.*

Profecto à tali interdum causa, Affectum istum ori-  
ri, ex observatione Anatomica nuper confirmatum vi-  
di. Theologus insignis, & pius, postquam palpitationi  
cordis per crebras vices modo sponte, modo occasio-  
naliter obnoxius degisset, tandem ea continue dies, &  
noctes, cum gravi dyspnoea affligi cœpit, & deinde in-  
tra paucos menses, à morbi molestissimi assiduitate at-  
tritus,

*A Sanguinis in  
Arterias effluxo  
impedito inter-  
dum procedit*



tritus, fatum obibat. Cadavere aperto, Cordis sinus dexter mox sanguine concreto tumidus apparuit; cuius item auricula, in immensum aucta, & extensa, cruoris grumosi copiam ingentem continebat. Contentorum horum ratio statim apparebat, viz. quia pulmones summe obstructi, & cruore atro extravasato, & ubique stagnante infarcti, sanguinem, è ventriculo isto jugiter explodendum, haud totum admittere potuerint: quapropter dum cor, exclusioni ejus totali summe adlaborans, unaquaque systole juxta conum, & medietatem intus contrahitur, & quoad magnitudinem diminuitur; Basis ejus ob sanguinem ibi coacervatum, ac in transitu hærentem, aut reverberatum, valde impleta extuberat, atque propter Auriculæ molem magis tumida amplius evibrat, & latus attollit.

*Insuper ob alias  
causas oriri solet.*

Verum enimvero, haud solummodo ab hac causa, cor palpitare constat; quia morbus iste, non semper constans, & perpetuus est, sed plerumque vagus, ac incertus per vices quasdam infestat, & deinde sponte, aut remediorum usu cessat. Porro nonnullos, quorum pulmones satis sani & tabe quavis immunes sunt, passim incessit.

Utcunque tamen, licet morbus iste à causis diversis exoriri possit, in iis tamen omnibus, eandem usque afficiendi rationem esse judicamus. Videtur enim quod cor solummodo palpitat, quatenus in systole ejus, dum conus, & latera simul contracta angustantur, basis cum vasorum radicibus, ob sanguinem illic aggestum, & non nihil hærentem, aut percussum, ampliata extumescat. Revera sanguinis cursum hic loci nonnihil præpediri, aut reperiendi inde constat, quia dum cor in latere vehementer, & fortissime vibrat, arteria in carpo plerumque languide, & debiliter pulsatur, utpote sanguinis rivum non nisi exilem convehens. Cum itaque morbi istius causa conjuncta, sive ratio formalis, omnino



omnino in sanguinis circa basin cordis, & vasorum radices remora, & aggestione consistat, inquirendum sequitur, quot modis, & ob quas alias causas, ejusmodi affectio produci soleat.

Super his, ut cordis carnes, sive fibras proprias motrices non multum culpemus, vitium hoc potissimum, & maxima ex parte, aut sanguini aut vasis cordis appensis imputandum videtur. Prioris ratio satis constat, in quantum sanguine aquoso, atque ad effervescentiam aut accensionem minus apto præditi, uti virgines *χλωρόες* laborantes, atque viri, aut mulieres, cachectici, huic morbo plerumque obnoxii reperiuntur, & insultum ejus à corporis motu quovis citatiore fere constanter pati solent. Cujus causa est, quod cruor, siquidem particulis segnioribus, & non satis activis constans, è cordis sinubus non libere & expedite ejicitur, sed partim in iis sæpe residet, & facile stagnat: idcirco quoties à corporis motu iisdem uberius infertur, ut penus ejus totus quaque systole eliminari nequeat, cor summo nisu laborans, in basin suam & vasorum radices, & vix ultra propellit; ubi cum aggeritur, & paululum subflans partes continentes extumescere facit, passionem cardiacam una cum dyspnoea infert.

Præterea tamen affectio istæ cardiaca quosdam sanguine præfervido, & promte satis accendi aut fermentescere apto, præditos sæpenumero infestat. Plerisque enim passioni hypochondriacæ, Hystericæ, aut alias spasmodicæ multum obnoxiiis, hoc malum frequens, & familiare est: quapropter in his casibus, Arterias cordi appensas in culpa habendas merito suspicemur. Quopactò harum obstructio, sanguinis è corde effluxum liberum impediens, cordis palpitationem inducat, historia modo citata manifesto declarat: porro vasorum istorum occlusiones, & infarctiones aliis modis excitatæ, eundem effectum producere possunt. Novi senem Cervi-

*Affectio istæ plerumque à sanguinis aut vasorum cordi appensorum vitio dependet.*

*Prioris ratio explicatur.*

*2. In casu altero aut vasa obstructantur, aut spasmodice afficiuntur.*

*Prioris exemplum proponitur.*



*Et diversæ species notantur.*

*Palpitatio cordis quomodo affectio spasmodica est.*

Cervix fortioris ac vetustæ, nec non vinorum potui crebro à multis annis assuetum, prædicti morbi insultus crebros pati solitum; cuius postea, à stomachi sphacelo, cum vomitu quotidiano, spirituum languore, aliisque symptomatis defuncti, cum cadaver aperirem, prehendi arteriæ magnæ truncum mox à cordis egressu plane osseum, seu potius saxeum, ejusque latera valde compressa fuisse, ut rima tantum relicta sanguis vix per dimidium, quo debebat torrentem, effluere potuerit. Proinde ut huic causæ palpitationem cardiacam, ei sæpius molestant, merito ascriberem. Cæterum probabile est pathema istud à sanguine, intra cordis sinus, & vasa appensa grumescente, ac in frustra quasi carnea concreto, interdum procedere.

Verum insuper his, siquidem palpitatio cardiaca affectus alios spasmodicos, prout modo innuimus, sæpenumero comitari solet, etiam suspicari licet, illius causam quandoque mere convulsivam esse. Olim in neurologia nostra ex observationibus Anatomicis ostendimus, nervos, & propagines nerveas fere innumeras, in pluribus locis, ac præcipue juxta basin cordis, arteriarum truncos complecti, & circumligare; quorum usus, & actiones ejusmodi fuisse putabamus, ut diversimodi sanguinis æstus, fluxus & refluxus, immo interdum stagnationes propter vehementes iræ, timoris, gaudii, tristitiæ, aliosq; affectus, excitari solitæ, propterea contingant, quatenus funiculi isti nervei vasa hæc sanguifera varie stringunt, comprimunt, aut forsan aliquando penitus occludunt. Porro haud multum improbabile est, ob vasa ista spasmodice affecta, & paulo diutius constricta, ita ut sanguinis è corde exilitionem liberam præpediant, palpitationis cardiacæ insultus nonnunquam exoriri. Profecto tum hanc, tum alteras istas cordis passionem, tali causæ merito imputamus; Verum circa efficiendi rationem à sententia ista paululum



paululum recedere visum est. Postquam enim nervorum actiones, & usus exactius perpenderam, deprehendi tandem ipsos, eorumve propagines nihil omnino trahere, aut constringere, sed totum hoc negotium omnino a fibris carneis perfici, atque nervos solummodo, in has partes motrices, novas subinde spirituum copias, insuper & motuum obeundorum instinctus convehere: quale pariter munus erga fibras membranaceas pro sensationibus peragendis exequentur.

*In quos usus plures nervi Arteriarum Tunicae inseruntur.*

Dum itaque serio perquirerem, quibus usibus totidem nervi per vasorum tunicas disseminati inserviant, demum reperi, Arterias istas proprio Marte, pariter ac alia præcordia se contrahere, & dilatare, atque promotibus illarum tum naturaliter, tum pathetice obeundis, & spirituum copias, & instinctuum rationes, per nervos istos deferri. Enimvero ex observatione Anatomica plane constat, Arteriæ cujusque tunicam mediam esse plane muscularem, atque fibris carneis (cujusmodi sunt ventriculi, intestinorum, & quorundam aliorum viscerum) per totum constare. Quæ fibræ Annulares densa velut capillamentorum serie, Arteriæ ductum, sive Tubum ubique cingentes, proculdubio systolas suas proprias, & Diastolas, æque ac cor ipsum, obtinent.

*Arteria fibris motricibus prædita,*

Quapropter imprimis, dum fibræ cardiæ, & dein hæ Arteriosæ successive, & seriatim contrahuntur, necesse erit sanguinem e meta una ad alteram rapidissime propelli. Quare haud prorsus de nihilo est, quod medici quidam etiam Arteriis facultatem pulsificam attribuerunt: quippe multum improbabile est, mero cordis tanquam Emboli impulsu, sanguinis circuitum peragi. Quanto verisimilius est, Arteriam in toto ductu suo, a fluctus cujusque sanguinei tergo aliquatenus contractam, ipsum usque prorsum per rivulos, licet minores, & spatia magis angustata, urgere? Juxta hunc ritum ordinarium, sanguine æqua-

*Sicut muscoli alii & cor ipsum movetur.*



*Et sæpe spasmō  
afficitur.*

*Unde cordis pal-  
pitatio sæpe ori-  
tur.*

*Quare Affectio  
hæc Hypochon-  
driaci familia-  
ris est.*

biliter circumpellendo, Arteriæ constantes systolæ & diastolæ vices habere videntur. Quæ licet celeres admodum, & ictu oculi citius, successive tamen per omnes tubi arteriosi partes peraguntur. Cæterum vero cum advertamus æquabilem sanguinis cursum, juxta passionum impetus diversimode interrumpi, & perturbari, necesse erit tantummodo ita fieri, quatenus Arteriæ (propter instinctum per nervos ad fibras motrices datum) variis in locis subito constrictæ, fluentum sanguineum aut sistunt, aut reprimunt, aut prorsum impetuosius adigunt. In timore, tristitia subita, pudore, Amore, aliisque pathematis, Animi consternationem, aut confusionem magnam inducentibus, probabile est Aortæ truncum, à fibris istis subito, & diutius constrictis, adeo contrahi, & coarctari, ut sanguis ægre tantum, & non nisi per minutas portiones è cordis sinubus exiliat. Quamobrem ab illo ibidem aggesto, & stagnante gravamen ingens, & oppressio magna statim sentiuntur: deinde si huic sanguinis Remoræ, cordis ad sanguinem ejiciendum pulsatio fortis, & vehemens superveniat, necesse erit, ob cruorem quaque systole in cordis basin ejectum, ibique repercussum, partes eas plurimum distendi, proindeque palpitationem cardiacam inferri.

Quemadmodum autem vehementes Animi passionēs, affectum istum fere quibusvis accersunt; ita Hypochondriaci, & spasmodice dispositi insultus ejus de levi qualibet occasione, immo interdum sine ulla causa manifesta subeunt. Enimvero in quibus nervi sphlanchnici, & cardiaci materia morbifica sæpius obsideri solent; proinde ut illa, ob plenitudinem aut irritationem commota, spiritus istarum partium, & vicinarum incolas frequenter in spasmos, & contractiones inordinatos adigat; passim accidit propter nervos Arteriarum Cardiacarum radicibus insertos, à tali causa affectos,



ctos, etiam vasorum horum fibras spasmodice affectas, & contractas eo, quo dictum est, modo palpitationem cardiacam excitare, Quo ritu nervi cardiaci à causa propinqua, aut remota, à materie morbifica, aut in capite juxta originem nervosam, aut circa præcordia, aut hypochondria subsistente irritantur, inque spasmos varii generis aguntur, alibi à nobis ostensum est; unde palpitationis cardiacæ, quoties eadem etiam spasmodica fuerit, causæ deduci possunt.

Quod spectat ad affectus hujus Therapiam, siquidem causæ ejus variæ, & multiplices existunt, etiam *Curatio ejus proponitur.* curatio diversimoda institui debet. Nam quod nonnulli statuunt, ejusmodi remedia, quæ cardiaca vulgo dicta, cor refocillare, eique laboranti suppetias præbere creduntur, in quibusque his casibus convenire, tum rationi, tum experientiæ communi refragatur. Cum itaque supra declaraverimus, Cordis palpitationem, vel à sanguinis, vel ab Arteriarum cordi appensarum vitio, procedere, & utrasque horum varias afficiendi rationes innuerimus, modo restat, unicuique morbi istius speciei aptam medendi methodum, una cum selectis remediorum formulis accommodare.

I. Primo igitur siquando morbus hic à sanguinis vitio procedat, Intentio Therapeutica primaria erit sanguinem nimis aquosum, & accendi, & fermentescere inhabilem, ad meliorem crasin exaltare, ejusque principia activa depressa, aut diminuta evehere, aut augere; in quem finem medicamenta spirituosæ, item salina cujusque generis, sulphurea, & imprimis chalybeata conducunt. Quinimo huc referri possint, quæ in Pica, leucophlegmatia, & scorbuto frigidiorè præscribi solent.

*Qualis esse debet, quoties sanguis in culpa est.*

R. Conser. Absynt. pontici, flaved. Aurantii, & *Electuarium.*  
 limonii, ana ʒij. Cort. Winteran. pul. ʒij. specierum  
 L1 2 Diacur-



*Diacurcumæ 3j. chalybis præp. cum sulphure 3iij. salis absynt. 3iij. cum q. s. syrupi e cort. citri, f. electuarium: Dosis qu. nucis Moschat. mane, & hora quinta pomerid. superbibendo Fulapii sequentis 3iij. & deambulando.*

*Fulapium.*

*℞ Aq. foliorum Ari lib. j. Pulegii, Hyssopi, ana 3iij. Aq. Lumbr. Limacum, Mirabilis, ana 3j. sacchari 3j. misce, f. Fulap.*

*Tincture.*

*℞ Tinct. Antimonii. 3j. Dosis gt. 20 ad 25 bis in die cum eodem Fulapio. Porro huc Tinctura chalybis, aut syrupus ejusdem, item elixir Proprietatis cum multis aliis accenseri possunt.*

*Quomodo affectio  
istæ ab Arteriis  
obstructis oriun-  
da tractari de-  
bet.*

Secundo Cordis palpitatio, & crebrior, & multo immanior ab Arteriis cardiacis in vitio habentibus exoritur: & tunc illarum culpa, aut Obstructio est, aut Affectio spasmodica.

Prior iste morbus plerumque continuus, & non raro incurabilis existit; præsertim vero, si à pulmonibus tabidis, aut Arteriarum radicibus propter Tuberculum, aut excrescentiam osseam semiopletis, aut compressis excitatur. Cujusmodi causæ si quando subsint, & perfecte diagnosci possint, frustra esset earum sublationes moliri; quin potius id unice agatur, ut levamine quodam per hypnotica subinde procurato, ægrotantium vita, etsi misera paulo diutius protrahatur.

Cæterum vero non improbabile est (prout modo innuimus) Arterias interdum à concretionibus polyposis ibidem, ac interdum intra cordis sinus, progigni solitis, magna ex parte impleri, proindeque sanguinis exilitionem liberam, & totalem impediri. Hujus vero uti diagnosin valde difficilem, ita curationem non minus raram putamus: quando illius suspicio est, maxime ex usu fore videntur medicamenta salina; & ex iis sale volatili aut Acido prædita, exhibenda: eadem vero



vero non simul, sed quodam temporis spatio hæc, ( quibus non juvantibus ) dein istæ altera experiri oportet.

*R. Sp. salis Armoniaci compos. viz. cum millepedis, vel cum aliis Antasthmaticis destil. ʒiij. Dosis gt. 15. ad 20, ter in die, cum Julap. vel aq. destil. appropriata: eodem modo sp. C.C. fulig. sang. Cranii defossi tentari possunt.* Medicam enta sale volatili prædita.

*R. Sp. salis marini, aut vitrioli cum sp. vini herbis pneumonicis imprægnati, destil. & sæpius cohobati ʒiij. Dosis gt. 15. ad 20. eodem modo. In hos usus sp. Tartari, ligni Guiaci, aut Buxi usurpari solent.* Quorum sal. acidus pro basi est.

3. Palpitatio Cordis, sæpissime affectio convulsiva est, & à simili causa, & afficiendi ratione, qua pathemata alia hypochondriaca, vel asthmatica produci solent. Cujus item curatio per remedia antispasmodica pariter tentari debet: quorum vero delectus, sub discrimine quodam, juxta quod morbus in temperamento aut calido, aut frigido contingit, instituitur.

1. Respectu prioris sequentia præscribantur. *R. Sp. Spiritus succini Armoniaci ʒiij. Dosis gt. 15. ad 20 bis in die cum Julap. vel aq. destil. appropriata: eodem modo Tinct. Tart. Chalybis, vel Antimonii per vices exhiberi possunt.*

### De Cordis Tremore

Tremor cordis ( qui etiam sub nomine passionis cardiacæ vulgo cedit ) affectus à palpitatione ejus distinctus, immo diversus existit. In eo namque ipsius fibræ carneæ, sive motrices per se affici, nec, prout in altero isto pathemate, causa morbifica in sanguine, aut in Arteriis cardiacis subsistere videtur.

Cordis

Cordis Tremor à palpitatione ejus ut differt.



*Illius descriptio.*

Cordis tremor optime describi potest, quod sit, car-  
nium ejus convulsio spasmodica, seu potius trepidatio ;  
qua nempe fibræ motrices celerrime, at tantum semi-  
contractæ, systolæ & diastolæ vices ocissimas, verum  
abruptas, & quasi dimidiatas efficiunt ; proinde ut fan-  
guis per minutissimas tantum portiones, tum cordis fi-  
nubus inferri, tum ex iis efferri possit.

*Ætiologia hujus  
à myologias de-  
strina dependet.**Hujus summa  
traditur.*

Quandoquidem hæc affectio sit musculi cujusdam, sc.  
cordis motus convulsivus, ad pleniorē ejus notitiam  
huc referri deberent, quæ alibi de motu musculari, item  
quæ de pathematis convulsivis differuimus. Ne plura  
repetendo tædio fuerim, verbo tantum adnotetur, u-  
numquemque muscolum, duobus tendinibus, & ventre  
carneo constare ; atque contractionem inde peragi, qua-  
tenus spiritus animales, è fibris utrisque tendinosi, in  
carneas profiliunt, quas dum inflant, & intumefaciunt,  
propterea decurtant, & contractivas reddunt ; motu  
autem finito spiritus in tendines redeunt, & fibræ car-  
neæ relaxantur.

Cum Functio motiva sit duplex, sc. spontanea, &  
mere naturalis ; in priore advertimus spiritus è tendini-  
bus in fibras carneas, per appetitus imperium evocari,  
atque intra has, in actione manere, donec illius nutu  
dimittuntur ; deinde vero in tendines reverbos quiesce-  
re, donec rursus foras jubentur ; hinc ut illorum motus,  
& quietis tempora, sint inæqualia, incerta, & pro libitu  
nostro varie determinanda.

In functione mere naturali, multo secus habet ; quip-  
pe Spiritus Animales, è tendinibus in carnes, perpetua  
vice sive constanti reciprocatione, efferuntur, & con-  
tractione brevi facta, mox ex his in illos resiliunt, ac ita  
vicissim ; ad quem modum cor ipsum, arteriæ, & respi-  
rationis organa, quinimo ventriculi, & intestinorum  
fibræ carneæ, nisi propter objecta sua alias determinen-  
tur, per systolas & diastolas perennes agitantur.

Juxta



Juxta hos ritus ordinarios, functionis utriusque, motivæ munia peraguntur. Quæ tamen juxta quod spiritus <sup>Musculorum motus convulsivi explicantur,</sup> Animales, motuum istorum executores, varie afficiuntur, diversimode perverti, aut perturbari solent. Enimvero satis manifesto liquet, motus cujusque contractivi, à quocunque musculo obeundi, instinctum, à cerebro, aut cerebello, juxta appetitus jussu, aut naturæ indigentiam per nervos convehi; viz. Spiritus Animales intra horum ductus scatentes, juxta impressionem à capite traditam exciti, ac in tota serie commoti, mox alios tendinum incolas exuscitant, inque motus analogos cient: pari fere modo ac si quisquam pulveris pyrii acervos, per funem ignarium ad distans accenderet. Quamdiu igitur spiritus isti tum in principio, viz. intra ἐγκέφαλον, tum in via, sc. ductibus nerveis, tum in fine, viz. intra tendines consiti, recte ac ordinatim habent, motus cujusque ab Anima aut natura requisiti instinctum illi formant, isti convehunt, atque hi demum exequuntur: sin vero spiritus ad functionem motivam destinati, intra quamvis ditionem præternaturaliter affecti, in ἀπαξίς adigantur, propterea statim in membris, aut musculis respectivis motus convulsivi excitantur. Quo ritu ob causam morbificam, juxta originem nervosam in capite, quo item, propter eam alibi intra ductus nerveos consitam, membrorum aut viscerum aut præcordiorum affectiones spasmodicæ exoriri solent, alibi satis fuse declaravimus; viz. in quantum spiritus intra nervos scatentes, à causa quadam præternaturali, & vehementi irritati, ac velut œstro quodam perciti, dum in has, aut illas partes ruunt, motuum ciendorum signa injusta, & falsa deferunt, necesse erit in his, vel illis musculis, aut membranis, contractiones aut distentiones violentas, ac convulsivas accieri. Varias hujusmodi affectuum species, & rationes formales in Spasmologia clare designavimus; at vero, quod

Et distinguuntur.



*Spasmi quidam  
privati tantum  
ad musculos  
pertinentes.*

quod illic prætermissum, atque ad rem propositam spectat, nunc insuper advertimus, dari alia spasmorum genera, quæ sine præsentis aut magno *ἐν γαστρί*, aut nervorum vitio, ob spiritus Animales ipsorum tendinum incolas potissimum, ac fere tantum in culpa existentes, oriuntur.

*Eorum duæ species notantur.*

Affectionis hujusmodi singularis, & velut privatae, duæ species observandæ occurrunt: una satis vulgo nota est, in qua spiritus injussi sæpe è tendinibus profiliunt, atque fibras carneas valide atque moleste inflantes, non statim, aut facile recedunt. Altera, licet minus notabilis, tamen frequenter occurrit, in qua sc. spiritus musculares, neque intra tendines, neque intra carnes diu permanere possunt, verum summe irrequieti, ex his in illos, & vice versa appetitu vel natura invitati, excursus, recursusque suos valde crebros, sed debiles usque, & inordinatos faciunt. Super his affectibus spasmodicis (quoniam à plerisque adhuc medicis fere intacti manent, eorumque notitia ad passionis cardiacæ naturam, & causas rite explicandas plurimum facit) operæ pretium hic duco, quamvis extra rem propositam, & quasi in diverticulo, pauca tamen subungere.

*Prior le cramp  
vulgo dictus explicatur.*

Prior iste Affectus qui proprie *τὸν κράμπ* (atque Idiomaticum nostrum, tam Gallico, *le cramp* appellari solet) plerumque exoritur, in quantum spiritus animales injussi, è tendinibus sc. aut uno, aut simul utroque in musculi ventrem sponte profiliunt, unde pro more solito mox regredi nolunt, verum diutius intra carnes manentes, eas valde inflant, & summe contractivas reddunt; dein siquidem alii musculis hisce neque cedunt, neque in contractione conspirant, pars rigida, & cum summo dolore tensa evadit. Hujus causa est, materies quædam heterogenea, & *φυσώδης* quæ per ductus nervos, una cum succo eorum in musculos descendens, & spiri-



spiritibus cohærens, eosdem elasticos, simulque obstinatos reddit; proinde ut intra fibras tendineas contineri nequeant, sed, spatia ampliora desiderantes, in carnes excurrant, ibidemque, donec deferbuit eorum tumor, permaneant.

2. Ad posteriorem istam motus convulsivi speciem proprie spectat Passio, sive tremor cordis. Porro ad hunc censum referri debet Affectus satis vulgo notus, & plerisque familiaris; nempe, ut interdum musculi cujusdam privati, puta, in labro, gena, in oculis, aliisve membris subsultus, sive trepidationes valde crebras, & æquales patiantur; quæ postquam per duo forsan aut tria minuta perduraverint, sponte cessant. Non ita pridem per literas è Gallia huc missas, consulebar pro viro quodam Illustri, cujus musculos omnes, in toto corpore ejusmodi subsultus, seu velut trepidationes fere perpetim exercebant; adeo ut carnes exteriores, ubique exilientes, ipsius cordis vibrationes, sive pulsus, ad amissim æmularentur.

*Posterior musculi  
cujusdam subsul-  
tus sive trepida-  
tio est.*

*Cujusmodi affe-  
ctus, Tremor cor-  
dis est.*

Hujusmodi Affectuum, uti & Tremoris Cardiaci, ratio formalis in eo consistere videtur, quod spiritus Animales ad musculos quosdam pertinentes irrequieti, ac velut œstro perciti, è tendinibus continue in carnes profiliant, redeantque, adeoque perpetua vice excursus suos recursusque iterent; interea cum exiguis tantum copiis efferuntur, ut fibras carneas haud plene inflent, in iisque minimo tantum spatio morentur, nixus motivos, creberrimos licet, tamen non nisi debiles, & valde minutos edunt; in tantum sc. ut membra, & artus à musculis ita perpetuo agitati, haud loco moveantur, & cor, durante tremore ejus, ut ut celeriter concussum, tamen vix, & ne vix sanguinem circumpellere valeat; uti plane constat ex pulsu parvo, ac velut tremulo, atque virium omnium fatiscencia.

*Ejus ratio for-  
malis, &c.*

Quod spectat ad pathematum istorum causas, viz. Cause.

M m

conjun-



conjunctam, & procatarcticam, à quibus nempe spiritus musculares ita instabiles fiunt, sive vim istam defultoriam acquirunt; videtur, quod materies quædam heterogenea, & elastica, cerebrum & ductus nerveos transgressa, demum in musculos, eorumque fines tendinosos deferatur; ubi spiritibus subinde accrescens, eos irriteret valde, ac velut œstro quodam afficiat, proinde ut nullibi consistant; verum huc, illuc continue discurrant, atque interim pensa debita aut omittant, aut non strenue præstent.

*Non recte lieni  
imputatur.*

*Cor non à vapo-  
ribus impetitur.*

*Curatio.*

Tremoris Cardiaci causa communiter in lienem rejicitur; etenim vulgo supponitur, ab hoc viscere obstructo, aut alias perperam habente, vapores tetros ad cor elevari; qui ipsum ferientes, adeo concuti, & trepidare cogunt, immo quodam velut rigore afficiunt. Opinioni huic fides, aut saltem probabilitas inde astruitur, quod hypochondriaci (seu quod idem fere sonat, splenici) huic passioni cardiacæ plurimum obnoxii reperiuntur. Qualis, & quanta Lienis in præcordia sit influentia, olim sat fuse declaravimus. Ex istis, partimque ex modo dictis, satis liquet, sententiam istam, receptissimam licet, de corde à vaporibus affecto, futilem prorsus, ac erroneam esse. Quod autem pro Lienosis, etiamque Hystericiis vulgo habiti, Tremore cordis ita passim infestantur, in causa est, magna ista affinitas, ac intima communicatio, quam nervi splanchnici cum cardiacis habent, adeo ut non solum partis unius affectio alteram facile in consensum trahat, verum si quando materies spasmodica nervorum ramos, ad lienem, aut viscera imi ventris pertinentes, infederit, raro abest, quin eadem pariter nervos ad præcordia spectantes occuparit.

Quod spectat ad Therapias rationem, in tremore cordis adhibendam, quandoquidem hæc affectio sit mere spasmodica, idcirco remedia non cardiaca, quin potius



potius cephalica, aut <sup>νευρωδῆ</sup> indicantur; quæ tamen juxta temperamentum, & constitutionem patientis, aut calidiora, aut moderata, aut modo hujus, modo illius naturæ esse debent. Ut rem paucis comprehendam, cum in morbo isto tria remediorum genera maxime proficua esse soleant, viz. testacea, chalybeata, & sale volatili prædita, cujusque illorum formulas quasdam, & usus hic breviter designabimus. Itaque imprimis, factâ per evacuantia totius provisione, & pharmacîæ, quæ magis usui fore videtur, delectu habitô, juxta modos sequentes præscribatur.

Rx Corallii pr. Margarit. ana ʒij. Bezoar. utriusque <sup>Pulveres.</sup>  
ana ʒss. succini albis. ʒij. Ambræ gris. ʒj. f. pul. Dosis  
ʒß. bis, vel ter in die, cum aq. destil. aut Julap. ap-  
propriato.

Rx Pul. è chelis compos. ʒij. pul. rad. Pæoniæ ma-  
ris, Cranii humani præp. ana ʒj. florum Pæoniæ ma-  
ris, Liliorum convallii, ana ʒß. f. pul. sumend. eodem  
modo.

Rx Eboris, Corallii rub. pul. ana ʒiij. specier. diam- <sup>Tabulæ.</sup>  
bræ ʒj. sacchari albis. in s. q. Aq. Naphæ, solut. & ad  
Tabulat. coct. ʒviij. f. s. a. Tabulæ pond. ʒss. comedat.  
ʒj. vel ij. sæpius in die ad libitum.

Rx Conser. florum lilio. conval. ʒvj. pul. corallii <sup>Electuarium.</sup>  
præparat. Marg. eboris, oculor. Can. ana ʒiss. vitrioli  
martis ʒj. q. s. syrupi è coralliis f. electuar. Dosis ʒj.  
ad ʒij. bis in die, superbibendo haustum Julapii se-  
quentis.

Rx Aq. Naphæ, Citri totius, ana ʒvj. è cort. Au- <sup>Julapium.</sup>  
rant. cum vino destil. ʒij. sacchari ʒss. f. Julapium.

Rx Syrupi nostri de chalybe ʒvj. Dosis cochl. j. mane, <sup>Syrupus.</sup>  
& hora quinta pomerid. cum ʒij. Julapii præscript. sine  
saccharo, vel cum aq. destil.

Rx Pul. eboris, corallii, ana ʒiiss. specier. diambræ ʒj. <sup>Tabulæ.</sup>  
M m 2 salis



*salis chalybis ℥ij. sacchari ℥viij. Ambræ gris. solut. ℥ss. f. Tab. pond. 3ss. Dosis ℥iij. vel iiij. bis in die.*

*Aqua destillata.*

*℞ Fragorum recent. lib. viij. cort. exteriores 12 Aurant. limaturæ ferri recentis lib. ss. simul contusis affunde vini albi lib. viij. fermentari sinantur in olla clausa, per 24 horas, dein destil. organis communibus.*

*Spiritus.*

*℞ Sp. C. Cer. aut sang. aut similium ℥iij. Dosis gut. 20 bis in die cum vehiculo idoneo.*

*Pulveres.*

*℞ Florum salis Armoniaci, Corallii præp. ana ℥ij. Dosis ℥j. bis in die.*

*℞ Chryst. mineral. ℥ij. salis succini ℥j. salis C. Cer. ℥j. misce. Dosis gr. 15, ad 20, bis in die cum aq. destillata.*

### De pulsu Intermittente.

Passionibus cardiacis porro accenseri debet pulsus intermittens, & quidem merito; quoniam in hoc Affectu, aut saltem in quadam specie ejus, cor ipsum laborat; tamen more nonnihil diverso, quam in palpitatione, aut tremore ejus: quippe in his, quoad motum suum, in isto vero quoad quietem, perperam & irregulariter habet; hæc nempe interdum duplo longior est, quam juxta ritum ordinarium assolet.

*Pulsus intermittens duæ species.*

De Pathemate hoc imprimis distinguere oportet; cujus (ni valde fallor) duæ sunt distinctæ fiendi rationes. Nam licet quandoque pulsus intermittat, quoniam cor pro eo tempore à motu cessat; attamen præterea tactu indice pulsus nonnunquam in carpo intermittere videtur, dum cor in pectore celerrime ac incessanter (uti fit in tremore ejus) vibrare sentitur: cujus causam esse suspicor, quod urgente ista cordis passione, sanguinis portio tantum perexigua quaque systole in Aortam projicitur. Quare hæc inanita, & flaccescens, atque sarcina promovenda carens, ne frustra sæpius agat, contractionem suam quandoque intermittit. Pari-

*Prima quæ propter Aortæ culpam excitatur.*

ter



ter hoc fieri videtur, ac circa navem exonerandam, viz. quo tempore merces difficilius, & impeditè admodum depromuntur, bajulatores exportaturi ituum, & redituum vices quasdam prætereunt. Porro in febribus malignis, aut funestis, si quando pulsus creber, & debilis sit, etiam is subinde intermittit; cujus ratio est non quod cor à motu interdum cessat, ( hoc enim tunc imprimis indefinenter laborat ) sed quatenus sanguis non uberi satis penu, quaque systole in Aortam proferatur; quare hæc, opere satis agendo carens, nonnunquam otatur.

Verum insuper pulsus quandoque intermittit, quia *Secunda quæ ab ipso corde procedit.* cordis ipsius contractio, pro vice quadam suspenditur, siue pausa ejus duplo longior existit; quod quidem manu pectori admota quispiam in seipso, aut alio facile deprehendat, immo laborantes per gravamen pectoris, & oppressionem, plane in se persentiunt, quoties cor à motu cessat. Porro hæc affectio non tam languidos, moribundos, aut periculose ægrotantes, quam satis validos, & quoad plurima recte habentes passim incessit: quare non semper juxta vulgi opinionem pro morbo, aut signo pernicioso admodum, aut valde fontico sumi debet. Huic obnoxii plerumque etiam vertigine, cephalalgia, aut pathematis spasmodicis molestari solent. Cæterum iste cordis defectus quoad typum varius est; nam intermissionum periodi modo sunt certæ, & ad pulsus vicem quandam, puta, tertiam, quartam, quintam, aliamve aut crebriorem aut rariorem, determinatæ; modo incertæ sunt, ac vagæ, ut cessatio post pulsus jam pauciores mox plures contingat. Arteriæ vibrationes, dum continuantur, satis validæ siue fortes existunt, & plerumque sunt æquales; quandoque tamen pulsatio prima post intermissionem maxima est, *Varij ejus Typi.* quæ succedit paulo minor, ac ita sensim minuuntur, donec intermissio repetat; dein postea pulsus magnus incipiens



incipiens, quasi per scalam rursus ad ἀσφυζῖαν descendit.

Novi quosdam pulsu intermittente ( quantum observationi nostræ res constare potuit ) semper præditos, ut nullo non tempore, Arteriam tangens, ita habuisse deprehenderem; interim ut illi satis sani visi, de nulla alia ægritudine quererentur: attamen quosdam alios adverti tantummodo cum adesset, vel immineret, cephalalgia immanis, aut capitis affectio quæpiam gravior, etiam pulsum solito tardiores, & intermittentes habuisse.

*Causa ejus.*

Ex his constare arbitror, pathematis modo descripti causam, sive rationem formalem, non à sanguinis missione aut crasi, sed tantum ab irregulari spirituum Animalium, è cerebello in nervos cardiacos, indeque in tendines cordis dispensatione pendere. Enimvero suspicari fas sit, propter nervos istos nonnihil obstructos, spiritus Animales, haud pleno satis alveo, aut influxu ad musculi hujus tendines descendere; quare cum penus eorum nonnihil deficit, cordis motus pro unico pulsu subinde cessat, donec spirituum copiis mox de novo instauratis, actio ejus redintegrari possit: ita vidi mus molendinum à rivo per exiguo circumactum, lympa interdum subsidente, & pene exhausta, paulo subsistere; & deinde mox, cum assurgeret aquarum cumulus, circuitus suos repetere.

*Pregnoſis.*

Quorum pulsus ex se magnus, & satis fortis intermittere solet, illi non tantum cephalalgis, & affectibus vertiginosis, sed plerumque etiam Incubo, & raro Apoplexiæ obnoxii degunt: nam si contigerit, nervos cardiacos, prius non satis apertos, & expeditos, postea in totum obstrui, propterea necesse erit, corde ( quod primus Elater est ) immobili factò, corporis Animati machinam mox totam à motu, & consequenter à vita, cessare.

*Curatio qualis.*

Quamvis Affectio hæc præsentè incommodo, aut peri-



periculo sæpiissime carens, curationem præproperam non exigat, attamen præservationis gratia, ne morbi graviores insequantur, remedia, & methodus quædam therapeutica, adhiberi debent, saltem in tota, quæ supererit, vita ratio victus quoad omnia rite ordinetur: quinimo medicinæ cursus quidam levis vere, & Autumno solenniter observandus instituatur, Viz. ut, quantum fieri possit, morbida quævis seminaria, intra ἐγκέφαλον jacta, aut ibidem progigni apta, tollantur, & præcaveantur. In hunc finem huc referimus methodum, cum medicamentis contra Apoplexiæ insultus, prophylacticam, alibi à nobis præscriptam.

*Arteriæ Descriptio Anatomica.*

Quandoquidem affectus quosdam, pro cardiacis vulgo habitos, ab Arteriis potius, quam à Corde affecto procedere; atque sanguinis inordinationes, circa animi pathemata excitari solitas, propter vasa istæc irregulariter contracta, exoriri supra ostendimus; idcirco hic loci opportunum, & operæpretium videtur, tum Arteriarum in genere, tum præcipue illarum, quæ cordi immediatius appenduntur, descriptionem Anatomicam, una cum usibus, & muniis, brevem subjungere; idque potius, quia, cum Medici Antiqui super his vasis multum differuerint, recentiores, soli fere cordi, quatenus musculus est, totum circuitus sanguinei negotium attribuentes, circa arterias parum solliciti fuere.

Itaque imprimis ut quod veteres dixerunt recolam, *Arteriæ Tunica*  
*Galenus lib. 7. Administ. Anatom. cap. 5. dicit, quod juxta Galenum.*  
*unaquæque Arteria constet duplici tunica, quibus (inquit) possunt addi tertia, & quarta.* Rursus lib. 3. de facult. naturalibus. Cap. 11. dicit, quod *Arteriæ habent tunicas sicut ventriculus; & quod interior tunica, habet fibras longas, & obliquas, exterior vero transversales.*



*versales.* Quomodo, & quam congruenter ad hæc, observationi nostræ Anatomicæ res constitit, paucis exponam.

*Apparatus pro  
Anatome ejus.*

*Quatuor habet  
Tunicas.*

*Extimæ descri-  
ptio.*

*Secunda Glandu-  
losa.*

*3. Tertia fibrata  
& muscularis.*

Pro *ἐνχρηστέι* hac rite instituenda, sumatur Arteriæ magnæ, sive Aortæ, homini aut bovi exemptæ, portio, quæ bacillo (quò extensa servetur) superinducta, Aquæ ferventi aliquoties immergatur, ut tunicæ, & fibræ nonnihil contractæ, & tumidiore factæ, melius dignosci, & ab invicem divelli possint; tum, separatione per cultellum facta, tunicæ quatuor distinctæ apparebunt. Harum extimæ tenuis, & nervea, pro totius vasis integumento inserviens, exterius multas propagines nerveas, huc illuc varie perreptantes habet; in superficie vero interiore, vasorum omnis generis ac præcipue sanguiferorum textura quasi retiformi & densissima per totum obducitur. Arteriæ primo à vasis coronariis, & deinceps ex Aortæ trunco, ejusque ramis ubique ascendentes in hac tunica, cum venis è cava ejusque ramis pariter emissis, ramificantur. Porro propagines nerveæ utrisque illas occurrentes varie complicantur; adeoque ex omnibus intertextis quoddam quasi reticulum, ubique tubum arteriosum obducens, constituitur; è quo furculi perexiles vasorum cujusque generis in reliquas arteriæ magnæ tunicas substratas exporriguntur.

2. Tunicæ huic retiformi altera glandulosa succedit, seu potius huic superpositæ ista intime cohæret. Membrana hæc glandulis perexiguis, & albicantibus, per totum confita, pari modo habet ac ventriculi ac intestinorum tunica interior glandulosa, crustæ villosæ substrata; à cujus item tergo, plexus vasorum retiformis ubique disponitur.

3. Tertio in loco habetur Tunica muscularis, sive fibrata, viz. à fibris transversis sive annularibus densissime accumulatis contexta. Hæ fibræ carneæ, & motrices, tubum arteriosum cingentes, haud serie tenui &



& singulari, prout in tunica venosa struuntur, verum aggerie quadam, aliæ super alias stratae, pellem valde crassam constituunt. Earum strues sive ordines, in Arteria semicocta, facillime separari, & ab invicem divelli possunt; quæ pariter omnino (ac sunt istæ ventriculi, & intestinorum superius à nobis descriptæ) carneæ, ac motrices videntur.

Arteriæ Tunica quarta, ac interior, cavitatem ejus <sup>Quarta nervæa  
fibras rectas ha-  
bet.</sup> investiens, & tunicam substratam obducens, tenuis, & fere tantum membranacea est. Fibrillæ ejus nervææ in longum protensæ, fibras annulares ad rectos angulos secant; & videtur, quod hæ sint fibræ istæ rectæ, quarum mentio à Galeno, aliisque Anatomicis passim facta est: quas autem prædicant obliquas, tantum imaginarias fuisse reor; quoniam eas nullibi in hoc vase reperiri datur. Constat vero errorem istum Medicis quibusdam familiarem fuisse, nempe ut visceribus plerisque, & partibus membranaceis assignarent fibras rectas, transversas, & obliquas, ex falso supposito, quod unicuique istorum facultas attractrix, retentrix, & expultrix inesset, quodque tria hæc munia fibræ trium istorum ordinum distinctim obirent: quæ quidem omnia gratis, & perperam assumi, cuiuspiam penitus inquirenti facile liquebit. Interim Galeno eatenus assentior, ut Arteriæ quatuor distinctas tunicas agnoscam, quinimo eas in hoc vase, quemadmodum in ventriculo, habere; excepto tamen, quod in visceribus, vasorum plexus retiformis, una cum tunica glandulosa, subter tunicam fibratam, sive muscularem, in Arteria vero supra eam collocetur.

Hæc de Arteriæ conformatione in genere, ejusque <sup>Tunicarum usus.</sup> partibus constitutivis: quod spectat ad earum munia, & rationes, videtur, quod tunica muscularis, fibris carneis orbicularibus prædita primarii sit usus, & operationis. Hæc nempe, prout supra innuimus, cordis motui obsequens, in sanguine circumpellendo, perpetuas



*Fibrata propter  
systolas & Di-  
astolas.*

Systolæ & Diastolæ vices obit; quippe dum hujus fibræ carneæ successive, & mira celeritate, pone sanguinis rivum stringuntur, necesse erit cursum ejus à corde usque ad arteriarum extremitates, rapidissime peragi.

*Cæteræ Tunicae  
propter hujus  
commoditatem.*

Quoad Tunicas reliquas, & vasa per eas distributa, videntur omnia in unius Tunicæ muscularis commoditatem, & usum institui. Namque imprimis nervi, eorumque propagines, super Aortæ truncum, ejusque ramos majores ubique disseminatæ, & exterius apparentes, fibris carneis & motricibus substratis, more suo, tum spirituum copias, propter continua systolæ pensa obeunda, important, tum insuper contractionum sympathicarum instinctus, ( prout supra ostensum est ) deferunt. Dein ( quæ proxime occurrunt ) Arteriæ minores, tunicæ extimæ superficiem internam densissime obducentes, erga tunicam muscularem substratam, quemadmodum Arteriæ aliæ erga musculos alios, & partes solidas, duplici munere defunguntur; nempe, ut succum alibilem, quo nutriantur, & accrescant illæ, & particulas Elasticas, spiritibus jugiter instaurandis, convehant & apponant; dein venæ, arteriarum conjuges, quicquid sanguinis non alio impenditur, reducant.

*Vasorum plexus  
retiformis in  
quem fixæ.*

Quod autem hæc vasa sanguifera extra tunicam muscularem confita, & inter se complicata, plexum quasi retiformem constituunt, è quo propagines tantum minutissimæ, & perexiles dimittuntur ( prout etiam habet circa ventriculum, & intestina ) cum in musculis plerisque aliis, vasa istæ cum fibris carneis intexantur, eaque proinde rubere faciant; discriminis hujus ratio videtur esse, nempe quod opus sit vasa sanguifera à fibris Aortæ, & viscerum motricibus, aliquantulum seponi, ac ad distans quoddam locari; ne forsan cruor, has uberius perluens, interdum obstruatur, adeoque Phlegmonem, aut abscessum cito lethalem pariat. Quapropter, in majorem contra tale accidens cautelam, va-

*Tunicae Glandu-  
losæ usus.*

forum



forum istorum plexui retiformi tunica glandulosa semper cohæret; eum nempe ob finem, ut serositates, tum à nervis, tum ab arteriis superfluæ, & per venas non statim reductæ, à glandulis istis numerosissimis statim excipi, & donec sanguini remandantur ( ne in fibras motrices irruant; easque spasmodice afficiant ) contineri possint.

Quod autem plexus vasorum retiformis, eique tunica glandulosa cohærens, in Aorta supra tunicam muscularem, ac in visceribus subter eam disponantur, ratio, ni fallor, hæc est, viz. ut vasa istæc minuta, quæ sanguinem, & succos leniter, & moderate dispensare debent, à torrentis sanguinei intra Aortam æstuatione ( quantum fieri potest ) procul amoveantur. Veruntamen in ventriculo, ac intestinis, propter coctionis munia rite obeunda, sanguinis foco priori opus est.

Tunica Aortæ interna, cavitatem ejus investiens, præcipue in hos usus constitui videtur, ut canalem sanguineum intus obducatur, & reliquas hujus vasis partes terminet: verum insuper huic sensus aliquid, fortasse etiam motus non nihil, concedere oportebit. Enimvero hæc fibris nerveis prædita, non secus ac cordis sinus, à sanguine pertranseunte afficitur; proinde juxta hujusensionem, tunica muscularis in systolæ & diastolæ motus crebriores, aut tardiores, æquales aut inæquales urgetur. Porro hæc tunica prope cor spatium duarum circiter unciarum fibras rectas sive longitudinales majores, & quasi carneas habet, in tantum, ut suspicer hic loci, propter majorem sanguinis impulsu, Arteriam pone sanguinis rivum, haud tantum quoad amplitudinem stringi, & coarctari, sed, pariter ac in corde, eam quaque systole etiam quoad longitudinem non nihil contrahi, & decurtari.

Possim hic plura alia, circa vasis hujus structuram & usum, haud minus utilia quam jucunda scitu, adjicere;

*In Arteria plexus vasorum supra tunicam muscularem. Secus ac in visceribus.*

*Ratio hujus.*

*Tunicæ internæ usus.*



adeo uberis, & fecundæ contemplationis unaquæque, vel minutissima corporis animati pars aut portio est, ut singularis cujuspîam Theoria plenius exarata, multas paginas, immo librum integrum impleat. In digressione hac si amplius pergam, sequeretur jam proxime de vena agendum; verum hujus consideratione (siquidem ad pharmacîæ rationes explicandas parum aut minime faciat) omissa, ad medicamentorum genus aliud, nempe ad hypnotica, transeamus.

## SECT. VII.



## SECT. VII. CAP. I.

*De Medicamentis Opiatis, sive  
somnum inducentibus.*

**P**ost pharmaciam cardiacam, ex methodi lege quadam, Hypnotica succedit. Quippe somnus, quoties moderate, ac tempestive advenit, ex se remedium maxime Cardiacum existit. Verum hæc passio nec semper quando, nec quemadmodum oporteat, adesse solet; sed modo præsentia importuna, modo absentia sua, nos male afficit. Ex recto naturæ instituto, somnus, & vigilia, tanquam Castor, & Polux, secundum justos regnandi limites, vices suas alternare, atque alter invicem alteri locum cedere debet. Vicissitudo hæc quamdiu rite observatur, tum ad corporis sanitatem tuendam, tum ad Animi dotes excolendas plurimum conducit: sin vero alterutrius dominium nimis longe protendatur, propterea statim haud diu conceditur, ut sit mens sana in corpore sano. A somno immodico functionis tum naturalis tum Animalis facultates quæque obtorpescent admodum, hinc ut quispiam sepulchro magis, quam societati idoneus evadat: è contra immensæ vigiliæ proterant vires, & potentias Animales infirmant, aut pervertunt. Quamobrem, inter remedia indigentis nostris accommodata, sapientissimus Creator his usibus abunde prospexit; nimirum, ut in nostra potestate fuerit, somnum, & vigiliam, quoties opportunum videbitur, accersere, aut repellere, & si quando in excessu aut defectu peccarint, moderari. Quæ medicamenta & quibus in corpore humano operandi modis, desideratos hosce effectus procurare solent, jam ostendere incumbit; atque imprimis de Opiatis, sive remediis somnum inducentibus, dicendum erit.

*Somni & vigiliæ vicissitudo, ad sanitatem tuendam necessaria.*

Ut



In tractatu de  
affectionibus Cere-  
bri.

Ut melius constet, quid medicamenta Hypnotica agunt, & quali Cerebri, spirituum Animalium, aliarumque partium Affectione soporem inducunt, huc referri oporteret, quæ alibi de Somni natura, subjecto, causis, & effectis satis fuse disseruimus: Nimirum ostendimus Subjectum Somni immediatum esse Spiritus Animales, non omnes, sed tantum Cerebri, ejusque appendicis nervosæ incolas; viz. qui Sensuum omnium, atque motus cujusque spontanei munus exequuntur; illis interim exemptis, qui facultatis mere Naturalis, & Vitalis actionibus obeundis inserviunt.

Opiologiæ con-  
tenta sunt qua-  
tuor.

His itaque præmissis, circa Opiatas inquirendum erit, imprimis, quo ritu spiritus Animales afficiunt, ita, ut à medicamento velut afflatu, hi tanquam vinculis constricti illico subsidant, & pensa sua dimittant. Secundo designare oportebit, ubinam pharmaca hypnotica operationem suam incipiunt; viz. utrum in Ventriculo, aut Cerebro, vel annon simul, aut successive in utroque. Tertio determinandum erit, quousque opiata *ἐνεργείας* suas extendant, utrum in spiritus tantum cerebri, ejusque appendicis incolas, utpote qui soli, naturalis somni capaces sunt; vel annon etiam in alteros cerebelli, ejusque ditionis præsides exporrigantur. Quarto denique operæpretium erit, hypnoticorum præcipuorum effectus quosdam notabiles, & accidentia, una cum eorundem Ætiologiis subicere.

I. Quomodo opi-  
ata Spiritus  
Animales affi-  
ciunt.

I. Quoad prius horum, nempe ut constet, quo ritu Opiata spiritus Animales, dum eos consopiant, afficiunt, sententiam nostram alibi satis fuse declaravimus: est nimirum quod arbitrer, illa non vapores in caput elevando, nec cerebri poros, quo materies vaporosa aut alias soporifera admittatur aperiendo, vires suas exerere; at solummodo spiritus quosdam Animales perimendo, sive profligando, propterea ut cæteri aut consternati, aut interius compulsi, aut saltem ab effluxu in



in partes nerveas solito revocati, pensa sua derelinquant, aut aliquantisper remittant. Rem ita habere manifesto liquet, quia Narcotica, si in dosi nimis magna assumantur, quatenus spiritus in tanta copia pessundant, ut functio vitalis non amplius obiri possit, mortem accerfunt. Verum illa in justa quantitate, cumque aliis circumstantiis apte congruis exhibita, quatenus spiritus quosdam debellant, & consternunt, aliosque prorsus extinguunt, Animæ sensitivæ efferationem nimiam, & impetuositatem compescunt; proinde ut illa contractior facta, & velut se intro subducens quieta jaceat: pari fere ritu, ac cum flammæ vehementius erumpentis aquarum inspersio mox ambitum coerceri, ac intra limites moderatos redigi facit.

Quod si amplius inquiratur, in quali materia, & quomodo disposita medicamento virtus Narcotica consistat? Nulla hic qualitas manifesta, uti frigoris, caloris, aliufve hujus generis prætendi debet; neque statim ad occultas, nescio quas, confugiendum est. Arbitrari fas sit, opiatas ejusmodi particulis constare, quæ spiritibus Animalibus maxime adversantur, eorumque extinctoria, seu potius venena sunt. Non facile erit designare, qualis subsistentiæ, aut conformationis particulæ utriusque generis contrariæ fuerint, quia sensu non sunt perceptibiles, atque in nullis aliis subjectis particularum pariter adversantium Analogia occurrit. Attamen, ut conjectari liceat, videtur quod, cum spiritus animales sint corpuscula subtilissima, è spiritu, ac sale volatili simul unitis, ac summe exaltatis conflata; Opiatæ è contra sulphure foetido, hoc est, è sulphure, cum sale fixo, & materia terrestri simul combinatis, & ad efferationem evectis consent; cujusmodi concreta satis notum est subtili spirituum Animalium texturæ in tantum adversari, ut interdum ad distans per mera effluvia, vix aut ne vix per odorem perceptibilia, profli-

*In cujusmodi  
particulis eorum  
virtus consistat.*

gent;



gent; eorundum vero ( postquam intus sumuntur ) particulæ per sanguinem, & succum nerveum diffusæ, è spirituum animalium copiis, ubicunque iis occurrunt, quosdam quasi manipulos venenant, & velut extinguunt. In quibus autem locis hoc primario, aut potissimum fiat, jam proxime disquirendum erit.

2. In quibus locis opiatæ primo ac potissimum operantur.

2. Olim de somno agentes ostendimus affectionem hanc, juxta ordinarium naturæ ritum, à cerebri cortice incipere; viz. spiritus ibidem degentes, inque ultimis finibus velut excubias agentes, primo recedere, & quasi positis armis otiosos desidere; dein statim reliquos omnes, quibus hæc otia permittuntur, pariter decumbentes somno indulgere.

Spiritus isti primipili, requie potituri, stationes suas relinquunt, vel quoniam delassati, & copiis sunt diminuti, pensa sua, donec recreari possint, sponte dimittunt; vel quoniam exinde pelluntur, vel denique mulcimine quodam interius allectantur. Prius horum ordinarie, & assidue contingit, propter succi nervei, atque interdum laticis serosi influxum, aut inundantiam. Etenim humores isti è sanguine ( dum satur est ) cerebri oras extimas perlucens, in substantiam ejus corticalem suffusi, poros, & meatus omnes implent, proindeque spiritus reprimunt, & à libera expansione sua ( qua fiunt vigilæ ) præpediunt. Horum omnium rationes, & fiendi modos, in alio tractatu jam jam fuse declaravimus: ex quibus, rite perpensis, æquum erit sentire, Opiatæ cujusque, paulo postquam assumitur, particulas in sanguinem traditas, cumque eo circulatas, juxta cerebri corticem, potentiam suam narcoticam potissimum exerere; illas nimirum hic loci, primis spirituum Animalium copiis occurrere, horumque plures in extrema acie collocatos perimere, seu prorsus extinguere; dein propterea spiritus hujus catervæ reliquos, tenuiores jam factos retrocedere, & emanatione sua cohibita,

Primo sc. in cerebri cortice.



hibita, versus cerebri meditullium refugere; dumque adeo hi se ab acie subducunt, & receptui canunt, cæteri omnes intra sensoria, velut tot speculas, ubique positi, subsidiis amissis, mox obsequuntur, & excubias suas relinquentes recedunt, otioque indulgent.

*Ubi Spiritus extimos perimunt, proximos his intro recedere cogunt.*

Ad hunc modum Opiatarum particulæ, quatenus spiritus quosdam Animales, juxta cerebri corticem in prima acie stantes, profligant, & perimunt, proindeque proximos quosque repellunt, inque fugam vertunt, proinde ut eorum ad sensoria influxus suspendatur; soporem inducunt: attamen qua ratione, tam brevi interdum spatio, (uti nonnunquam accidit) viz. mox à pharmaco ingesto, & vix dum intra ventriculum soluto, somnus obrepit, cum aliquanto tempore opus videatur, quo particulæ soporiferæ, à stomacho in sanguinem, & dein com meatu ejus ad cerebrum deferantur, non obviū est explicare. Huic imprimis refero, iter à ventriculo per sanguinem, ad synciput satis expeditum esse, & exiguo tempore transigi posse: verū insuper opinari ducor, Opiatas nonnunquam immediatius in ventriculum agendo,

*Eorum affluxum ad partes nervosas minuant, aut revocant.*

atq; mero contactu ejus, ante ullum sanguinis commercium, somnum aliquatenus invitare. Alibi inter affectus hujus causas evidentes, merito assignavimus stomachi aggravationem; quotus enim quisque est, qui cibis crassioribus, & dyspeptis comestis, atque ventriculo molestiam, & onus faceissentibus, non statim somnolentus evadit? Cujus ratio videtur esse, quod cum inter spiritus stomachi, ac istos cerebri incolas maxima necessitudo, & sympathia intima intercedat, ita, ut utrique alterutrorum afflictiones, & mala invicem luant, (quod quidem plurimis instantiis satis obvium est declarare) hinc facile accidit, ob spiritus illos, qui ventriculo præsident, summe oppressos, & ab expansione libera præpeditos, & quasi repulsos, mox totius Animæ hypostasim, ac imprimis partem istam principem

*Opiata aliquatenus dum in ventriculo sunt, virtutes suas exerunt.*



Hujus ratio ex-  
plicatur.

pem cerebro præpositam, pariter coarctari, vela sua contrahere, & se totam somni jugo submittere. Quanto magis opinari subest, si quando spiritus stomachi, succum Opiaticum imbibentes, venenantur, ac in magna copia destruuntur, statim cunctos illos circa *ἐν κέφαλον* excubantes concidere prorsus, & somno, (qui non tantum imago mortis, sed & interdum eadem & ipsa est) opprimi? Profecto hujusmodi ab Opio assumpto effectus Historiam verissimam, & oppido raram alibi retulimus, viz. de viro quodam robusto, & mediocriter sano, qui à Laudani dosi nimis magna, propter dolores Colicos sedandos assumpta, illico circa ventriculum de gravamine intolerabili ac stupore conquestus, intra quatuor horas interijt, neq; tamen prius somnum ullum, quam ultimum, & lethalem inibat. *ἡ δὲ οὐρα* Hæc sunt loca præcipua, & maxime usitata, viz. ventriculus, & Cerebri cortex, in quibus Opiata potentias suas exercentia somnum inchoant, aut perficiunt. Attamen præterea ex observatione communi constat, eadem pluribus aliis modis adhibita, toti Animæ sensitivæ, aut saltem portioni ejus, quæ somni naturaliter, & ordinarie capax est, narcosin quandam imprimere. Linimentum ex opio fronti applicatum, necnon Enema solutione ejus imbutum, soporifera existunt. Similem effectum nonnulli ab eodem, denti cavo aut naribus indito, suo cum damno experti sunt; proinde ut constet phar- cum hoc, ubicunque ad spiritus animales admitti potest, eorum proximos quosque mero contactu suo profligare; adeoque interdum, ut totius Animæ quasi commotæ contractio sive subsidentia, cum facultatum principum eclipsi succedat: quanquam insimul verisimile est, Opii particulas è locis illis, sanguinis commea- tu, ad cerebri corticem deferri.

3. Opiatorum  
virtus quous-  
que, & in quas  
partes extendi-  
tur.

3. Designatis jam opiatarum telis, per quæ effasci-  
nant, atque Dramatum locis, ubi primo aut potissimum  
operan-



operantur; modo agendum sequitur, de illorum Activitatis sphaera, viz. in quas corporis nostri particulas, aut partes, & quousque in illas, vires suas extendunt. Ex praedictis satis liquet, illa in spiritus Animales agere; quaeritur annon etiam in sanguinem, & alios humores? Certe quo minus sanguinem ab iis vitari existimem, huc imprimis facit perexigua illorum dosis, à qua summe improbable est, totam massam sanguineam venenari, aut corrumpi posse: deinde quod à narcoticis, crebro licet adhibitis, nulla stigmata aut exanthemata, quae sanguini quocunque modo venenato supervenire solent, in cute, aut visceribus apparent. Porro quibus Opii usus familiaris evasit, ut spiritus Animales non lædat, quamvis in magna quantitate quotidie fumatur, nulla exinde sanguinis dyscrasia produci solet. Interea non putandum est Opii particulas sanguini congruas, & ab eo assimilari, quin potius heterogeneas prorsus, & immiscibiles esse: quapropter haud citius massam hujus subeunt, quam ab eo denuo mox expelluntur, indeque partim in cerebri corticem suffusæ, soporem inducunt, partim per cutis poros ejectæ sudorem, & non raro pruritum (prout in multis observavi) valde molestum cient. Quod ad alios humores spectat, profecto non est, ut judicemus Opiata, labem quamvis sero, aut liquori nerveo, aut denique succo nutritio affigere; adeo, ut illorum virus & *νέπνετα*, tantummodo ad spiritus Animales pertinere videatur.

*Sanguinem non  
uti spiritus ve-  
nenant.*

Attamen hos omnes non pari modo afficere solent, *Opiata primaria  
in spiritus cere-  
bri incolas a-  
gunt.* quin Opiata in dosi modica exhibita imprimis ac fere tantum ad spiritus eos pertingunt, quibus somni naturalis ac ordinarii privilegia conceduntur, cæteris aut intactis, aut non multum præpeditis. Quare à Laudano assumpto sensus tum interni tum externi ligantur, interim pulsus, respiratio, item coctionis, & separationis munia solito ritu peraguntur, atque post tempus quoddam spiritus prioris



prioris ditionis, copiis ipsorum instauratis, se denuo exerunt, & somni catenis excussis, ad solitas excubias sponte redeunt.

*Quandoque vis  
illorum ad cere-  
bellum pertin-  
git.*

Quod si Pharmacum Opiaticum debito potentius extiterit, non tantum spiritibus cerebri ejusq; appendicis incolis vincula fortiora, quibus diutius ligantur, imponit; sed & vim suam narcoticam latius in regiminis Animalis provinciam alteram explicat; ita, ut post majorem ejus dosin, appetitus plerumque obtundatur, respiratio angustetur admodum, & non tantum difficilis, sed etiam inæqualis reddatur; quandoque item ipsius cordis motus in tantum labefactetur, ut pulsus mox debilior, cum sudore frigido, & facultatum omnium torpore aut eclipsi quadam evadat; proinde ut tali medicinæ somnus interdum perpetuus succedat: cujus ratio est, quod virus Opiaticum, longius diffusum, cerebelli globum subeat, ejusque spiritus incolas in magna copia perimens, aut prosterbens, cordis motum primo vacillare, & dein prorsus cessare faciat, proinde ut flamma vitalis aboleatur.

*4. Opiatorum  
effectus boni, aut  
mali.*

His ita præmissis circa Opiati naturam, operandi modum, subjecta, & limites sive Activitatis sphæram; jam denique incumbit, effecta, & accidentia præcipua, tum bona, tum mala usui ejus supervenire solita, recensere; & dein cautiones aliquot circa rectam medicinæ Hypnoticæ methodum subjungere, itaque imprimis despiciamus, quali modo, ac in quibus casibus pharmaca Opiatica juvare solent.

*1. Bona illorum  
aut spiritus, aut  
sanguinem, &  
humores respici-  
unt.*

Bona, sive Emolumenta Opiatarum usu procurari solita pertinent, vel ad spiritus Animales, vel ad sanguinem, & humores: illi quidem primo & immediatius, hi vero secundario, & non nisi istis mediantibus, afficiuntur.

Quoties spiritus Animales supra modum incitati, circa munia sua obeunda, aut nimis, aut irregulariter agunt



gunt, ad sedandos eorum impetus, aut inordinationes, narcotica tempestive exhibita opem sæpenumero egregiam præstant: tales illorum exorbitantiæ, à quibus Opiatarum usus indicatur, aut sensum aut motum respiciunt. Functio prior cum sit duplex; sensuum interiorum vitia præcipua sunt, vigiliæ, ac delirium; exteriorum vero ægritudo, medicinam hanc potissime requirens, est Dolor. Motuum Anomaliæ, à narcoticis regulandæ, imprimis sunt pulsus vehementior, præcordiorum, aut viscerum spasmi, quin & horum excretiones nimix ac violentæ. Adeo plures, & diversimodi sunt casus, in quibus, dum spiritus animales, tanquam equi ferocientes aut furiosi decurrunt, aut extra orbitas defiliunt, ab Opiatis, tanquam frænis injectis, coerceri, aut reduci debent. Cujusque horum instantias, una cum fiendi modis, & medendi rationibus hic breviter subjiciemus.

*Requiruntur ad spiritus, quoad functionem sensitivam, vel motivam.*

*Ad utramque variorum respectu.*

Primo igitur Opiatæ necessario & maxime proprie indicantur à Vigiliæ; in quantum sc. somnus affectio huic contraria, proindeque curativa ejus existit. Quot modis, & ob quas causæ vigiliæ excitari, & diutius permanere solent, in nupero tractatu satis fuse declaravimus; in quibus singulis casibus, quandoquidem spiritus Animales nimis efferi, & irrequieti sese importunius exerunt, & tum organa sensoria, tum præcipue extimam cerebri oram, usque quaque inflant, & irradiant; particulæ opiatice sanguinis commeatu huc tractæ, illico spiritus in primâ acie excubantes perimunt, aut consternunt, proinde ut proximi quique intro compulsi sistantur, & ab emanatione sua quaquaversus habenda multum coerceantur: quapropter mox spiritus omnes extrinseci, tum sensus tum motus cujusque spontanei organa incolentes, capitalium istorum affluxu solito destituti, etiam excubias suas dimittunt, ac intus recedentes otiosi decumbunt.

*Respectu sensuum interiorum, ad vigiliam.*

Secun-



2. Et Delirium.

Secundo in affectibus Deliris, Opiata sæpè cum fructu adhibentur; (quamvis interdum ea noxam potius afferunt, prout infra declarabitur.) Prioris ratio est, quod cum spiritus, intra cerebrum nimis incitati, ac velut œstro perciti, meatuum suorum vias solitas, & tritas facile transfiliunt; tunc medicina narcotica, juxta cerebri oram appulsa, afflatus eos, tanquam canes venaticos exspatiari aptos, reprimat, & è motu omni paululum sistit; ut sæpius, cum denuo moveantur, tractus suos priores repetant, & functiones pristinas rite obeant.

Respectu sensus  
externi, ad dolo-  
rem.

Tertio Opium pro doloribus quibuscunque sedandis præstantissimi semper usus habetur; quamobrem merito Nepenthe appellari solet, & remedium vere divinum existit. Et quidem satis mirari vix possumus, quomodo urgente visceris aut membri cujuspiam tortura insigni, & intolerabili cruciatu, pharmacum hoc, incantamenti instar, levamen & *ἀναισθησίαν* subitam, immo interdum absq; somno, aut saltem prius quam advenerit, concedit. Porro adhuc magis stupendum est, quod donec particulae Opiaticæ operari, & potentiam suam narcoticam exercere continuant, immo etiam aliquamdiu postquam somnus finitur, summa alleviatio, & indolentia in parte affecta persistit; dein vero, exactis medicamenti viribus, illico redeunt tormina, nec atrocitatem suam remittunt, nisi dum ab eodem pharmaco rursus incantantur.

Qua ratione opi-  
ata dolorem se-  
dant, absque so-  
mno, vel post  
eum finitum.

Hujus rationem inquirenti non facile occurrit, in qua parte medicamentum Anodynon potissimum operatur, & virtutem suam exerit, dum absque somno, aut post eum finitum, dolores sedat, & pro statuto quodam tempore *ἀναισθησίαν* continuat: Viz. utrum vis ejus narcotica in partem dolentem, vel in commune sensorium, vel in totam Animam sensitivam impendatur. Propositorum discriminis ratio est, quia dolor in uno loco excitatus, in altero sentitur, ejusque effectus per totam animam



animam diffunditur. *¶* Productio ejus in hoc consistit, quod fibræ nerveæ à quodam incongruo, & valde impropor-  
 tionato irritantur plurimum, & ab invicem di-  
 velluntur, proinde ut spiritus in iis scatentes, mox di-  
 strahantur, & ab æquabili sua expansione correpti in  
 confusionem agantur: attamen doloris sensus efficitur,  
 quatenus illa spirituum perturbatio, undulatione qua-  
 dam per ductus nerveos ad commune sensorium, sc. cor-  
 pora striata, delata, spiritus ibidem confitos, in parem  
 distractionem concitat; cujusmodi affectio, ulterius  
 ad cerebri meditullium pergens, imaginationem com-  
 movet, indeque mox reflexa per totam spirituum hy-  
 postasin molestim, sive inquietudinem quandam dif-  
 fundit. Cum itaque dolor passio ita late extensa, & tam  
 vari respectus fuerit, jure inquiritur cujusmodi activi-  
 tatis sphaeram Anodyna habeant.

Super his nullus dubitandi locus est, quin quoties ab  
 Opio assumto primo somnus inducitur, & consequenter  
*ἀναλγησία* succedit; tunc enim hæc illius immediatus effe-  
 ctus, è vestigio sequitur, quatenus nempe cum spiri-  
 tibus cerebri incolis, etiam qui *πρῶτον αἰσθητήριον* actuant, li-  
 gantur; & proinde, quantumlibet pars dolens irrita-  
 tur, doloris sensus omnis inhibetur: at vero quod, cum  
 patiens evigilet, adeoque persistens, functiones quas-  
 que Animales vegete exerceat, per totidem ab Opio ex-  
 hibito horas indolens maneat, & deinde pharmaci viri-  
 bus absumtis mox eadem tragoedia redeat, hic certe  
 nodus vindice dignus videtur.

Ad quem solvendum, non est ut dicamus spiritus *Hujus Ætiolo-  
 gia explicatur.*  
 partis dolentis, aut communis sensorii incolas, viz. aut  
 hos, aut illos singulatim, aut simul utrosque, à phar-  
 maco Anodyno ligari. Quippe haud credibile est, O-  
 pio particulas cerebrum, & nervosum genus ita pene-  
 trare, ac altius subire, ut illo superato, & illæso, ad ul-  
 timas hujus oras tam brevi descenderent: porro nec  
 putan-



putandum est, spiritus corpora striata incolentes, (cum durante vigilia *ἀναλγησία* aliquamdiu maneat) pro captandis quibusque aliorum sensibilibus impressionibus expergefatos, solummodo ad appulsus à parte dolente factos obsurdescere. Quandoquidem igitur indolentia, post somnum finitum, neque ad partem dolentem, neque ad primum sensorium, ab Opio stupefactum referri debeat, videamus quomodo hujus Ætiologia à totius Animæ sensitivæ affectione quadam narcotica deduci possit. Hoc autem facile liquebit, postquam hæc duo præmisimus.

*In his duobus consistit, viz. Primo ad dolorem requiritur spirituum ad partem affectum copiosus affluxus.*

Primo ad dolorem quemvis excitandum aut continuandum peropus esse, ut spirituum copiarum satis uberes usque in parte affecta scateant: quippe horum tumultuantium excandescencia, distractio, & mutua aliorum in alios allisio, ipsissima causa conjuncta sunt molesti istius sensus, qui dolor appellatur; quapropter si nervis constrictis, spirituum ad locum dolentem affluxus inhiberi, aut multum diminui possit, necesse foret dolorem cessare; eo nimirum quod spiritus isti subsidiis, aut supplementis usque novis destituti, tenuiter, & sparsim adeo in fibris jacerent, ut vix se mutuo tangerent, saltem in furorem & indignationem minime erumperent.

*2. Quem opiata suspendunt.*

2. Cujusmodi hic pro *ἀναλγησία* acciendâ spirituum destitutio, sive subductio requiritur, nulloque alio remedio, aut *ἐγχειρήσει* procurari potest, sæpissime ab Opio exhibito produci solet. Enimvero à pharmaci hujus particulis *ἐγκεφάλαι* oram obsidentibus, non solum spiritus quidam extimi, & velut præcursores (uti dictum est) perimuntur, sed illorum intra cerebri, & cerebelli medullarum, mox primæ scaturigines, indeque in nervosum genus effluxus valde supprimuntur, adeo, ut durante Opii *ἐνεργεία*, multo parcius, & diminutius illi in præcordia, viscera, immo & in quascunque alias partes dispendentur.



sentur. Hinc pulsus, & respiratio de vehementia, & crebritate sua remittunt, & nonnunquam subito hæc difficilis, & iste debilis evadit; plerumque etiam membra quæque ac artus languor insolitus, ac pigrities incessit. Porro hinc viscera in spasmos sive excretorios, sc. per vomitum, aut secessum; sive dolorificos, uti in colica, aut Nephritide prius irritata inordinationes suas deponunt: viz. ob hanc rationem, quia dum in parte affecta spirituum copię subsidiariæ, & supplementa deficiunt, pauciores illi superstites tumultui, & excandescentiæ non amplius vacant; quinimo, ut omnino subsistere, & se tueri possint, quieti jacent: deinceps vero quando diffatis Opii particulis, spirituum intra *ἐντέφalon* penus, eorumque inde in partes nerveas emanatio redintegratur, ita, ut pleno rursus alveo, illi ad partes affectas descenderint, earumque rursus fibras adimpleverint, illico, ob spiritus iterum accumulatos, & sicut antea proritos, iidem spasmi, aut dolores redeunt. *Propter eandem rationem Opiata spasmos tollunt.*

Proculdubio juxta hunc afficiendi modum, & juxta rationem modo assignatam, Opiata dolores atrocissimos plerumque sedant, atque indolentiam cum, vel absque, somno procurant, eamque post hunc finitum aliquamdiu, & pro statuto quodam tempore continuant; quo spatio elapso dolores mox recrudescunt, & brevi ad solitam ferociam augentur. Hujusmodi narcoticorum effectus, in curatione Colicæ scorbuticæ satis vulgo notus, exorcismo cuidam similis videtur; quatenus nempe dolor, tanquam dæmon aut spiritus malus, solummodo pro tempore quodam determinato ligari possit, deinde ut rursus desævire incipiat. Inter affectus dolorificos, quibus Opium succurrit, jure hic locum vindicant Podagra, & calculus vesicæ. *In calculo & podagra juvant.* In doloribus Arthriticis Anodynon istud opem sæpe egregiam, & quasi divinam præstat. Posterior hic morbus, cum in senibus



fenibus immaniter sæviat, & per lithotomiam curari nequeat, à nullo alio remedio præterquam à narcoticis levamen admittit. Quamobrèm in hoc casu nonnullis Laudani aut Diacodii usum constantem, & quotidianum suasi; quod cum magno vitæ solatio, nullam ab eo noxam fortiti, fecerunt, quamvis dosin ejus subinde augentes, ad magnam quantitatem ascenderint. Hæc de mendi, aut juvandi rationibus, quas circa functionis sensitivæ enormitates regulandas, Opium præstare solet: videamus tandem quomodo, & quantum hæc Panacæa, pro Motuum Anomaliis sanandis, aut sedandis conferat.

2. Functionis  
motivæ Anoma-  
lias quomodo opi-  
ata juvant.

2. Functionis motivæ immoderatio, aut irregularitas, pro quibus rite componendis, Opiatarum usus indicatur; præcipue spectant ad præcordia, & viscera; (nam spasmi circa caput aut membra non ita necessario hanc medicinam requirunt.) Ad prius illorum referri debet Pulsus, & Respiratio, quoties hæc, vel iste debito crebrior, aut vehementior fuerit: quippe cum in febribus cordis, & pulmonum motus, intensiores facti, sanguinem rapidissime circumagant, proinde ut tum quoad accensionem, tum crasin suam valde pervertatur, & recrementa sua ita penitus incocta secernere nequeat, à narcotico exhibito partium istarum impetus nonnihil refringitur; ita, ut sanguis, mox leniter, & temperate circulatus, calorem minus intensum diffundat, atque in compage solutus, serum, & impuritates suas per sudorem, & urinas excernat. Opiata Pulsus, & Respirationis actus extenuant, & deprimunt; quatenus spirituum Animalium in cerebello scaturigines nonnihil fistunt, eorumque exinde in nervos præcordiis destinatos effluxum diminuunt; quod si nimis fieri contigerit, propterea functionis vitalis dejectio magna, immo interdum lethalis succedit.

1. Pulsus & re-  
spirationis vehe-  
mentiam mi-  
nuunt.

Respirationis  
inordinationes  
regulant.

Respiratio non solum quæ vehemens, sed insuper quate-



quatenus eadem interrupta, convulsiva, aut alias diversimode irregularis fuerit, non raro medicinam narcoticam desiderat; hæc in Tussi violenta aut valde crebra, & continue molesta, præ quibusque aliis remediis juvare solet. Cæterum in paroxysmis Asthmaticis, ubi Respirationis organis laborissime exercitatis, affecti in ipsius mortis agone positi videntur, Opiatæ peridoneæ dosis quasi *θεός ἀπὸ πονηρίας* omnia mox serena, & tranquilla reddit. Cujusmodi affectuum ratio est, quod in pathematis istis, ubi molestum aliquod partes maxime vitales obsidet, spiritus harum incolæ summe irritati in excandescantias immanes irrumpunt, atque nimis agendo, omnia petrurbant & invertunt: quare cum à narcotico assumto, spiritibus ita debacchantibus suppetiæ detrahuntur, illi mox extenuati, & velut orbi, inordinationes suas dimittunt. Porro medicina Narcotica haud minus contra viscerum, sc. ventriculi, & intesti- *Porro opiata viscerum spasmos excretorios sedant.* norum, motus immoderatos, aut convulsivos necessaria videtur: namque hæc in vomitu horrendo, in catharsi nimia, aut violenta juvamen sæpe maximum præstare solet. Affectus Dysenterici sine Opio vix curari possunt; non quod pharmacum hoc succos, & humores ebullientes, & efferos figit, sed fibrarum spasmos excretorios sistit; idque partim intra viscerum ipsorum cavitates mero contactu suo spiritus ibidem insitos stupefaciendo; partimque intra cerebellum spiritus inde ad partes illas affluxuros supprimendo; quorum subsidii illi destituti excandescantias suas spasmodicas facile dimittunt. Possim hic partium aliarum aut spasmos, aut dolores, ab Opio sedari, aut tolli solitos recensere; sed de pharmaci hujus *ἐνεργείας*, & effectis Anodynis, quæ primo ac potissime, in spiritus Animales exeruntur, jam satis dictum est; modo videamus cujusmodi in sanguinem, & humores virtutem, ac vim alteratricem obtineat.



Quomodo opiata  
in sanguinem  
operantur.

Et quidem Opiata in sanguinem, & succos corporis nostri operari, eorumque inordinationes compescere, nullus fere è plebe est, quin satis perspectum habeat. In catarrhis & defluxionibus cujusque generis, sæpe ad hæc, tanquam ad ultimum Asylum, confugimus; excretiones sanguineas hæc potenter sistunt, item serosas, si quando nimia, & colliquativæ fuerint, cohibent, aut reducant: cruoris febriliter æstuantis ebullitionem immodicam reprimunt, ejusque accensionem nimiam imminuunt. Denique hæc fluctus omnes quacunque fere de causa in corpore nostro excitatos, felicissime sedant, & sanguini, ut ut perturbato, statum sæpissime halcyonium inducunt.

Particulae Opiaticæ quoritu in sanguinem operantur.

Quanquam hujusmodi effectus magna ex parte, propter medianes spirituum Animalium affectiones (pro ut supra inuimus) producuntur (nam in quantum fibræ nervæ inordinatim contractæ, sanguinem, & humores exagitant, inque varias fluctuationes, & exundationes cogunt, idcirco spasmorum illorum per Opiatas suppressio, horum æquor mox tranquillum reddit:.) veruntamen etiam probabile videtur, particulas Opiaticas, dum sanguini confunduntur, mera *συμπλοκή* sua, liquori ejus alterationes quasdam inducere: enimvero has cruori heterogeneas prorsus, & immiscibiles, simulque indomabiles esse supra ostendimus: quæ propterea, si quidem latræ ejus minime hostiles, aut injuriæ apparent, pro Alexiteriis quodammodo habeantur; ejusmodi nimirum, quæ sanguini confusæ, massam ejus cito, ac fere illibata pertranseunt, atque transitu suo poros, & meatus omnes aperiendo, sero aliisque recrementis, aut miasmatis malignis intus conclusis, & constrictis, exitum patefaciunt, immo eadem ante se foras propellunt. Quapropter, non immerito prorsus est, quod Antidotorum præcipuorum, uti Theriacæ, Mithridatii, & Diascordii compositiones, Opium (quasi Alexipharmacum esset) ingrediatur. Pro-



Profecto Opii devorati particulas, brevi in sanguinem traduci, ejusque massam celeriter pertransire, indicio est, quod illæ derepente, postquam medicamen assumitur, ad *ευνεφελον* provectæ somnum, & indolentiam procurant. Porro eas (ubi congruunt) sudores provocare & urinam movere experientia communi constat; in tantum, ut hi effectus Opii Virtutibus vulgo accenseantur. Porro hujus particulas haud sanguini venenosas, sed potius Alexiterias existere inde colligitur, quoniam in peste, variolis, febribus malignis, immo in quibuscunque aliis, Laudanum cum magno sæpe fructu exhibetur: interim vero quas nonnulli huic pharmaco qualitates, sanguinem figendi, & increassandi attribuunt, non facile deprehendimus; nisi forsan illud dicatur efficere, quatenus, compagem ejus referando, serositates ejus copiose secerni, & amandari facit, proinde ut liquor residuus spissior, & compactior evadat.

*Sanguinem brevi pertranseunt.*

*Ac idcirco Alexiteria habenda sunt.*

*Sudores, & urinas, movent.*

Enimvero medicamenta Opiatica sanguinem fundere, atque interdum Alexiteriarum ritu tum sudores, tum urinas potenter movere, uti ex crebra observatione compertum habui, ita per Historiam sequentem (quam Coronidis hic loco adjicio) omnibus manifestum reddetur. Olim pro Generoso quodam valde cacochymico, & doloribus nocturnis à lue venerea, male, aut minime curata, oriundis miserrime divexato consulebar. Multa præscripsi, sed incassum; quia medicamenta plurimum abhorrens, fere nihil præter Laudanum dosim semel tantum aut bis in hebdomade pro sedandis doloribus ei concessam sumere voluit; brevi Hydropicus factus, ab Ascite, simulque ab Anasarca in tantum intumescebat, ut vix à latere in latus, sine ministrantium auxilio, se devolvere potuerit. In hoc statu ad eum denuo accersitus, & præceptis medicis obstinatum reperiens, quod supererat, mortis non longe abfuturæ, & pro certo expectandæ, propterea ut se, & res suas

*Talis eorum efficacia, Historia notabilis.*



suas propter æternitatē componeret, prognosticon dedi. Ille, non multum perturbatus, obnixè rogabat ut *ἐν χάριτι* gratia Laudanum nostrum, parcius ante permissum, ad libitum, aut saltem quoque vespere fumeret: hoc cum admonitione quadam concedens discessi, ac, uti putarem, supremum vale dixi. Postea pharmacum illud quotidie sumsit ille, & quotidie dosin auxit, ita, ut brevi tempore quantitatem ejus vix credibilem absumfisset. Pharmaco hoc unico constanter usus indies melius habuit, ac intra mensis spatium in tantum convaluit, ut, tumore omni, & doloribus immunis factus, stomacho valeret, & foras obambulet. Ab assiduo hujus Opiatæ usu, sitis, antea multum urgens, cessabat; & quaque nocte in sudorem magnum dissolutus, insuper & urinam copiosam excernebat. Possem hic plures aliorum affectuum, pro deploratis habitorum, curationes solius Opii beneficio peractos attexere; verum hoc cum tœdio, & nonnihil extra rem foret, ideo libet hic unam tantummodo, aut alteram breviter notare.

*Historia secunda.*

Tribus fere abhinc annis femina prænobilis, post febrem Autumnalem in Colicam atrocem cum vomitu, & doloribus acutis, & viscera, & membra miserrime affligentibus, incidit. Remedia cujusque generis, tum interna, tum externa, per plures septimanas sedulo exhibita ne hilum profuere; quin nobilissima Domina intra 20 dies ad tantum languorem, & corporis extenuationem redacta fuit, ut de salute recuperanda spes minima, aut vix ulla superesset: nam lecto affixa, & fere semper insomnis, ventriculi molestia sive ægrotatione constante afficiebatur, ingesta quæque tum pharmaca, tum alimenta vomitu rejiciens; insuper circa ventrem, & lumbos, quandoque etiam in capite, & artubus tormina, & cruciatus pene continuos perpeffa erat: ad hanc accersitus cum medicamina varia tentarem, nihil congruebat præter Laudani liquidi dosin; quam ad levandos



dos dolores, primo bis tantum in hebdomada, idque non sine cautione, & metu exhibere audebam: impetravit illa tandem ut noctibus alternis, & dein ut singulis remedium illud assumeret. Itaque hoc sine ullo incommodo quotidie usa, noctu somnum uberem, & satis placidum, atq; interdiu indolentiam, & stomachi *ευφορίαν* obtinuit, adeoque vires sensim recolligens lecto exurgere, & alimenta quotidie ingerere coepit; quin alia medicamenta assumere tunc potuit, & voluit; donec tandem integre convalesceret.

Nec minus pharmaci hujus divini laudes prædicare *Historia tertia.* solebat foemina quædam lectissima, doloribus subinde colicis atrocissimis per plures annos obnoxia. Nam quoties ab eo morbo decumbens, cruciatus intolerabiles sentiebat, à nullo remedio præterquam ab Opio relevari potuit; quare hujus dosin quaque nocte sumebat, donec, materia morbifica sensim absumta, demum languore omni, & doloribus immunis evaderet.



## SECT. VII. CAP. II.

*De Opii nocumentis, ac incommodis; quibus sub-*  
*nectuntur cautiones circa usum ejus.*

**H**Actenus Opii bona, seu faciem velut Angeli-  
 cam, unâ cum juvandi modis, ac rationibus  
 ostendimus. Pharmaci istius, velut numif-  
 matis inversi, si *pharmaci* altera inspiciatur, plane diabolica  
 apparebit; in qua hæud minus damni, ac maleficii,  
 quam in priori ista emolumenti vidimus, detegere li-  
 cebit; adeo Panaceæ huic plurimum toxici adjungi-  
 tur, ut de usu ejus crebro, ac familiari, minime liceat  
 securos nos esse; quare prout commodorum, ita &  
 noxarum ejus admoneri nos oportet; proinde ut circa  
 pharmaciam hanc, non secus ac profectionem mariti-  
 mam, cum ex utraque parte, tum portus adpellandi,  
 tum scopuli evitandi plane innotescant, minus peri-  
 culi, aut discriminis incurratur.

*Quot & quibus  
 modis, opium  
 ledere solet.*

Opii usum quandoque noxium, & maleficum fuisse,  
 tristi quorundam experimento ratum vidimus; in quan-  
 tum nonnulli statim ab hoc assumpto somnum perpe-  
 tuum inivere, aliique propter nimiam, aut intempesti-  
 vam ejus dosin, aut vitam suam corripuere, aut facul-  
 tatum principum læsione eam incommodam postea,  
 aut infelicem reddidere. Instantiæ, & exempla hujus  
 generis ab Agyrtis, & empiricis passim facta nimis cre-  
 bra occurrunt. Memini quosdam, à Laudani pilula de-  
 vorata, illico soporem adeo profundum obdormivisse,  
 ut nunquam expergefieri potuerint: vixerunt quidem  
 per tres aut quatuor dies, quoad pulsum, respiratio-  
 nem, & calorem satis recte habentes; nullis interim re-  
 mediis, aut torturis, ad sensum, & vigiliam revocan-  
 di. Attamen observavi alios ab Opio assumpto, medio-  
 criter



eriter tantum, immo interdum, parum aut vix omnino dormivisse; quoad pulsum vero, & respirationem, & calorem mox deterius habuisse: illi nimirum statim ab hoc pharmaco assumpto languescere, dein anhelosi magis atque magis deficere solebant; nec cardiacis ullis illorum vigor instaurari potuit, quin sensim fatiscentes vitam exhalarent. Alibi Historiam recitavi cujusdam viri robusti ab Opio interemti, cui somnus plane nullus, priusquam ultimus ac lethalis, viz. mors ipsa supervenit; ille statim ab assumpto pharmaco de insigni ventriculi gravamine, & frigore conquestus, mox languore insigni cum spirituum omnium concidentia, & extremorum infrigescencia afficiebatur, atque intra quatuor horas oculos suos caligare, & prorsus cæcutire queritans, expirabat.

Ex his facile colligitur, opium non uno semper, eodemque modo vitam destruere, sed binas saltem præcipuas trucidandi vias obtinere. Unius ratio in eo consistit, quod pharmaci assumpti particulæ, prius ac potius cerebrum; ac alterius, quod ita cerebellum afficiant. Quoad posterius hoc, res juxta modum sequentem habet: si, post pharmacum assumptum, forte accidat cerebelli ambitum à corpusculis narcoticis in tantum obsideri, ut, spiritibus extimis illico deletis, interiorum versus præcordia affluxus minuatur, & deinde paulatim rescindatur; necesse erit cor, & respirationis organa, circa functionis vitalis munia primo fatiscere, & dein prorsus ab opere cessare; interim ut ægrotantes torpore graviore immunes evigilent, satis animo contentent, & usque dum vivunt sensu vigeant. Sin vero particulæ Opiaticæ primo, & pleno agmine in cerebri oram irrumpentes, ejus incolas potissimum adorientur; in tantum, ut spiritibus extimis mox profligatis, etiam interni quique, meditullia ejus occupantes, valde consternantur, & ne rursus emergant, & acies suas de novo

*Toxicum ejus  
aut cerebrum  
prius, aut cerebellum afficit.*



conferant, prorsus supprimantur; tunc statim sopor altus seu veternus invincibilis, & perpetuus succedit, pulsu interim, ac respiratione in debito statu aliquamdiu perstantibus.

*Mala producit  
vel capite, pectore  
aut ventre.*

*In capite.*

Præter exitiales hujusmodi clades, quas Opium vitæ humanæ passim intentat, insuper hoc pharmacum plures alios nocendi modos sortitur; quibus privatae cui-dam functioni, aut corporis parti, sæpe maleficum existit. Cum tædio fuerit noxarum minorum, quas narcotica uspiam excitare solent, species omnes recensere, hic tantum referre libet, quæ mala ab improprio, aut intempestivo ejus usu, in capite, quæque in pectore, quæ item in ventre imo quandoque accidunt.

*Opium quomodo  
Turcas afficit.*

1. Quoad prius satis vulgo notum est, functiones Animæ principes, viz. memoriam, discursum, & ingenii acumen sæpenumero à narcoticis insigniter lædi. Frequens eorum usus in multis hominibus memoriam debilitat. Novi quendam à Laudani dosi majori, cum frebricitaret, assumpta, facultatem istam penitus amisisse; dein post aliquot septimanas, quando usus ejus redire cœperat, tantum quæ intra peculiarem temporis tractum, & nihil eorum quæ ante, & post gesta fuerunt, recordabatur. Scio quosdam ab hoc pharmaco ingenii tarditatem, aut stupiditatem, aliosque amen-tiam contraxisse. Hinc (notante *Freitagio*) cum *Prosper Alpinus*, & *Bellonius* tradant *Ægyptios*, & *Turcas* vesci Opio, ad comparandam alacritatem, Audaciam, venerisque appetitum; addunt tamen Opium devoratores, etsi ejus usu recte valere, & minime lædi videantur, tamen frigidiores reddi, eorum functiones esse deteriores; ebrios, & torpidos fere perpetuo apparere; fieri comatosos, stupidos, inconstantes; modo affirmare, modo negare; adeo, ut caveant tractare & conversari; ut etiam in dictærium, convitio non absimile, quod sibi mutuo ob-jiciunt, abierit; tu edisti opium; non aliter quam cum nostra-



*nostrates alicui temulentiam vel ebrietatem exprobrant. Freitag. lib. de Opio cap. 3.* Horum *Ætiologia* ex superioribus satis manifesto liquet; viz. Opium Affectus modo citatos producere, quatenus cerebrum primum, ac potissimum impetat; dumque ibidem spiritus quosdam Animales destruit, aut profligat, plerosque alios à solitis emanationum viis pervertat, inque tractus devios deflectat. Quod vero opium à Turcis (addam & quibusdam è nostratibus propter diutinam consuetudinem contra virus ejus munitis, ac velut armaturam quandam nactis) in magna quantitate impune, vel saltem absque vitæ periculo devoretur; ratio est, quoniam particulæ ejus, etiamsi spiritibus primo infestæ, & venenosæ, crebro tamen usu tandem magis congruæ, & familiares evadunt; quemadmodum observamus circa nicotianæ fumum per tubulum ore exceptum: cum enim primis diebus vertiginem, ac sæpe vomitum, aut purgationem, quinimo sudorem frigidum, cum tremore, & crebris animi deliquiis inferre soleat, postea tandem, eum imperturbate immo cum magna delectatione assumimus. Quod autem major Opii dosis, illis Animi fiduciam, adeoque, ut intrepide pugnam incant, audaciam insignem addat; in causa videtur esse, quod pharmacum illud, spiritus nonnihil stupefaciendo, attonitos reddat, proinde ut sensibilibus ut ut terribilibus occursum immoti perferant. Quod denique asseritur, Opiata venerem stimulare, cum potius videretur ea spiritus extinguendo cœstrum illud suppressere, & domare; dicimus (si modo effectum istum revera habeat) humorem genitalem, spiritusque in eo scatentes, non à cerebro descendere, sed immediate in vasa spermatica suffundi; id propter, quatenus Opiata spirituum intra cerebrum genesin impediunt aut imminuunt, eos forsan uberius ad membra genitalia divertit faciunt.



2. Opiū quæ  
pectoris mala  
producit.

2. Opiata præcordiis, & pectori inimica interdum existere, inde satis constat, quia pulsus, & respiratio- nem deprimunt, & diminuunt; quandoque item (prout supra ostensum est) vacillare, & sensim penitus cessare faciunt. Quare in febribus, ubi sanguis, insigniter depravatus, crisin-nullam aut non bonam habiturus vide- tur, simulque iste, spiritus regimini Animalī perpaucos tantum, & debiles suppeditat; narcotica fere semper ma- lefica, & quasi venena sunt. Nam quamvis in peste, & febribus malignis, donec pulsus & respiratio vigent, Theriaca, Mithridatium, & Diascordium immo, & Lau- danum sæpe cum fructu exhibeantur; attamen si quando in morbis istis, aliisque in febribus haud multum mali- gnis, functio vitalis languet, Antidotis istis celebribus parce admodum, fortioribus vero Opiatis non omnino utendum erit. Porro in tussi laboriosa, phthisi, pleuriti- de, empyemate, aliisque morbis Thoracicis, in quibus- cunque viz. natura ad illud quod molestum est, ac pe- ctus aggravat, subito excernendum incitatur, magnoque suo molimine urget; simulque respirationis organa, spi- rituum copia satis uberi destituta, vacillant, atque opus suum ægre, & difficulter peragunt; ab Opio haud minus quam Aconito abstinendum erit: nam in tali casu nar- cotica pondus amovendum augent, figuntque; atque partium, quæ istud amoliri debent, vires minuunt.

3. Et quæ in  
imo ventre.

3. Opiata intra coctionis viscera, aliasque ventris imi partes operari, iisque vario respectu sæpe juvamina in- signia conferre, supra ostendimus; attamen illa regioni huic non adeo semper amica, & benigna existere, quin & magnam quandoque noxam inferre, æque facile erit declaratu. Enimvero narcotica crebro assumpta facul- tati principi, sc. alimentorum Appetitui (à quo nutritio omnis, & vitæ radix dependet) nonnunquam valde in- juria sunt; utpote quæ hunc plurimum obtundunt, & non raro prorsus destruunt. Quippe cum spiritus, Tu-  
nicam



nicam ventriculi interiorum incolentes, à particulis Opiaticis stupefiunt aut perimuntur, ita, ut fibræ istæ nerveæ quantumvis inanitæ, non amplius corrugentur; proinde fames omnis cessat, atque alimenta minime appetuntur; quin eadem, stomacho oblata, quia molestant potius quam delicias exhibitura sunt, mox respuuntur. Porro ob eandem rationem ventriculi vis concoctrix sæpe debilitatur, atque tum hujus, tum intestinorum motus excretorii pigrescunt. Nam communis observatio est *ῥεγάδωσις* & Alvi segnitiam, medicinæ Opiaticæ familiares effectus esse.

Ex his non difficile erit præcepta, & cautiones medicas, circa rectum pharmacie Opiaticæ usum designare; quod equidem fiet, quatuor hæc sequentia observando; Viz. priusquam medicamen narcoticum exhibetur, perpendere oportet. 1 Cujusmodi sit patientis constitutio. 2 Qualis sit morbus quo laborat. 3 In quo statu spiritus Animales respectu functionis tum Animalis tum vitalis versentur. 4 Denique in qua conditione sanguis alique humores fuerint.

1. Quoad prius, quando hypnoticum indicatur, vide sis ne contra indicent Ægrotantis temperamentum, corporis habitus, vel indispositio, consuetudo, vitæ genus. E. gr. qui statura mediocri, corpore firmo, & quadrato, sanguine calido, aspectu vivido aut acri præditi sunt, medicinam istam melius ferunt, & sæpius cum emolumento sumunt; quâ insuper multo securius utentur, si prius eidem assueti fuerint: è contra autem ea minus convenit, immo interdum valde officit illis, qui obesi nimis, vel admodum graciles sunt, insuper qui aut rarioris texturæ spiritus facile dissipabiles, aut temperamenti frigidioris carnes molles, & flaccidas habent, atque indolis pigre & indocilis ex se hebetes, & somnolenti existunt; quibus scrupulus hic accedit, & reliquorum pondus auget, si medicinam istam prius nunquam experti sunt.

*Cautiones medicæ circa Opii usum.*

1. *Respectu constitutionis Ægroti.*

2. Morbi.



2. *Respectu morbi.*

2. Morbi natura, propter, vel contra Opiata magni interdum momenti est. In levioribus affectibus ( juxta Septalium ) Adulatoris medici est, eadem in usum ducere. Porro in quibusdam magnis aut vetatur iste, aut valde suspectus habetur. In Paralyfi, Vertigine, Incubo, Apoplexia, item in Orthopnoea, Hydrope pectoris aut abdominis, in membrorum stupore aut tremore, in febribus admodum malignis, inque intermittentium paroxysmis, aut aliarum crisi- bus narcotica sepiissime interdiciuntur. Porro in tussi cum sputo copioso, & crasso, Asthmate, & in quibusque aliis cum pulmonum oppressione affectibus thoracicis, inque passionibus hysteri- cis, aliisque convulsivis rarius, & non sine cautela, & prudentis medici consilio exhibenda sunt. Veruntamen in cephalalgia immani, catarrhis, colica, pleuritide, febribus ordinariis, in vomitu, dysenteria, in paroxys- mis nephriticis, arthriticis, & doloribus quibuscunque pharmacia Opiatica non modo conceditur, sed ad ipsam, quasi ad panaceam divinam, accurritur.

3. *Respectu spi- rituum Anima- lium.*

3. At quoties hæc proponitur, aut in deliberationem venit, insuper considerare oportet in quo tenore spiritus Animales cujusque ditionis præfides fuerint : nam si pauciores, vel oppressi jam jam concidunt, & vela sua non satis explicant; nequaquam certe à pharmaco amplius minui, aut consterni debent. Quapropter dum- modo facultates Animales quoad sensum, vel discursum non clare vigent, aut satis vegete se exerunt; aut cum pulsus & respiratio reciprocationum suarum vices non nisi debiles, item celeres, aut etiam solito tardiores, im- peditas, & inæquales habent; aut denique si membra, & partes motivas stupor, & enervatio cum languore insolito occupabit, pharmaciæ cuivis hypnoticæ omni- no supersedendum erit. Eandem vero in usum ducere non hæsitabimus, siquando ob graviores affectus indi- catur, simulque spiritus animales secundum hos alios- que



que respectus satis robusti existant, aut etiam expansi nimis, vel supra modum efferi, ac feroces evadant.

4. Interea tamen sanguinis, & humorum status haud negligendus est; quippe interdum iniqua, aut improba horum conditio, Opiata prorsus vetat, aut non nisi parcius, & cum restrictione quadam sumenda permittit. Sanguis eorum usus contra indicat, quatenus vel quantitate, vel qualitate, sive in crasi sua peccat. Quo ad priorem, latex cruentus vel superabundat, vel deficit; & utroque respectu pharmaciam narcoticam excludit. Primo enim si quando sanguis copia turgens, simulque in febre ebulliens, vasa immaniter distendat, adeoque præcordia ad eum ocissime, ne alicubi stagnet, aut exundet, circumpellendum cum systolæ vicibus celerrime repetitis summe adlaborant; tunc certe narcoticum exhibere, quo iste cordis labor & nixus ultimi ad vitam tuendam necessarij præpediantur, venefici potius, quam medici officium esset. Quare in sanguinis plethora, phlebotomia Opiatarum usui semper præmitti debet. Secundo nec minus malum à narcoticis imminet, quoties in sanguinis defectu, sive penuria, uti post magnas hæmorrhagias, longas inedia, aut diuturnas ægrotationes exhibentur: quippe, cum sanguinis rivus perexiguus est, & præ exiguitate vix continuus, ne fluxus ejus interrumpatur, & proinde cesset, cor pulsu admodum veloci agitatum velut nixibus duplicatis circumactionem ejus celerrimam molitur. Hinc obvium est concipere, quantam Opiata, quæ huic cordis molimini, tunc apprime necessario, sufflumen sive remoram imponunt, noxam inferant. Profecto ob hanc rationem videtur esse, quod mulieribus, mox à puerperio, lochiis copiose fluentibus, & quibusvis à libera sanguinis missione, aut immensis hæmorrhagiis, somnum interdiciamus; viz. ne cor, quibus sanguinis rivum diminutum ocius circumpellat, spiritus inter dormiendum

4. Respectu sanguinis, & humorum.



dum revocati destituant. Porro interdum sanguis qualitate ( five ut proprie magis loquar ) in Crasi sua peccans, Opiatarum usum contra indicat: quippe dum in cacochymia, aut febre, cruor recrementis plurimum refertus majori cordis nixu agitari, & velocius circulari debet, nempe ut particulæ heterogeneæ subjugentur, & cito evaporent; narcotici operatio interveniens, hæc præcordiorum molimina sufflammat, proindeque sanguinis lustrationem retardat, & nonnunquam frustratur.

Quod spectat ad alios humores recrementitios, intra ventriculum, aut intestina accumulari solitos, etiam hos per vomitum, aut secessum subduci, & expurgari oportet, priusquam Opiatum propinatur; fecus enim illic defixi, pertinacius hærebunt. Quippe fibræ sphlanchnicæ, à pharmaco stupefactæ, non uti prius irritantur; nec recrementis istis expellendis spasmos excretorios facile ineunt, aut vegete perficiunt: quare, juxta vetus præceptum, si quid evacuandum fuerit, ante pharmaciam Narcoticam evacuetur.



## SECT. VII. CAP. III.

*Opiatarum species, præparationes, & formulæ.*

**P**ost pharmaciam Narcoticam in genere nunc traditam, ejusque rationes, & operandi modos satis fuse explicatos, proxime incumbit medicamenta tali virtute prædita tum simplicia, tum composita recensere, & particulatim expendere, adeoque Opiologiam quandam instituere.

Itaque imprimis, juxta methodum à plerisque Authoribus observatam, remedia pro Anodynis habita, in binas hic classes, viz. prout fortiora aut debiliora existunt, distinguere visum est. Enimvero quædam ex illis plane narcotica non modo somnum præternaturalem cogunt, sed, cum occasio requirit, indolentiam, & stuporem, atque indebite exhibita non raro lethum accersunt; attamen alia hujus generis medicamenta perhibentur, quatenus spiritus excandescentes, non perimendo, aut stupefaciendo, sed tantum leniendo, & demulcendo in quietem allecant, & blande componunt.

*Medicamentorum Anodynarum distinctio.*

I. Ad priorem ex his (quæ proprie tantum Opiata sive Narcotica dicuntur) classem referri solent, Papaver tum album, tum erraticum, Hyoscyamus, Cynoglossus, Mandragora, Solanum, & quædam alia venenosa magis, adeoque nunquam medice præscribenda. Quorundum vero ex iis, non adeo insalubrium, radices, folia, flores, semina, & fucci inspissati, crebro sunt in usu, & maximo sæpe cum fructu (prout supra ostensum est) sumuntur. At vero, quandoquidem singula hæc quidquam toxicæ admixtum habent, idcirco non, prout in alia pharmaceutice, licebit modo hæc, modo ista indiffe-

*1. Narcoticorum recensio.*

R r

reter



*Papaver Al-  
bum.*

renter præscribere, sed tantum, quæ maxime tuta, & longa experientia comprobata sunt, experiri. Hinc demum mos obtinuit (à quo sine vitæ humanæ periculo recedere non licebit) ut papaver, ejusque præparata fere totius pharmaceutices Opiaticæ basis, aut complementum sint. Semina hyoscyami, atque radices, aut succus cynoglossi, hypnoticorum quorundam compositiones ingrediuntur: attamen, quoties somnum efficaciter, simulque tuto provocare studemus, tota medicinæ vis in Opio, aut Diacodio collocatur. Non opus erit Papaver album, ex quo hæc conficiuntur, hic describere, neque succi Opiatici extractionem, aut syrupi istius compositionem tradere; siquidem hæc omnia tum in veterum, tum recentiorum libris Botanicis, atque Antidotariis satis fuscè declarantur. Quod itaque superest, atque maxime ad propositum nostrum facit, Opii partes elementares exponere, indeque tum illius, tum Diacodii virtutes, & intoxicandi rationes eruere nitemur.

*Opii natura, &  
partes.*

Opii corpus integrum, & illibatum melius, quam spagyricè resolutum, quoad partes ejus constitutivas examinari, & dignosci potest: quippe si per ignem destilletur, propter sulphuris impuri copiam, empyreuma horrendum contrahit, simulque foetorem valde noxium diffundit. Attamen sensui obvium est, particulas sulphureas in hoc concreto abundare; quod etiam odor ejus teterrimus, & inflammabilitas manifesto declarant: & quamvis æque certum est, sulphuri huic particulas salinas adjungi, adeoque concretum hoc, his duobus una cum terra aliquanta potissimum constare, attamen cujus indolis, & in quo statu sal iste fuerit, definire non licet; tantummodo autem ab effectis statuere possumus, concretionem hanc sulphureo-salinam spirituum Animalium texturæ, quæ spiritusa, & salino



salino-volatilis est, omnino contrariam, & destructi-  
vam existere. Et quidem pluribus instantiis colligere  
datur, vim narcoticam in sulphure cum sale aculeato,  
( unde foetorem adeo tetrum acquirit ) latere; hujus  
enim naturæ sunt Papaver album, Mandragora, hy-  
oscyamus, Nicotiana, & cætera Opiata, quæ omnia  
graveolentiam fere similem, & inter olfaciendum spi-  
ritibus nostris valde ingratam, habent. Porro juxta  
quod spiritus Animales in variis corporibus texturæ  
nonnihil diversæ fuerint, idcirco Opiata fortius, &  
virulentius in aliquibus quam in aliis operantur. Tur-  
cæ ac Ægyptii, quibus ex adusto sanguine spiritus  
fixiores, aut minus volatiles procreantur, Opium im-  
punè, aut saltem absque vitæ periculo comedunt; non  
adeo Europæi, qui spiritus magis subtiles, & purio-  
res obtinent. Canes Opium in quantitate magna,  
absque sopore ullo, aut letho devorant. Dosis ejus  
perexigua felem è vestigio perimit; eo nimirum,  
quod hujus spiritus, admodum, salino-volatiles, sul-  
phur narcoticum non omnino sufferre possunt. At-  
que hinc est, quod gr. unica olei nicotianæ, hujus  
Animalis linguæ imposita, mox spasmos, & stupo-  
rem excitat; quibus illico mors succedit. Olim ca-  
ni gregario Opii panis offæ involuti ʒij. exhibitas vi-  
di: brevi postea valde ægrotans ille torpidus seu po-  
tius stupidus fiebat, atque difficulter, & laboriose su-  
spirans plane moribundus videbatur; deinde vero  
intra semihorulam, alvum cum foetore teterrimo, &  
maxime omnium quæ unquam sensi molesto, copio-  
se dejecit, & derepente sanus, ac vegetus evasit. Quod  
autem tanta Opii quantitas Animali huic minus no-  
cuerit, in causa forsan ex parte fuit ventriculi ejus  
fermentum insigniter acidum, à quo particulæ sul-  
phuris narcotici refringi, & aliquantulum subigi po-  
tuerint;

*Vis narcotica in  
quo consistit.*

*In omnibus non  
pari modo ope-  
ratur.*

*Canem non uti  
Felem aut Ho-  
minem lædit.*



*Hujus instantiæ  
quædam.*

tuerint ; adeoque propter hoc sulphur, à stomachi menstruo acido plurimum dissoluto, alvi dejectio summo opere foetida processit. Quippe de aliis corporibus observare est, dum acidum in sulphureum agit, foetorem ingratum excitari : Ita namque fieri solet, cum aqua stygia, aut spiritus vitrioli limaturæ ferri affunditur. Pariter item, cum spiritus aceti, lixivio Antimoniali committitur. Possim & multa alia hujus generis notare. At vero haud negandum est, Opii particulas in spiritus caninos operari, qui tamen fortius, quam aut hominis, aut aliorum quadrupedum spiritus, veneno narcotico resistunt ; prout ab historia modo citata liquet ; quatenus nempe cum torpor, & respiratio difficilis ac impedita, propter spiritus *ἑνκεφάλῃς* hospites narcosi affectos, oriri cœperunt, symptomata istæc, quamprimum fomes narcoticus per catharsin subducebatur, mox evanuerunt. Porro hujus sententiæ veritatem experimento Anatomico amplius confirmatam novi. Ante multos annos Opii tincturæ, in vino Canarino ad saturitatem factæ, circiter tres uncias in venam jugularem canis vivi transfusam vidimus ; vase composito canis solito more discurrebat, parum aut nihil affici aut immutari visus ; post quartam horæ partem parum obstupescere, caput nutare, & tandem somno obrui cœpit, cui tamen ne indulgeret, eum verberando, terrefaciendo, & in cursum urgendo cum aliquamdiu impediremus, demum affectione soporosa ita prorsus abacta satis sanus, & vegetus evasit : hinc ut constet virus Opiaticum adeo vel intra coctionis viscera, à fermentis eorum subigi, vel ab ipsis spiritibus animalibus resisti, ut non semper nec pariter in omnibus, aut hypnoticum, aut exitiale fuerit.

Quod spectat ad Papaveris albi capita, cum semini-  
bus,



bus, è quibus Diacodium, item decocta, emulsiones, aliæque confectiones hypnoticæ parantur; facile constat, hæc longe minus, quam concretum Opii succum, sulphure narcotico prædita esse; quodque hujus illis inest, multo purius atque innocentius existere. Quapropter remedia ex his composita sæpius, & securè magis exhibemus: Neque enim ad Laudanum fas sit ascendere, nisi quando præsymptomatum vehementia Diacodiata minus efficiunt. Porro cum hæc minus vi-  
*Diacodiata.*

Opium vero, raro admodum simplex, & per se præscribitur, sed vario, & diversimodo apparatu corrigi, & componi solet, quo Anodynon satis tutum evadat. Opium præparatio, aut simplex est, aut cum dissol-  
*Opium præparatio-  
nes.*

ventibus, & corrigentibus adjunctis. Prioris ratio fere tantum in hoc consistit, ut massa ejus in taleolas discissa, calori ignis, aut solis tamdiu exponatur, donec, sulphure narcotico ex parte evaporato, reliquum friabile, & minus graveolens fiat: cujusmodi præparatio ejus, plerisque aliis præmitti solet. Nam si-  
*Opium præparatio.*

ve Opium tincturam, extractum, aut confectionem molimur, prius hæc prævia exsiccat, & in pulverem redigitur. Porro huc referri debet fumigatio ejus cum sulphure, eodem sc. ritu quo Scammonium cicuramus: quippe vapor acidus à sulphure communi, dum efflagrat, ascendens, sulphuris utriusque alterius, tum narcotici, tum cathartici virulentiam subigit, aut multum infringit.

Opium præparationes cum adjunctis, seu potius compositiones ejus, plures ac diversimodæ existunt; quarum aliæ apud Antiquos, aliæ inter recentiores usita-  
*Veterum Opiata.  
recentiorum.*



tæ magis ac celebres fuere. Veterum Opiata maxime insignia sunt pilulæ de cynoglossò, Requies Nicolai, & Philonium, cujus ultimi quatuor habentur, sc. Romanum & Persicum (quorum usus etiam aliquatenus retinetur) atque Philonium Galeni, & Mesuæ.

Horum omnium descriptiones, in plerisque Antidotariis satis vulgo prostant, ut non opus sit eas hic repetere. Compositionum istarum maxime Anodynæ ratio, etsi fundamento erroneo innixa, quoad alium respectum satis rectaprehenditur. Quippe ex supposito falso, Opium in quarto gradu frigidum esse Philoniis, quæ plurimum ejus recipiunt, multa in eodem gradu calida, sc. Pyrethrum, Euphorbium, Piper album, & similia adduntur: quæ quidem Opii correctiva haud impropria existunt. Attamen non quatenus horum caliditas, illius frigiditate contravenit, (quippe revera non frigidum, sed calidum potius existit) verum acria istæ, sale volatili referta, Opii sulphur narcoticum perdomant, & virulentiam ejus infringunt.

*Laudana à recentioribus inventa.*

*Renodæus de Laudano.*

Neotericorum Opiata, propter talis pharmaci laudabilitatem vulgo Laudana dicuntur; quibus insuper à nonnullis, quia dolores tollunt, *Nepenthes* nomen imponitur. Quo tempore hæc primo innotuere Renodæus perquam ingeniose queritur, *Pseudo-medico- rum cohortem coortam esse, qui, pro pilolis de cynoglossò usitatissimis, confectionem Opiatam, Laudanum illis dictam, exhibent, qua non tantum semnum conciliare, sed morbos quosvis abigere pollicentur. Hujus (inquit) pharmaci nunc apud circulatorès adeo invaluit Encomium, ut nullus sit Empiricus, nullus tam hebes Medicafter, nullus vel plebeius Tonsor, qui se Laudanistam non profitetur.* Proculdubio hic mos,

ut



ut nō pessimus, ac in vitam humanam valde perniciosus, nondum exolevit. Quippe etiamnum apud nostrates, pseudochymicorum, & Agyrtarum non cohors, sed potius examen est: quorum unusquisque peculiare suum Laudanum jactat, quod in unoquoque morbo, ejusque statu temerarie exhibent, & si forte contigerit ægrōtāntem dormire, & rursus evigilare, protenus Jo canunt, & sibi gallum deberi clamitant; cum sæpe furcam potius mereantur, in quantum pulsu, & respiratione propter Opiatam intempestive exhibitam dejectis, non raro criseos, & curationis spes omnis frustratur: quare à Laudanistis illis imperitis ut sedulo caveatur, quibuscunque vita in pretio est, admoneri oportet.

Nec tantum Opiatarum usus, sed multo magis eandem inventio, & præparatio empiricis, & Agyrtis interdican- tur: enimvero Medici prudentis, & docti opus est, toxica ita temperare, ut non in venenum sed Antidotum cedant. Quapropter Laudana, non, nisi à peritis inventa & diu experta, in praxin admittantur; cujusmodi satis multa jamjam publice recepta, & probata extant, ut nihil opus sit nova *Laudana in forma extracti.* quotidie procudi. Laudana Antiquiora à Paracelso, Crollio, Quercetano, Hartmanno, aliisque Chymicis celebrioribus tradita, in plerisque item pharmacopœis descripta, tantummodo sub forma Extracti componuntur; in quibus omnibus pro base est Opii tinctura cum menstruo idoneo prolicita; cui tincturæ aliæ, sc. Croci, Castorei (quod Guianerus Opii Bezoar appellat) specierum Diambrae, & similium adduntur; adeoque omnes simul confusæ destillantur in balneo, ut menstruo avvocato, residuum ad mellis consistentiam redigatur; in cuius denique complementum, Magisteria, pulveres pretiosi, olea chymica, alia-  
que



*Laudana liqui-  
da.*

que pro cardiacis habita adjiciuntur: Pharmacum ita confectum in forma pilulari fere tantum exhibetur. Quamvis hujusmodi Laudana satis efficacia, & eleganter composita videantur, Neoterici tamen, formam nonnihil variantes, consistentiam eorum (quo melius possint in liquore quolibet assumi) liquidam fecere; cui accedit, quod cum Pilula Opiatica (haud minus propter nocumentum, quam commoda insignis) quibusdam terrori fuerit, dosis Laudani liquidi (si forsan patiente reluctante necessaria videatur) melius obscurari possit, atque alteri liquori affusa pro cardiaco potius, quam hypnotico cedat. Et quidem circa Opiatarum usus, ægroti interdum nimis, æque ac minus cautè existunt, adeoque sicut in uno casu admonendi sunt, ita in altero traduci ac falli debent. Pro Laudano liquido pariter ac solido conficiendo, pari fere ritu, Opii, & adjunctorum tincturæ seorsim extrahantur; quibus dein confusis, & mensuris ad medietatem avocatis, manebit pharmacum splendide rubescens; cujus dosis à ℥ss. ad ℥j. esse solet.

*Quod menstruum  
pro Laudano  
conficiendo, ma-  
xime idoneum  
est.*

Circa hæc utriusque generis Laudana, maxime interest cum quo menstruo Opii tinctura extrahitur; adeo, ut hæc res inter quosdam haud minoris notæ chymicos in magnam contentionem venerit; dum quidam illud frigidum supponentes, spiritu vini utuntur, aliique è contra ad refrænandum Opii calorem, ipsum in spiritu aceti, aut succo citri dissolvunt: profecto utrumque menstruum satis, & fere ex æquo convenit, dummodo in extractum redigatur: attamen si in forma liquida, nullum præstantius Opii solutivum occurrit, quam spiritus vini, sale tartari volatilifato imprægnatus. Hic namque massam ejus promissime dissolvit, tincturam instar rubini splendescentem recipit; porro sulphur narcoticum nonnihil sub-  
igit,



igit, ejusque graveolentiam tollit: revera sal tartari Opii correctivum optimum, seu potius antidotum, existit. Hinc Empirici cujusdam pilula Opiatica, in qua Opii dissolvens est sal tartari, oleo Terebinthinæ imbutus, usus non contemnendi habetur: compositioni isti additur pulvis Hellebori albi; verum ideo tantum, ut opinor, quia Paradoxi quidam asserunt, venena cicurata in medicamina præstantissima evadere.

A nuperis annis increbuit usus Laudani cujusdam *Laudanum Hel-* liquidum, cujus Author, Helmontius vulgo perhibetur: *montianum di-* pro menstruo recipit, succum Cydoniorum in fer- *ctum.* mentationem per flores cervisiæ concitum; cum hoc simul Opii, & Croci tinctura saturata extrahitur, quæ colata, & aromatisata, ad medietatem in balneo avocatur; dein residui pars usui servatur, estque Laudanum hoc liquidum: cujus dosis à gt. 15 ad 20. Pars altera destillatione ulteriori in formam pilularem redigitur, & à gr. j. ad ij. exhibetur. Opiatum istud liquidum, in affectibus dysentericis, sæpius cum felici successu exhibui: Laudanum vero nostrum liquidum, (quo sc. frequentius utimur) pro menstruo habet tincturam salis tartari, ad summam rubedinem longa digestionem evectam; cumque Opii tinctura per hanc extracta medicamenti basis sit, pro complemento addimus Crocum, Castoreum, Caryophyl. & lignum Aloes: dosis à gt. 15 ad 25.

2. Post papaver album, ejusque præparata Opiatica, dicendum sequitur, de sylvestri sive erratico, quod *Papaver errati-* certe virtutem quandam hypnoticam, sed longe mi- *cum; ejusque* tiorem & benigniorem, quam illud alterum obtinet; *præparata.* quare in quibusdam casibus eximie convenit, & circa usum ejus securiores esse licebit. Ex hoc syrupus, & aqua destillata parata in pharmacopoliis prostant, quæ



in febribus plerisque continuis sæpe cum fructu exhibentur, inque pleuritide, vi quadam specifica juvare creduntur; quia nempe dolores tollunt, atque pulsum nonnihil sufflaminando, sanguinis æstuationem febrilem deprimunt. Porro ex floribus hujus, in spiritu vini infusis, tinctura paratur, quæ apud Empiricos, & mulieres Beneficas, celebre medicamen est, & contra crapulam valere perhibetur. Cujus juvaminis ratio videtur esse, quod spiritus vini stomachi contenta à putrefactione vindicet, atque florum virtus narcotica febrem ingruentem præcaveat.

*Cynoglossus ejusque præparata.*

3. Exacta Mœconologia, in narcoticorum classe succedunt, Mandragora, Hyoscyamus, Cynoglossus, Nicotiana. De binis prioribus, quia in usum medicum vix omnino (exceptis hyoscyami seminibus) recipiuntur, non est, ut verba faciamus; Cynoglossus vero odorem plane soporiferum spirans, indolem suam narcoticam aperte profitetur, & formæ pulchritudine ad seipsum assumendum nos ultro quasi invitat: est enim planta perelegans, folia habens mollia, & grate virentia; floribus puniceis, & amænissime purpurascentibus coronatur: Pulvis radicum ejus ingreditur ac denominat antiquum & celebre istud Opiatum dictum pilulæ de Cynoglossio: succus ex tota planta, circa initium veris collecta, expressus, & digestionem clausa & calida depuratus, & à fœcibus decantatus, liquorem exhibet clarum, & instar rubini splendide rubescentem. Hic usurpari potest vel pro menstruo ad componendas alias confectioes narcoticas; vel syrupus hypnoticus ex eo paratur; vel denique blande evaporatus in extractum redigitur, ex quo, sicut ex Opio, cum idoneis menstruis tincturæ, & extracta conficiuntur.

Narcoticorum agmen claudit, & inter ea jure locum



cum vindicat Nicotiana; quamvis enim eorum com-<sup>Nicotiana.</sup>positiones minime ingrediatur, attamen fumus ejus per tubulum haustus eundem sæpenumero, quem illa, effectum producit: quinimo, quod magis mirandum est, non modo ipsum somnum, sed quandoque contrarium ejus, nempe vigiliam accersit. Non est ut instituti hujus originem, aut morem, communissime notum, utpote ab hominibus cujusque sexus, ætatis, & conditionis usitatum, describere facebam: profecto quod Opiatis illud accenseam ideo est, quoniam fere idem apud nostrates, quod Opium apud Turcas, præstat: utraque nimirum spiritus animales motu quodam inassueto afficiendo, & velut attonitos reddendo, absque magno molestiæ aut lassitudinis sensu, ad quodvis agendum aut patiendum disponit. Quapropter Nicotianæ fumo, juxta morem vulgarem ore sus-<sup>Fumi suctionis  
hujus effectus.</sup>cepto, virtutes & effectus non solum multiplices, sed diversimodi, immo (sicut jam diximus) contrarii, & sibimet invicem repugnantes ascribuntur. Quippe vulgo dicitur nos infrigidatos sive algentes calfacere, atque æstuantibus refrigerium præbere; somnum inducere, aut abigere; pariterque famem atque sitim restringere, aut excitare: quorum omnium ratio in eo consistit, quod spiritus Animales ab enthy- miamate hoc blande agitati, & velut in choreas quas- dam conciti, ad molesti cujusvis appulsus plane ob- surdescunt; immo quicquid difficile ab iis agendum, aut patiendum incumbit, insensiles fere ac impertur- bati obeunt: quapropter militibus, & nautis Tabaci usus (ubi congruet) non modo utilis, sed pæne ne- cessarius videtur; in quantum sc. utrosque illos, ad pericula quævis intrepidus, atque famis, frigoris, & laboris patientes reddat. At vero fumum hunc val-<sup>Et rationes.</sup>de narcoticum, & spiritibus (priusquam crebra assue-



tudine iis familiaris evasit) valde infestum esse; inde constat; quoniam à primo ejus tentamine, & usu; nullus fere est, qui non maximas in cerebro, & genere nervoso perturbationes patitur. Si quando enim ad potationem hanc siccam quispiam initiatur, mox quasi ebrius vertigine, & scotomia afficitur; dein vomitio immanis, & non raro purgatio succedit; vacillant pedes, tremunt manus, lingua balbutit, aut delira loquitur. Non raro item sudor frigidus, & lipothymia terribiles sequuntur; quorum omnium causa est, quod spiritus Animales à sulphure narcotico velut intoxicati, in toto regimine suo, distrahuntur plurimum, inque *amplius* adiguntur; nec tantum prima aut secunda vice, verum ab initio sæpissime perquam diu est, priusquam Tabaci fumus, sine magna spirituum confusione hauriri potest. Quamprimum vero mos iste cuiquam fit assuetus & familiaris, etiam gratissimus evadit; & cum tanto lenocinio spiritus Animales captat, ut nonnulli cibo, aut potul citius, quam usul ejus interdici mallent. Cujus ratio est, quod fumi-suctio ista, spiritus Animales uspiam segnes, & desides, blande exsuscitans, & quasi titillans, in motus lenes, & expansivos, quibus mire tanquam à vini potu recreantur, ciet.

Hæc de Narcoticis præcipuis, eorumque præparatis, ac utendi modis, quorum omnium census ad vegetabilium genus spectat: attamen ut putetur mineralia nihil non efficere posse, etiam ex durioribus hisce concretis quidam Opiata præstantissima, prorsus sine Opio, se parasse venditant. Quercetanus ex vitrioli sulphure narcotico, atque oleo solis, & lunæ, cumque tinctura coralliorum, aliorumque cordialium insignium, Nepenthen quoddam, ad dolores, & languores omnes tollendos adprimè efficax, conficiendum



endum præscribit: cuius medicamento tantum abest  
 me virtutes admirari, ut potius existimem, sulphur  
 ac olea ista metallica aut revera non esse, aut parum  
 vel nihil posse: itaque his post habitis ad narcotica  
 genuina & realia reversi; demum coronidis loco, eo-  
 rum selectas quasdam formulas subjiciemus: quas in-  
 super in classes quasdam digeremus, juxta quod O-  
 piata pro basi sua vel *papaveris erratici syrupum* aut *aquam destillatam*, vel *Diacodium*, vel *Laudanum ex-*  
*tractum*, aut *liquidum*, vel *pilulas de styrace* vel de Cy-  
*noglossa*, vel denique *Philonium* habeant.

Compositionum  
 narcoticarum  
 Bases.

Rx *Aq. Papaveris erratici, Paralyseos ana ℥vj.* 1. *Aq. & Syrupus*  
*Syrupi papaveris rhead. ℥ij. salis prunellæ 3ß. misce,* *papaveris Rhe-*  
*f. Julap. dosis ℥iij. vel iiij. ter in die, in pleuritide,* *ad.*  
*doloribus, ac vigiliis sine febre, aut causa manifesta.*

Rx *Aq. Papaveris, ℥iiij. ad vj. sumatur interdum*  
*per se bis aut ter in die propter easdem intentiones.*

Rx *Diacodii 3ß. ad ℥vj. Aq. paralyseos ℥iij. Aq. Theriacalis ℥iij. f. potio.* Potiones.

Rx *Aq. Cardui ℥iij. Diacodii 3ß. sp. C. Cervi*  
*℥ss. ad ℥j. f. haustus ad somnum, & sudores pro-*  
*vocandos.*

Rx *Diascordii 3ß. pul. Gascon. ℥j. Diacodii ℥ij. mi-*  
*sce, sumat. è cochleari.*

Rx *Diacodii ℥iij. Aq. Limacum ℥j. misce. Convenit*  
*in tussi, & phthysi: dosis cochl. j. hora somni, & si opus*  
*fuert, repetatur post mediam noctem.*

Rx *Laudani Londinensis gr. j. pul. è chelis compos.* 2. *Laudanum*  
*℥ss. ad ℥j. cum q. s. syrupi caryophyl. f. pil. 3ß. sumendæ* *extractum.*  
*hora somni.*

Rx *Laudani gr. j. pil. stomach. cum gummi, 3ß. f. pil.* Pilulæ.  
*iiij. sumend. hora somni, in Colica.*

Rx *Laudani gr. j. ad 3ß. Diascordii ℥j. f. bolus,* Bolus.  
*loco*



loco *Diascordii* add. confect. *Alchermes* vel de *Hyacinth.*

*Haustus.*

Rx *Laud.* gr. j. dissol. in *cochl.* j. *Aq. Theriacalis*, adde *aq. paralyseos* ℥ij. f. haustus.

3. *Laudanum liquidum Tartarizatum.*

Rx *Laud.* nost. liquidi *Tartarizati*, gt. 20, detur in *cochl.* j. *Aq. Mirab.* vel *Cinnam.* aut cujusvis alterius idoneæ: Convenit in doloribus colicis, nephriticis, aut arthriticis.

Rx *Specier. hieræ* ℥ss. *Laudani* ejusdem gt. 20, f. pil. iiij. sumantur hora somni ad purgand. simulque dolores sedand. in Colica.

4. *Laudanum liquidum Cydoniatum.*

Rx *Laud.* liquidi *Cydoniati* gt. 15 ad 20, detur in *cochl.* j. *Aq. Cinnam. tenuis*, ad effectus dysentericos.

Rx *Cons. rosar. rub.* ℥j. *Theriace Androm. confect.* de *hyacintho ana* ℥ij. *pul. Pannonici rub.* ℥j. *Laud. Cydoniati* ℥ij. *Syrupi e coralliis q. s. f. confect.* dosis ℥j. quarta vel quinta quaque hora in *Dysenteria* valde cruenta, cum torminibus.

5. *Pilule de styrace.*

Rx *Pil. de styrace* gr. v. ad vj. *lactis sulphuris* ℥ss. *olei Anisi* gt. j. *balsami peru.* q. s. f. pil. iiij. in tussi *Asthmate*, &c. sumend.

Et de *Cynogloss.*

Rx *Pil. de Cynogloss.* gr. vj. ad viij. f. pil. ii. devorand. hora somni, propter easdem intentiones.

6. *Philonium.*

Rx *Philonii Romani* ℥j. ad ℥ij. *conser. Caryophyl.* ℥ss. misce, f. Bolus sumendus hora somni. Convenit ad Colicam, in temperamento frigid.

*Medicamentum Antihypnoticum*

Post remedia narcotica modo satis fuse explicata, proxime dicendum esset, de medicamentis mere Anodynis: quæ viz. spiritus Animales quovis modo perturbatos, aut excandescents, non profligando, aut stupefaciendo, sed tantum leniendo, & demulcendo in quietem allectant, & blande componunt. Attamen circa horum  $\tau\omicron\sigma\pi$ , utrum talia revera existunt? manifesto constare



constare oportet, priusquam ~~ad~~ <sup>et</sup> ~~dis~~ <sup>dis</sup>quisitio instituitur: præterquam enim hoc, quod Fodus, Cataplasmata, Linimenta, exterius exhibita, atque Enemata intestinis injecta dolorem quandoque sedant, nullum alium effectum ab ejusmodi mere Anodynis, saltem quando intus ore assumuntur, præstari novi: quare super his, quibus pro somno conciliando, aut torminibus quando atrociter urgent sedandis minime fiendum sit, haud operæpretium videtur Ætiologiam quamvis contexere.

At vero cum hætenus de Opiatis, earumque præparatis, & operandi modis ita plene disseruimus: juxta methodum superiorem, de medicamentis hisce contrariis, sive Antihypnoticis, quæ viz. somnum nimis urgentem arcendo, nos vigiles reddunt, modo tractandum sequeretur; nisi quod olim in cerebri pathologia (ubi de Lethargo aliisque affectibus soporosis, eorumque remediis agitur) pensum hoc omnibus fere numeris absolutum peregerim; ita ut non opus sit eadem hic repetere. Quandoquidem vero tum ibidem, tum aliis in locis, liquoris cujusdam Coffee dicti ad *Potus Coffee.* narcosin pellendam summe efficacis, frequens à nobis mentio facta est; haud omnino ex re fore videtur de potu hoc, ejusque effectibus, & agendi rationibus (quas alibi innuimus) pauca quædam amplius hic subjungere. Circa Antiquitatem, & communissimum ejus modo apud Turcas, & olim Arabas, aliosque orientales usum, extra propositum nostrum esset hic differere: quandoquidem vero à nuperis annis, hic potus etiam inter nostrates in morem abiit, & virtutem ejus pro somno abigendo fere nullus est quin experimento facto satis efficacem persentit; idcirco in effectus hujus satis *Effectus ejus.* noti, & experti rationes modo inquiramus. Hujus Ætiologiam (in capite de Pervigilio) diximus, in eo



*Ætiologia tradi-  
tur.*

eo consistere, quod potus iste particulas adustas ( quibus abunde sensu tum gustus, tum olfactus indice, scatur ) mox sanguini, & dein succo nerveo insinuat, quæ proinde tum incongruitate, tum mobilitate sive inquietudine sua, & cerebri exterioris poros usque apertos detineant, & spiritibus copula quavis alia, & torpore exutis œstra quædam, ac stimulos, à quibus ad munia sua diutius obeunda excitantur, addunt: enimvero ad somnum ineundum, hæc duo necessario requiruntur, quorum modo unum, modo alterum in efficiendo prius ac potius existit. Nimirum oportet cerebri exterioris, sive corticis ejus poros, & meatus omnes à liquore ibidem, à sanguine velut extillato, ac inundante inferciri plurimum, ac impleri, proindeque occludi; dein præterea ad affectum istum acciendum, opus est, ut spiritus Animales poris, & meatibus illis exclusi, ac insuper particulis nutritiis, & serosis sæpe onusti, versus cerebri meditullium se recipiant otio induturi. Circa hæc pensa ad somnum requisita non semper unus, idemque ordo est. Quandoque enim spiritus Animales primo, & sponte sua istæc spatia derelinquunt, succo nerveo in eadem inanita mox irruente; interdum vero humor nerveus cum sero uberius suffusus, meatus istos primo invadit, spiritus exinde licet invitos propellens, ac intus cogens.

At vero operatio *Coffee* utrisque his effectibus contraria videtur. Non statim à potu ejus, particulae adustæ, summe agiles, ac impigre, in sanguinem delatæ, liquorem ejus nonnihil fundunt, seroso latice versus renes, & habitum corporis detruso; porro illæ cerebrum adpellentes, poros ejus facillime aperiunt, quos, & mobilitate sua valde apertos detinent; dein spiritibus illæ accrescentes, eos particulis quibusque aliis tum gravativis, tum nutritiis denudant, adeoque leves, & pernices  
ubique



ubique in motus cient, atque per totum cerebri ambitum oppletionem gravi, & obstructione liberum, expandi faciunt.

Interea tamen, dum spiritus ad hunc modum jugiter, ac indefessim exerciti, succi nervei accessu, & assimilatione privantur, copiam illorum haud satis, ac solito more instaurantur. Spiritus quidem veterani agiliores, ac im-<sup>Commoda ejus ac incommoda notantur.</sup> pigri magis redduntur, at novorum subsidia minuuntur. Hinc ut facile constet, potum hunc communissimo licet in usu, ac in quibusdam casibus valde utilem, & adprime medicum, in aliis forsan noxium aut minus salutarem existere. Ita quidem rem habere, non tantum ratio, sed & vulgaris observatio passim dictitat; in quantum *Coffee* potatores nimii; macilenti, sæpe numero item paralyti, atque veneris impotentiae obnoxii, evadunt. Prior effectus ita frequens & passim notus est, ut pluribus *Coffee* potum ideo tantum interdixerim, quoniam ad macilentiam disponit.

Quippe cum sanguis ex assiduo, & nimis crebro ejus usu acris, & magis retorridus fiat, proinde ad nutriendum minus habilis existit. Quoad cerebri autem & nervosi generis affectus, existimo me ad eos interdum curandos, hunc potum adeo frequenter præscribere, ut non alius quispiam magis: quippe ad Tabernas, ubi venditur iste, Ægrotantes quosdam potius quam ad pharmacopolia ablegare soleo.

Profecto in morbis, & ægritudinibus plerisque cephalicis, viz. Cephalalgia, vertigine, lethargo, catarrho, & similibus, ubi cum pleno corporis habitu, & temperamento frigido, aut minus calido, atque sanguine aquoso, adsint cerebrum humidius, at spirituum Animalium segnities, & torpor; potus *Coffee* magno sæpe cum fructu sumitur: nam assidue haustus utramque animæ partem mire clarificat, & illustrat, atque functionum

T t

quarum-



quarumcunque nebulas omnes dispellit: verum è contra, qui graciles, & temperamenti biliosi aut melancholici, sanguinem acrem, aut retorridum, cerebrum calidius, atque spiritus animales nimis incitados, & irrequietos habent, à potu isto prorsus abstinere debent; utpote qui tum spiritus, tum humores magis pervertit, & functionibus quibusque obeundis inhabiles prorsus, simulque impares reddit. Observavi enim multos spirituum copia haud satis uberi præditos, ac insuper cephalalgia, vertigini, palpitationi cordis, artuum tremori, aut stupori obnoxios, à potu *Coffee* illico deterius habuisse quoad istos affectus, & statim in toto corpore languorem insolitum persensisse.

---

E I N I S.

---



# I N D E X

## ALPHABETICUS.

### A.

- A** Lexiteria sanguinis compagem nimis laxam, aut solutam restituit. P. 242
- Eorum formulæ. p. 257
- Antimonium crudum non vomitum ciet. p. 60
- Antimonii vitrum, flores, crocus, sulphur. p. 61
- Una cum præparationum eorum Ætiologiis. p. 62. 63
- Antimonium Diaphoreticum. p. 210
- Cerussa ejus. ibid.
- Aptitudo ad captandum frigus. p. 221
- Affectus hujus descriptio, instantia, & Ætiologia. p. 222
- Ratio formalis, & causa ejus. p. 225
- Curatio. p. 226
- Arteriæ habent fibras musculares, & moventur sicut Cor. p. 266
- Etiam spasmis afficiuntur. ibid.
- Arteriæ descriptio Anatomica. p. 279
- Astringentia in Diabete parum juvant. p. 177
- Aurum vitæ. p. 71

### B.

- Bellinus Renum ductus per quos serum secernitur primus notavit. p. 138
- Bezoarticum minerale, ejusque Ætiologia. p. 208
- Bilis in Dysenteria Londinensi rarius ejicitur. p. 119
- Bovii Vomitorium, Hercules dictum. p. 72

### C.

- Cardiaca, & Alexiteria, p. 237
- In sanguinem, & spiritus agunt, potius quam in cor. p. 283



## I N D E X

Cardiaca sanguinis accensionem moderantur, aut augent.	p. 240
Eorum formulæ.	p. 256
Catharseos tres velut gradus.	p. 96
Cathartica quomodo operantur intra ventriculum.	p. 91
Quomodo intra duodenum, & tenuia intestina.	p. 93
Illorum actio in porum biliarium, ductum Pancreatis, Glandulas, & Arteriarum oscula.	p. 94
Eorundum actio in sanguinem.	p. 95
Non per attractionem, aut electionem operantur.	p. 97
Eorundum differentia, & rationes notantur.	p. 98
Cathartici virtus à quibus particulis dependet.	p. 102
Cathartorum species, & formulæ.	p. 104
Raro è mineralibus, sæpissime è vegetabilibus desumuntur.	p. 105. 106
Præparatione chymica minime egent.	p. 107
Cathartorum formulæ sc. potiones, pilulæ, pulveres boli, morsulæ, vina &c.	p. 108. 109
Cervisia, & Vina medicata.	p. 111
Coffee potus, ejusque effectus boni, & mali notantur.	p. 329. 330
Cordis Palpitatio quid sit.	p. 260
Ejus descriptio & Ætiologia.	ibid.
Cynoglossus ejusque præparata.	p. 322

## D.

Diabetis descriptio ejusque Ætiologia.	p. 165
Diabetem spasmodici affectus præcedunt, aut sequuntur.	p. 169
Ab Hydrope quomodo differt.	p. 170
Ejus causa, & symptomatum rationes.	p. 171. 172
Diabete laborantium quare urinæ dulcescunt.	p. 173
Morbi	



# A L P H A B E T I C U S.

Morbi hujus curatio , cum medicamentorum formu- lis.	p. 175. 176
Curationis Historia.	ibid.
Diaphoresis nimia ac depravata.	p. 216
Affectus hujus descriptio ac Ætiologia.	p. 217. 218
Diaphoreticorum materies, & particulæ quales esse de- bent.	p. 195
Eorundum rationes, & operandi modus.	p. 196
Diarrhæa symptomatica.	p. 118
Diuresis quomodo à Diaphoresi differt.	p. 236
Diuresis nimia ejusque remedium.	p. 164
Diuræticorum distributio quoad fines, materiam, & for- mam.	p. 164
Diversimoda existunt juxta quod pro basi habent salem volatilem, fixum, acidum, Alchalisatum, aut nitro- sum.	p. 152. 153
Singulorum rationes traduntur.	p. 156. 157
Dysenteria Londinensis, ejusque duæ species.	p. 119
Sc. Aquosa, & cruenta.	ibid.
Prioris descriptio, causæ, & curatio.	p. 120. 121
Medicamentorum formulæ.	ibid.
Morbi Ætiologia.	p. 122
Quare in Autumno desævit, & in hac urbe endemia est.	p. 123
Ejus causæ remotiores.	p. 125
Dysenteria cruenta describitur.	p. 126. 127
Methodus medendi cum medicamentorum formulis pro- ponitur.	p. 128
Morbi Ætiologia.	p. 129
Differentiæ ejus.	p. 130
Indicationes curativæ.	p. 131
Curationum Historiæ.	p. 132. 133
	Electuaria



# I N D E X

## E.

- Electuaria purgantia. p. 110  
 Emetica stybiata quomodo operantur. p. 66  
 Emetica Mercurialia quomodo agunt in corpore nostro. p. 67  
 Ἐπίδρωσις ob quas causas, & occasiones excitari solet. p. 183  
 Experimenta de liquoribus chymicis sanguini calenti affusis. p. 144  
 Extracta cathartica resinosa quomodo parantur. p. 107  
 Extractum Hellebori nigri. p. 114

## F.

- Figurae earumque explicationes quibus Ventriculus, Oesophagus, Intestina, eorumque partes, & contenta exprimuntur. p. 32. 34. 35  
 Flatus natura, & quomodo in visceribus gignitur. p. 84. 85  
 Flores salis Armoniaci. p. 210  
 Quomodo ab aliis spiritibus acribus differt. p. 211  
 Fuliginis spiritus. p. 212

## G.

- Galenus Arteriae quatuor tunicas recte assignavit. p. 279  
 Glandulae densissimae Tunicas interiores Ventriculi, Oesophagi, & intestini obsident. p. 13. 26. 32  
 Pariter fere in Arteriis habet. p. 282  
 Guaiaci spiritus una cum Aetiology. p. 213  
 Ejus resina. p. 214

## H.

- Helmontii laudanum. p. 321  
 Hercules Bovii, cum Aetiology ejus. p. 73. 74  
 Humorū præparatio ante purgationem, haud necessaria. p. 100  
 Hydrotica



# A L P H A B E T I C U S.

Hydrotica sunt spirituosæ, vel salinæ.	p. 197
Eorum species ac formulæ.	p. 199
Quæ pro basi habent mixti partes integrales, vel elementares.	p. 200
Utriusque species, & formulæ recensentur.	p. 101. 202
Hydrotica salina varii generis.	p. 205
Hypercatharfeos causæ, & curatio.	p. 116
Hypnotica medicamenta.	p. 285

## I.

Iliaca passio sæpissime in intestinis crassis oritur.	p. 32
Intestina duplicia sunt, crassa, & tenuia.	p. 24
Priorum fibræ, connexiones, & dimensiones,	p. 25
Nec non Tunicæ, Vasa, cum singulorum usibus describuntur.	p. 26. 27
Crassa intestina describuntur.	p. 31
Intestinorum motus excretorius, per quas fibras, & quibus stimulis perficitur.	p. 88
Quot, & quales humores educit.	p. 90
Ischureticorum species, & formulæ.	p. 176

## L.

Lactis coagulatio quo ritu fiat, & quibus modis inhiberi, aut tolli possit.	p. 142
Singulorum rationes traduntur.	p. 143
Lactis fusio & reductio varias sanguinis alterationes illustrant.	p. 144
Laudana opiata.	p. 318
In forma solida, & liquida parantur.	p. 320
Laudanistarum mala.	p. 319

## M.

Medicinæ initia, & progressus.	p. 1. 2
Medicamenta Anodyna, eorumque distinctio.	p. 313
Hydro-	



# I N D E X

Hydrotica.	p. 199
Cardiaca, & Alexiteria.	p. 237
Antihypnotica, eorumque rationes.	p. 327
Mercurius vitæ cum Ætiologia ejus.	p. 65
Mercurius præcipitatus per se, solaris, communis, cum singulorum Ætiologiis.	p. 68. 69
Sublimatus & corrosivus, & dulcis, cum eorum Ætiologiis.	p. 112. 113

## N.

Narcotica quo ritu spiritus Animales afficiunt.	p. 286
Quomodo in cerebrum operantur.	p. 288
Quomodo in ventriculum.	p. 289
Quomodo in cerebellum.	p. 292
Narcoticorum bona sive emolumenta recensentur.	p. 292
Hæc aut spiritus, aut sanguinem, aut alios humores respiciunt.	ibid.
Quomodo dolorem sedant absque somno.	p. 294. 295
Quo ritu spasmos sistunt.	p. 297
Qua ratione in calculo, & Arthritide juvant.	p. 300
Quomodo urinas, & sudores movent, & quare Alexiteriis accensentur.	p. 301
Narcotica nocent capiti, pectori, & visceribus.	p. 305
Singulorum modi, & rationes, exponuntur.	p. 307. 308
Nepenthe.	p. 318
Nervi Arteriis inserti quibus usibus inserviunt.	p. 265
Nicotiana, ejusque fumisuctionis mos, & effectus.	p. 323 324

## O.

Oesophagi descriptio.	p. 7
Tunicæ ejus.	ibid.
Operationum medicinalium Ætiologia utilis est, sed desideratur.	p. 2
Loca & subjecta notantur.	p. 3. 4. 5
	Operatio-



# A L P H A B E T I C U S.

Operationis Emeticæ modus, ratio, & accidentia. p. 51  
 Opiata in quibus locis operari incipiunt. p. 288  
 Quomodo in cerebro, ventriculo, aliisque locis operatio-  
 nes suas edunt. p. 289, 290  
 Ea non sanguinem uti spiritus Animales venenant. p. 291  
 Eorum effectus tum boni tum mali. p. 292  
 Opii nocumenta, & cautiones circa usum ejus. p. 304  
 Opium in omnibus haud simili modo operatur. p. 315  
 Opiologia, & contenta ejus. p. 286  
**P.**  
 Passio Cardiaca. p. 260  
 Papaver erraticum ejusque præparata. p. 322  
 Pharmacia tria præcipue consideranda continet. p. 5  
 Pharmaciæ subjecta immediata sunt spiritus, & humo-  
 res; mediata sunt fibræ, & membranæ. p. 6  
 Pilulæ purgantes. p. 109  
 Pulveres purgantes. p. 110  
 Pulsus intermittens una cum Ætiologia ejus. p. 276  
 Primarum viarum descriptio. p. 6  
 Quæ sunt Oesophagus, ventriculus, & intestina. ibid.  
 Purgatio quid sit. p. 83  
 Purgantia quos humores educunt. p. 90  
 Purgantia operantur tum irritatione in primis viis; tum  
 fermentatione in sanguine, & humoribus. p. 91  
 Purgationis Elateriæ mala. p. 92  
 Ejus notabilis instantia. ibid.  
 Pylori descriptio, & usus. p. 121

## R.

Remedia Cardiaca, & Alexiteria. p. 237  
 Renum structura, & usus notantur. p. 139  
 Resina Jalapiæ, & Scammonii. p. 113

## U u

## Sal



Sal Prunellæ, five CrySTALLUM minerale.	p. 158
Sal vitrioli, & Ætiologia ejus.	p. 60
Sal succini.	p. 163
Sal Tartari pro Tincturis Catharticis quantum valet.	p. 107
Sanguinis alterationes qualem cum lactis fusione & coagulatione analogiam gerunt.	p. 144
Sanguinis compages nimis stricta, qualia remedia requirit. Viz.	p. 243
Imprimis salina, eaque varii generis, & status.	p. 244. 245
Seri à sanguine secretio in excessu vel defectu peccat.	p. 145
Somni, & vigiliæ vicissitudo, ad vitam necessaria est.	p. 285
Stomachus quo ritu à Cardiacis afficitur.	p. 248
Spiritus nitri.	p. 159
Spiritus salis marini: ejus conficiendi modus compendio- sus.	p. 160
Spiritus Urinæ.	p. 161
Sudationis ratio, & causæ.	p. 182
Ejus materies tum elementaris, tum humoralis.	p. 185
Ejus requisita five conditiones.	p. 187. 188
Sudorifera Cardiacis sunt affinia.	p. 174
Sudor Anglicus.	p. 230
Descriptio, & Ætiologia ejus.	p. 233
Symptomatum rationes.	p. 234
Diabeti, & Dysenteriae Incruentæ affinis est.	p. 254
Sulphur five oleum vini.	p. 163

T.

Tartari spiritus.	p. 215
Tinctura ejus, ejusque Ætiologia.	p. 162
Transpiratio cohibita quomodo sudorem excitat.	p. 191
Tremor cordis.	p. 269
Ætiologia ejus, & curatio.	p. 270. 272
	Non



# A L P H A B E T I C U S.

Non à vaporibus oritur.	p. 274
Tunicæ quibus Oesophagus, Ventriculus, & Intestina prædita sunt.	p. 7
Tunicæ Oesophagi quibus usibus inserviunt.	p. 11. 12
Ventriculi quot sunt, & quibus usibus inserviunt.	p. 12
Turbith minerale.	p. 70
Tympanitis causa innuitur.	p. 15

## V.

Ventriculi plicæ, & rugæ quomodo nascuntur, & quibus usibus inserviunt.	p. 15
Ventriculi fibræ carneæ: earum ordines,	p. 17
Nec non munia, & usus.	p. 18
Quibus & quot modis, & propter quos instinctus contrahuntur.	p. 19
Ventriculi orificia describuntur. Quibus nervis, & plexibus nerveis instruuntur.	p. 20
Ventriculi quæ vasa, & quomodo distributa, & quibus usibus inserviunt.	p. 22. 23
Ejus paralyfis ut curanda.	p. 82
Vomitio quid sit.	p. 37
Quomodo Ventriculus, & Oesophagus in ea afficiuntur.	ibid.
Est motus convulsivus.	p. 38
Ab aliis spasmodis, & à catharsi differt.	p. 39
Quot & quibus modis, & ob quas causas excitari solet.	p. 40. 41
Vel Idiopathica, vel Sympathica est.	p. 42
Hujus varii casus & causæ notantur.	p. 43. 44
Singulorum rationes explicantur.	p. 45. ad 47
Vomitiva quo pacto operantur.	p. 48
Alia fortiora alia mitiora.	p. 49
Qualem, & quotuplicem materiem utraque educunt.	p. 50



# I N D E X

Non virtute specifica, nec in peculiarem humorem agunt. p. 54

Eorum species, & formulæ. p. 59

Chymica parantur ex vitriolo, Antimonio, vel Mercurio. ibid. ad p. 65

Vomitionis nimix remedium. p. 76

Affectus hujus species, & causæ variæ notantur. p. 77

Curatio ejus cum medicamentorum formulis describitur. p. 80. 81

Urinæ materies, & secretionis modus. p. 137

Potissimum a sanguine procedit, a quo modo facile, modo  
ægre secernitur. p. 141

Urinæ secretio per lactis fusionem, coagulationem, & re-  
ductionem optime explicatur. ibid.

F I N I S







